

衷中參西錄增廣第五期

增加
六萬餘言

卷上

醫學繫乎人身之安危原非空談玄理也是以著醫書者當以理想爲起點以事實爲究竟凡心有妙悟必先驗諸臨證之際屢試屢效而後筆之於書公諸醫界迨醫界亦用其書屢效而後可傳諸異禩永爲醫界法程余嘗持斯心以盱衡醫界著述諸家故於新出之書最喜披閱已不下百餘種矣乃忽於漢皋友人處得見衷中參西錄披閱數篇見其立方之奇析理之精洵堪爲醫界偉人蓋數百年來無此作矣乃急觀著者原係同宗詳審地址更係同郡因僕常宦遊在外故郡有名醫不知也何幸生平所期望者竟於壽甫宗兄之著作得償也蓋先生爲鹽山名士素懷濟世之心而抱負莫展於斯幡然改計藉醫藥活人以遂其利濟之懷此范文正公不爲良相必爲良醫之義也向著醫學衷中參西錄出版四次每次增加山西醫誌稱爲第一可法之書紹興醫報稱爲醫家必讀之書奉天醫誌載高麗人稱爲至貴至寶之救命書今又集其十餘年各省登醫學誌報之論細加修整訂作八卷爲衷中參西錄五期凡醫家難治之證若肺病噎膈霍亂鼠疫腦充血等證莫不融匯中西參以己見立有妙論專方用之必效而又時參以哲學兼爲養生家指明方針此誠爲醫界中別開一新紀元也

同宗弟樹筠相臣氏敬序

題詞

自命生平原不凡良醫良相總空談
軾軻無得胸懷闊遭際常憐國運艱
憂世心從灰後

熱活人理向靜中參軒岐奧義存
靈素化作甘露灑大千

著者自詠

農軒事業久沈淪國手挺生渤海濱
力挽狂瀾回造化神州世界慶長春

歙縣愚弟胡天宗敬題

醫家巨子震當今融會中西細討論
滿幅珠璣快先覩抱慚曾許是知音

績溪後學章洪鈞敬題

婆心苦口發慈悲至理名言百世師
若非乾坤鍾秀氣鹽山那得此名醫

揚州徐韻英登杭州醫報詩三首錄一

尋師萬里赴遼東幸坐春風兩月中
八卷方書參造化慈航普渡利無窮

長沙受業朱靜恆敬題

書中景仰幾經年千里尋師濟水邊
幸列門牆霑化雨活人事業得真傳

牟平受業劉純熙敬題

妙藥活人幾萬千功參造化力回天春風化雨私淑久杖履追隨定有年

涇南受業周榮珪禹錫敬題

農軒事業廢與秋力挽狂瀾世莫儔別派混淆風浪險公爲砥柱在中流

如皋受業李慰農敬題

國士原懷濟世心權將靈素化甘霖活人神術書千頁字字釀成大地春

健爲受業葉培根敬題

漫道中西理不同天生國手善溝通從今蘭闕新醫界着述直參造化功

鹽山受業孫蕊榜敬題

醫融中外道通玄祖述農軒紹正傳濟救蒼生無限苦安懷事業隱居年

常德受業張友長敬題

醫界羣推第一人（先生與江蘇陸晉笙楊如侯廣東劉蔚楚稱當今張陸楊劉四大家）

三張名譽又津津（又與慈谿張生甫嘉定張山雷稱爲名醫三張）回生妙手功無量

釀成不老春

永定受業黃潤光雨巖敬題海

書著活人幾度年中西合撰費陶甄門牆幸受庸愚拜得識農軒一脈傳

四

和泉受業黃柏星樓敬題

融會中西贊化工活人國手仰高風農軒事業今猶古醫界重新賴有公

天門受業崔壽康蘭亭敬題

立志學醫幾度年農軒事業少真傳幸逢國手傾心授得識此中玄又玄

文安受業薛潤珊敬題

莫訝農軒道不傳重新醫界有高賢匯通中外深陶鑄造極登峯是此編

後學許鹿萃敬題

仙風道骨異凡胎端爲金針度世來惠我寧馨深感德活人不僅萬千孩

許容玉_{士女}敬題

翻陳診斷出新書濟救蒼生信有餘藥性屢更前案誤醫方密補古人疏瓊花芝草靈山

瑞金匱玉函處士盧立德立功言亦重文章壽世永終譽

桐柏愚弟朱 弗壺山敬題

例言

壹此編爲登各省醫學誌報之論彙集而成初次出版在民國十七年今已盡售茲又彙集數年登各處醫學誌報之論約六萬餘言復加於此期之中故名爲增廣五期

貳此編之文多有此篇與彼篇相重複者因其上報原不在一處也今彙爲一編欲節去其重複而於全篇之文理文氣似皆有不順故皆仍其舊閱者諒之

叁諸論之作或因觀醫報有所感發或因人有所質問或因時有其證或因報社有所徵求原非徧論各門病之書也其有未論及者可統諸期而匯通參觀之則證之大略皆備矣至從前諸期已論其證而此則復論及者大抵又更加詳也

肆愚於諸藥多喜生用欲存其本性也有如石膏爲硫養輕鈣化合若煨之則硫養輕皆飛去其涼散之力頓失而所餘之鈣經煨卽變爲洋灰斷不可服故斯編之中於生石膏之能救人煨石膏之能傷人反復論之再三致意以其關於人命之安危甚重也又如赭石原鐵養化合其重墜涼鎮之力最善降胃止血且又能生血分毫不傷氣分至藥房中所醫之赭必煨以煤火則鐵養分離卽不能生血且更淬之以醋轉成開破之

性多用之即可今人泄瀉又如赤石脂原係粉末宜與茶壺卽用此燒成爲其質同粉末有粘滯之性研細服之可保護腸胃之內膜善治善治大便泄瀉而津沽藥房中竟將石脂爲細末水和爲泥捏作小餅煨以煤火卽與宜興壺瓦無異若爲末服之其傷人脾胃也必矣又如山萸肉其酸溫之性能補肝斂肝渣肝虛自汗以固元氣之將脫實能挽回人命於至危之候藥房多酒浸蒸黑用之其斂肝固氣之力頓頓減矣如此者實難枚舉此所以愚於藥品多喜生用以存其本性也

伍醫家常用之藥愚恒不用其不常用者愚恒喜用蓋用藥以能治病爲宗旨醫者疏方恒至藥品二十餘味其分量約皆在二三錢之間不甚差池卽將病治愈亦不知係何藥之力而愚初臨證時恆擇對證之藥重用一味煎湯數鍾徐徐服之恒能挽回極重之病且得藉之以驗藥力之實際拙稿中重用藥一味挽回險證者頗多是以非常用之藥而愚喜用者以嘗

用之有實效也其爲常用之藥而愚從未一用者因曾用之無實效也凡事必實驗而後知不敢人云亦云也

陸中醫之理原多包括西醫之理如內經所論諸厥證所謂血之與氣并走於上及血菀

於上爲薄厥肝當治不治爲煎厥卽西人所謂腦充血也中謂肺潮百脈難經謂肺爲五臟六腑之所終始卽西人所謂血脈管及回血管之循環也然古人語意渾涵且未經剖解實驗言之終不能確鑿及觀西人之說則古書所云者無事詮解皆能瞭然也又中醫治病恆深究病之由來是治病之本也西醫治病務治其局部是治病之標也若遇急危之證及難治之證正不妨以西藥治其標以中藥治其本則見效必速故凡西藥之性近和平確知其原質者不妨與中藥一時並用至未知其原質者慮其與中藥有所妨碍正不妨中隔數點鐘而先後用之也

柒凡藥性之和平者非多用不能奏效若地黃山藥萸肉枸杞龍眼肉諸藥是也至石膏本經原謂其微寒亦係和平之品若遇寒溫大熱爲挽回人命計有時不得不多用彼見患所擬之方一劑恆至七八兩畏其分量過重而不敢輕用皆未知藥性者也

捌編中來函多略起結因起結爲世故應酬於醫學無益也至於中間用拙擬之方其加減具有精義者錄之至泛泛者亦恆節去蓋此編處處徵實卽三四句間亦欲閱者有所心得可實施於臨證之間也

致各處藥房所鬻之藥皆有差誤戊午憲初至奉天方中曾用白頭翁檢視取來之藥白

頭翁純係白茸下帶根二分許質之藥房間其根作何用答言根是漏蘆從此在彼處

臨證如用白頭翁時方中皆開漏蘆又方中曾用赤小豆檢視取來之藥係相思子因

此物亦名紅豆也唐王維詩有紅豆生南國之句質之藥房謂方中但開赤小豆皆與以此物於斯再用

赤小豆必開明飯赤小豆又丙寅愚至天津方中曾用麩虫檢視取來之藥係黑色光

背甲虫質之藥房曰麩虫即土螿何為給此答言麩虫與土螿此地原分為兩物從此

欲用麩虫時方中必改寫土螿虫又曾欲用鮮小薊而未有權以藥房中乾者代之至

檢視取來之藥竟係所食之曲麻菜此大薊也質之藥房乃知此地原以小薊為大薊

大薊為小薊此以外之差誤又難悉數由斯知凡至生地臨證開方當以親自檢視藥

味為第一要着也

拾學問之道貴與年俱進精益求精愚向以胸中之氣即元氣後乃知元氣在膈大氣在

胸向以心中之神明為元神後乃知元神在腦識神在心此篇之論說間有與前數期

不同者當以此編為是

第一卷目錄

論中醫原寓西醫之理溝通中西非難事

元氣詮

論人身君火相火有先後天之分

三焦考

左傳膏上膏下解及病在膏肓治法

答人問泌尿道路

答人問外腎與舉丸與何臟有密切關係

答陳董塵疑內經十二經有名無質

深研肝左脾右之理

論醫士當用靜坐之功以悟哲學

論哲學與醫學之關係

人身神明詮

大氣詮

腦氣筋辨（腦氣筋亦名腦髓神經）

少陽爲游部論

答人問膜原

答人問黃庭經後有幽闕前有命門

答人問胞室子宮氣海兕枕

報駁左肝右脾解者書

續申左肝右脾之研究

醫學宜參看丹經論

第二卷目錄

石膏生用直同金丹煨用卽同鳩毒說

答王隆驥君石膏生用煨用之研究

羚羊角辨

論馬錢子爲健胃妙藥

麩蟲辨

答人疑洗髓丹中輕粉紅粉性過猛烈

讀盧育和氏葵能治瘡述書後

論赤石脂煨用之可疑

論白虎湯中粳米不可誤用糯米

小茴香辨

答朱靜恒問藥三則

甘草反鱧魚之質疑

論西藥不盡宜於中人

石膏治病無分南北論

論三七有殊異之功能

甘露清毒飲

論龍骨不可煨用之理

論鷄內金爲治女子乾血勞要藥

讀高思潛氏野苧根善治霍亂書後

冬葵子辨

辨傷寒論赤小豆非相思子

麥奴麥角辨

論用藥以勝病爲主不拘分量之多少

牛肉反紅荊之目覩

論中西之藥原宜相助爲理

復李祝華書

復竹芷熙書

論草薺爲治失溺要藥不可用之治淋

論鱉甲龜板不可用於虛弱之證
論沙參爲治肺勞要藥

第三卷目錄

論腦充血之原因及治法

論腦充血證可預防及其證誤名中風由

論腦貧血治法附腦髓空治法

論腦貧血痿廢治法答內政部長楊階三先生

幹頰湯

論心病治法

論肺病治法

治肺病便方

論肺勞喘嗽治法

讀章太炎氏論肺病治法書後

總論喘證治法

論李東垣補中益氣湯所治之喘證

論胃病噎膈即胃痛治法及反胃治法

論肝病治法

論腎弱不能作強治法

論治夢遺法

第四卷目錄

論目疾由於腦充血者治法

論目疾由於伏氣化熱者治法

答郭炳恒問小兒耳聾口啞治法

論鼻淵治法

自述治癒牙疼之經過

論喉證治法

閱劉華封氏爛喉痧證治辨異書後

論結胸治法

論腸結治法

論肢體痿廢之原因及治法

論四肢疼痛其病因涼熱各異之治法

答餘姚周樹堂爲母問疼風治法

論坎離砂可熨肢體寒疼及其製法

答宗弟相臣問右臂疼治法

論治偏枯者不可輕用王勳臣補陽還五湯

答徐韻英問腹疼治法

論腰疼治法

答黃雨巖問接骨方並論及結筋方

第五卷目錄

論傷寒脈緊及用麻黃湯之變通法

論大青龍湯中之麻黃當以薄荷代之

用小青龍湯治外感痰喘及變通之法

論白虎湯及白虎加人參湯之用法

論大承氣湯厚朴分量似差及變通法

傷寒論大承氣湯病脈遲之研究及脈不遲轉數者之變通下法

論傷寒論大柴胡湯原當有大黃無枳實 答徐韻英陽旦湯之商榷

論少陰傷寒病有寒有熱之原因及無論寒熱脈皆微細之原因

論桃花湯是治少陰寒痢非治熱痢

答人問傷寒六經分篇未言手經足經及溫病入手經不入足經且禁發汗之義

溫病之治法詳於傷寒論解 傷寒論中有治溫病初得方用時宜稍遲

論傷寒溫病神昏譫語之原因及治法 傷寒風溫始終皆宜汗解說

答徐韻英讀傷寒論質疑四則 答人問神州醫藥學報用真武湯之理

論吳又可達原飲不可以治溫病

論冬傷於寒春必溫病及冬不藏精春必溫病治法

論伏氣化熱未顯然成溫病者之治法 詳論猩紅熱治法

論天水散治中暑宜於南方北方用之宜稍變通

論伏暑成瘧治法

第六卷目錄

論內傷外感黃疸治法

論痢證治法

徐伯英論審定硝石礬石散

論霍亂治法

論鼠疫之原因及治法

第七卷目錄

答臺灣嚴坤榮代友問痰飲治法

答張汝偉問其令尊欬嗽治法

答張汝偉服藥有效致謝書

論水臌氣臌治法

論血臌治法

論吐血衄血之原因及治法

論治吐血衄血不可但用涼藥及藥炭強止

其血

論吐血衄血證間有因寒者

論衝氣上衝之病因病狀病脈及治法

論火不歸原治法

虛勞溫病皆忌橋紅說

論治疔宜重用大黃

論治癩

駁方書貴陽抑陰論

治虛勞證宜慎防汗脫說

答翁義芳問呃逆氣鬱治法

論治癇瘋

論癲狂失心之原因及治法

論革脈之形狀及治法

答人問四物湯能補血中血球及明水之理

論帶證治法

兩種血崩特效藥

論治婦人流產

答鮑槎法問女子陰挺治法

論小兒瘰癧病治法

論脾風治法

論治瘋犬傷方

第八卷目錄

致陸晉笙書

復傅鶴皋書

復胡劍華書

答人問鐵汁與四物湯補血之比較

論女子癥瘕治法

論血崩治法

論婦人不妊治法

論難產治法

論室女乾病治法

答小兒暑天水瀉及轉痢瘧治法

治幼年溫熱證宜防其出痧疹說

解觸電氣

復宗弟相臣書

復賓仙園書

復王肖舫問內經註疏

復相臣哲嗣毅武書

復冉雪峰問建醫校規則 復劉希靈書

宗弟相臣來函

相臣詰嗣毅武來函 孫香蓀來函

馬秀三來函

蕭介青來函 周禹錫來函

張讓軒來函

席文介來函 章叔和來函

盧月潭來函

董壽山來函 閻兆元來函

楊鴻恩來函

萬澤東來函 賓仙園來函

田聘卿來函

張右長來函 蔡維望來函

李品三來函

李日綸來函 楊學忱來函

高硯樵來函

劉惠民來函 趙利庭來函

吳宏鼎來函

王錫光來函 仲曉秋來函

高麗安鳳軒來函

山西平陸縣尹彭子益致山西中醫改進研究會理事長書論衷中參西錄之內容

盛澤王鏡泉登紹興醫報論衷中參西錄為醫家必讀之書

虬湖盧逸軒登如皋醫報論四期書藥物學講義之內容

醫學衷中參西錄第五期第一卷

學醫工夫須先明人身之生理全身之肢體臟腑經絡皆生理攸關也是
生理之學更參以哲學家談生理處復以己意融會貫通之生理既明而
其中矣養生之理既明而治病之理寓其中矣

論中醫之理多包括西醫之理溝通中西原非難事

鄙人才質庸碌而性好深思自幼承家學淵源醫學與讀書並重是以自成童時即留心
醫學弱冠後即爲人診病疏方年過三旬始見西人醫書頗喜其講解新異多出中醫之
外後又十餘年於醫學研究功深乃知西醫新異之理原多在中醫包括之中特古籍語
意渾含有賴後人闡發耳今不揣固陋遠探古籍所載近參時賢之說臚列數則於左以
證明之

西人謂人身有血脈管微絲血管回血管血脈自左上心房轉落左下心房入於血脈管
由血脈管入微絲血管以散布於周身內而臟腑外而肌肉迨臟腑肌肉濡潤之餘又傳
入回血管由回血管收同右上心房轉落右下心房更由右下心房以上注於肺此時因

血中混有炭氣其色紫黑迨注肺之後隔肺膜呼出炭氣吸進養氣其色仍赤復還左上心房如此循環不已此說可謂奇闢生新矣然此理固寓於扁鵲難經中也其第一節云十二經中皆有動脈獨取寸口以決五藏六府死生吉凶之法何謂也然(答詞)寸口者脈之大會手太陰之動脈也人一呼脈行三寸一吸脈行三寸呼吸定息脈行六寸人一晝夜凡一萬三千五百息脈行五十度周於身漏水下百刻榮衛行陽二十五度行陰二十五度故五十度復會於手太陰寸口者五藏六府之所終始故取法於寸口也按人之藏府皆有血脈管與回血管其回血管之血由心至肺將炭氣呼出是諸藏府之回血管至此而終也迨吸進養氣其血仍赤歸於心而散布於諸藏府是諸藏府之血脈管自此而始也故曰五藏六府所終始也爲肺能終始諸藏府是以諸藏府之病可於肺之寸口動脈候之而寸口之動脈遂可分其部位而應諸藏府矣

西人謂左右心房各有二是心之體原四孔也而難經謂心有七孔三毛夫七孔之數既與心房之數不侔三毛之說又毫無形迹可徵此非中西之說顯然不同乎不知難經此節之文多被註疏家誤解嘗考古訓凡細微難察之物恆比之於毛詩經所謂德輿如毛

孟子論目之明而極之於能察秋毫之末皆其明微也蓋人之心房雖止有四而加心下血脈管及回血管與心相連之處則爲六孔矣至心上血脈管回血管與心相連之處似又加兩孔而同在一系之中故古人仍以爲一孔是共七孔也此言心之孔雖有七所易見者止有四孔其餘三孔則如毛之微細而不易視察所謂如毛之微細而不易視察者實指血脈管與回血管連心之處而言也

中說謂人之神明在心故安神之藥注重於心西說謂人之神明在腦故安神之藥注重於腦及觀內經知中西之說皆函蓋其中也內經脈要精微論曰頭者精明之府爲其中有神明故能精明爲神明藏於其中故名曰府此西法神明在腦之說也內經靈蘭秘典曰心者君主之官神明出焉所謂出者言人之神明由此而發露也此中法神明在心之說也蓋神明之體藏於腦神明之用發於心也如必執定西說謂心臟惟司血脈之循環於人之神明毫無關涉者可仍卽西人之說以證明之

西人生理學家勿阿尼氏研究靈魂之結果謂靈魂者棲於人類各細胞中其色濃紫質不透明比肉體重約千分之一具運動之器關能上達於地二百里以上之處不待食物

而生存且具良心修養其正義親切同情等之高等道德云云其所謂各細胞中其色濃紫質不透明者明明非灰白色之腦質髓與神經細胞可知矣明明指循環系中之有色血液細胞更可知矣又丁祐氏之譯述西說也謂細胞之功用能將血液內之榮養料及空氣分給全身細胞又能服從性靈而性靈亦能處處保護之其所謂性靈非卽人之神明乎心卽爲血液循環器之主卽可爲細胞之主而在在保護細胞之性靈自當以心爲中樞卽西人之說而深爲研究與內經所謂心者君主之官神明出焉者何以異乎

此節

探時登傳
壁山氏說

中說謂肝左脾右西說謂肝右脾左此又中西顯然不同處也不知肝右脾左之說早見於淮南子扁鵲難經亦謂肝在右難經曰肝之爲臟其治在左其臟在右脅右腎之前並胃榮者之第九椎金鑑刺灸心法篇引難經有此二十五字今本刪去夫肝在右脾自當在左矣而醫學家仍據肝左脾右以治病者誠以肝雖居右而其氣化實先行於左故肝之脈診於左關脾雖居左而其氣化實先行於右故脾之脈診於右關按此診脈治病則效不按此診脈治病則不效若不信肝之氣化先行於左脾之氣化先行於右之說者更可以西人生理學家之言徵之

按西人生理學家言脾固居胃之左方下側然其與胃通也乃從脂膜相連處右行輸送胃液腺於胃腑其與脾通也乃從脾尾端右行輸送製造血液之原料於脾臟其與肝通也乃從脾靜脈右行開口於肝門靜脈輸送紅色血球中之紅色鐵質於肝臟爲造成胆汁之料其上與肺通也乃右行假道於胃膜以入於十二指腸其與周身通也乃從脾動脈右行開口於大動脈幹輸送白血球於毛細管以達於身體內外諸部無所不到是脾之本體雖居於左而其功用無不在於右是則謂脾居於右誰曰不宜如肝固居於腹腔之右側上部而其吸收脾與胃中之血液以營提淨毒質之作用者乃由肝門靜脈之大血管向左下方吸收而來也且其既已提淨之血液乃由肝靜脈之血管從肝臟之後緣而出開口於大靜脈向左上方入大靜脈幹以達右心室是肝臟血液循環之機能皆在於左是則謂肝居於左誰曰不宜

此節探時實
薛壁山氏說

內經謂腎者作強之官技巧出焉所謂作強技巧者指其能生育而言也西人則謂腎臟專司澆水與生殖器毫無關涉此又中西醫學顯然不同處也然謂內腎與外腎不相關涉者乃西人從前未定之論非其近時實驗之言也夫中醫之論腎原取廣義非但指左右兩枚也今西人於生理學研究功深能悟

副腎髓質之分泌素

即自命門分泌而
出與腎脈相通者

有迫血上行之作用名之曰副腎嫌是悟腎中真火之

用也又悟副腎皮質之分泌素

即自胞室中分泌而
出與任脈相通者

有引血下行之作用名之曰確靈是悟腎

中真水之用也既悟得腎中真火真水之作用即當知腎之所以作強所以伎巧無非賴

此水火之氣以醞釀之激發之斡旋之有如火車諸機輪之轉動莫不以水火之氣爲原

動力也

西人謂中醫不知有水道不知西醫之所謂水道即中醫之所謂三焦其根蒂連於脊骨

自上下數七節之處

真處即
命門

在下焦爲包腎絡腸之脂膜在中焦爲包脾連胃之脂膜在上

焦爲心下之脂膜統名爲三焦能引水液下注於膀胱內經所謂三焦者決瀆之官水道

出焉者是也夫內經即顯然謂三焦爲水道何謂不知水道也蓋其名雖異核其實則同

也

西人謂中醫不知有脾不知古人不知脾而名爲散膏難經謂脾重二斤三兩扁廣三寸

長五寸有散膏半斤散膏即脾也爲脾之質爲胰子形如膏而時時散其膏之液於十二

指腸之中以消胃輸於腸未化之餘食故曰散膏爲脾之副臟至脾之正臟內經謂其爲

營之所居卽西人脾能製白血球之說也由斯知凡古書言脾統血者指脾之正臟而言也凡言脾化食者指脾之副臟散膏而言也凡言脾色黃脾味甘者亦指散膏而言也散膏與脾爲一臟卽脾與脾爲一臟也且以西說考之脾尾銜接於脾門其全體之動脈又自脾脈分支而來卽按西說脾與脾亦可合爲一臟也此節採時賢高思濟氏說

又西人有精蟲之說似屬創論然其說不自西人始也小乘治禪病祕要經曰筋色蟲此蟲形體似筋連持子藏能動諸脈吸精出入男蟲青白女蟲紅赤又小乘法念處經曰十種蟲行於髓中有形於經中云云此是精蟲之說始於印度久入中國章氏叢書雜錄引而註解之謂卽胚珠其說亦可爲中說矣此節採時賢楊如侯氏靈素生理新論且人爲保蟲人爲保蟲之長古書所載

以人資生之始爲精蟲不亦理明詞達乎是西人精蟲之說原非創論無庸驚其新奇也試再以病論之如內傷黃疸證黃疸有內傷外感之區別中法謂係脾有濕熱西法謂係胆石杜塞胆汁

入小腸之路或胆管腫脹塞胆汁入小腸之路又有謂小腸有鈎蟲者而投以金匱硝石礬石散莫不立愈蓋礬石能治脾中濕熱硝石能消胆中結石二藥並用又能除蟲及胆管腫脹是以無論脾有濕熱胆有結石腸有鈎蟲或胆管因熱腫脹投以此方皆愈仲

景當製此方時原對於此四種病因立方非僅對於脾中濕熱立方也且礬石爲皂礬

名礬石爲羽涅又名爲涅石故知爲皂礬

爲其係鐵與硫養化合而成且又色青故能入肝胆以斂胆汁之妄行兼

有以金制木之義若但爲治脾家濕熱何爲不用白礬後世不明古人製方之義而但以治脾中濕熱釋之是知其一而遺其三也至明季喻嘉言出深悟仲景之治黃疸不但治脾實兼治胆遂於治錢小魯之案中顯然揭出謂其嗜酒成病胆之熱汁滿而溢於外以漸滲於經絡則身目俱黃云云其原案載所著寓意草中彼時猶未見西人之說而實與西人論黃疸之病因責重於胆者相符合也

又如中風證其人忽然眩仆更或昏不知人其劇者卽不能蘇復其輕者雖能蘇復恆至癱瘓偏枯西人謂此非中風乃腦充血也此又中西顯然不同處也不知此證名爲中風乃後世醫者附會之說非古聖相傳之心法也內經謂血之與氣并走於上則謂大厥氣反則生氣不反則死夫所謂厥者卽昏厥眩仆之謂也大厥之證既由於氣血相併上走其上走之極必至腦充血可知此非中西之理相同乎至謂氣反則生氣不反則死者蓋氣反則血隨氣下行所以可生若其氣上走不反血必愈隨之上行其腦中血管可至破

裂出血不止猶可望其生乎細譯內經之文原與西人腦充血之議論句句符合此不可謂不同也又史記扁鵲傳所載虢太子尸厥亦腦充血證至扁鵲治之亦知爲腦充血證觀其未見太子知其必耳鳴鼻張蓋知其腦部充血之極其排擠之力可使耳中作鳴鼻形翕張也及其見太子也則謂上有絕陽之絡下有破陰之紐此蓋言人身之陰陽原相維繫偶因陰紐破壞不能維繫其陰中之眞陽其陰中之眞陽脫而上奔更挾氣血以上衝腦部其充塞之極幾至腦中之絡破裂斷絕故曰上有絕陽之絡也此雖未明言腦充血實不啻明言腦充血也特是內經論大厥但言病因未言治法扁鵲治虢太子尸厥其本傳所載者係先用鍼砭救醒後服湯藥其所服者亦未詳何方至西人對於此證雖有治法亦難期必效愚曾擬有建飴湯方載第三卷腦充血治法篇中重用赭石牛膝以引血下行而輔以清火鎮肝降胃斂衝之品用之救人多矣其腦中血管破裂不至甚劇者皆可挽回也試更以藥論之如石膏善退外感實熱爲藥中最緊要之品而丁祐氏譯西人之說竟謂石膏不堪列於藥品此又中西之說顯然不同處也然謂石膏不堪列入藥品者乃西人之舊說至西人新出之說實與其舊說迥異而轉與中說相同何則硫養輕鈣石膏之

原質也西人工作之時恆以硫養鈣為工作之料迨工作之餘所剩之硫養鈣即結成若

干石膏較天生之硫養輕鈣石膏猶缺一原質未備此等石膏原與煨石膏無異

養輕多飛去其銹經煨又甚甚
澀可代瀉水點豆腐斷不可服西人所謂石膏不堪入藥者指此等石膏而言也迨其後用天生石

膏知其涼而能散大有功效遂將石膏列於石灰基中即鈣並將素所不信之中藥兩味

亦列其中是故炭養石灰牡蠣也燐養石灰鹿茸角也硫養輕石灰石膏也西人皆精驗

其原質而列為石灰基中要藥西人可為善補過矣而篤信西法者猶謹守西人未定之

初說與中說相齟齬何夢夢也

又如黃連龍胆中說以為退熱劇藥用之過量能損胃減食至西人則皆以為健胃藥似

又中西不同處也然究其所以不同者因西人以肉食為本胃多積熱易至生炎西人以紅
燕腫疹為

炎二藥善治其肺胃生炎故善助其腸胃化食至吾人以穀食為本胃氣原自冲和若過

服涼藥致腸胃中熱力不足即難熟腐水穀此中西論黃連龍胆之所以不同也然閱諸

家本草黃連能厚腸胃其能助腸胃化食之理即在其中龍胆能益肝胆其能增補胆汁

以為化食之資藉又顯然也由斯知中西之論藥性凡其不同之處深究之又皆可以相

通也夫醫學以活人爲宗旨原不宜有中西之界限存於胸中在中醫不妨取西醫之所
長如實驗器
械化學等以補中醫之所短在西醫尤當精研氣化如臟腑各有性情及手足
六經分治分主六氣等視中醫深奧之理
原爲形上之道而非空談無實際也

人身神明詮

自神明在腦之說倡於西人近今講科學者鮮不謂其說至精至奧爲開天闢地之名論
而吾上古聖神猶未嘗見及此誠所謂以管窺天以蠡測海者也詎知神明在腦之說吾
中華醫學早先西人數千百年而發明之且其所發明者較西人尤爲精奧而於神明之
體用又能詳細鑑別各得其實際也醫學之書以內經爲最古素問脈要精微論曰頭者
精明之府夫精明卽神明也頭卽腦之外廊腦卽頭之中心點也國家之貨財藏於府茲
則名之爲府者確定其爲神明所藏也又素問靈蘭秘典曰心者君主之官神明出焉細
譯經文蓋言神明雖藏於腦而用時實發露於心故不曰藏而曰出出者卽由此發露之
謂也於以知脈要精微論所言者神明之體靈蘭秘典所言者神明之用也斯義也可兼
徵之於丹經夫丹經祖述黃帝原與內經相表裏歷代著作雖不一致而莫不以腦中爲

元神心中爲識神元神者無思無慮自然虛靈也識神者有思有慮靈而不虛也此中妙諦慧心人可靜參也又可徵之於字體夫神明之用思思古文作惛凶者腦也心者心也蓋言心與腦神明貫通而後可以成思也此與腦爲元神心爲識神之義相符合即與內經神明藏於腦而發於心之義相符合也且更可徵之於實驗神明爲人身純陽之物陽者性熱腦藏神明故腦不畏寒心爲神明發露之處過用其心者神明常常由心發露故心恆發熱此則人人皆能自覺爲未經發明是以覺而不察耳由此可悟養生之道矣凡人之享大年者下元必常溫煖氣血必常充足人之神明固可由腦至心更可以誠意導之而行於全身是以內鍊家有凝神入氣穴之語誠以孟子謂志能帥氣即神能帥氣神明照臨之處即真氣凝聚之處神氣充足丹田溫煖壽命之根自然壯固神明之功用何其弘哉

元氣詮

人之始生也網緼化醇胚胎初結中間一點動氣似有脂膜繞護乃先天資始之氣即氣

海

胸中爲氣海藏後天之氣此氣海在臍下外營氣海穴藏先天之氣

中之元氣也此元氣得母陰育漸漸充盛以生督任二脈又漸

漸充盛其氣衝開督脈由後上升復通於任脈由前下降內鍊者所以務通以生全身迨至官
 骸臟腑皆備肺能呼吸遂接後天之根後天生命之根在呼吸而脫離母腹矣特是同一元氣也其在
 先天之功用與後天之功用迥殊何者元氣在先天來源有自故輸其有餘與督任之脈
 常通以融貫全身爲十月養胎之用其功用在於能施元氣在後天來源既息故保其所
 得與督任之脈不通而坐鎮中宮以全身論氣海當爲中宮握百年壽命之根其功用在於能斂夫地之
 中心有磁氣所以斂吸全球之氣化磁氣卽地之元氣也人身一小天地由斯知人之元
 氣卽天地間之磁氣類也其所以能鎮攝全身之氣化者誠以全身之血脈皆含有鐵鏽
 磁鐵相戀氣化自固此造化生成之妙也然其氣純屬先天至精至微不涉後天迹象其
 氣不但無形且並無質空氣扇之成風電氣阻以玻璃是皆有質之驗惟磁氣無質觸處透達元氣似磁氣故亦無質故一切補助氣分之藥皆不能有
 益於元氣若遇元氣之衰憊欲渙散者宜保護以收瀼之品以助其吸攝之力是以拙著
 衷中參西錄中所載病案凡於元氣之將脫者必重用淨萸肉四兩或兼用他藥以輔之
 卽危至極點亦能挽回勝於但知用參者尤者遠矣
 或問參者尤皆爲補氣之品子獨謂其不能補助元氣是服之於元氣毫無益乎答曰參

者尤諸藥皆補助後天氣化之品故救元氣之將脫但服補氣藥不足恃

脫者但知重用人

參轉合氣高不返

惟以收斂之藥為主若萸肉龍骨牡蠣之類而以補氣之藥輔之其上脫者宜輔

以人參赭石

人參得赭石能引氣下行

若陰虛不能繫陽更宜加熟地黃生山藥以滋陰其下脫者宜輔

以人參黃耆若下焦泄瀉不止更宜加白朮以止瀉此乃臨時救急之法至於欲補助元

氣於平時當於靜坐之時還虛凝神常於精明之府

內經謂頭者精明之府

保此無念之正覺如天道

下濟光明仍然無心成化久之元氣自有充盛之候此乃內鍊家初步工夫此時靜坐之

風盛行不妨藉之以輔藥餌之不逮也

或問人未生爲先天已生爲後天據子之說將毋孩提之元氣與成人之元氣其大小之

量無以異乎答曰非也所謂以未生爲先天已生爲後天者此大略言之也若細分之猶

有先天之先天後天之後天後天之後天後天之先天所謂先天之先天者未生以前是

也所謂先天後天之者自初生以至成立是也蓋未生之前得母陰育其元氣固有日長

之機自初生以至成立其全身日日充長其元氣亦卽隨之日日充長其充長之時間雖

在後天而其自然充長之機能仍得之先天故可以先天統之而爲先天之後天

所謂後天之後天者人自成立以後全身充長之機能既停而白晝之動作云爲復勞心勞力以耗其元氣此誠後天之後天矣所謂後天之先天者其將睡未睡及將醒未醒若有知若無知之時是也蓋斯時也萬慮皆空神氣歸根心腎相依直與道家凝神入氣穴景况無異故於晝間元氣之消耗者亦能些些補助爲此時有自後天返先天之機故可名之爲後天之先天也不但此也人之呼吸循環自然之天機也爲其爲自然之天機故亦有先天存乎其中而能於元氣稍有補益藉曰不然可徵之儒者之讀書與教員之宣講

夫儒者當幼學之時鎮日讀書不輟及長而謀舉業又必選詩文數百篇日夜高聲朗誦未聞有傷氣者至爲講員其每日登堂宣講之時間遠少於讀書之時間也其宣講之聲遠小於讀書之聲也乃至因宣講而傷氣者竟往往有之此固極精細之問題也蓋讀書必有聲調當其呼氣外出之時必心力下降以鎮其氣而後其聲悠長又必須丹田上升以助其氣而後其聲高遠此際之一升一降而心腎交矣內鍊家會合嬰兒媾女之功卽交心腎之功亦卽補助元氣之功也是讀書者之於元氣旋傷而旋能補之此所以不傷

氣也至宣講則但用胸中之氣其心氣不降腎氣不升有傷損而無補助此所以多傷氣也由此推之尋常呼吸凡當其呼氣外出之時其心腎亦必微有升降

每呼氣外出之時心必下降腎必上升是以內

煉家有呼氣爲補之說細心體會皆能自覺

雖升降之力甚微心腎亦必相交而有益於元氣蓋元氣雖坐鎮中宮統攝氣化而其統攝之力時時必需即時暗耗端賴自然之呼吸心降腎升以息息補助

此造化之妙純爲天機之自然故亦可謂後天之先天道書謂呼吸分明了却袖誠爲見道之言也果參透呼吸升降之奧旨順呼吸之自然而少加以人力主持俾心降腎升之力息息互相凝結有不延年益壽者乎拙著衷中參西錄第二卷敦復湯後載有論呼吸升降之理以輔藥餌所不逮用之治人多矣其理原可與此互相發明無非本呼吸之自然以推衍之也

嘗觀抱朴子有鍊氣之法先自鼻間吸氣滿腹停片時又自鼻間吸氣少許遂卽自鼻間徐徐呼出所吸之氣氣出時愈慢愈好若以紙條黏鼻尖下當鼻孔出氣之時其紙不動方佳愚向不知此法之用意今乃知此卽交心腎之功亦卽呼氣爲補之功欲明此理者可按此法行之以默參心腎升降之機自知愚言爲不謬也

或問當今爲科學時代卽談醫理必須有切實徵驗子謂元氣有類磁氣或仍屢想像之詞乎答曰若以愚言爲想像之詞試觀本草綱目所載人魄之註解自明蓋人魄卽人元氣入地之所結觀其所結之質黑而且堅如石炭綱目謂如麩炭洗冤錄謂如石炭麩炭卽石炭之薄片卽其質有類磁石是其明徵磁石卽磁氣與地氣化合而凝結者也且人魄之爲物雖隔樓板數層必結於地下又非磁氣不能透達也

大氣詮

前所論元氣先天之氣也乃有其氣本於先天而實成於後天其於全身至切之關係有與元氣同其緊要者胸中大氣是也夫元氣藏於臍下爲先天生命之根柢道家所謂祖氣也大氣積於胸中爲後天全身之積貯內經所謂宗氣也祖爲一身之遠命脉宗爲一身之近命脉命脈雖有遠近其關於人身之緊要同也而漢唐以下諸書但知注重元氣不知注重大氣卽偶言及亦略而不詳於大氣在人身之眞作用及大氣下陷病之至危險未嘗竭力闡發是蓋未深研究內經之文不知大氣關於人身之緊要也

今試取內經之文釋之靈樞五味篇曰穀始入於胃其精微者先出於胃之兩焦以溉五

藏別出兩行營衛之道其大氣之搏而不行者積於胸中命曰氣海出於肺循喉咽故呼則出吸則入天地之精氣其大數常出三入一故穀不入半日則氣衰一日則氣少矣愚按肺懸膈中下無透竅胸中大氣包舉肺外上原不通於喉亦並不通於咽而曰出於肺循喉咽呼則出吸則入者蓋謂大氣能鼓動肺臟使之呼吸而肺中之氣遂因之出入也所謂天地之精氣常出三入一者蓋謂吸入之氣雖與胸中不相通實能隔肺膜透過四分之一以養胸中大氣其餘三分仍然吐出卽換出臟腑中渾濁之氣即西人所謂吸進養氣呼出養氣之理此氣化之妙用也至謂半日不食則氣衰一日不食則氣少者申明胸中大氣雖可藉天地之精氣以養之然出三入一所得者甚少故又兼資穀氣以補助之也然此篇專爲五味養人而發故第言飲食能養胸中大氣而實未發明大氣之根源愚嘗思之人未生時皆由臍呼吸其呼吸之原動力在元氣應無需乎大氣其胸中亦未有大氣也迨胎氣日盛臍下元氣漸充上達胸中而生大氣大氣漸滿能鼓舞肺臟使之呼吸卽脫離母腹由肺呼吸而通天地之氣矣

至大氣卽宗氣者亦嘗考內經而得之素問平人氣象論曰胃之大絡名虛里貫鬲絡肺

出於左乳下其動應衣脈宗氣也按虛里之絡卽胃輸水穀之氣於胸中以養大氣之道路而其貫鬲絡肺之餘又出於左乳下爲動脈是此動脈當爲大氣之餘波而曰宗氣者由是知宗氣卽是大氣爲其爲後天生命之宗主故又尊之曰宗氣其絡所以名虛里者因其貫鬲絡肺遊行於胸中空虛之處也

又靈樞客邪篇曰五穀入於胃其糟粕津液宗氣分爲三隧故宗氣積於胸中出於喉嚨以貫心脈而行呼吸焉觀此節經文謂宗氣亦積胸中則宗氣卽爲大氣不待詮解且與五味篇同爲伯高之言非言出兩人或有異同且細審以貫心脈而行呼吸之語是大氣不但爲後天諸氣之綱領並爲全身血脈之綱領矣

統觀以上三節經文可知大氣關於人者之緊要矣至發明其緊要之至讀之令人怵目驚心者猶不在此數節也靈樞五色篇雷公問曰人無病卒死何以知之黃帝曰大氣入於藏府者不病而卒死夫人之隔上心肺皆臟無所謂腑也經旣統言藏府指隔下藏府可知以膈上之大氣入於隔下藏府則膈上無大氣以鼓動肺臟之闐闐其呼吸必然頓停是以無病而猝死也此乃胸中大氣下陷之證也夫大氣下陷之證如此之重其氣果

全數下陷者誠難挽回若其下陷或僅一半其劇者或至強半皆可挽回其下陷之氣以復其本位而伊古以來竟無挽回大氣下陷之方誠以讀內經者於此節經文皆忽不加察至王氏註內經又但註素問而不註靈樞及後世之註內經者又妄謂此節所謂大氣乃外感大邪之氣夫其人果外感邪氣與無病之文不符卽所感之外邪甚重亦必瞑眩數刻又與猝死之文不符從古至今無切實闡發此節經文者蓋因未明大氣下陷之證是以無治大氣下陷之方也

愚深憫大氣下陷之證醫多誤治因製升陷湯一方載於三期第四卷方係生箭芪六錢知母三錢桔梗柴胡各一錢五分升麻一錢氣分虛極下陷者酌加人參數錢或再加淨黃肉數錢以斂收氣分之耗散使已升者不至復陷更佳若大氣下陷過甚至少腹下墜或更作疼者宜將升麻倍用二錢

方中之義以黃芪爲主者因黃芪既善補氣又善升氣且其質輕鬆中含養氣與胸中大氣有同氣相求之妙用惟其性稍熱故以知母之涼潤濟之柴胡爲少陽之藥能引大氣之陷者自左上升升麻爲陽明之藥能引大氣之陷者自右上升桔梗爲藥中舟楫能載

諸藥之力上達胸中故用之爲響導也至氣分虛極者酌加人參所以培氣之本也或更
加黃肉所以防氣之渙也至若少腹下墜或更作疼其人之大氣直陷至九淵必需升麻
之大力者以升提之故又將升麻加倍也方中之用意如此至隨證活潑加減尤在臨證
者之善變通也升陷湯後又有回陽升陷湯理鬱升陷湯二方皆由升陷湯加減而成此
三升陷湯後附載治愈之案二十餘則其病之現狀有呼吸短氣者有心中怔忡者有淋
漓大汗者有神昏健忘者有聲顫身動者有寒熱往來者有胸中滿悶者此因呼吸不利而自覺
滿悶若作滿悶治之立
危有努力呼吸似喘者此種現狀尤多乃肺之呼吸將停其人
努力呼吸以自救若作喘證治之立危有咽乾作渴者有常常呵欠者有肢體
痿廢者有食後易飢者有二便不禁者有癱閉身腫者有張口呼氣外出而氣不上達肛
門突出者在女子有下血不止者更有經水逆行者證因氣逆者多若因氣陷致經水逆行
者曾見有兩人皆投以升陷湯治愈種種病狀
實難悉數其案亦不勝錄今惟卽在奉治愈大氣下陷之案略登數則於左以備考徵
西豐縣張繼昌年十八九患病數年不愈來院診治其證夜不能寐飲食減少四肢無力
常覺短氣其脈關前微弱不起知係胸中大氣下陷故現種種諸證投以升陷湯爲其不
寐加熟棗仁龍眼肉各四錢數劑全愈

開原史姓女子在奉天女子師範讀書陡然腹中作疼呻吟不止其脈沈而微弱疑係氣血凝滯少投以理氣之品其疼益劇且覺下墜呼吸短氣恍悟其腹中疼痛原係大氣下陷誤理其氣則下陷益甚故疼加劇也急投以升陷湯一劑卽愈

奉天大東關于氏女出嫁而孀依居娘門其人善英文英語英商在奉者延以教其眷屬因病還家中夜忽不能言並不能息其同院住者王子岡係愚門生急來院扣門求爲援救因素爲診脈調藥知其大氣虛損此次之證確知其爲大氣下陷遂爲疏方用生箭芪一兩當歸四錢升麻二錢煎服須臾卽能言語翌晨昇至院中診其脈沈遲微弱其呼吸仍覺短氣遂將原方減升麻一錢又加生山藥知母各三錢柴胡桔梗各一錢連服數劑全愈按此證脈遲而仍用知母者因大氣下陷之脈大抵皆遲非因寒涼而遲也用知母以濟黃芪之熱則藥性和平始能久服無弊

奉天小北關袁姓少婦小便處常若火炙有時覺腹中之氣下墜則炙熱益甚診其脈關前微弱關後重按又似有力其呼吸恆覺短氣心中時或發熱知其素有外感伏邪久而化蒸又因胸中大氣下陷伏邪亦隨之下陷也治以升陷湯加生石膏八錢後漸加至二

兩服藥旬日全愈

或疑大氣下陷者氣不上達也喘者氣不下降也何以歷述大氣下陷之病狀竟有努力呼吸有似乎喘者答曰此理不易驟解仍宜以治愈之案徵之一少年因力田勞苦過度致胸中大氣下陷四肢懶動飲食減少自言胸中滿悶其實非滿悶乃短氣也粗人不善述病情往往如此醫者不能自審病因投以開胸理氣之劑服之增重又改用半補半破之劑服兩劑後病又增重又延他醫投以桔梗當歸木香各數錢病大見愈蓋全賴桔梗升提氣分之力也醫者不知病愈之由再服時竟將桔梗易爲蘇梗升降易性病驟反覆自此不敢服藥遲延二十餘日病勢垂危喘不能臥晝夜倚壁而坐假寐片時氣息卽停心下突然脹起急呼醒之連連喘息數口氣息始稍續倦極偶臥片時覺腹中重千斤不能轉側且不敢仰臥其脈乍有乍無寸關尺或一部獨見或兩部同見又皆一再動而止此病之危已至極點因確知其爲大氣下陷遂放胆投以生箭芪一兩柴胡升麻淨黃肉各二錢煎服片時腹中大響一陣有似昏憤甦息片時恍然醒悟自此呼吸復常可以安臥轉側輕鬆其六脉皆見仍有雀啄之象自言百病皆除惟覺胸中煩熱遂將方中升麻

柴胡皆改用錢半又加知母玄參各六錢服後脉遂復常惟左關三五不調知其氣分之根柢猶未實也遂用野臺參一兩玄參天冬帶心麥冬各三錢兩劑全愈

蓋人之胸中大氣實司肺臟之呼吸此證因大氣下陷過甚呼吸之機關將停遂勉強鼓舞肺氣努力呼吸以自救其迫促之形有似乎喘而實與氣逆之喘有天淵之分觀此證假寐片時肺臟不能努力呼吸氣息卽無其病情可想也設以治氣逆作喘者治此證之喘以治此證之喘者治氣逆作喘皆凶危立見然欲辨此二證原有確實徵驗凡喘證無論內傷外感其劇者必然肩息內經謂喘而肩大氣下陷者雖至呼吸有聲必不肩息蓋肩息者因喘者之吸氣難不肩息者因大氣下陷者之呼氣難也欲辨此證可作呼氣難與吸氣難之狀以默自體驗臨證自無差謬又喘者之脈多數或有浮滑之象或尺弱寸強大氣下陷之脈皆與此成反比例尤其明徵

升陷湯一方不但愚用之有效也凡醫界同人用此方以治大氣下陷者莫不隨手奏效安東醫士李亦泉連用此方治愈大氣下陷者數證曾寄函相告卽非醫界中人用此方以治大氣下陷者亦能奏效湖南教員席文介因宣講傷氣甚至話到舌邊不能說出看

書兩行卽頭昏目眩自閱衷中參西錄服升陷湯十餘劑而愈曾登於杭州三三醫報致謝凡我醫界同人尙其於大氣下陷證加之意乎

西人謂延髓能司肺藏之呼吸細考所謂延髓者在人之腦後連項實督脈將入腦之處因此處督脈稍粗大其中所容髓質飽滿長約三寸故名爲延髓腦髓神經實多由此分支其所謂延髓能司肺藏之呼吸者卽其腦髓神經能司全身運動之說也然內經謂上氣不足腦爲之不滿耳爲之苦鳴頭爲之傾目爲之眩所謂上氣者卽胸中大氣上行貫注於腦者也由斯知延髓之功用原在大氣斡旋之中設若胸中無大氣則延髓司呼吸之功能亦必立止卽使果如西人之說肺藏呼吸延髓司之而胸中大氣實又爲其司呼吸之原動力也

論人身君火相水有先後天之分

道家以丹田之火爲君火命門之火爲相火醫家以心中之火爲君火亦以命門之火爲相火二說各執一是其將何以適從乎不知君相二火原有先天後天之分所謂先天者未生以前也所謂後天者既生以後也因先天以臍呼吸全身之生機皆在於下故先天

之君相二火在下後天由肺呼吸全身之功用多在於上故後天之君相二火在上蓋當未生之前陽施陰受胚胎之結先成一點水珠是以天一生水繼則其中漸有動氣此乃臍下氣海後天之氣海在膈上而丹田之元陽即發生於其中元陽是火是以地二生火迨至元陽充足先由此生督任二脈命門者即督脈入脊之門也是以其中所生之火與丹田之元陽一氣貫通而爲之輔佐此道家以丹田之元陽爲君火以命門所生之火爲相火論先天也至於後天以心火爲君火自當以胆中寄生之火爲相火是以內經論六氣止有少陽相火而未嘗言命門相火少陽雖有手足之別而實以足少陽胆經爲主胆與心雖一在膈上一在膈下而由下一系相連其氣化即可相助爲理此內經以心中之火爲君火以胆中寄生之火爲相火之理論後天也夫水火之功用最要在熟腐水穀消化飲食方書但謂命門之火能化食而不知臍下氣海居於大小腸環繞之中其熱力實與大小腸息息相通故丹田之元陽尤能化食然此元陽之火與命門之火所化者腸中之食也至胃中之食則又賴上焦之心火中焦之胆火化之蓋心爲太陽之火如日麗中天照臨下土而胃中之水穀遂可藉其熱力以熟腐至於胆居中焦上則近胃下則近腸其汁甚苦純爲火味其氣入胃既

能助其宣通下行胃氣以息息下行爲順本不能疏士故善宣通之其汁入腸更能助其化生精液即西人所謂乳糜是以愚治胃中

熱力不足其飲食消化不良多生寒痰者則用藥補助其上焦之陽方用金匱苓桂朮甘

湯加乾薑厚朴甚者加黃芪臺灣醫士嚴坤榮代友函問二十六年寒痰結胸喘嗽甚劇

爲寄此方治愈曾登杭州三三醫報第一期致謝蓋桂枝乾薑並用善補少陰君火而桂

枝黃芪並用又善補少陽相火即胆中寄生之相火也其腸中熱力不足傳送失職致生泄瀉者則用

藥補助其下焦之陽方用金匱腎氣丸加補骨脂小茴香蓋方中桂附之熱力原直趨下

焦而小茴香善溫奇經脉絡奇經原與氣海相繞護也補骨脂之熱力原能補下焦真陽

而又能補益骨中之脂俾骨髓充足督脈強盛命門之火自旺也

腦氣筋辨（腦氣筋亦名腦髓神經）

西人謂人之知覺運動其樞機皆關於腦氣筋此猶拘於迹象之談而非探本窮源之論

也夫腦氣筋者腦髓之所滋生也內經名腦爲髓海所謂海者乃聚髓之處非生髓之處

究其本源實由於腎中真陽真陰之氣醞釀化合以成至精至貴之液體緣督脉上升而

貫注於腦者也蓋腎屬水水於五德爲智故善知覺腎主骨骨爲全身槓幹故善運動此

乃腦氣筋先天之本源也至於後天之運用則又全賴胸中大氣即宗氣內經謂上氣不足腦爲之不滿耳爲之苦鳴頭爲之傾目爲之眩夫上氣乃胸中大氣由任脈而上注於腦之氣也設或大氣有時較其貫注必卽覺腦空耳鳴頭傾目眩此時腦氣筋固無恙也而不能效其靈者何也蓋胸中大氣原能保合腦中之神明幹旋全身之氣化是以胸中大氣充足上升而後腦氣筋始能有所憑藉此非愚之出於想像而憑空擬議也曾有實驗二則詳錄於左以備考徵

友人趙厚菴邑諸生其丁外艱時哀毀過甚忽覺呼吸之氣自胸中近喉之處如繩中斷其斷之上半覺出自口鼻仍懸於顛門之上其下半則覺漸縮而下縮至心口胸中轉覺廓然過心以下卽昏然罔覺矣時已仆於地氣息全無旁人代爲扶持俾盤膝坐片時覺縮至下焦之氣又徐徐上升升至心口恍然覺悟再升至胸覺顛門所懸之氣仍由口鼻入喉與上升之氣相續其斷與續皆自覺有聲彷彿小爆竹自此遂呼吸復常後向愚述其事且問其所以然之故因曉之曰此乃胸中大氣下陷而復自還也夫大氣者積於胸中資始於先天元氣而成於後天水穀之氣以代先天元氣用事能保合神明幹旋全身

肺臟闔呼吸之中樞尤其所司子因哀毀過甚飲食不進大氣失其所養而下陷呼吸之中樞頓停所以呼吸之氣中斷於是神明失其保合而昏肢體失其斡旋而仆矣所幸先天元氣未虧卽大氣之根柢猶在所以下陷之後仍能徐徐上升自還原處升至於心而恍然醒悟者心中之神明得大氣之保合也升至胸中覺與外氣相續者肺臟之呼吸得大氣能自如也時愚行篋中帶有衷中參西錄未梓稿因出示之俾觀升陷湯後詮解及所載醫案厚菴恍然悟會曰十餘年疑團存於胸中一朝被君爲消去矣

又滄州中學校學生董炳文吳橋人氣分素虛教員教以深呼吸之法謂能補助氣分其法將身軀後挺努力將胸中之氣下壓以求胸中寬闊呼吸舒長一日因用力逼壓其氣過甚忽然仆地毫無知覺移時似覺呼吸不舒猶不自知其仆也又須臾呼吸方順乃自知身仆地上此因胸中大氣下陷而呼吸知覺運動一時並已則大氣之關於腦氣筋者爲何如哉由斯觀之腦氣筋先天之本源在於腎腦氣筋後天之賴以保合斡旋者在胸中大氣其理固昭然也西人於腦氣筋虛者但知用藥補腦而卒無一效此誠昧乎內經腦爲髓海及上氣不足則腦爲不滿之理西人生理之學雖精較之內經不又迴不如哉

吾人臨證遇有腦氣筋虛而欲培養補助之者尙能究其本源與其功用之所以然乎

三焦考

三焦爲手少陽之府既名爲府則實有其物可知乃自漢唐以還若傷寒金匱千金外臺諸書皆未明言三焦之形狀遂使後世數千年暗中摸索莫衷一是至唐容川獨有會心謂三焦卽網油其根帶連於命門誠爲確當之論而醫家仍有疑議者因唐氏雖能確指出三焦而未嘗博採旁引徵明油網確係三焦也愚不揣固陋爲特引數則以證用之內經論勇篇謂勇士者三焦理橫怯士者三焦理縱夫三焦之理既明明可辨其橫縱則其理之大且顯可知而一身之內理之大且顯者莫網油若也此三焦卽網油之明徵也又內經脹論篇謂三焦脹者氣滿皮膚中輕輕然而不堅夫所謂皮膚中者腠理之膜也人身之膜原內外縱橫互相通貫網油爲膜之最大者故網油有脹病可外達於腠理此亦三焦卽網油之明徵也

又內經本藏篇謂密理厚皮者三焦膀胱厚粗理薄皮者三焦膀胱薄疏腠理者三焦膀胱緩皮急而無毛者三焦膀胱急毫毛美而粗者三焦膀胱直稀毛者三焦膀胱結夫三

焦既可辨其厚薄緩急直結則實有其物可知且其厚薄緩急直結皆與膀胱並論則三焦亦如膀胱之以膜爲質且與膀胱相連可知而以膜爲質與膀胱相連者卽網油也此又三焦卽網油之明徵也

又內經以三焦爲手少陽之府與心包爲手厥陰之藏者相配耦凡相耦之藏府其經絡必然相連而心胞亦係脂膜與網油原相連絡此亦三焦卽網油之明徵也

又扁鵲謂腎間動氣爲三焦之原夫腎間動氣之處卽命門其動氣卽相火也爲網油卽是三焦其根蒂與命門相連故命門中之動氣可爲三焦之原也

又王叔和脈經相火三焦心胞之脈皆診於右尺後世論脈者多非之及觀唐氏三焦卽網油其根蒂連於命門之說乃知三焦與心胞皆與相火同生於命門故可同診於右尺叔和晉人去古未遠其著脈經定有師傳必非憑空擬議先賢後賢合符同揆脈經得唐氏之說而脈經可信卽唐氏之說徵以脈經之部位而亦可確信也

又王勳臣謂嘗驗剖解物類者若在甫飲水之後其網油中必多水鈴鑑若非在甫飲水之後其網油中卽少水鈴鑑是知網油爲行水之道路西人亦謂水道卽是網油徵之內

經三焦者決瀆之官水道出焉之文不益明三焦卽是網油乎

又徐靈胎謂內經言三焦者不一皆歷言其紋理厚薄與其出入貫布况既謂之府則明是藏蓄泌瀉之具但其周布上下包括藏府非若五府之形各自成體也觀徐氏之論三焦雖未明言三焦卽是網油而究其周布上下包括藏府非若五府之形各自成體數語盡形容出網油之狀特當時無網油之名詞故未明言出網油卽三焦耳徐氏於醫學考覈最精其所言者固非無根據而虛爲擬議也

又陳無擇謂三焦是臍下脂膜是明指網油爲三焦矣持其所言臍下脂膜惟係下焦耳然觀書之法不可以辭害意由此推之則包脾絡胃之脂膜卽中焦心下膈膜及連絡心肺之脂膜卽上焦矣統觀以上八則三焦之爲網油不誠信而有徵乎

少陽爲游部論

人身之三陽經外太陽裏陽明介於太陽陽明之間者爲少陽人之所共知也及觀內經熱論篇論外感之來一日巨陽受之（巨陽卽太陽）二日陽明受之三日少陽受之其傳經之次第又自太陽而陽明自陽明而少陽者何也蓋人身十二經手足各六其他手

足同名之經原各有界限獨少陽內經謂之游部所謂游部者其手足二經一脈貫通自手至足自足至手氣化流行而毫無滯礙也誠以少陽主膜人身之膜發源於命門下爲包腎絡腸之膜上爲包脾連胃之膜又上爲膈膜及連絡心肺之膜此爲上中下三焦由膈膜而下連兩脅爲護板油之膜又由膈膜而外出爲人身肥肉瘦肉中間之膜又外爲皮內腠理之膜脅下板膈之膜爲足少陽經以胆爲府者也是以胆皮亦膜體肥肉瘦肉間之膜與皮內腠理之膜爲手少陽經以三焦爲府者也由是知位次介於太陽陽明之間者指手少陽而言傳經在太陽陽明之後者指足少陽而言爲其爲游部故手足少陽可併爲一經而其部不在一處也斯義也可徵之傷寒論

其百四十九節云傷寒五六日嘔而發熱者柴胡證而以他藥下之柴胡證仍在者復與小柴胡湯必蒸蒸而振却發熱汗出而解夫小柴胡湯之功用原藉少陽之樞轉將脅下板油中伏藏之邪俾其上升透膈發出故小柴胡湯係和解之劑原非汗解之劑而此節經文謂由汗解者誠以誤下後脅下所聚外感之邪兼散漫於三焦因三焦爲手少陽之府此時仍投以小柴胡湯以和之則邪之散漫於三焦者遂可由手少陽外達於經絡以

及皮膚作汗而解而其留於脅下者亦與之同氣相求借徑於手少陽而汗解故於汗出上特加一却字言非盡其汗而却由汗解也其汗時必發熱蒸蒸而振者有戰而後汗之意蓋足少陽之病由汗解原非正路乃至服小柴胡湯後其脅下之邪欲上升透膈圍下後氣虛不能助之透過而其邪之散漫於手少陽者且又以同類相招遂於蓄極之時而開旁道之路此際幾有正氣不能勝邪氣之勢故有蒸熱振動之景象此小柴胡湯中必有藉於人參之補益正氣以助其戰勝之力細審此節文義手足少陽原當併為一經以遂其游部之作用無疑也

又可徵之瘧疾夫瘧疾雖不在一經而究以足少陽為瘧疾伏藏之處故久病瘧者其脅

下板結為瘧母

西人謂係脾臟脹硬然實有若肝積肥氣之類不必皆為脾之脹硬也

其證發動之時外與大陽併則惡寒此太陽當

指太陽之經言

為其周身寒戰實背之惡寒尤甚顯係太陽經病也

內與陽明併則發熱此陽明當指陽明之府言

為其表裏壯熱渴嗜

涼水瀉系陽明瘧病也

夫與陽明胃府相逼處者原為足少陽經之板油為其相近是以相併至與太

陽經相近能相併者惟手少陽腠理之膜是知瘧邪之發動必自足少陽經達於手少陽經而後能與太陽之經相併其繼也又必自手少陽經返於足少陽經而後能與陽明之

府相併瘧邪寒熱之往來原貫串於手足少陽二經無所界限則手足少陽二經誠可統同論之而無事過爲區別也且其所以爲游部者不但因二經相貫通也人身之藏府凡有不相貫通之處此二經皆聯絡之而使之貫通少陽爲游部之功用何其弘哉

左傳育之上膏之下解及病在膏肓之治法

素問刺禁篇曰膈肓之上中有父母

父母指胸中大氣言

是育卽膈也又靈樞九針十原論曰膏之原

出於鳩尾夫鳩尾之內卽膈膜乃三焦之上焦爲手少陽之腑與手厥陰心包臟腑相連互爲配耦心包者卽心肺相連之系上有脂膜下垂脂卽膏也爲此系連於膈自下而上故曰膏之原出於鳩尾言鳩尾而不言膈者因鳩尾在外易見也傳論云居育之上膏之下是其病定在胸中無疑特是胸中之地大氣之所貯藏也雖不禁針然止可針二三分不敢作透針以瀉大氣故曰攻之不可其外又皆硬骨衛護不能用砭故曰達之不及又其處爲空曠之府上不通咽喉下有膈膜承之與膈下臟腑亦不相連故曰藥不至焉所以不可爲也不知胸中之疾當以調補胸中大氣爲主後數百年張仲景出其治胸痺也有大氣一轉其結乃散之語其識見誠出秦緩之上蓋人之胸中無論何病能調補其胸

中大氣使之充暢無病諸病自化秦緩當日不知出此竟委爲不治迨其後晉景因胸中之病傷其大氣至覺腹脹則大氣陷至腹矣因腹脹而入厠大氣陷至魄門矣此所以入厠不返也欲明此段理解參看衷中參西錄第四卷升陷湯後詮解及附載諸案自明

答人問膜原

人腹內之膜以三焦爲最大其膜根於命門在下焦爲包腎絡腸之膜在中焦爲包脾連胃之膜在上焦爲膈膜及連絡心肺之膜此腹中之膜也至身上之膜肥肉瘦肉間之膜爲半表半裏之膜與皮膚相連之膜爲在表腠理之膜此二處之膜皆以三焦爲府卽以三焦之膜爲源古原字卽源字也由是論之三焦之膜統可名之爲膜原而內經之所謂膜原實指上焦膈膜而言何以知之凡外感之來大抵先侵上焦故內經謂其橫連膜原中下兩焦之膜其紋理大致皆縱惟膈膜則旁連四圍故其紋理獨橫而外感之伏於其處者亦遂與之橫連也

答人問泌尿道路

人之飲入於胃上下四旁敷布以灌溉濡潤諸臟腑而其灌溉濡潤之餘除化汽化汗之

外皆下歸於膀胱而爲小便是以胃者小便之源膀胱者小便之委猶黃河之播爲九河其下又同爲逆河也今時卽管見所及縷析條分以列於左

內經謂飲入於胃游溢精氣上輸於脾脾氣散精上達於肺通調水道下歸膀胱蓋胃中之食必得水氣濡潤始能釀爲精液經不曰精液而曰精氣者言精液之中含有氣化也此精液既成之後可於脾胃相連之處

內經謂脾胃相連以膜

輸入脾中藉脾氣之散精以上達於肺

復由肺下降以灌溉諸臟腑而當其下降之時卽分泌水飲之含有廢質者循三焦之脂膜以下歸膀胱

又內經謂食氣入胃散精於肝淫氣於筋所謂精者亦水飲與食氣醞釀而成蓋胃有肝膈大筋與之相連而飲食所化之精液遂得緣筋上之脂膜以輸於肝分潤諸筋

肝主筋故能自肝分

潤而其含廢質之水飲遂循肝系下注緣下焦脂膜歸於膀胱二節經文雖有飲入於胃

食入於胃之不同究之皆飲與食化合之精液由肝脾以散布於周身也

又內經謂食氣入胃濁氣歸心淫精於脈蓋濁氣者卽水氣含有食物之精液者也所謂淫精於脈者以心主脈也此卽西人所謂微絲血管能吸胃中水飲之理蓋水飲被微絲

血管吸去隨血脈之循環以注於心助心釀成血中明水以養赤白血輪而所餘之水亦多含有廢質由回血管下行至腎由腎滙過歸於膀胱

又內經謂胃之大絡名虛里貫鬲絡肺按虛里之絡爲胃府通於胸肺之道路其貫鬲也由中焦如漚以成上焦如霧也迨至霧氣潤澤復化爲水而下注循三焦以歸於膀胱則又下焦如瀆矣此與脾氣散精節所謂通調水道下歸膀胱者其分泌之道路同也

又飲食入胃以後經胃中酸汁似稀鹽酸醞釀化爲稀糜輸於小腸其中原多含水氣迨至此水助小腸釀成乳糜汁後已歸無用卽從乳糜管中透出循下焦脂膜以歸於膀胱右共六則泌尿之道路大約不外此矣

或問王勳臣言胃府幽門之左寸許有一門名津門津門上有一管名津管其處胃體甚厚四圍靠擠縮小所以水能出而食不能出觀子所著衷中參西錄中亦間取王氏之說今論泌尿道路而獨未言及津門豈王氏之說難確信歟答曰津門之說內經未言西人剖解家亦未嘗言愚曾用豬胃繫其下口滿注以酒復繫其上口煮爛熟作藥册未見其

酒外出其無顯然出水之門可知夫物之胃無顯然出水門戶自能消水而人之胃必顯然有出水門戶始能消水是人胃體質之粗疏轉不若物胃之精妙矣又西人剖解之初偶見胃有穿孔者當時以爲致死之由後乃知爲胃中酸汁所化因酸汁之性能化死肉不能化活肉故人生前之胃不畏酸汁而死後之胃畏酸汁也由是而論王氏所言之津門焉知非爲酸汁所化之孔乎

或問西人合信氏謂飲入於胃被胃中微絲血管吸去引入回血管過肝入心以布於周身自肺達出爲汽自膚滲出爲汗餘入膀胱爲溺今子則謂水飲過肝後無事入心而即可由肝下達膀胱果河所據而云然乎答曰內經謂肝熱病者小便先黃又謂肝壅兩脇脅也滿臥則驚悸不得小便且芍藥爲理肝之主藥而最善利小便又肝木氣臊小便之氣亦臊是皆其明徵也况肝脈原下絡陰器連於下焦由是觀之是水飲由胃入肝原可直達於膀胱也且西人謂回血管之尾與腎中溺管相接回血管之水卽用此透過腎臟達於膀胱夫回血管中水飲若過肝之後皆上行入心而實無自心復下行之回血管凡回血管皆自回心部水飲又何能由之以達於腎乎是知水飲由回血管入腎者必其過肝之後未盡隨

上行之回血管歸心而卽隨自肝下行之回血管歸腎也蓋西人此段議論原屬約略未詳之詞愚特於其未詳者代爲闡發耳

答方寄齋問黃庭經後有幽闕前有命門

內經靈樞兩言命門一在根結篇一在衛氣篇皆明言命門者目也至下焦之命門內經實未言及惟素問刺禁篇有七節之旁中有小心之語似實指命門之處其中有少火爲心火之相故曰相火代心行化以散布於周身是以謂之小心其所生之火居兩腎之間有一陽陷於二陰之象結爲坎卦以總司下焦水火之氣是命門者誠如君之所言兩腎中間一竅其中有動氣者是也難經謂右腎爲命門者非是至黃庭經所謂後有幽闕者實亦指貼脊之動氣處而言所謂前有命門者指臍下氣海而言其中藏有元氣爲人生命之本源故丹家重之曰命門尊元氣爲祖氣藉之以修內丹其處原與貼脊動氣處前後相映復一脈貫通故黃庭經對待言之嘗考鍼灸圖任脈有氣海石門兩穴皆內當氣海之處而石門又名命門是命門卽氣海之明徵也

答劉希文問外腎與睪丸與何臟有密切之關係

人體之實驗西人最精然西人謂內腎但能濾水不能化精與外腎之作強毫無關涉此
嚙語也蓋西人但知重實驗而不知重理想但知考形迹而不知究氣化故西人論內腎
外腎及聖丸之締造歷歷如在目前而所詳者惟血脈管也回血管也精管也溺管也除
諸管之外而別無發明也彼蓋見外腎精管與內腎絕不相通故直斷其不相涉也夫人
之胚胎初結天一生水腎臟先成左右兩枚皆屬於水而包腎之脂膜連於脊骨十四節
處自下數七節處是爲命門中生相火位居兩腎之陰兩腎屬陰通任脈而主水相火屬陽通督脈
而主火督脈即從命門入脊合爲坎卦以總司下焦水火之氣而下焦之精血溺諸管得此水火之氣
主宰之而後能各盡其用猶如火車一切諸機輪之運轉皆水火之氣所鼓動也西人能
創造火車藉水火之氣以成其利用而不知人身之利用亦在水火因人身水火之氣原
非剖驗所能見而又不能默契精微參以理想故但循其迹象而竟謂內腎與外腎不相
涉也且西人謂精係血之所化然非血自能化精必藉腎與命門水火之氣以醞釀之也
按西人謂精爲血之所化語甚膚淺夫生精之處在大腸之前膀胱之後有脂膜兩片相
併男爲精室女爲血室其脂膜與臍下氣海相連前任後督相通任脈輸血藏於其中以

滋潤下焦諸經絡氣海中所藏之氣先天之元陽卽先天之君火也有時其氣發動命門相火亦隨之而動則外腎勃興此時腦中元神自有知覺若因此知覺欲念一生元神卽隨督脈下降至精室與元氣會合而化精此精室之血所以能化精之實際也爲精爲元神元氣之所化合故在人身最爲寶貴以此生育子女傳我血脉卽以傳我性靈試當房事將瀉身時腦中必有異常之感覺此上下相關之實驗也

至舉丸西人謂係藏精之所又謂精虫不運動於舉丸所分泌之精液中必與其他生殖器腺所分泌之精液相混而後運動由是而論是舉丸所藏之精液非卽成爲媾精之精也蓋舉丸之脈前入腹通於氣海後入脊達於腦部觀洗冤錄謂因傷舉丸致命者其腦頂必紅透血色是其明徵實腦部與氣海

之氣化搏結之處以助腎臟之作強其中所藏之液實爲留戀氣化之用凡異氣所藏之處必有精液涵濡以留戀之是以舉音高卽臬字之變體訓同膏字謂其中有膏油也若所藏者純係媾精之精則古人不當名爲舉丸宜名爲精丸矣况精室爲化精之所原可直達於外腎精管何必若是之紆回曲折而取徑於舉丸乎至唐容川謂係射精之機亦助腎作強之一端也

答人問胞室子宮氣海兒枕

胞室卽子宮也在膀胱之後大腸之前有脂膜兩片相合其中卽爲胞室其系連於命門

命門者在脊椎自下數第七節

在七節之旁左右各有一孔

胞系連於其處卽由命門上通於督脈督脈

者卽脊髓袋也

凡物有脊梁者皆有此袋

此胞室之脂膜在腹中又上連任脈任脈者何卽心肺肝相連

之總系也此胞室男女皆有男子督脈之髓注於此而化精女子任脈之血注於此而化

月信究之男女生育之真種子皆賴督任之氣化同到胞中惟男以督爲主女以任爲主

耳特是命門處之脂膜不但與胞室相連也包腎之脂膜亦與之相連臍下氣海之脂膜

亦與之相連氣海之形狀如倒提鷄冠花故俗名之爲鷄冠油此乃人生起點之處當男

女媁精之始在女子胞中先結成一點水珠此珠久久漸有動氣卽氣海也由氣海而生

督任二脈一行於前一行於後以生全身至胞室之脂膜原督任二脈相合而成故與督

金匱所言臟燥之臟卽指此

任及氣海皆相貫通遂爲男以化精女以繫胞之要臟矣

謂氣海者在臚中臚中者膈上也何以氣海又在臍下不知氣海有先天後天之分臚上

之氣海後天之氣海也中所藏者大氣內經又名之曰宗氣臍下之氣海先天之氣也中

所藏者元氣丹經又名之曰祖氣爲由先天而生後天所以一爲祖一爲宗也且先天之

呼吸在臍是以氣海居下後天之呼吸在肺是以氣海居上也至鬼枕作疼之說原屬荒謬之談不過產後瘀血作疼是以後世本草謂山查善治兒枕作疼以其善化瘀血也若果有兒枕何以兒枕時不疼而不枕時轉疼乎明乎此理則其說不攻自破矣

答陳董塵疑內經十二經有名無質

天下之妙理寓於迹象之中實超於迹象之外彼拘於迹象以索解者縱於理能窺其妙實未嘗窮其極妙也如九十六號紹興星陳董塵君因研究剖解之學者於十二經之起止莫能尋其跡象遂言內經所言十二經無可考據非無據也因其理甚玄妙超於跡象之外非常識所能索解也夫內經之靈樞原名鍼經故欲究十二經之奧妙非精鍼灸者不能得其實際愚於鍼灸非敢言精而嘗與友人盧顯章遼陽人最精鍼灸得之祖傳談及此事顯章謂斯可卽余鍼愈疔毒之案以徵明之庚申八月間族妹左手少陽經關衝穴生疔至二日疼甚爲刺耳門二穴立愈關衝爲手少陽經之所起耳門爲手少陽經之所止也又辛酉七月中族中男孫七歲在右足太陰經隱白穴生疔三日腫至膝下疼甚劇取右三陰交及公孫二穴刺之立愈隱白穴爲足太陰經之所起公孫三陰交爲足太陰經之所歷也設若

刺其處仍不愈者刺太陰經止處之大包穴亦無不愈矣又於辛酉八月間本村田姓婦在手陽明二間穴生疔腫過手腕爲刺曲池迎香二穴當時疼立止不日卽消二間雖非陽明經起之處距經起處之商陽穴不過二寸曲池則經歷之處迎香則經止之處也又於九月中第四中學學生吳貴春在手太陰經太淵穴生疔紅腫之綫已至俠氣戶木不知疼惡心嘔吐診其脈象洪緊右寸尤甚知係太陰之毒火所發爲刺本經尺澤中府及肺俞患處覺疼惡心嘔吐立止紅線亦立時掣回半日全愈太淵距本經起處之少商穴不過三寸強中府則本經之所起也尺澤則本經之所歷也肺俞則本經之所注也由是觀之疔生於經之起處刺經之止處生於經之止處刺經之起處皆可隨手奏效則經之起處與止處非有一氣貫通之妙何以神效如是哉夫電線傳電西人所創造也其法可爲妙矣然猶有迹象可尋猶不若無線電之妙之尤妙十二經之起止貫通其猶無線電乎夫西人能窮究天地之氣化而爲無線電而不能窮究人身之氣化而作鍼灸誠以天地之氣化明而顯人身之氣化隱而微也由是而論吾中華醫學貽自開天闢地之聖神其精到之處原迥出西人之上而欲以西人形迹之學以求吾中醫至奧之理庸可得乎

世之輕棄國粹而篤信西法者尙其深思愚言哉

報駁左肝右脾解者書

閱庚申冬紹興醫藥學報有褚君淵明駁拙擬左肝右脾之解謂引證之四條皆不足憑第一條駁日繞地而行之說謂非日繞地乃地繞日也是篤信西人之說也若以西人之說爲真可信鄙人將有所疑問若果能切實明晰答此疑問以後三條鄙人必詳細答復若不能答此疑問是鄙人之引證皆對所駁者爲妄駁其餘諸條亦無暇再答復矣

西人謂地球運動有二種一以南北極爲軸每晝夜旋轉一次謂之自轉一以太陽爲中心而自循軌道進行一年繞日一周謂之公轉

西人又謂日輪之大其直徑八十六萬英里一英里約爲華里之三倍大於地球一百三十五萬五千倍

有奇鉅地約九千二百八十九萬七千英里夫北極爲不動之恆星中西所共認也南行二百里測北極卽低一度北行二百里測北極卽高一度人之所共知也乃西人又謂日亦恆星不動地繞之而行將平繞之乎則或在日南或在日北其南北相距之點當爲二萬八千六百六十五萬四千英里數爲日距地之二倍加日徑將斜繞之乎則或斜而上或斜而下其

上下斜繞之點亦應如前數夫地面相距二百里視北極卽差一度而地球自行一萬八千六百六十五萬四千英里人在地之一處望北極者其終歲高低之度竟無少差此何故也

人之視物遠則小近則大卽仰觀星宿亦然人之所共知也地若果繞日而行將繞至日南與北極之距離卽遠一萬八千六百六十五萬四千英里數爲日距地之二倍加日徑繞至日北與北極

之距離卽近一萬八千六百六十五萬四千英里或平繞或斜繞約皆相仿地與北極距離之差其或遠

或近若斯之多何以人立地之一處終歲視北極其懸象之大小無少改易乎

再者地果繞日而行則當其繞日而南之時人在地上望北極必爲日輪所隔卽斜繞之

或偏上偏下北極不至正爲日輪所隔而北極之光亦必爲日光所奪何以人居赤道

北者赤道南有不見北極之處終歲之夜無不見北極乎鄙人之友蘇明陽君天地新學社主人也曾於

民國五年在北京闢研究天地新學說之會外國天文家到者甚多蘇君歷舉西人天文家之種種謬說還以質問西人西人無一能答者後又將其質問諸條以分寄各國天文家亦未有能答者由此知西國天文家亦明知從前之談天文者多恃謬特不肯明揭其

前人之短耳而吾中華之篤信西人者則猶昏昏在夢中也且拙擬左肝右脾之解原錄錄拙著衷中參西錄之文其前原有為友人劉仲友治愈之醫案在按左肝右脾之理疏方即隨手奏効此皆確有實驗非徒託諸空言也

深研肝左脾右之理

嘗思人稟天地之氣化以生人身之氣化即天地之氣化若於人身之氣化不明不妨即

天地之氣化徵之誠以人身之氣化微而隱天地之氣化大而顯也不知者轉因此相譏實不能曲諒矣天地之

氣化伏羲曾畫卦以發明之即先天圖之乾南坤北離東坎西者是也至文王衍易變為

後天則八卦各易其方矣而後世惟堪輿家辨兩儀四象分界中諸雜氣猶用先天卦位

其餘則一旦占卜術數之學皆用後天卦位因伏羲所定之卦位為體文王所定之卦位

為用用體則無效用用則有效用也者是氣化發露貫注之處也天地之氣化有然人身

之氣化亦何莫不然即如肝右脾左之說淮南子早言之扁鵲難經亦謂肝在右難經云肝之為臟其

之說者亦體與用之區別也肝之體居於右而其氣化之用實先行於左故肝脈見於左

治在左其臟在右脊右腎之前並背脊之第九椎金鑑刺灸篇會引此數語今本難經不知何人刪去

關脾之體居於左而其氣化之用實先行於右故脾脈見於右關從其體臨證疏方則無

效從其用臨證疏方則有效是以從用不從體也藉曰不然愚又有確實徵驗如肝開竅

於目人左目之明勝於右目

內經謂人之右耳目不如左明實驗之目之明誠如內經所云至耳乃連帶之詞如三過其門不入實禹之事孟子則並言禹稷者是也且木工視線必用左目是其明徵

此

肝之氣化先行於左之明徵也脾主四肢人右手足之力勝於左手足此脾之氣化先行於右之明徵也試再以臨證驗之鄰村友人王桐軒之女郎因怒氣傷肝經醫者多用理肝之品致肝經虛弱坐時左半身常覺下墜臥時不能左側診其脈左關微弱異常遂重用生箭芪八錢以升補肝氣又佐以當歸黃肉各數錢一劑知數劑全愈又鄰村友人毛仙閣之子素患肝臟虛弱恆服補肝之品一日左脅下疼痛異常左關弦硬因其肝臟素弱不敢投以破氣疏肝之品遂單用柏子仁一兩煎湯飲之立愈蓋柏之樹杪皆向西北其實又冬日採取飽經霜露得金水之氣最多肝木之橫恣用金以鎮之水以滋之其脈之弦硬悉化所以其疼立止也又奉天東關學校翟校長之叔父右手足皆不利似麻似疼飯時不能持箸行時需杖飲食減少脈象右關濡弱知其脈胃虛弱不能健運肢體也搜以四君子湯加生黃芪當歸乳香沒藥連服數劑全愈卽此數案觀之而肝主左脾主

右不尤顯然可見乎夫天下事理之曠非一一親身經過且時時留心必不能確切言之若憑空擬議動斥他人之非且以輕薄出之直譏其大言不慚無論所譏者之失於妄誕也即使其人果有其弊又何不學古人之忠告善道而必出語自傷其忠厚乎况裘君費盡心血創此醫報原爲醫界同人研究醫學之資藉而竟雜以灌夫罵座之語閱報者亦將訝其不倫矣再者醫學以活人爲主所著之書果能活人卽爲最善之本愚著衷中參西錄五十餘萬言自擬一百六十餘方醫界同人見此書者有用一方面而治愈疫病千人者故城縣尹袁霖普有用一方面而治愈霍亂數百人者撫順煤礦總理尚習珍至登各處醫學誌報用書中之方治愈各種險證以相告者尤不勝紀近閱二三醫書時行伏陰芻言亦用書中之方救愈多人至山西平陸縣尹彭子益君推爲醫書中第一可法之書高麗慶南統營郡安鳳軒推爲漢醫學中第一可靠之書各醫學誌報所載者彰彰可考此豈醫界同人之阿好乎抑實爲此心此理之同耶若謂變本加厲益致醫學沈晦可爲獨拂公論而爲此毫無忌憚之談也愚又思之人果有志振興醫學欲於狂瀾難挽之時獨作中流砥柱當自著一書發前人所未發言今人所不能言其書一出俾醫界人人信仰視爲標準原不必排擠

他人以自鳴其識見之高也是以愚生平著作論說不下百萬言不敢是己之是亦不敢非人之非惟偶有會心卽筆之於書其言之皆是也人自信之其言之皆非也人自不信之不然則我方雄辯高談以指人之疵謬乃我之辯論未傳而所指爲疵謬者轉能廣行於世人人信用返躬自思能無汗顏乎

續申左肝右脾之研究

拙著衷中參西錄載有安東劉仲友臂熱一案因其左臂熱而痿軟重用補肝之藥治愈恐人疑與西人左脾右肝之說不能溝通遂解以肝雖居右其氣化實先行於左脾雖居左其氣化實先行於右四語此乃臨證得諸實驗且欲溝通中西非爲古籍護短也而篤信西醫之劉君竟屢次駁辯謂肝脾中原無空氣而何以有氣化之行不知氣化二字爲中文常用之名詞其在天地爲陰陽化合之所生其在人身爲氣血化合之所生至爲精微有如帝載之無聲無臭劉君竟以空氣當之是劉君並不懂中文也至謂肝之氣化不能透膈以達於左脾之氣化不能透膈以達於右尤爲立言欠解夫膈者所以別上下非以分左右也如劉君所謂豈膈下無左右必膈上乃有左右乎况膈膜之上原有微絲血

管與全體之血管相通膈下化氣原可由微絲血管達於膈上也

再者氣化之透達又不必顯然有隧道也試以物理明之如浮針於缸中隔缸用磁石引之針即隨磁石而動此無他磁石之氣化隔缸可透達也又如屋中有煖氣管外裹以鐵其熱力之氣化自能外透行於滿屋若如劉君所謂則屋中有十人必於煖氣管中分出十個支管以著於十人之身而後其熱力之氣化始能徧及十人劉君之用心不太拙乎抑明知其非是而欲強詞奪理乎藉曰不然試更以針灸明之夫中法針灸西人所共認也而各經諸穴原無顯然脈絡相通貫然疔瘡生於經之起處針經之止處可愈疔瘡生於經之止處針經之起處可愈此無他有脈絡可循而氣化能貫通者譬之有線電也無脈絡可循而氣化亦可貫通者譬之無綫電也西人能察天地之氣化而爲無綫電而不能察人身之氣化而作針灸誠以天地之氣化顯而明人身之氣化隱而微也

且左右互易爲用不獨肝脾爲然也西人所最重者腦髓神經也然司身左邊運動之神經在腦之右司身右邊運動之神經在腦之左此說原出自西人劉君自然深信若爲中人之說劉君當亦嚴加駁議矣由此推之中法之治頭疼者可用生萊菔汁注於鼻孔然

疼在左則注右鼻孔疼在右則則注左鼻孔治倒睫毛者可用馬錢子末塞其鼻孔然左
睫毛倒則塞右鼻孔右睫毛倒塞左鼻孔其理固與腦髓神經之互司左右運動者無異
也由此知氣化之在人身處處皆有左右互通之道路此所以融匯全身之氣化使之易
於流通正所以範圍全身之氣化使之互相締結也此誠造化生成之妙也夫愚之著書
以衷中參西爲名原欲採西人之所長以補吾人之所短豈復有中西之見橫亘胸中是
以於西人之說可採者採之其說之可溝通者尤喜溝通之如此以精研醫學醫學庶有
振興之一日若必如劉君之說其中西醫學相異之點斷不可以溝通將肝居右其氣化
不能行於左脾居左其氣化不能行於右則左關之脈當爲脾右關之脈當爲肝如此診
脈斷病果有效乎醫界同人果能共認乎劉君試再思之勿以愚爲好辯也

又近閱三三醫報見有潮州許小士氏點草考古一則言潮俗如患眼暴痛生翳星者卽
覓採點草之葉將一葉揉軟再以銅錢一枚置寸口脈上後以揉軟之葉置錢孔中外以
布縛之約一炷香久解開視其錢孔處卽發現一水泡目中翳星遂消屢試屢效然左眼
有病須置右手寸口右眼有病須置左手寸口又須卽其眼暴痛時速如此治之遲則無

效點草之形狀其葉作掌形有三深裂春暮開小黃花五出所結之果如欲綻青桑椹其莖葉概生茸毛

查新植物學謂凡莖葉密生茸毛者有毒

葉味辛辣多生田澤間實與本草綱目毒草類中毛茛草

形狀性味皆相似然毛茛之葉與薑搗塗腹上能除冷氣揉碎縛臂上男左女右勿令近

肉能截瘡搗敷瘡

勿入瘡

能消癰腫而實未言其能除目翳也

觀此用點草治目亦左右互相爲用益知人身之氣化皆左右互相爲用也由斯知肝居右而其氣化先行於左脾居左其氣化先行於右此人身氣化自然之理愚豈無所徵驗而妄談也哉

論醫士當用靜坐之功以悟哲學

今時學校中學生多有有用靜坐之功者誠以靜坐之功原爲哲學之起點不但可以衛生實能淪我性靈益我神智也醫者生命所託必其人具有非常聰明而後能洞人身之精微察天地之氣化辯藥物之繁蹟臨證疏方適合病機救人生命若是則研究醫學者顧可不留心哲學藉以淪我性靈益我神智乎哉愚生平訪道幸遇良師益友指示法門而生平得力之處不敢自祕特將哲學靜坐之真工夫詳細言之以供諸醫界同人

夫靜坐之功當凝神入氣穴人之所共知也然所謂神者實有元神識神之別元神者藏於腦無思無慮自然虛靈也識神者發於心有思有慮靈而不虛也靜坐者當其凝神入氣穴時宜用腦中之元神不宜用心中之識神蓋用識神則工夫落於後天不能返虛入渾實有着象之弊釋家景禪師云學道之人不識真只爲從前認識神又南泉禪師云心不是佛智不是道此皆言不可用心中識神也用元神則工夫純屬先天有光明下濟無心成化之妙元神者腦中無念之正覺也陰符經云機在目蓋目連於腦目與腦中之正覺融和卽爲先天之性光用此性光下照氣穴是以先天之元神助先天之元氣則元氣自能生長是以佛經有北斗裏看明星之語又心經曰觀自在菩薩菩薩二字佛經恆借以喻氣海元陽之氣故柳華陽註云觀乃我正覺中之靈光耳菩薩卽是慧命如來大發慈悲教大衆時時刻刻觀照此菩薩菩薩得受此靈光之慧力久則自然如夢覺融然如薰蒸活活然如盆珠觀柳華陽註心經之文益知靜坐時用元神之妙

迨至靜坐功深元陽充足徵兆呈露氣機外動此時又宜用採陽生工夫然陽之生也多在睡眠之際偶然知覺宜急披衣起坐先急呼氣數口繼徐呼氣數口又繼則徐而且長

欲呼氣長必先將氣吸足

細細呼氣數口且當呼氣外出之時宜將心中識神注意下降與腎氣相團結

呼氣外出之時腎氣隨呼氣上升自與下降之心神相遇此道家所謂吸升呼降之功亦

卽巽風倒吹之功

拙著三期第二卷復湯後論其理甚詳宜參觀

以收回元陽蓋靜坐之時用腦中元神所謂文火也

採陽生之時用心中識神所謂武火也由斯而論靜坐之時用文火當名爲凝神照氣穴

至採陽生時用武火方可謂凝神入氣穴蓋賢惟照之以神光不着迹象故爲腦中元神

入則念念注於其處已着迹相故爲心中識神如此區別言之將顧名思義閱者自易領

悟也至於用識神以採陽生而不嫌其暫時着迹相者誠以內鍊之功以先天爲主以後

天爲輔識神雖屬後天實能輔先天元神所不逮故可用之以收一時之功也

張紫陽悟真篇所謂文武火左

右分者乃雙修者之文武火用法與此論中所言之文武火迥異

從此文火武火互用不熄氣海之元陽充實旁溢督脈必有驟開之一日此時周身如醉

神情如癡統體舒暢愉快莫可言喻道家所謂藥產者是也從此工夫純粹藥產屢見又

可由督脈以通任脈蓋通督脈可愈身後之病通任脈可愈身前之病督任皆通元氣流

行法輪常轉精神健旺至此可以長生矣特是督脈之通火候到時可純任天機之自然

至由督脉以通任脉火候到時又宜稍助以人力至於火候如何爲到人力如何運用此中原有師傳口訣至爲鄭重不可輕洩而愚幸得真傳不肯自秘拙著衷中參西錄第八卷之末論治夢遺運氣法於意通督任法後更論及實通督任之功言之甚詳閱者細觀自能領會茲不復贅靜坐工夫至此骨格變化聰明頓開哲學會悟若或啓誘如欲藉醫學救世以求功德圓滿自能妙悟非凡臨證審機觸洞然用藥調方隨手奏效既能壽身又能壽世凡我醫界同人何弗於靜坐之功加之意乎

醫學宜參看丹經論

內經與丹經皆始於黃帝然內經爲世俗共用之書故其書顯傳於後世丹經爲修士獨善之書故其書祕傳有專家所謂教外別傳也其後分門別派或書籍留貽或口訣授受著述雖紛不一致而當其內視功深之候約皆能洞見臟腑朗若掣電深究性命妙能悟真故其論說皆能與內經相發明習醫者不必習其功而實宜參觀其書也愚今者特將丹經所言之理能與醫學相發明者顛列數條於左以徵實之

中醫謂人之神明在心故凡神明受病皆注重治心西人謂人之神明在腦故凡神明受

病皆注重治腦及觀丹經則以腦中所藏者爲元神心中所發者爲識神此其義實可溝通中西而與內經脈要精微論謂頭者精明之府及靈蘭秘典謂心者君主之官神明出焉之文相符合也蓋人之神明有體用神明之體藏於腦神明之用出於心也

又中說溺道隔膀胱滲入西說謂膀胱原有入水之口在出水之口下因有脂膜繞護故不易見而丹家口授則謂人之元氣藏於丹田外有胰子包裹卽氣海也氣海之狀下有三足居膀胱之上三足之中間有紅點大如黃豆而膀胱之上亦有此點二點相對溺道必然通利若有參差小便卽不利曾卽物類驗之初剖解之時此點猶彷彿可見作淡紅色移時卽不見矣蓋元氣之功用由上點透發以運行下焦之水飲卽由下焦滲入膀胱雖膀胱之全體皆可滲入而此點又爲滲入之正路也至西人所謂入水之口者原在若有若無之間不過爲滲入之別派耳嘗見推拿家治小便利謂係膀胱稍偏當卽金匱所謂胞系了戾用手法推而正之小便利實暗合丹家所論之理也若篤信西說不信水飲滲入之理可以實驗徵之試取鮮猪脬滿貯以半溫之水繩紮其口置新剖解之猪肉上其水仍可徐徐滲出能滲出卽可徵其能滲入也

又西人謂人尿中多含炭氣不可作藥用而中法則謂之還原湯男用女者女用男者獲益良多且傷寒論方中亦用之其故何也及詳考丹家之說知男子尿中含有硝質女子尿中含有硫質皆可設法取出硝者至陰之精所化而出於男子尿中是陽中有陰也硫者至陽之精所化而出于女子尿中是陰中有陽也抱樸子謂男女之相成猶天地之相生卽易所謂一陰一陽互爲之根也人果洞明其理而善修其道則男女尿中硝質硫質皆無蓋因其互相攝取卽能互相補益雖高年夫婦行之亦可同登仙錄

此段莫與認爲房術採補

由斯

觀之小便可作藥用其理固昭然也

又中法於腎臟重之曰先天其說亦實本於丹經丹家謂腎有兩枚皆屬於水而腎系連於脊椎自下數七節之上名命門穴是生相火一火介於二水之間卽一陽陷於二陰之間象應坎卦與心臟之體爲離卦者互相感應丹家卽取此坎離之精以鍊成還丹爲腎中具有水火之氣實爲先天之真陰真陽而下焦之化精化氣以及外腎之作強二便之排泄莫不賴此水火之氣以醞釀之鼓舞之猶火車之諸機輪其原動力皆在於水火也而西人但以迹象求之謂內腎惟司瀝水與外腎毫無關係使明丹經之理必不但執形

述與中法駁辯也

又醫家最重督任二脈然督任二脈針灸書但載其可針之經絡至其在人身果係何物方書固未嘗言及及觀丹經乃知督脈貼於脊梁下連臍下氣海上至腦際俗名爲脊髓袋者是也任脈卽喉管分支下爲心系又下而透膈爲肝系又下而連衝及臍下氣海卽肺心肝一系相連之總提也知此二脈乃知衄血之證血循督脈上行透腦而下出於鼻欬血之證亦不但出於肺凡心肝衝之血皆可循任脈上行也凡心肝衝之血皆可循任脈上行是治吐血者當兼顧其心肝衝也

論哲學與醫學之關係

近閱醫學誌報多有謂哲學可累醫學之進步者其人蓋不知哲學作何用並不知醫學所由昉也詩云既明且哲以保其身此身不陷於罪戾爲保身此身不困於疾病亦爲保身觀詩之所云云是其人必先有明哲之天資及明哲之學問而後能保其身也而此明哲保身之天資學問在修士原爲養生之道此修士之養生所以名爲哲學也特是仁人君子之存心能養其生又欲人人皆能自養其生然人不皆能明哲保身其養生之道有

虧自不能不生疾病於斯推廣哲學之理以創立醫藥爲不能自養其生者之贊助而哲學之包括始能恢弘無外是以自古醫界著述諸家若晉之葛稚川南北朝之陶華陽唐之孫思邈諸人所著之書皆可寶貴實皆爲哲學家也至明之李瀕湖著本草綱目於奇經八脈獨取張紫陽之說紫陽亦哲學家也如以右所引徵者仍不足憑更可進徵諸內經

內經爲黃帝講明醫學之書而其首篇上古天真論曰上古有真人焉提攜天地把握陰陽呼吸精氣獨立守神肌肉若一故能壽敝天地此言真人秉天地之菁英而能保護不失有若提攜把握且能呼吸精氣以補助之獨立守神以凝固之故能變化氣質使肌肉若一壽數無窮此上古真人誠爲一大哲學家不啻黃帝自現身說法也夫內經既爲黃帝講明醫學之書而必以哲學開其端者誠以哲學者保身之學也人必先能自保其身而後能代人保其身保己之身用哲學所以變理己身之氣化也保人之身用醫學亦因先洞悉己身之氣化自能代人人變理其身中之氣化也由斯知哲學實爲醫學之本源醫學卽爲哲學之究竟此所以內經爲講明醫學之書而開端必先言哲學也哲學又何

至累醫學哉然此非徒託空言也更可進而徵諸事實且可徵諸一己之事實

愚資稟素強壯心火頗旺而相火似有不足是以飲食不畏寒涼恒畏坐涼處年少時不以爲意也迨年過四旬相火之不足益甚偶坐涼處卽泄瀉因此身體漸覺衰弱然素以振興醫學爲心而著述未就恐虛度此一生遂於每飯之前服生硫黃少許以補相火頗有效驗然旬餘不服則畏涼如故後見道家書有默運心火下行可溫補下焦之語效而行之氣機初似不順乃於呼吸之際精心體驗知每當呼氣外出之時則腎必上升心必下降於斯隨其下降之機而稍爲注意俾其心腎互相交感行之數日卽覺丹田生煖無庸再服硫黃矣後讀內經四氣調神篇至使志若伏若匿若有私意若已有得數語益恍然悟會乃知所謂若伏若匿者卽引心火下行也所謂若有私意者是旣引心火下行復俾心腎之氣互相交感而有欣欣之意也道家會合嬰兒媼女之法卽從此語悟出所謂若已有得者丹田真陽積久元氣壯旺活潑守臍不去此實爲己之所得而永久不散失者也因悟得內經此節真旨遂專心遵行今年已七十有三矣膂力精神毫不衰老卽嚴冬之時食涼物坐涼處亦毫無顧忌是哲學誠可濟醫藥之窮也哲學又何至累醫學哉

不但此也醫者誠能深於哲學其診病之際直如飲上池之水能洞鑑病源毫無差謬是以拙著衷中參西錄中曾載有詳論靜坐之法前在欲醫者由靜坐之功以悟哲學也若有以愚言爲不可確信者愚更引一事以爲比例

催眠術之術爲中西所共認而寢將加入科學者也其行術時必將其人之後天知識閉住但用其先天之靈明而後詢之能知所未知見所未見至深於哲學者後天之思慮淨盡先天之靈明日開所以凡事亦皆能未見而知用他人先天之靈明者謂之術用一己先天之靈明者謂之道用道不遠勝於用術乎善哉山西中醫改進研究會長閻百川先生之言曰中醫原出道家初皆注重於修養功候既深能明瞭自身之臟腑便能得生人氣血循環誠開天闢地之名論也是以拙著醫書中多論及哲學非以鳴高也實欲醫者兼研究哲學自能於醫學登峯造極也矧當時西人雖重科學而其一二明哲之士亦間悟欲求科學之登峯造極亦必須輔以哲學是以先總理有言謂諸君都知道世界上學問最好是德國但是德國現在研究學問的人還要研究中國的哲學去補救他們科學之偏先總理之言如此豈猶不足憑信乎由斯觀之吾中華哲學之文明數世之後將

徧行於羣國則全球受哲學之陶融世界已登於大同矣

著醫書者多矣而可爲醫學正宗試之皆效者殊少也吾師生平著作風行全國遵用皆效久爲醫界所共知無事更爲表揚也至養生一道凡吾師所發明者亦皆自身體驗而有得也吾師自弱冠時本勵志舉業偶於丁酉元旦未明夢臥室門額懸名元關意四大字醒後恍悟曰古謂醫者意也名元既關乎意天殆欲吾爲醫界領袖昌明醫學以救世乎從此專心醫學著作成冊及各省登醫報之文約近百萬言今已七旬有三矣而著作之精神更與年俱進分毫無衰老之意此非養生有得安能如此乎

受業孫蕊榜謹識

醫學衷中參西錄第五期第二卷

嘗思用藥如用兵善用兵者必深知將士之能力而後可用之以制敵善用藥者亦必深知藥性之能力而後能用之以治病是卷討論藥物以本經爲主佐以實驗舉凡炮製失宜名實混淆之處皆詳辨之

石膏生用直同金丹煨用卽同鳩毒說

石膏之原質爲硫養輕鈣化合而成其性涼而能散爲清陽明胃腑實熱之聖藥無論內傷外感用之皆效卽他臟腑有實熱者用之亦效神農本經原謂其微寒其寒涼之力遠遜於黃連龍胆草知母黃柏等藥而其退熱之功效則遠過於諸藥蓋諸藥之退熱以寒勝熱也而石膏之退熱逐熱外出也是以將石膏煎服之後能使內蘊之熱息息自毛孔透出且因其含有硫養輕原具發表之性以之煑湯又直如清水服後其寒涼之力俱隨發表之力外出而毫無汁漿留中以傷脾胃是以遇寒溫之大熱勢若燎原而放胆投以大劑白虎湯莫不隨手奏效其邪實正虛者投以白虎加人參湯亦能奏效是以愚目石膏爲寒溫實熱證之金丹原非過也

且嘗歷觀方書前哲之用石膏有一證而用至十四斤者見江筆花醫鏡有一證而用至數十斤者

見吳鞠通醫案有產後小重石膏者見徐靈胎醫案然須用白虎加入參湯以立參代知母生山藥代棗米然所用者皆生石膏也卽唐宋以

前亦未有用煨石膏者孰意後世本草之論石膏者竟將本經之所謂微寒者改爲大寒

且又多載其燥不傷胃乃自此語一出直誤盡天下蒼生矣

蓋石膏之所以善治寒溫者原恃其原質中之硫養輕也若煨之其硫養輕皆飛去所餘

之鈣經煨卽變爲洋灰洋灰原料石膏居多以水煑之卽凝結如石其水可代鹵水點豆腐若誤服之

能將人外感之痰火及周身之血脈皆爲凝結錮閉是以見有服煨石膏數錢脈變結代

寢至言語不遂肢體痿廢者有服煨石膏數錢其證變結胸滿悶異常永不開通者有服

煨石膏數錢其周身肌肉似分界限且又突起者蓋自有石膏煨不傷胃之語醫者輕信

其說以誤人性命者實不勝計矣目之爲鳩毒此非愚之苛論也愚混迹醫界者五十年

對於各處醫學誌報莫不竭力提倡重用生石膏深戒誤用煨石膏醫界同人_{有與愚表}

同志者不禁馨香祝之也

至於石膏生用之功效不但能治病且善於治瘡且善於解毒奉天陸軍營長趙海珊君

之封翁年過六旬在臍旁生癰大徑二寸五六日間煩躁異常自覺屋隘莫容其脈左關弦硬右關洪實知係伏氣之熱與瘡毒俱發也問其大便數日未行投以大劑白虎湯加金銀花連翹龍胆草煎湯一大碗徐徐溫飲下連服三劑煩躁與瘡皆愈

又在籍時本村東鄰張氏女因家庭勃怒吞砒石未移時作嘔吐其兄疑其偷食毒物詭言無他惟服皂礬少許耳其兄聞其言急來詢解救之方愚曰皂礬原係硫養與鐵化合分毫無毒嘔吐數次卽愈斷無閃失但恐未必是皂礬耳須再切問之其兄去後遲約三點鐘復來言此時腹中絞疼危急萬分始實言所吞者是砒石非皂礬也急令買生石膏細末二兩用涼水送下乃村中無藥鋪遂至做豆腐家買得生石膏軋細末涼水送下腹疼頓止猶覺腹中燒熱再用生石膏細末半斤煮湯兩大碗徐徐飲之盡劑而愈後又遇吞洋火中毒者治以生石膏亦愈然以其毒緩但煎湯飲之無用送服其細末也

所最可慮者北方藥房中謬習凡方中有石膏未開生亦未開煨者皆與以煨者卽明明方中開生石膏亦恒以煨者僞充因煨者之細末其所素備且以爲煨之則性近和平較用生者尤穩妥也是以醫者欲用生石膏宜加檢點或說給病家檢點親視藥房中將大

塊生石膏軋細然後可用若軋細時未經監視至將藥煑出其石膏之渣凝結於罐底傾之不出者必係煨石膏宜急棄其藥湯勿服慎之慎之人命所關非輕也

石膏治病無分南北論

近閱南方名醫某君新出之著作謂石膏之性宜於北而不宜於南愚聞之有不能已於言者非好辯也誠以醫學公關研究然後能有進步是以師弟之間亦不妨反復問難愚與某君既同爲醫界中份子有閱愚此論者視愚爲某君之諍友可也

嘗考神農本經謂石膏微寒主產乳蓋言其性不甚寒涼可用於產後也乃後世註本經者不知產乳之乳字原作生字解而竟謂石膏能治婦人無乳支離殊甚要知產後無外感之熱石膏原不可用若確有外感實熱他涼藥或在所忌而獨不忌石膏以石膏之性非大寒乃微寒也是以漢季南陽夫子原爲醫中之聖所著金匱中有竹皮大丸治婦人乳中虛煩亂嘔逆中有石膏夫乳中者生子之時也其煩亂嘔逆必有外感之實熱也此實通本經石膏生產乳之義以立方也愚生平臨證用藥皆竊師南陽夫子凡遇產後寒濕證其陽明腑熱已實皆治以白虎加人參湯更以玄參代知母生懷山藥代粳米莫不

隨手效蓋凡用白虎湯之時其邪實正虛者皆宜加人參而以玄參代知母者以本經原謂其治產乳餘疾也以生山藥代粳米者取其濃厚之汁漿既可代粳米和胃其所含多量之蛋白質又能補益產後者之腎虛也拙著衷中參西錄附載有醫案若干可參觀夫產後最忌寒涼而果有外感實熱石膏且爲必需之藥豈南方遇有寒溫實熱之證獨不宜用石膏乎如謂自古醫學皆起於大江以北本經論石膏或專爲北方人設法及仲聖之用石膏亦專爲北方人立方者試再與進徵諸南方名醫之用藥

吳江徐靈胎南方名醫也其治陸炳若之夫人產後風熱重用石膏其治朱炳臣陽痿亦重用石膏淮陰吳鞠通亦南方名醫也其治何姓叟手足拘攣誤服桂枝人參熟地加劇每劑藥中重用石膏八兩至三月後始收功又桐城余師愚亦南方名醫也其所著疫疹一得載有清瘟敗毒散重用石膏八兩又吳門江筆花亦南方名醫也其所著醫鏡載有時疫發斑一案共用石膏十四斤始治愈香山劉蔚楚南方當時名醫也其所著遇安齋證治叢錄載爲其夫人治產後溫病每劑重用石膏八兩連服十八劑始愈若斯者皆明載於南方名醫著作中固爲醫界所共見也不但此也拙著之衷中參西錄通行於南

方諸省南方同志用書中重用石膏之方治愈寒溫險證致書相告者甚多今復舉數則於左以徵明之

湖北潛江紅十字分會張港義務醫院院長崔蘭亭君來函云丁卯仲夏國民革命軍第二十軍四師七旅旅長何君身染溫病軍醫以香薰飲藿香正氣散治之不效迎爲診視遵用衷中參西錄清解湯中有生石膏六錢一劑而愈時因大軍過境溫病盛行以書中清解湯涼解湯寒解湯仙露飲從龍湯鱒水石膏飲有嘔者兼用代赭石本此數方變通而用之救愈官長目兵三千餘人共用生石膏一千餘斤並無僨事

又江蘇崇明協平鄉保坍工程籌備處蔡維望君來函云今季秋做處張氏女得溫病甚劇服藥無效醫言不治病家以爲無望僕適在家叔經理之同德公司內與爲比鄰其母乞求強僕往視見其神昏如睡高呼不覺脈甚洪實用先生所擬之石膏粳米湯生石膏用三兩粳米用五錢見者莫不驚訝誹笑且有一老醫揚言於人曰蔡某年僅弱冠看書不過逾年竟大胆若此石膏重用三兩縱煨用之亦不可況生者乎此藥苟下咽病人卽死矣有人聞此言急來相告僕曰此方若用煨石膏無須三兩卽一兩亦斷送人命而有

餘若用生者卽再多數兩亦無妨况僅三兩乎遂急催病家購藥自盥視煎取清湯一大碗徐徐溫飲下病人霍然頓醒其家人驚喜異常聞其事者互相傳告以爲異事又蘇州交通部電話局張玉階夫人病重電報連催至蘇診治既至有醫在座方開金銀花一兩山樞八分黃芩六分等藥十七味加牛黃丸一粒該醫請僕診斷脈洪帶數神昏煩躁舌苔微黃喉紅小疼斷爲春溫重證已入陽明之腑因思蘇州病家畏石膏如虎良藥埋沒已久今次可爲石膏昭雪乃放胆投白虎湯加黨參以生山藥代粳米爲其喉紅小疼更以玄參代知母生石膏用八兩該醫大爲駭異因將先生所論石膏之理詳爲講解彼終不悟遂催病家速購藥石膏要整塊自製爲末以免藥房以煨者誤充共煎湯一大碗分數次徐徐溫飲下至明晨熱退神清該醫又來探視則病人正食粥矣該醫再三注目一笑而去揣該醫之意必以爲其愈非真愈也何至若斯之惑歟噫

常德醫藥研究會撰述員張右長君來函云邇年捧讀大著手未釋卷受益於吾師者良多近治一腫病其人由慈利來常意專到廣德西醫院就診西醫作水腫治之兩旬無效繼來生處求診遵吾師診斷法見其回血管現紫色且現有紫色鷄爪紋知係血癥卽用

吾師治血癥之法治之二十五日全愈全市愕然廣德西醫院聞之亦甚訝異此外如重用山萸肉生赭石生石膏生龍骨牡蠣生乳香沒藥治愈之病不勝計而其中又以重用石膏治愈之險證尤夥有一劑而用至五六兩者有治愈一病而用至斤餘者編有適園醫案偶存後當呈師指正此三處來函皆來自南方石膏之性於南之患寒溫者有何不宜哉

近又接平潭李健頤君贈所著鼠疫新篇一書方中多用生石膏有一劑之中用至八兩有治愈一證共用生石膏二斤強者其書且廣登於各處醫學誌報豈某君未之見耶夫平潭爲閩屬爲我國極南之地而尙可用石膏如此者是知果係當用石膏之證何地不可放胆用之哉

按石膏原係硫酸鈣化合而成爲其含硫酸輕是以其性涼而能散硫酸即硫酸在藥中爲清熱之品外感有實熱者服之能使內蘊之熱息息自毛孔透出凡寒溫陽明腑實之證用之直勝金丹乃後世本草竟謂石膏煨不傷胃則石膏經煨其硫酸輕皆飛去所餘之鈣經煨卽成洋灰能在水中結合點豆腐者用之煮湯代鹵水其不可服明矣若誤用之能將人之外感

痰火凝結不散並凝結人之血脈使不流通是以石膏煨後用至八錢卽能誤人性命某君之忌用石膏殆有鑑於煨石膏之誤人也豈知若生用之與煨者有天淵之分乎所最可異者津沽諸藥房凡於方中石膏未闡明生或煨者例皆以煨者與之甚或方中明明開生者而亦煨者誤充以煨者之細末其所素備也且誤信煨不傷胃之言以爲煨者較生者尤良也愚謂此事重要定一甄別之法凡將藥煎成石膏之渣凝結於藥罐之底而傾之不出者必係煨石膏宜速棄其藥勿服凡方中用生石膏者宜先將此甄別之法說給病家亦救人之一道也

答王隆驥君石膏生用煨用之研究

鄙人浮沈醫界者五十餘年凡所目覩耳聞者恒有病非難治而誤用煨石膏以陷害之者不知凡幾又有其病本可治而不知重用生石膏以挽救之者又不知凡幾因此深動悲憫言難自祕不覺語長心重擬成石膏生用直同金丹煨用卽同鴆毒一篇曾登於各處醫學誌報其中徵明煨石膏之不可用因煨石膏所煑之水能代鹵水點豆腐是其性與鹵水同也乃於醫界春秋六十五期江西王君謂愚所論不確生石膏煑水亦可用點

豆腐愚因徧詢敝處作豆腐者乃知生石膏雖亦可點豆腐然其凝結之力甚微若煨者用一兩可將豆腐點成者生者須得四兩且終不若煨者所點之豆腐塊硬吾邑吃豆腐者以塊硬如麵筋者爲佳是以敝處作豆腐者皆用煨石膏一爲省費計一爲易售計也由斯觀之石膏原爲硫養輕鈣化合所含之鈣原有黏澀之性是以多用之亦微有凝結之力而其含之硫養輕則大有表散之力雖鈣之性微黏澀無傷也若煨之則其硫養輕皆飛去所餘之鈣經煨卽成洋灰煨洋灰者必用石膏若用湯劑煮之卽在罐底凝結爲石是其黏澀之性百倍於生者又因硫養輕皆飛去分毫無宣散之力則煨石膏之不可輕服彰彰明矣而愚對於煨石膏之不可用原有確實徵驗非敢漫爲論斷也

愚在遼寧立達醫院時有何裕孫君爲營口何道尹之胞兄其人學問鴻博人品端正恒與愚互相過從爲研究玄學契友因向充東三省測量局長曾與吳子玉將軍同事歲在辛酉聞吳將軍在北京有事欲與相商遂晉京相訪偶受感冒發熱自開一解表清裏之方中有石膏六錢彼意中是用生石膏而方中未開生字北方藥鋪惡習凡石膏未註明生字者必與以煨者及將藥煎服後陡覺心不舒暢檢視藥渣見石膏凝結於罐底甚堅

乃知爲煨石膏所誤自診其脈數動一止遂急還求愚爲診治無效又經中西醫多方治療皆無效寢至肢體不遂言語蹇澀竟至不起

又遼寧張允孚君爲黑龍江軍官養成所總辦有事還家得溫病求爲診治方中爲開生石膏一兩張君閱方大驚謂在江省因有病服煨石膏五錢驟成結胸之病服藥十餘劑始轉危爲安今方石膏一兩且係生者實不敢服愚因爲之詳細辯明石膏生熟之異性彼仍游移其介紹人韓玉書君爲陸軍次長韓麟春之胞兄曾與張君同時在東洋留學亦力勸其速服謂前月家慈病溫先生爲開生石膏三兩煎湯三杯分三次服下病若失况此方中止用一兩乎張君遂放胆服下病遂愈後張君頗感激且深讚愚研究藥性之精確就此兩案觀之愚目煨石膏爲鳩毒原非過也况此外服煨石膏而受害者又不可勝數乎

王君又謂生石膏雖可多用然須有節制而愚生平喜用生石膏亦非漫無節制也蓋石膏性原微寒本經明載是以非多用不能清大熱至愚重用生石膏之時必煎湯數鍾分多次徐徐溫飲下病愈卽停飲此以小心行其放胆卽古人一煎三服之法實於無節制

之中而善用其節制也

王君又謂金匱竹皮大丸及小青龍加石膏湯皆所用石膏甚少且謂竹皮大丸有二分之石膏卽有七分之甘草且以棗肉爲丸其意蓋可知矣而愚對於二方之少用石膏及竹皮大丸之配製則實別有擬議也

嘗閱行世金匱諸本竹皮大丸石膏載用二分之一之外又有載用一分者又有載用一兩者是知仲景之書不知幾經傳寫或口授至宋始有印本其中錯誤原甚多其藥品之分量原不足憑其方列於婦人產後門中故其所主之病爲婦人乳中虛煩亂嘔逆此乳字當作生字解謂婦人當生子之時也生子之後而煩亂嘔逆此中必有外感之熱已入陽明之腑是以方中用桂枝以散外感用石膏以清內熱用竹皮以止嘔逆而必作丸劑者因石膏性涼質重若並其質服之不但能清熱且善鎮嘔逆然又恐其產後腎虛寒涼下侵故又多用甘草丸以棗肉以緩其下行之勢此仲聖製方之精義也然須知石膏未服一錢之力可抵半兩少用勝於多用也

至於愚治產後外感之熱終慮竹皮大丸中之石膏重墜下達而不敢輕用恒以白虎加

人參湯代之且又將方中之知母代以玄參粳米代以生山藥蓋白虎湯用法在汗吐下後例加人參以其虛也渴者亦加人參以其津液不上潮也產後則虛之尤虛其氣化下陷而不能上潮可知以玄參代知母者因本經謂玄參治產乳餘疾而於知母未嘗言也以生山藥代粳米者因粳米但能留戀腸胃俾石膏之寒涼不下趨而生山藥之汁漿黏潤多含蛋白質既能和胃兼能補產後腎虛也至於養證未罷者又宜酌加薄荷葉錢餘或送服西藥阿斯必林二分許則裏清外解莫不隨手奏效拙著志誠堂醫案中載有此證案皆煎藥一大劑分多次緩緩溫飲下雖在產後寒涼亦不至下侵迨大熱退至十之七八又急改用滋陰之品以清其餘熱是以百用不至一失也

或疑後世註疏家之解竹皮大丸者謂因有子食乳其乳去過多致生虛熱故主以竹皮大丸非正當產後因有外感之熱用竹皮大丸也不知註疏家恒疑石膏不可用於產後故將乳字不作生字講而作乳汁講且於本經石膏治產乳之句亦作乳汁講此非以其說解經文實以經文遷就其說也藉曰不然此可於徐氏洄溪醫案徵之

徐氏案中載有陸炳若之夫人產後感風熱瘀而未盡醫者執產後屬虛寒之說用乾薑

熱地治之汗出而身熱如炭唇燥舌紫仍用前藥余斯日偶步田間近炳若之居趨迎求診余曰產後血枯火熾又加風熱剛燥滋膩之品益火寒竅凶危立見非石膏則陽明之盛火不解遵仲景法用竹皮石膏等藥余歸而他醫至笑且非之謂自古無產後用石膏之理此蓋生平未見仲景方也其母素信余力主服之一劑而醒俾用原方再服一劑全愈觀徐氏此案所謂遵仲景法用竹皮石膏等藥非即指竹皮大丸而言乎徐氏爲有清中葉名醫其遇產後外感熱證卽仿用竹皮大丸則經文中所謂乳中者非卽產後二字之代名詞乎

蓋產後外感實熱之證病者十人恒九人不起誠以外感熾盛之熱傳入陽明非石膏不解而世俗執定產後最忌寒涼之說不惟石膏不敢用卽一切稍能清熱之藥亦不敢用夫產後氣血兩虧爲其氣虧臟腑少抵抗之力則外邪之入也必深爲其血虧臟腑多陰虛之熱則外熱之灼耗益烈此乃內傷外感相併爲寒溫中至險之證治法不師仲景其何能濟乎至於愚治此證改用白虎加人參湯加減者此乃對於此證慎之又慎百用不至一失也其有信用愚言者自能爲產後患寒溫者廣開生路也

至於王君謂小青龍加石膏湯所加石膏亦甚少者而愚則另有擬議也按金匱小青龍加石膏湯與越婢加半夏湯並列於肺病門中越婢加半夏湯所主之病爲欬而上氣此爲肺脹其人喘目如脫狀脈浮大者此湯主之小青龍加石膏湯所主之病爲肺脹欬而上氣煩而喘脈浮者此湯主之是二方所主之病原相近也越婢加半夏湯中言脈浮大其爲熱可知而小青龍加石膏方中雖但言脈浮未嘗言大然病兼煩躁此爲太陽煩燥與少陰煩燥不同其爲熱尤顯然也由斯而論是二病之熱亦相近而越婢加半夏方中有石膏半斤小青龍加石膏方中僅加石膏一兩且其所用桂辛乾薑諸熱藥原爲越婢加半夏湯中所無而其分量又皆重於石膏數倍其爲湯劑之熱者可知以熱治熱其能有效乎再徵以竹皮大丸中之石膏各書之分量不同則此方中所加石膏之分量必有差誤可斷言也是以應用此方時石膏恒爲諸熱藥之七八倍方能隨手奏效拙著衷中參西錄五期中載有歷歷用小青龍湯之經過及通變化裁之法可參觀也

王君又謂煇石膏治外感輕病亦能奏效此說也愚非不知拙著衷中參西錄三期有加味越婢加半夏湯治人素有癆嗽因外感襲肺而癆嗽益甚或微兼喘逆痰涎壅滯者方

中石膏三錢原係煨用服後可將痰涎結成小塊易於吐出後乃慮此方若誤以治外感稍劇之證恐藥不能勝病更將煨石膏加多必至痰火凝結於胸中而成結胸之險證則甚可畏也是以至再服時遂改爲生石膏四錢其清上焦之力能使痰涎自化爲水隨小便瀉出較之緊成小塊吐出者尤穩妥也蓋愚生平志願深望醫界同人盡用生石膏藥房中亦皆不鬻煨石膏乃爲達到目的復何忍倡用煨石膏以治外感之輕病乎

論三七有殊異之功能

三七善止血妄行又善化瘀血而不傷新血拙著藥物學講義已詳悉言之乃今於治血證之外又得其殊異之功能由自身試驗而知既知之而不敢自祕特詳錄其事於左

乙丑孟夏末旬愚寢室窗上糊紗一方以透空氣夜則以窗簾障之一日寢時甚熱未下窗簾愚睡正當甯醒時覺涼風撲面襲入右腮因睡時向左側也至午後右腮腫疼知因風襲急服西藥阿斯必林汗之乃汗出已透而腫疼依然遲至翌晨病又加劇手按其處連牙牀亦腫甚且覺心中發熱於斯連服清火散風活血消腫之藥數劑心中熱退而腫疼仍不少減手撫之肌膚甚熱遂用醋調大黃細末屢敷其上初似覺輕遲半日仍無效

轉覺其處畏涼因以熱水沃巾熨之又見輕乃屢熨之繼又無效因思未受風之先頭面原覺發熱遽爲涼風所襲則涼熱之氣凝結不散因其中涼熱皆有所以乍涼之與熱相宜則覺輕乍熱之與涼相宜亦覺輕也然氣凝則血滯腫疼久不愈必將化濃遂用山甲皂刺乳香沒藥粉草連翹諸藥迎而治之服兩劑仍分毫無效寢至其疼徹骨夜不能眠躊躇再四恍悟三七外敷善止金瘡作疼以其善化瘀血也若內服之亦當使瘀血之聚者速化而止疼遂急取三七細末二錢服之約數分鐘其疼已見輕逾一旬鐘即疼愈強半矣當日又服兩次至翌晨已不覺疼腫亦見消繼又服兩日每日三次其腫消無芥蒂愚於斯深喜病之得愈且深嘆三七之功能幾令人不可思議內子王氏因語愚曰余向在日本留學曾傷手出血敷西藥黃磺即沃度仿誤少許其疼立止後歷三日始愈迨來奉又傷手出血敷三七末少許移時疼方止歷一日夜傷處全愈由斯觀之三七治金瘡固勝於黃典也又在日本時嘗見日人恆以物類試藥力迨至奉僦居居停杜氏所畜之犬糞門潰爛流膿血杜氏婦笑問有法治否因思此正可爲試驗藥力之資藉遂答曰可治俾用三七細末錢半黃典少許摻粥中飼之日兩次連飼三日犬竟愈觀此二藥並用如此

效驗想以治人腸中生癰潰爛亦當有捷效愚因曉之曰黃典內服一次之劑量為陸厘劇烈之品慎勿多用其性原善解梅毒犬因食含有梅毒之人矢所以腸中生癰潰及糞門外流膿血治以黃典原甚的而與三七之化腐生新者並用所以見效尤捷此本為治人之良藥特因一為中藥一為西藥故從前未有將此二藥並用者今既並用之試於犬而有效用於人亦何患不效乎既可以治人有梅毒之腸癰有效其無梅毒之腸癰治之不更易易乎而愚又思之難治者莫如肺癰肺結核之甚者即肺癰及赤痢末期腸中潰爛所下者腥臭腐敗也乃由腸癰而推及肺癰且由腸中生癰潰爛推及腸中赤痢潰爛想用此二藥亦皆能奏效此尚待試驗為此段商確實有益於醫學故並錄之此論成後曾以示滄州友人李品三品三曰三七誠為良藥余曾治一孔姓壯年心下疼痛經他醫屢治不愈俾用丹參桃仁各三錢煎湯送服三七細末二錢一劑而愈蓋因其心下血管為血所瘀是以作疼三七長於化瘀血故奏效甚捷也愚聞之喜曰三七之功能愚以為發揮無遺矣今聞兄言知三七又多一主治也繼又實驗三七之功能直如神龍變化莫可端倪丙寅季春愚自滄州移居天津有表姪劉讓如在津為德發米莊經理其右腿環跳穴處腫起一塊大如拳按之微硬皮色不變

繼則漸覺腫處骨疼日益加重及愚診視時已三閱月矣愚因思其處正當骨縫其覺骨中作疼者必其骨縫中有瘀血也俾日用三七細末三錢分作兩次服下至三日骨已不疼又服數日其外皮色漸紅而欲腐又數日瘡頂自潰流出膿水若干遂改用生黃芪天花粉各六錢當歸甘草各三錢乳香沒藥各一錢連服十餘劑其瘡自內生肌排膿外出結痂而愈按此瘡若不用三七托骨中之毒外出其骨疼不已瘡毒內陷或成附骨疽爲不治之證今因用三七不但能托骨中之毒外出並能化瘡中之毒使速潰濃

若早服三七並可不潰濃

消三七之治瘡何若斯之神效哉因恍悟愚之右腮腫疼時其腫疼原連於骨若不服三七將毒托出必成骨槽風證無疑也由此知凡瘡證之毒在於骨者皆可用三七托之外出也

又天津英租界胡氏婦信水六月未通心中發熱脹悶治以通經之藥數劑通下少許自言少腹仍有發硬一塊未消其家適有三七若干俾爲末日服四五錢許分數次服下約服盡三兩經水天下其發硬之塊亦消矣審斯則凡人腹中有堅硬之血積或婦人產後惡露未盡結爲癥癥者皆可用三七徐消之也

又天津日租界劉開壽偶患大便下血甚劇西醫注射以止血藥針其血立止而血止之後日餘不能起床身體痿軟飲食減少其脈芤而無力重按甚澁因謂病家曰西人所注射者麥角膏也其收縮血管之力甚大故注射之後其血頓止然止後宜急服化痰血之藥則不歸經之血始不至凝結於經絡之間爲恙今但知止血而不知化血積之日久必成勞瘵不僅痿軟減食已也然此時尙不難治下其瘀血卽愈矣俾日用三七細末三錢空心時分兩次服下服至三次後自大便下瘀血若干色紫黑從此每大便時必有瘀血隨下至第五日所下漸少至第七日卽不見瘀血矣於斯停藥不服旬日之間身體復初由斯觀之是三七一味卽可代金匱之下瘀血湯且較下瘀血湯更穩妥也

羚羊角辨

以熱治涼以涼治熱藥性之正用也至羚羊角性近於平不過微涼而最能清大熱兼能解熱中之大毒且既善清裏又善透表能引臟腑間之熱毒達於肌膚而外出此乃具有特殊之良能非可以尋常藥餌之涼熱相權衡也而世之醫者閱歷未久從未單用羚羊角施之病證偶用數分雜於他藥之中則其效不顯卽或單用之而不能與所治之證應

各則其效亦不顯既與所治之證膾合矣而所用者或爲偽品或成色有差則其效仍不顯爲用羚羊角未嘗見其顯著之功效遂至輕議羚羊角爲無用登諸醫學誌報愚非好辯然既同爲醫界中人原有互相研究之責任今特將從前所用羚羊角治愈之病十餘則詳錄於左以徵明之

壬寅之歲曾訓蒙於邑之北境劉仁村愚之外祖家也季春夜半表弟劉銘軒扣門求方

言其子

年六歲

於數日間出疹因其苦於服藥強與之卽作嘔吐所以未求診視今夜忽大

喘不止有危在頃刻之勢不知還可救否遂與同往視之見其不但喘息迫促且精神恍惚肢體騷擾不安脈象搖搖而動按之無根其疹出第三日卽隱微有紫痕知其毒火內攻肝風已動也因思熄風清火且托毒外出惟羚羊角一味能兼擅其長且色味俱無煎湯直如清水孺子亦不苦服幸藥房卽在本村遂急取羚羊角三錢煎湯視其服下過十餘分鐘卽安然矣其舅孫寶軒滄州名醫也翌日適來省視見愚所用羚羊角方訝爲仙方其實非方之仙乃藥之良也

奉天都護

清之護
襄陵者

三六橋之孫女年五六歲患眼疾先經東醫治數日不愈延爲診視其兩

目努肉長滿遮掩目睛分毫不露且疼痛異常號泣不止遂單用羚羊角二錢俾急煎湯服之時已屆晚九點鐘至夜半已安然睡去翌晨努肉已退其半又煎渣服之全愈蓋肝開竅於目羚羊角性原屬木謂角中有木胎者不確蓋色似木而實仍角也與肝有同氣相求之妙故善入肝經以瀉其邪熱且善伏肝胆中寄生之相火爲眼疾有熱者無上妙藥

奉天陸軍次長韓芳辰之太夫人年六十餘臂上生疔毒外科不醫治療致令毒火內攻熱痰上壅填塞胸臆昏不知人時芳辰督辦奉天兵工廠有廠中東醫數人爲治移時不愈氣息益微延爲診視知係痰厥急用蓬沙五錢糞至融化灌下三分之二須臾嘔出痰涎若干豁然頓醒而患處仍腫疼其疔生於左臂且左脈較右脈洪緊知係肝火熾盛發爲腫毒也遂投以清火解毒之劑又單將羚羊角二錢煎湯兌服一劑而愈

奉天小北門裏淡泊胡同友人朱貢九之幼女年五歲出疹次日卽覺精神騷擾不安自言心中難受遂用連翹蟬退薄荷葉金銀花諸藥表之不出繼用羚羊角二錢煎湯飲之其疹復出又將羚羊角渣重煎兩次飲之全愈由此可知其表疹外出之力迥異於他藥也

奉天同善堂

省立慈善總機關

堂長王熙春之幼女年五歲因出疹倒靨過急毒火內鬱已過旬日

猶大熱不止其形體病久似弱而脈象確有實熱且其大便乾燥小便黃赤知非輕劑所能治愈將爲疏方熙春謂孺子灌藥實難若用好吃之藥令其自服則尤善矣於斯爲關羚羊角二錢生石膏二兩煎湯一大鍾俾徐徐飲下連服兩劑全愈

奉天大南門內官燒鍋胡同劉璽珊之幼女年四歲於孟夏時胸腹之間出白痧若干旋即不見周身壯熱精神昏潰且又泄瀉此至危之候也爲疏方生懷山藥滑石各八錢連翹生杭芍各三錢蟬退甘草各二錢羚羊角一錢另煎煎湯一大鍾和羚羊角所煎之湯共鍾半分三次溫服下其白痧復出精神頓爽瀉亦遂止繼又用解毒清火之品調之全愈

奉天中學教員馬凌霄之幼子年四歲因出疹靨急來院求爲診治其狀閉目喘促精神昏昏呼之不應周身壯熱大便數日未行斷爲疹毒內攻其神明所以若斯昏沈非羚羊角生石膏並用不可遂爲疏方生石膏一兩玄參花粉各六錢連翹金銀花各三錢甘草二錢煎湯一大鍾又用羚羊角二錢煎湯半鍾混合分三次溫服下盡劑而愈

奉天海關稅局文牘陳南雅之女年六七歲疹後旬餘灼熱不退屢服西藥不效後愚視之脈象沉而有力知其疹毒之餘熱未清也俾單用羚羊角一錢煎湯飲之其熱頓愈天津特別三區三馬路俞孚尹之幼子年四歲出疹三日似靨非靨周身壯熱渴嗜飲水其精神似有恍惚不穩之意其脈象有力搖搖而動恐其因熱發瘧爲開清熱托毒之方加羚羊角一錢以防其發瘧購藥至未及煎而瘧發且甚劇遂將羚羊角與諸藥同時各煎取湯混和連連灌下其瘧卽愈又將其方去羚羊角再煎服一劑全愈

滄州中學書記張雅曾河西紀家屯人來院詢方言其家有週歲小兒出疹延醫調治數日其疹倒靨皆黑斑有危在旦夕之勢不知尙可救否細詢之知毒熱內陷爲開羚羊角一錢及玄參花粉連翹各數錢俾將羚羊角另煎湯半茶鍾與餘三味所煎之湯兌服一劑而愈

滄州河務局科員趙春山之幼子年五歲因感受溫病發瘧昏昏似睡呼之不應舉家懼甚恐不能救其脈甚有力肌膚發熱因曉之曰此證因溫病之氣循督脈上行傷其腦部是以發瘧昏昏若睡卽西人所謂腦脊髓炎也病狀雖危易治也遂單用羚羊角一錢煎

湯一鍾連次灌下發瘧遂愈而精神亦明瞭矣繼用生石膏玄參各一兩薄荷葉連翹各

一錢煎湯一大鍾分數次溫飲下一劑而脈淨身涼矣蓋瘧之發出於督脈因督脈上統

腦髓神經也

督脈實爲腦髓
神經之根本

羚羊角乃其督脈所生是以善清督脈與神經之熱也

滄州興業布莊劉耀華之幼子甫周歲發生扁桃炎喉證不能食乳劇時有碍呼吸目睛
上泛急用羚羊角一錢煎湯多半杯灌下須臾呼吸通順食乳如常

滄州西河沿李氏婦年二十餘因在西醫院割瘰癧住其院中得傷寒證甚劇西醫不能

治延往診視其喘息迫促脈數近七至確有外感實熱而重診無力因其割瘰癧已至三

次屢次聞麻藥大傷氣分故也其心中鬱熱甚難支其脅下疼甚急用羚羊角二錢煎一

大鍾調入生鷄子黃三枚服下心熱與脅疼頓止繼投以大劑白虎加人參湯每劑煎湯

一大碗仍調入生鷄子黃三枚分數次溫服下連服二劑全愈

歲在壬寅之孟秋邑北境霍亂盛行斯歲少陽相火司天厥陰風水在泉肝胆火盛患病

者多心熱嗜飲凉水愚遇其證之劇者恆於方中加羚羊角三錢

另煎
兌服

服者皆愈或疑司

天者管上半歲在泉者管下半歲霍亂發於孟秋似與司天無涉不知霍亂之根皆伏於

暑熱之時且司天雖云管半歲而究之一歲之氣候實皆與司天有關也矧羚羊角之性不但善平少陽之熱亦善平厥陰之熱况少陽之胆原與厥陰之肝原相連乎

又愚在奉時有安東王姓女學生來院診病自言上焦常覺發熱下焦則畏寒且多白帶家中存有羚羊角不知可服否答以藥力甚大且爲珍重之品不必多服可用五分煎服之若下焦不覺涼而上焦熱見退乃可再服後其人服羚羊角數次不惟上焦熱消其白帶亦見愈下焦並不覺涼是羚羊角性善退熱而又非寒涼之品可知也

內子王氏生平有病不能服藥聞藥氣卽思嘔吐偶患大便秘下血甚劇時愚自奉還籍彼自留奉因粗識藥性且知羚羊角毫無藥味自用羚羊角一錢煎湯服之立愈

友人毛仙閣邑中之儒醫也以善治吐衄聞名其治吐衄之方多用羚羊角曾詢其立方之義仙閣謂吐衄之證多因衝氣上衝胃氣上逆血卽隨之妄行其所以衝胃衝逆者又多爲肝火肝氣之激發用羚羊角以平肝火肝氣其衝氣不上衝胃氣不上逆血自不妄行而歸經矣深蘊斯論遇吐衄證仿用之果效驗異常

夫犀角羚羊角同爲珍重之藥品而犀角之出遲邇者其價較羚羊角尤昂無力者真廣犀角亦可用因

其價昂則僞者愈多愚曾用治吐衄用治溫熱竄入心宮用治溫熱傳入陽明兼欬血皆能隨手奏效而實未嘗若羚羊角之單用屢用以定其確實之功效是以不敢輕加評議姑懸爲闕疑之條以待同人之研究而已蓋愚於藥性從不敢憑空擬議必單用屢用精心實驗有得而後登諸札記以爲異日撰述之藍本是以近著第四期衷中參西錄專講中西藥物所載中藥不滿百種而藥後講解已近十萬言無非舉數十年精心實驗之所得而盡情披露傾吐以貢諸醫界同人也

所可慮者羚羊角雖爲挽回險證之良藥然四十年前其一錢之價值不過同今日銀幣之半角今則值銀幣十七八圓矣其昂貴之價後且有加無已寒素之家何以能用愚因臨證細心品驗遇當用羚羊角之證原可以他藥三種並用代之其藥力不亞羚羊角且有時勝於羚羊角則鮮茅根生膏與西藥阿斯必林並用是也蓋羚羊角之特長在表疹癢外出及清肝胆之熱而茅根稟少陽最初之氣故發生最早阿斯必林之原質存於楊柳樹皮中用其樹皮中津液製成楊柳之發生亦最早故亦善入少陽也至石膏雖爲陽明正藥因其含有硫養輕原質實善於清熱而兼有發表之性凡藥性之能發表者皆與肝胆木性之

喜條達者爲同氣且石藥質重兼有鎮肝胆之力是以此三藥並用可以代羚羊角也今爰將此三藥並用之分量酌定於左且爲定一方名以便於記憶

甘露清毒飲

鮮茅根去淨皮切碎六兩 生石膏搗細兩半 阿斯必林半瓦

將前二味煎湯一大碗分三次送服阿斯必林兩點鐘服一次若初次服藥後徧身出汗後兩次阿斯必林宜少服若分毫無汗又宜稍多服以服後微似有汗者方佳至石膏之分量亦宜因證加減若大便不實者宜少用若瀉者石膏可不用待其瀉止便實仍有餘熱者石膏仍可再用

壬申正月十旬長男蔭潮兩臂及胸間肉皮微發紅咽喉微疼疑將出疹又強被友人挽去爲治小兒發疹將病治愈歸家途中又受感冒遂覺周身發冷心中發熱愚適自津還籍俾用生石膏細末一兩煎湯送服阿斯必林一瓦周身得汗發冷遂愈心中之熱亦輕皮膚則較前益紅遲半日又微覺發冷心中之熱更增劇遂又用生石膏細末二兩煎湯送服阿斯必林半瓦服後微解肌病又見愈遲半日仍反覆如故且一日之間下大便兩

次知其方不可再用時地凍未解遣人用開凍利器剖取鮮茅根六兩煎湯一大碗分三次服每次送服阿斯必林三分瓦之一服後未見汗而周身出疹若干病愈十分之九腫已不疼隔兩日覺所餘之熱又漸增重且覺頭目昏沈又剖取鮮茅根八兩此時因其熱增大便已實又加生石膏兩半共煎湯一大碗仍分三次送服阿斯必林如前上半身又發出白白泡若干病遂全愈觀此可知此三藥並用之妙誠可代羚羊角矣後返津時值瘟疫流行治以此方皆隨手奏效

論馬錢子爲健胃妙藥

西人以馬前子爲健胃之藥吾醫界聞之莫不訝爲異事不知胃之所以能化食者固賴其生有酸汁又實因其能自啣動也馬前子性雖有毒若製至無毒服之可使全身啣動以治肢體麻痺此舊與神經之作用若少少服之但令胃腑啣動有力則胃中之食必速消此非但理想實有所見而云然也滄州小南門外朱媪年過六旬素有痼風證醫治數十年先服中藥無效繼服西藥麻醉腦筋之品若臭剝臭素抱水諸藥雖見效然必日日服之始能強制不發因諸藥性皆鹹寒久服傷胃寢至食量減少身體羸弱後有人授以王勳臣龍

馬自來丹方其方原以馬錢子爲主藥如法製好服之數日食量頓增旬餘身體漸壯癩病雖未卽除根而已大輕減矣由斯知馬前子健胃之功效迥異乎他藥也

特是龍馬自來丹馬錢子伍以地龍爲治癩風設也若用以健胃宜去地龍加炒白朮細末其健胃之效益著爰擬定其方於左

炒白朮細末四兩 製好馬錢子細末一兩 二藥調勻水和爲丸一分重乾透足一分 每飯後

服五丸一日再服旬餘自見功效

按馬前子誠有大毒必製至無毒方可服醫林改錯龍馬自來丹後所載製馬前子法似未能將毒去淨至證治全生集製藥中所載製馬前子法又似製之太過使藥無力愚斟酌二書之間擬一製法載於衷中參西錄三期第七卷振頽丸下有欲製此藥者取其法可也

論龍骨不可煨用之理

龍者天地之元陽也其飛騰之時原有氣無質是以出沒變化人莫窺測至其潛藏地中則元陽栖止之處必有元陰以應之陰陽會合得地氣而形成遂生龍骨是龍骨者原龍

全身之模型也迨至龍潛既久乘時飛去元陽既升於空際其所遺龍骨之中仍含有元陰是以舌舐之其力能吸舌此元陰翕收之力也若生用之凡心中怔忡虛汗淋漓經脈滑脫神魂浮蕩諸疾皆因元陽不能固攝重用龍骨藉其所含之元陰以翕收此欲渙之元陽則功效立見若煨用之其元陰之氣因煨傷損縱其質本黏澀煨後其黏澀增加而其翕收之力則頓失矣用龍骨者用其黏澀誠不如用其吸收也明乎此理則龍骨之不宜煨益明矣王洪緒證治全生集謂用龍骨者宜懸之井中經宿而後用之是可謂深知龍骨之性而善於用之者矣

麤蟲辨

仲景治血痺虛勞有大黃麤蟲丸治血瘀腹中有下瘀血湯方亦有麤蟲是麤蟲原爲治瘀血之要藥而其性和平化瘀血而不傷新血且又分毫無損氣分實尤爲治瘀血之妙藥也乙丑冬蟲因診病來津所開藥方中有麤蟲數錢藥房與以黑色甲蟲形似蜚蠊而扁其背光滑無紋知係差誤以質藥房則謂從前所售麤蟲卽土蠶蟲後有南方醫者謂此非麤蟲必購於上海始得真麤蟲後如言購來者卽此光背黑甲蟲從此凡見方中寫

麈蟲者卽與以此蟲其開土驚蟲者始與以土驚蟲各藥房中皆如此非獨敝號有然也愚聞之不禁愕然夫麈蟲原爲常用藥品而天津又爲北方名區竟至混淆如此乎嘗考本經一名地驚別錄又名土驚是土驚蟲卽麈之明徵也又本草綱目謂麈蟲狀若鼠婦按鼠婦俗名濕濕蟲生潮濕之地鼠穴中恆有之又生於井底泥中古名伊威詩經所謂伊威在室也其背原多橫紋麈蟲旣與鼠婦相似其非光背無紋之黑甲蟲而爲背多橫紋之土驚益可知矣且可疑者麈蟲近時藥行中亦名蘇蟲爲其產於蘇州者長也豈南方醫者不識其土產乎又其光背黑甲虫購自上海豈上海爲南方最文明之區竟誤以之爲麈虫乎如此以配製古方其將何以奏效乎愚願醫界同人之用麈虫者尙其明辨之

論鷄內金爲治女子乾血勞要藥

女子乾血勞之證最爲難治之證也是以愈者恆少惟善用鷄內金者則治之多能奏效愚向爲婦女治病其廉於飲食者恆白朮與鷄內金並用乃有兩次遇有此藥者一月間月信來三次恍悟此過用鷄內金之弊也蓋鷄內金善化瘀血卽能催月信速於下行也

然月信通者服之或至過通而月信之不通者服之卽不難下通况內經謂中焦取氣受汁變化而赤是爲血血之來源原在脾胃能多消飲食鷄內金與白朮並用原能健脾胃以消飲食也况脾爲後天資生之本居中央以灌溉四旁此證之多發勞嗽者脾虛而肺亦虛也多兼灼熱者脾虛而腎亦虛也再加山藥地黃枸杞諸藥以補肺滋腎有鷄內金以運化之自能變其濃厚之汁漿爲精液以灌注於肺腎也迨至服藥日久臟腑諸病皆愈身體已漸復原而月信仍不至者不妨再加麩虫水蛭諸藥如嫌諸藥之猛悍若桃仁紅花亦可以替代然又須多用補正之藥品以駕馭之始能有益而無害也愚向曾本此意擬一方名資生通脈湯載於三期八卷後列用其方治愈之案數則可參觀也

答人疑洗髓丹中輕粉紅粉性過猛烈

方載三期衷中參西錄第八卷

神農本經藥分上中下三品上品者養生之藥也中品者治病之藥也下品者攻病之藥也是故無病時宜服上品以調之有病時宜服中品以治之至其病甚劇烈非尋常藥餌所能治者又當服下品之藥以攻之梅毒之證可謂病中之劇烈者矣而欲用尋常藥餌從容治之可乎然用猛烈之藥原非毫無把握也夫用藥之道等於用兵驕將悍卒在善

駕馭洗髓丹中之輕粉紅粉可謂驕將悍卒矣用之以攻邪或有傷正之虞而竟能信其有益無損者因所以駕馭之者周且善也人之畏輕粉紅粉者以其爲金石之藥與腸胃不宜且畏其燥烈之性足傷骨損髓也故方中用棗肉爲丸以保腸胃又多用核桃肉爲佐以補骨髓更用露蜂房以引毒外出引毒外出之理詳衷中參西錄本方後不使服藥之後藥隨毒氣內陷且將輕粉炒至光色減退俾其性近和平如法爲丸用之未有不應手奏效者愚在軍中時用此丹治愈軍官兵士不勝紀莫不身體康健生育子女毫無他變後在奉省又用此丹治愈極重及特別之梅毒若干略舉三則於左

撫順馬姓年四十餘在京陸軍部充差先染淋毒後因淋毒變爲梅毒注射西人藥針十餘次初則旋愈旋發繼則連注數針亦不見效據西人云凡由淋毒變梅毒者其毒深入骨髓無論何藥不能拔除病根本人聞之亦信爲不可治之痼疾也後經奉天其同寅友韓芳辰君介紹來奉求爲診治其毒周身不現形迹惟覺腦際沈昏頗甚心中時或煩躁骨節多有疼痛之處所甚異者其眉稜眼梢及手指之節多生軟骨西人亦謂係梅毒所凝結也愚對於此證不敢謂其必治愈猶幸身體不甚羸弱遂將洗髓丹一劑俾分四次

服完歇息旬日再服一劑將其量減三分之一歇息旬日又服一劑較二次所服之分
量又減三分之一皆四日服完其病遞次消除凡軟骨之將消者必先發起然後徐徐消
腫化爲無有共計四浹辰諸病皆愈

又治一郝姓小孩因食乳傳染咽喉潰爛至不能進食肛門亦甚潰爛其腸胃之潰爛可
知其父爲奉天師範學校教員來院細言其病狀問還有救否答曰果信用余方仍能救
遂與以洗髓丹六粒俾研細水調服三次全愈

又奉天一宦家公子有遺傳性梅毒年六歲不能行徧身起瘡若小癩愈而復發在大連
東人醫院住近一年不愈後來院求治其身體羸弱飲食甚少先用藥理其脾胃俾能飲
食漸加以解毒之藥若金銀花連翹天花粉諸品身體漸壯瘡所發者亦漸少然毒之根
蒂仍未除也遂將洗髓丹五分許研細將製成丸藥復研末者因孺子不能服丸藥也開水調服三日服一次仍每日服
湯藥一劑後將洗髓丹服至十次瘡已不發繼又服湯藥月餘兼用滋陰補腎之品每劑
中有核桃仁三個取其能健骨金酸髓者嚼核桃仁立愈是健骨之明徵從此遂能步履行動如常童矣觀此二
案則洗髓丹奇異之功效誠可於解梅毒藥中首屈一指且凡解梅毒藥無論或注射或

服藥愈後又恆肢體作疼以其能清血中之毒不能清骨中之毒是以愈後其骨節猶疼也因其骨中猶含有毒性恆遲至日久而復發或遲至十餘年而復發者若再投以此丹則骨疼立愈且以後永不反覆此又愚屢經試驗而確知其然者也

讀高思潛氏野苧菜根對於霍亂之功效書後

嘗閱紹興醫藥學報載有高思潛氏論野苧菜根有治霍亂之功效其文云清光緒二十八年秋季吾鄉盛行霍亂初覺腹中痠痛嘔吐且瀉繼則腿腓筋轉手脚色紫大肉盡流眼珠深陷後遂四末厥冷周身出冷汗以至不救者不計其數後有人傳方用野苧菜根搗汁沖水和服雖奄奄一息者亦可得慶重生考李時珍本草綱目云苧菜味甘冷利無毒赤苧主赤痢射工沙蟲紫苧殺蟲毒治氣痢六苧並利大小腸治初痢而不及霍亂醫細釋之野苧確有治霍亂之功效特古人未明言耳查霍亂之原因爲虎列拉桿菌繁殖腸內所致其誘因則爲濕熱侵襲致人身抵抗力減少故病毒得以猖狂赤紫苧既能主赤痢氣痢射工沙蟲而六苧又同治初痢則野苧亦有同等之功效可知諸書又以野苧療蜈蚣蜂蠆諸蛇螫是野苧惟一之功效在殺虫解毒以野苧菜治霍亂者殺其菌而解

其毒治霍亂之原因也野苧之性味爲甘冷而利大有滌熱利濕之能剷除原因而外又能兼療誘因誠霍亂對證之良藥也

按霍亂爲最險之證卽治之如法亦難期其必效用野苧根搗汁沖水服之果能隨手奏效可爲無上妙方然野苧之種類甚多當以形似圃中所種之苧菜而葉綠梗或微紅其梗與葉上之筋比圃中所種之苧菜稍粗其梗甚硬葉可食而梗不可食梗端吐小長穗結子黑色比苧菜子更小者爲真野苧菜然此菜非到處皆有若無此菜之處擬可用馬齒莧代之誠以馬齒莧除虫解毒之方尤勝有被蝎螫者愚教用馬齒莧搗爛敷之立瘥是實驗也且綱目謂六月六日採馬齒莧曬乾元旦煮熟同鹽醋食之可癩解疫氣霍亂亦疫氣也馬齒莧可解疫氣卽當能解除霍亂之毒菌是以愚謂無野苧菜之處或可以馬齒莧代之也然用馬齒莧時不必用根宜取其葉搗汁沖飲之因其葉之背面滿鋪水銀水銀實爲消除霍亂毒菌之要品也特是馬齒莧北方之人大抵知之而其形實與苧菜及野苧菜迥異北方人不喜食苧菜故種苧菜者極少荒僻之區恒有不知苧菜爲何物者焉能按其形以覓野苧菜然花卉中之鷄冠花雁來紅

一名雁來黃一名老
少俗名老菜

藥品中之青

箱子皆莧菜類也故其葉皆似莧菜若按此等物業以覓野莧菜野莧菜固不難辨認也野莧菜有名灰滌莧者燒灰能滌衣故名
灰滌俗呼爲灰菜狀似青藜而小且無青藜赤心含有鹹性甚多食之助人消化力原無毒性而奉天農村多有食野莧菜者獨不食灰滌莧言食之恆令人腫臉此植物之因產地而異者也

向閱典籍見有鼠齒莧之名未知何物後聞人言卽今花卉中所謂龍鬚海棠也爲其葉細圓而長如鼠齒故名爲鼠齒莧其易於生長無論有根無根植於濕土中卽活亦類馬齒莧其莖原與馬齒莧無異其花雖大於馬齒莧數倍實亦四出惟不知其性尙待試驗也

讀盧育和氏葵能治瘡述書後

閱紹興壬戌醫藥學報載有時賢盧育和氏葵能醫瘡述言本經稱冬葵子氣味甘寒滑無毒主治五藏六府寒熱羸瘦五癢利小便故聖惠方治欬嗽瘡邪取冬葵子陰乾爲末酒冲服現西報載俄國鄉人患瘡以向日葵葉鋪臥身上下亦蓋之其病若失而俄醫取以試驗又以花葉瀝汁和燒酒製之凡患瘡者飲以此酒輒愈

按古之所謂葵與俗所謂向日葵者原非一種古所謂葵卽衛足花俗呼爲守足花者是也因此花先生叢葉自葉中心出莖莖之下邊盡被叢葉衛護故曰衛足孔子所謂鮑莊子之智不如葵葵猶能衛其足者是也俗呼爲守足守與衛音雖異而義則同也其莖高近一丈花多紅色又名一丈紅高麗人詠一丈紅詩云花與木槿花相似葉共芙蓉葉一般五尺欄杆遮不住猶留一半與人看此詩實能將葵之眞象寫出其葉之大誠如木芙蓉而花之鮮妍亦與木槿無異此爲宿根之植物季夏下種至次年孟夏始開花爲其經冬仍然發生故其結之子名之爲冬葵子須於鮮嫩之時採取則多含蛋白質故能有益於人聖惠方謂採其子陰乾是當鮮嫩之時採而陰乾之也若過老則在科上自乾而無事陰乾矣又有一種二三月下種至六月開花其下無叢生之葉不能衛足而其梗葉花皆與葵無異其治療之功效亦大致相同卽藥品中之蜀葵也綱目謂花之白者治痿瘡是衛足葵與蜀葵皆治瘡也

至於俗所謂向日葵者各種本草皆未載惟羣芳譜載之本名丈菊一名西番葵一名迎陽葵爲未列於藥品是以不諳其性而羣芳譜謂其性能墜胎開花時孕婦忌經其下然

用其墜胎之力以催生則誠有效驗是以拙擬之大順湯

在衷中參西藥第八卷方係野臺參當歸各一兩生赭石細末二兩衛足花子炒燉一錢作引

或丈菊花瓣一錢作引
皆可無二錢作引亦可

用其花瓣作引也因其子人恒炒食之知其無毒且知其性滑曾單用以

治淋甚效後與鵝胆子同用

鵝胆子去皮四十粒用丈菊子一兩炒搗煎湯送下

治花柳毒淋亦甚效然不知其能治瘧也

今俄人發明其能治瘧丈菊誠可列于藥品矣惟呼爲向日葵是仍係俗名至古之所謂向日葵原指衛足花言也司馬溫公詩四月清和雨乍晴南山當戶轉分明更無柳絮因風起惟有葵花向日傾夫丈菊原無宿根季春下種四月苗不盈尺而其時衛足正開溫公詩中所謂葵花向日傾者確指衛足無疑也蓋衛足葵當嫩時莖心原隨日旋轉可於其北指之時以定半夜因半夜日在正北也由斯知衛足花實古之所謂葵丈菊花乃今之所謂葵也至衛足花子亦善催生而大順湯中不採其鮮者陰乾用之而將其成熟者炒爆用之者誠以此物微炒令爆淺淺種於濕地之處朝種暮出物生之神速莫過於此此乃藉其特異之氣化以爲用也

又按此二種葵種之皆易長庭院中宜多植之以備採用而衛足葵其根葉花子皆爲藥品綱目載其主治多種病證其葉可食古人以爲百菜之長因其宿根年年發生故初春

卽茂長叢葉饑饉之歲可用以救荒於牆邊宅畔種葵畝許八口之家可恃以無飢其食
法用衛足葵葉洗淨切碎少拌以麵五穀之麵皆可蒸熟食之因葉中多含蛋白質故少加以五穀
之麵卽可養生此種葵所以爲荒政之一也且其莖上之皮可以績麻作繩作布尤便農
家今人止知種此二種葵以看花而竟不知其種種用處醫界同人尙其廣爲提倡哉

冬葵子辨

嘗思人之欲格物者知其物之名卽當知其命名之義此所謂顧名思義也况其物爲藥
品於人之衛生有關尤當致其審慎乎有如冬葵子藥中催生之要品也然同爲葵子而
獨以冬別之其生長之時必與冬令有涉也愚初習醫時見藥房中所鬻之冬葵子卽丈
菊俗名向日葵亦名朝陽花所結之子心甚疑之疑此物春種至秋開花結實初不經冬泛名爲葵子猶
可何以冬葵名也詢諸醫界亦未有能言之者後細閱本草綱目乃知將葵子季夏種之
至明年孟夏開花結子者名冬葵子爲其宿根自冬日經過也若春種至秋結子者其子
不堪入藥又細考所謂葵者卽尋常所種之守足花古原名之爲衛足花因其葉叢生自
葉中心出莖葉衛其下若不見其足故曰衛足孔子所謂鮑莊子之智不如葵葵猶能衛

其足者是也俗呼爲守足花其音雖異而義則同也且本草明言其子狀若榆莢是冬葵子確爲衛足花子而非丈菊花子無疑矣特是衛足花子原非難得之物而藥房中代以丈菊花子者疑其中或有他因後閱羣芳譜乃知丈菊一名迎陽葵其開花時孕婦忌經其下以其花能墜胎也由斯知丈菊花原能催生其子得花之餘氣亦當有催生之力藥房中以丈菊子爲冬葵子雖係錯誤而猶有所取義也

後來津與友人張相臣言及此事相臣謂天津藥房所鬻之冬葵子皆係

子 葵亦麻類梗葉粗大加丈

菊所織之麻不甚堅烈

較之代以丈菊子者尤遠不如矣愚曰以津門名勝之區藥品竟混淆至此乎

何醫界中亦未有明正其非者相臣曰此事可勿深論然未知衛足子與丈菊子其催生之力孰優答曰未經一一單用試驗實未敢遽定其優劣然丈菊花英催生之力實勝於子曾見有單用丈菊花英催生服之卽效者惜人多不知耳至於用衛足子催生當分老嫩兩種蓋衛足爲滑菜所主之病多取其性滑若用其子催生亦取其滑也當用鮮嫩衛足子數兩搗爛煑汁服之若用其老者則另有取義當用兩許微火炒裂其甲煎湯飲之誠以此物若炒裂其甲種之可以朝種暮生

須夏季種之方能如是

此乃植物發生之最神速者藉其

發生之速以治人生育之遲自應有特效耳相臣聞之甚稱善

論赤石脂煨用之可疑

凡石質之藥多煨用因其質甚硬煨之可化硬爲軟也未有其質本軟而設法煨之使硬者然未有者而竟有之此誠出人意外也憶愚弱冠應試津門偶爲人疏方中有石脂病家購藥求檢視見石脂圓薄如錢中且有孔堅如缶瓦似水和石脂細末燒成者時愚年少閱歷見聞未廣未敢直斥其非迨丙寅來津始知各藥房中所鬻石脂皆係水和石脂細末煨成者夫石脂之質原係粉末性最黏澀用之者大抵取其能固腸止瀉若煨之成瓦猶能固腸止瀉乎且古方用石脂多未服若煨之爲瓦以之煎湯雖不能愈病猶不至傷人若爲末服之必然有損於脾胃此又不可不知也夫石脂原爲一種陶土宜與人用石脂作原料可燒爲壺卽世俗所謂宜興壺也若將石脂煨若缶瓦可以入藥是宜興壺之瓦亦可作藥用矣然未審其與何病相宜而投之能有效也

辨傷寒論方中所用之赤小豆是穀中小豆非相思子

傷寒論麻黃連翹赤小豆湯治傷寒瘀熱在裏身發黃赤小豆與麻黃連翹並用是分消

濕熱自小便出其爲穀中之赤小豆無疑也至傷寒論瓜蒂散治病如桂枝證頭不痛項不強寸脈微浮胸中痛鞭氣上衝咽噤不得息皆此胸中有寒也故以瓜蒂散吐之人因其方赤小豆與瓜蒂並用遂有疑其方中之赤小豆爲相思子者蓋以相思子服後能令人吐而唐人詠相思子有紅豆發南國之句因此方書中亦名之爲赤小豆然斯說也愚嘗疑之夫赤小豆之性下行利水相思子之性上行湧吐二藥之功用原判若天淵若果二方中所用之赤小豆一爲穀中赤小豆一爲木實中相思子仲景立方之時有不詳細註解者乎且瓜蒂散中所以用赤小豆者非取其能助瓜蒂湧吐也陳修園此方詮解謂赤小豆色赤而性降香豉色黑而氣升能交心腎雖夫吐之時神志不潰善哉此解誠能窺仲景製方之妙也由此益知瓜蒂散中之赤小豆亦確係穀中之赤小豆也孰意戊午之秋愚應奉天軍政兩界之聘充立達醫院主任採買中西藥品所購赤小豆竟是相思子詢之藥行及醫界皆言此地皆以相思子爲赤小豆未有用穀中赤小豆者愚聞之不禁愕然夫瓜蒂散中之赤小豆用相思子或者猶可豈麻黃連翹赤小豆湯中之赤小豆亦可用相思子乎吾知其誤人必多矣諸行省愚未盡歷地處亦有誤用赤小豆如奉天

省者乎斯未可知愚深願醫界同人皆留心於芻蕘之言慎勿誤用相思子爲赤小豆也
論白虎湯中粳米不可誤用糯米

稻有兩糯粳稻與糯稻是也粳者硬也其米性平不黏善和脾胃利小便卽尋常作飯之米也糯者濡也軟也其米性溫而黏可以煖脾胃固澀二便卽可以用之蒸糕熬粥之米也白虎湯中用粳米者取其能調和金石重墜之性俾與脾胃相宜而又能引熱下行自小便出也若誤用糯米其性之溫既與陽明熱實之證不宜且其黏滯之力又能逗留胃府外感之熱使不消散其固澀二便之力尤能阻遏胃府外感之熱不能自下瀉出是以用之不惟無益而反有害也憶曾治邑北鄭仁村鄭姓溫熱內傳陽明府實投以白虎湯原方不愈再診視時檢其藥渣見粳米誤用糯米因問病家曰我昨日曾諄諄相囑將煎藥時自加白米半兩何以竟用漿米北方謂粳米爲白米糯米爲漿米病家謂此乃藥房所給者彼言漿米方是真粳米愚曰何來此無稽之言也爲此粳米誤用幾至耽誤病證猶幸因檢察藥渣而得知也俾仍用原方加粳米煎之服後卽愈又嘗閱長沙蕭琢如遯園醫案載有白虎湯中用黏米之方心疑其誤用糯米後與長沙門生朱靜恒言及靜恒言其地於粳米之最

有汁漿者卽呼之爲黏米此非誤用糯米也然既載於書此種名稱究非所宜恐傳之他處閱者仍以糯米爲黏米耳誠以糯米之黏遠過於粳米也凡著書欲風行寰宇者何可
以一方之俗語參其中哉

麥奴麥角辨

中藥麥奴非西藥麥角也近日醫學報中有謂麥奴卽是麥角者且疑本草綱目謂麥奴
主熱煩天行熱毒解丹石毒陽毒溫毒熱極發狂大渴及溫瘧未嘗言能止血而西藥麥
角何以爲止血之專藥乎按醫報中謂麥奴卽是麥角者亦非無因西人藥物書中謂麥
角一名霉麥而吾中華俗語凡於禾穗之上生黑菌者皆謂之穀霉麥奴原是麥穗上生
黑菌名之爲穀霉可名之爲麥霉亦可卽名之爲霉麥亦無不可此麥奴與麥角所以相
混爲一物也

究其實際麥奴卽是麥霉無疑而麥角係又在麥霉上生出小角長四五分至七八分狀
類果中香蕉故名爲麥角蓋麥爲心穀原善入心化爲黑色屬水原有以水勝火之義且
其性善化故能化心中之壯火大熱使之暗消於無形非必麥奴之性涼能勝熱也

至麥角所以善止血者誠以麥霉色黑原有止血之理而又自麥霉中化出特異之生機以生此麥角是有如反生之禾其氣化上達是以能升舉下陷之血而使之復其本位故同爲血證而以之治吐衄未有確實效驗而以之治下血則莫不隨手奏效也

小茴香辨

古語云問耕於奴訪織於婢此語誠信然也吾直俗習皆喜食茴香菜又恆喜用其子作食料以調和飲食是以愚於因寒小便不通及奇經諸脈鬱作疼者恆重用小茴小茴香以溫通之誠以其爲尋常服食之物雖多用之無傷也後見紹興醫學報載有用小茴香二三錢卽至誤人性命者醫界中亦多隨聲附和謂小茴香含有毒性不可輕用而愚心甚疑之回憶生平屢次重用小茴香爲人治病約皆隨手奏效服後未嘗少有暝眩且爲日用服食之物何至有毒也因之蓄疑於心廣問醫界同人亦未有能言其故者後在奉醫院中雇一鄒姓廚役其人年過五旬識字頗多彼亦恆用小茴香調和食物因與言及紹報所載之事彼曰小茴香原係兩種有野生家種之分此物若爲園圃中種者其菜與子皆無毒若爲野山自生者其菜與子皆有毒此地人不喜食茴香街市所鬻之茴香

多係闖裏人在奉者買去因本地人鑑於野生之茴香有毒並疑園圃中種者亦或有毒而不敢輕食也愚聞之數年疑團渙然冰釋矣由斯知欲用小茴香者若確知其爲園圃所種值者不妨多用若購自藥房卽當慎用少用恐其爲野山自生之小茴香也

由斯知天地之間同是一物而其或有毒或無毒誠難確定猶憶歲在丁丑邑中棗樹林中多生麩菇其上皆有紫黑斑點採取食之人多吐瀉且有多食致傷命者此乃物之因形色偶異而其性卽迥異者也又灰滌莧俗名灰菜爲農家常服之野菜愚在籍時亦喜服之後至奉天見灰滌莧各空地皆是而人不敢食詢之答云此菜人食之則腫險其性與關裏生者迥別也此亦物性之因地各異者也

又憶初學醫時知蚤休之性有小毒其用之極量不過二錢至後初次用蚤休時恐其有毒親自檢驗其形狀皮色皆如乾薑其味甘而淡毫無刺戟性嚼服錢許心中泰然知其分毫無毒後恒用至四五錢以治疗癱甚效待至他處再用此藥其皮色紫而暗有若紫參其味辣而不甘饒有刺戟之力嚼服五分許心中似覺不穩乃恍悟方書所謂有毒者指此等蚤休而言也同是蚤休而其性味竟如此不同凡用藥者尙其細心時時檢察自

能穩妥建功不至有誤用藥品之失也

論用藥以勝病爲主不拘分量之多少

嘗思用藥所以除病所服之藥病當之非人當之也

惟用藥不對病者則人當之而有害矣

乃有所用之藥本可

除病而往往服之不效間有激動其病愈加重者此無他藥不勝病故也病足以當其藥而綽有餘力藥何以能除病乎愚感於醫界多有此弊略舉前賢之醫案數則時賢之醫案數則及拙治之醫案數則以貢諸醫界同人

明李士材治魯藩陽極似陰證時方盛暑寢門重閉密設氈帷身覆貂絨而猶呼冷士材往視之曰此熱證也古有冷水灌頂法今姑通變用之乃以生石膏三斤煎湯三碗作三次服一服去貂絨再服去氈帷服至三次體蒸流汗遂呼進粥病若失矣

清道光間歸安江筆花著醫鏡內載治一時疫發斑案共用生石膏十四斤其斑始透吳鞠通治何姓叟手足拘攣誤服桂附人參熟地等補陽以致面赤脈洪數小便閉身重不能轉側手不能上至鬢足蹠曲絲毫不能移動每劑藥中重用生石膏半斤日進一劑服至三月後始收全功

又治蠱脹無汗脈象沈弦而細投以金匱麻黃附子甘草湯行太陽之陽卽以瀉厥陰之陰麻黃去節重用二兩熟附子兩六錢炙甘草兩二錢煎湯五飯碗先服半碗得汗至眉二次汗至眼約每次其汗下出寸許每次服藥後卽啜鯉魚熱湯以助其汗一晝夜飲完藥二劑鯉魚湯飲一鍋汗出至膝上未能過膝臍以上腫盡消其腹仍大小便不利改用五苓散初服不效將方中肉桂改用新鮮紫油安邊青花桂四錢又加遼人參三錢服後小便大通腹脹遂消

山東海豐近海之處有程子河爲黃河入海故道海船恒停其處清咸豐時有楊氏少婦得奇疾脊背腫熱赤身臥帳中若有一縷着身卽熱不能支適有宜興蘇先生乘海船赴北闡鄉試經過其處其人精醫術延爲診視斷爲陽毒俾用大黃十斤煎湯十斤放量陸續飲之盡劑而愈

時賢蕭琢如名伯璋湖南長沙人愚之聞名友也以所著遯園醫案相贈其案中最善用傷寒金匱諸方無愧爲南陽私淑弟子載有治其從妹腹中寒涼作疼脈象沈遲而弦緊每劑中重用烏附子二兩連服附子近二十斤其病始愈

又治漆工余某妻左邊少腹內有塊常結不散痛時則塊膨脹如拳手足痺軟偏身冷汗不省人事脈象沈緊舌苔白厚而濕滑面色暗晦與通脈四逆湯烏附子八錢漸增至四兩煎湯一大碗分數次飲下內塊遞減證亦皆見輕病人以爲藥既對證遂放胆煎好一劑頓服下頃之面熱如醉手足拘攣舌尖麻已而嘔吐汗出其病脫然全愈

時賢劉蔚楚名永楠廣東香山人醫界國手兼通西法名論卓議時登醫學誌報久爲閱者爭先快靚所著遇安齋證治叢錄愚曾爲作序其中用大劑治愈險證尤多如其治極重鼠疫用白虎湯生石膏一劑漸加至斤餘治產後溫熱用白虎加人參湯一劑中用生石膏半斤連服十餘劑始愈治陽虛汗脫用朮附湯每劑朮用四兩漸加至一斤天雄用二兩漸加至半斤如此胆識俱臻極頂洵堪爲挽回重病者之不二法程也

至於愚生平用大劑挽回重證之案甚多其已載於前四期衷中參西錄者多爲醫界所披閱茲不復贅惟卽從前未登出者略錄數則以質諸醫界同人

奉天交涉署科員王禪唐之夫人受奸惡阻嘔吐半月勺水不存無論何藥下咽卽吐出勢極危險爰用自製半夏二兩自製者中無礬味善止嘔吐生赭石細末半斤生懷山藥兩半共煎湯八百

瓦藥瓶一瓶約二十兩強或涼飲溫飲隨病人所欲徐徐飲下二日盡劑而愈夫半夏赭石皆爲妊婦禁藥而愚如此放胆用之毫無顧忌者卽內經所謂有故無損亦無損也然此中仍另有妙理詳衷中參西錄第二卷參赭鎮氣湯下可參觀

又治西安縣煤礦司賬張子禹腿疼其人身體強壯三十未娶兩腿腫疼脛骨處尤甚服熱藥則加劇服涼藥則平平醫治年餘無效其脈象洪實右脈尤甚其疼腫之處皆發熱斷爲相火熾盛小便必稍有不利因致濕熱相併下注宜投以清熱利濕之劑初用生石膏二兩連翹茅根各三錢煎湯服後漸加至石膏半斤連翹茅根仍舊日服兩劑其第二次分毫未覺寒涼旋因礦務忙甚來函招其速返臨行切囑其仍服原方再十餘劑當脫然全愈矣

又奉天聯合煙捲公司看鍋爐劉某因常受鍋爐之炙熱陰血暗耗臟腑經絡之間皆蘊有熱性至仲春又薄受外感其熱陡發表裏俱覺壯熱醫者治以滋陰清熱之藥十餘劑分毫無效其脈搏近六至右部甚實大便兩三日一行知其陽明府熱甚熾又兼陰分虛

損也投以大劑白虎加人參湯生石膏用四兩人參用六錢以生山藥代方中粳米又加
玄參天冬各一兩煎湯一大碗分三次溫飲下日進一劑乃服後其熱稍退藥力歇後仍
如故後將石膏漸加至半斤一日連進二劑如此三日熱退十之八九其大便日下一次
遂改用清涼滋陰之劑數日全愈共計所用生石膏已八斤強矣

又患在籍時曾治一壯年癩狂失心六脈皆閉重按亦分毫不見

於以知頰
痰能閉脈

投以大承氣湯

加赭石二兩煎湯送服甘遂細末三錢

此方在衷中參西錄名湯痰加甘遂湯以治癩狂之重者
若去甘遂名湯痰湯以治癩狂之輕者二方救人多矣

服後大便

未行隔數日

凡有甘遂之藥不可連日服之連服必作嘔吐

將藥劑加重大黃赭石各用三兩仍送服甘遂三錢大便

仍無行動遂改用巴豆霜五分單用赭石細末四兩煎湯送下間三日一服

巴豆亦不可連服連服則腸胃

腐爛 每服後大便秘行數次雜以成塊之痰若干服至兩次其脈即出至五次痰淨其癩狂

遂愈復改用清火化痰之藥服數劑以善其後

答朱靜恒問藥三則

一問楊玉衡謂痧脹證不可用甘草用之恐成痧塊溫熱經緯十四條註沈辛甫謂此條
頗似痧證六一散有甘草慎用據此二條痧證似有不宜用甘草尊著急救回生丹衛生

防疫寶丹皆兼治痧證而甘草獨重用能無礙乎 答凡用藥治病每合數味成方取其藥性化合藉彼藥之長以濟此藥之短而後乃能隨手奏效如外感喘嗽忌用五味而小青龍湯與乾薑細辛並用則無碍寒溫熱盛忌用人參而白虎加人參湯與石膏知母並用則無碍蓋急救回生丹與衛生防疫寶丹原爲治霍亂必效之方而兼治諸痧證亦有特效其中所用藥品若冰片薄荷細辛白芷皆極走竄之品故重用甘草之甘緩者以和之則暴邪之猝中者可因走竄而外透至吐瀉已久正氣將漓者更可藉甘草以保合正氣况此等暴證皆含有毒菌甘草又爲解毒之要藥乎且甘草生用不經水煑火炙其性補而不滯而仍善流通四期衷中參西錄甘草解可參觀也

二問妊婦禁忌歌見醫學必讀謂硃砂損胎急救回生丹衛生防疫寶丹皆重用硃砂不知妊婦可服乎 答硃砂中含水銀夫水銀固不利於胎者也是以有忌用之說究之係水銀與硫黃化合而成其性當以硃砂論不可復以水銀硫黃論硃砂之性本經謂其養精神安魂魄益氣明目殺精魅邪惡鬼久服通神明不老細思本經之文硃砂於妊婦何損哉况有故無損內經原有明訓若遇危急之證必需某藥者原無所顧忌也矧其藥本非當顧

忌者乎

三問尊著補偏湯有全蜈蚣一條他方書用蜈蚣皆去頭尾足以其毒在頭尾足也今並頭尾足全用之獨不慮其中毒乎 答凡用毒藥治病皆取其性之猛烈可以勝病蜈蚣頭尾足色黃而亮當爲其精華透露之處若悉去之恐其毒盡而氣力亦微卽不能勝病矣况蜈蚣原無大毒曾見有以治梅毒一次服十條而分毫不覺瞑眩者其性近和平可知何必多所顧忌而去所不必去也

牛肉反紅荆之目覩

敝邑多紅荆而縣北泊莊又多各地阡塍皆有荆叢繞護乙己季春牛多瘟死剝牛者棄其臟腑但食其肉未聞有中毒者獨泊莊因食牛肉同時中毒者二百餘人迎愚爲之解救既至相野七里計死者已三人矣中毒者之現象發熱惡心瞑眩脈象緊數投以黃連甘草金銀花天花粉諸藥皆隨手奏效細詢其中毒之由緣洗牛肉於溪中其溪中多浸荆條水色變紅洗後復晾於荆條柵上至煮肉時又以荆爲薪及鬻此肉食者皆病食多則病劇食少則病輕耳愚聞此言因恍憶老牛反荆花原係邑中相傳古語想邑中古人必有中

此毒者是以其語至今留詒人多知之特其事未經見雖知之亦淡然若忘耳然其相反之理究係何因須俟深於化學者研究也因又憶曩時閱小說見有田家婦饅於田間行荆芥中所饅之飯有牛肉食者遂中毒疑荆芥卽係紅荆之訛不然豈牛肉反荆花而又反荆芥耶醫界諸大雅有能確知之者又期不吝指教

甘草反鱧魚之質疑

近閱遜園醫案長沙蕭琢如著載有鱧魚反甘草之事謂當遜清末葉醫士顏君意禪篤實人也一日告余曾在某邑爲人治病見一奇案令人不解有一農家人口頗衆冬月塘涸取魚煮食以供午餐丁壯食魚且盡卽散而赴工婦女童穉數人復取魚烹治佐食及晚有一婦初覺飽悶不適臥床歇息衆未介意次日呼之不起審視則已殭矣舉家驚訝莫明其故再四考查自進午餐後並未更進他種食物亦無織芥事故乃取前日烹魚之釜細察視之除魚汁骨肉外惟存甘草一條約四五寸許究問所來據其家婦女云小孩啼哭每以甘草與食釜中所存必係小兒所遺落者又檢所烹之魚皆係鱧魚並非毒物且甘草亦並無反鱧魚之說矧同食者若干人何獨一人偏受其災頃刻鄰里咸集又久之其母家

亦至家人據實以告衆一少年大言於衆曰甘草鱧魚同食斃命千古無此奇事豈得以
謊言搪塞果爾則再用此二物同煮與我食之言已卽促同來者照辦並親自手擊二物
置釜中烹熟取盤箸陳列席間旁人疑阻者輒怒斥之卽席大噉並笑旁觀者愚暗胆怯
屈晚間固無甚痛苦亦無若何表示至次晨則殭臥不起矣由斯其母家嫌疑解釋按鱧
魚爲常食之物甘草又爲藥中常用之品苟此二物相反疏方用甘草時卽當戒其勿食
鱧魚

論中西之藥原宜相助爲理

自西藥之人中國也維新者趨之恐後守舊者視之若浼遂至互相牴牾終難溝通愚才
不敏而生平用藥多喜取西藥之所長以濟吾中藥之所短初無畛域之見存於其間故
拙著之書以衷中參西爲名也蓋西醫用藥在局部是重在病之標也中醫用藥求原因
是重在病之本也究之標本原宜兼顧若遇難治之證以西藥治其標以中藥治其本則
奏效必捷而臨證亦確有把握矣今試略舉數端於左

西藥之治吐血以醋酸鉛爲最效治下血以麥角爲最效然究其所以效者謂二藥能收

縮其血管也至於病因之涼熱虛實則不問矣是以愈後恆變生他證若以二藥收縮其血管以中藥治其涼熱虛實且更兼用化痰消滯之品防其血管收縮之後致有瘀血爲恙則無難愈之血證矣

西藥治癩風以臭素三種臭素加里臭素安母紐讓那篤雷讓及抱水過魯拉兒爲最效然究其所以效者謂能

麻醉腦筋即腦髓神經也至病因之爲痰爲氣爲火則不問矣是以迨至腦筋不麻醉則病仍

反覆若以西藥臭素抱水諸品麻醉其腦筋每日服兩次可以強制不發用中藥以清火理痰理氣或兼用

健脾鎮肝之品無難愈之癩風矣

西藥阿斯必林爲治肺結核之良藥而發散太過恆傷肺陰若兼用玄參沙參諸藥以滋肺陰則結核易愈又其藥善解溫病初得然解表甚效而清裏不足恆有服之周身得汗因其裏熱未清而病不愈者若於其正出汗時急用生石膏兩許煎湯乘熱飲之則汗出愈多而熱亦遂清或用石膏所煎之湯送服阿斯必林汗出後亦無不愈者

又如白喉證乃臟腑之熱上攻鬱於喉間所致上攻之鬱熱宜散而消之而實忌用表藥表散若用生石膏玄參諸藥煎湯送服西藥安知歇貌林半瓦服藥之後可微似解肌而

愈蓋安知歇貌林雖亦有透表之力而其清熱之力實遠勝其透表之功而又有石膏
玄參諸涼潤之藥以清內傷之燥熱所以能穩妥奏效也又如爛喉痧證乃外感之熱內
侵鬱於喉間所致外感之鬱熱宜表而出之而實忌用辛熱發表若亦用生石膏玄參諸
藥煎湯送服西藥阿斯必林一瓦服藥之後必周身得涼汗而愈蓋阿斯必林雖饒有發
表之力然實係辛涼解肌而兼有退熱之功而又有石膏玄參諸涼潤之藥以清外感之
壯熱所以能隨手奏效也

又如西藥骨洩波漿爲治淋證之妙藥而單用之亦恆有不效之時以淋證之原因及病
候各殊也若用中藥以濟其不逮其爲熱淋也可與滑石海金沙並用其爲寒淋也可與
川椒目小茴香並用其爲血淋也可與旱三七鴉胆子仁並用其淋而兼滑脫也可與生
龍骨生牡蠣並用其爲傳染之毒淋也可與硃砂甘草並用宜同硃砂甘草末和爲丸若毒淋兼以上諸
淋者亦可兼用以上諸藥隨淋證之所宜而各加以相伍之藥無難愈之淋證矣若此者
難悉數也或疑中藥與西藥迥不同若並用之恐有不相宜之處不知以上所臚列者原
非憑空擬議也蓋愚之對於西藥實先詳考其原質性味知其與所伍之中藥毫無齟齬

而後敢於一試及試之屢效而後敢筆之於書也由斯知中藥與西藥相助爲理誠能相得益彰能匯通中西藥品卽漸能匯通中西病理當今醫界之要務洵當以此爲首圖也試觀西人近出之書其取中藥製爲藥水藥酒藥粉者幾等於其原有之西藥觀西書藥學可知是誠西人醫學之進步也若吾人仍故步自封不知採取西藥之所長以補吾中藥之所短是甘讓西人進步矣夫天演之理物競天擇我則不競又何怨天之不擇哉郭隗曰請自隗始愚願吾醫界青年有志與西醫爭衡者當深體拙著衷中參西之命名則用功自能端其趨向矣

論西藥不盡宜於中人

嘗讀內經至異法方宜論謂西方水土剛強其民不衣而褐薦華食而脂肥故邪不能傷其形體其病生於內其治宜毒藥故毒藥者亦從西方來諸句云云顯爲今日西藥道着實際蓋凡人生寒冷之地且多肉食其脾胃必多堅壯是以西藥之原質本多猛烈而又復製以硫酸硝酸鹽酸諸水以助其猛烈是取其猛烈之性與堅壯之脾胃相宜故也其取用中藥之處若大黃巴豆之開破黃連龍胆之寒涼彼皆視爲健胃之品吾人用之果

能強健脾胃乎廿餘年來愚亦兼用西藥然必細審其原質本未含有毒性且其性近和平一次可用至半瓦以上者至其用量或十分瓦之一及百分瓦之一者原具有極猛烈之性質實不敢於輕試也且其藥味雖多至以之治病似仍未全備如人之氣血原並重而西藥中但有治貧血之藥毫無治貧血之藥是顯然可徵者也

復李祝華書

祝華先生雅鑒過蒙獎譽感愧交集僕自念學疏才淺混迹醫界徒爲濫竽又何敢爲人師乎然深感先生痛家庭之多故而發憤學醫担簦負笈徧訪於江淮汝泗以求師資之誠心而僕生平稍有心得之處誠有不能自祕者夫學醫工夫原有數層悉論之累幅難終今先就第一層工夫言之則最在識藥性也藥性詳於本草諸家本草皆不足信可信者惟本經然亦難盡信也試先卽其可信者言之如石膏本經言其微寒且謂其宜於產乳是以金匱治婦人乳中虛煩亂嘔逆有竹皮大丸中有石膏徐靈胎治陸氏婦產後溫熱用石膏僕治產後寒溫證其實熱甚劇者亦恆石膏宜用白虎加人參湯去知母加玄參且石膏必須生用而諸本草竟謂大寒未有謂其可用於產後者又如山茱萸本經謂其逐寒濕痺僕遇肢體疼痛或腹

脅疼痛脈虛者重用黃肉其疼即愈有案載衷中參西錄第四卷曲直湯下因其氣血因寒濕而痺故作疼痺開

則疼自止也而諸家本草不言其透痺也本經又謂其主寒熱僕治肝虛極寒熱往來汗

出欲脫重用黃肉即愈有案載三期第一卷來復湯下諸家本草不言其治寒熱往來也又如桂枝本經謂

其主欬逆上氣吐吸也喘也仲景桂枝湯用之以治奔豚上逆小青龍湯用之以治外感喘逆

用小青龍湯之例喘者去麻黃加杏仁不去桂枝則桂枝為外感痰喘之要藥可知是深悟桂枝主上氣吐吸之理也僕屢用此二方亦皆隨手

奏效而諸家本草不言其治上氣吐吸也如此者難枚舉試再言其難盡信者如人參性

本溫也而本經謂其微寒當歸本甘而而微辛也而未經謂其味苦諸如此類或藥物年

久有變遷歟或其授受之際有差訛歟古人之書皆以口授斯皆無從考究惟於其可信者則信之於

其不能盡信者又須費研究也是以僕學醫時凡藥皆自嘗試即毒若巴豆甘遂亦曾少

少嘗之猶記曾嚼服甘遂一錢連瀉十餘次後所下者皆係痰水由此悟為開頑痰之主

藥惟服後惡心欲吐遂與礬石並用礬石重墜止吐嘔以開心下熱痰而癩狂可立愈又曾嚼服遠

志甚酸本經言其味苦且兼有礬味知其性正能斂肺化痰以治痰嗽果為妙品惟多服者能令

人嘔吐亦其中含有礬質之徵也語云良工心苦僕於醫學原非良工然已費盡苦心矣

近集四十餘年藥物之研究編爲藥物學講義一書中西藥品皆備有其要約有十萬餘言已出版公諸醫界於藥物一門庶有小補云

復竹芷熙書

芷熙先生道鑒近閱紹興醫報十二卷六號有與弟論藥二則首則論僵蠶條分縷析議論精確洵爲僵蠶的解捧讀之下獲益良多然衷中參西錄所載蠶因風僵之說實採之徐靈胎所註本經百種僵蠶下之註疏徐氏原浙江名醫弟素信其醫學故並信其所論僵蠶此非弟之杜撰也且古有蠶室之名卽室之嚴密不透風者註者謂蠶性畏風室透風則蠶病是蠶因風僵之說古書雖無明文已寓有其意徐氏之說亦非無據也次論鮮小薊因弟用鮮小薊根治吐血衄血治花柳血淋治頂下疔瘡皆隨手奏效稱弟之用藥如宜寮弄丸左宜右有自謂曾用鮮小薊根治愈極險之肺癰以爲弟所用鮮小薊之徵驗究之鮮小薊根之善治肺癰弟猶未知也夫肺癰爲肺病之最劇者西人甚畏此證而誘爲無可治乃竟以一味鮮小薊根建此奇功何其神妙如斯哉先生之詒嗣餘祥少兄既喜讀拙著之書先生對於拙著若此注意再三爲之登於報章洵爲弟之知己也古語

云人生得一知已可以無憾弟本北人何幸南方知已之多也

論鱉甲龜板不可用於虛弱之證

本經謂鱉甲主心腹癥瘕堅積金匱鱉甲煎丸用之以消瘰母瘰下其色青入肝藥房又皆以醋炙其開破肝經之力尤勝向曾單用鱉甲末三錢水送服以治久瘰不愈服後病者覺怔忡異常移時始愈由斯知肝虛弱者鱉甲誠爲禁用之品也又龜板本經亦主癥瘕兼開濕痺後世佛手散用之以催生下胎嘗試驗此藥若用生者原有滋陰潛陽引熱下行且能利小便是開濕痺之效而藥房中亦皆用醋炙之若服至一兩必令人泄瀉其開破之力雖遜於鱉甲而與鱉甲同用以誤治虛弱之證實能相助爲虐也乃行世方書用此二藥以治虛勞之證者甚多卽名醫如吳鞠通其治溫邪深入下焦熱深厥深脈細促心中儻儻大動此邪實正虛肝風煽動將脫當用白虎加人參湯再加龍骨牡蠣庶可挽回而吳氏竟治以三甲復脈湯方中鱉甲龜板並用雖有牡蠣之收瀆亦將何補此乃名醫之偶失檢點也乃近在津沽有公安局科長趙子登君介紹爲其友之夫人治病其人年近五旬患溫病半月不愈其左脈弦硬有真氣不斂之象右脈滯洪而不任重按此邪實證

虛也爲擬補正祛邪之劑病者將飲藥一口嫌其味苦不服再延他醫爲開三甲復脈湯方略有加減服後煩躁異常此心腎不交陰陽將離也醫者猶不省悟竟於原方中加大黃二錢服後汗出不止此時若重用山萸肉二兩汗猶可止汗止後病仍可治惜該醫見不此竟至誤人性命及也

論萆薢爲治失溺要藥不可用之治淋

名醫別錄謂萆薢治陰萎失溺老人五緩蓋失溺之證實因膀胱之括約筋少約束之力此係筋緩之病實爲五緩之一萆薢善治五緩所以治之拙擬醒脾升陷湯中曾重用萆薢以治小便頻數不禁屢次奏效因將其方載於衷中參西錄三期四卷是萆薢爲治失溺之要藥可知矣乃萆薢分清飲竟用之以治膏淋何其背謬若是愚在籍時鄰村有病淋者醫者投以萆薢分清飲兩劑其人小便滴瀝不通再服各種利小便藥皆無效後延愚診治已至十日精神昏潰毫無知覺脈數近十至按之卽無因謂其家人曰據此脈論卽小便通下亦恐不救其家人懇求甚切遂投以大滋真陰之劑以利水之藥佐之灌下移時小便卽通床褥皆濕再診其脈微細欲無愚急辭歸後聞其人當日卽亡近又在津

治一淋證服藥十劑已愈隔兩月病又反覆時值愚回籍遂延他醫治療方中亦重用萆
薢服兩劑小便亦滴瀝不通服利小便藥亦無效遂屢用西法引尿管兼服利小便之藥
治近一旬小便少通滴瀝每小便一次必須兩小時繼又服滋陰利水之藥十劑始全愈

論沙參爲治肺勞要藥

近族曾孫女瑩姐自幼失乳身形羸弱自六七歲時恒發欬後至十一二歲嗽浸增劇
概服治嗽藥不效愚俾用生懷山藥細末熬粥調以白糖令適口送服生鷄內金細末二
三分或西藥百布聖二瓦當點心服之年餘未間斷勞嗽雖見愈而終不能除根診其脈
肺胃似皆有熱遂俾用北沙參軋爲細末每服二錢日兩次服至旬餘欬嗽全愈然恐其
沙參久服或失於涼改用沙參三兩甘草二兩共軋細亦每服二錢以善其後

按沙參出於吉林者良其色白質堅稱爲北沙參究之沙參爲肺家藥其質宜空吾邑海
濱產有空沙參實較北沙參尤良惜歲出無多不能遠及耳

醫學字表中參西錄第五期第二卷

此卷論人腦部及臟腑之病內傷居多亦間論及外感要皆本靈素之精微以融貫中西之法而更參以數十年臨證實驗是以論病之處多有與舊說不同者

論腦充血之原因及治法

腦充血病之說倡自西人而淺見者流恆機中醫不知此病其人蓋生平未見內經者也嘗讀內經至調經論有謂血之與氣并走於上則爲大厥厥則暴死氣反則生不反則死云云非卽西人所謂腦充血之證乎所有異者西人但言充血內經則謂血之與氣并走於上蓋血必隨氣上升此爲一定之理而西人論病皆得之剖解之餘是以但見血充腦中而不知輔以理想以深究病源故但名爲腦充血也至內經所謂氣反則生不反則死者蓋謂此證幸有轉機其氣上行之極復反而下行腦中所充之血應亦隨之下行故其人可生若其氣上行不反升而愈升血亦隨之充而愈充腦中血管可至破裂所以其人死也又內經厥論篇謂巨陽之厥則腫首頭重不能行發爲_眩也_也仆陽明之厥面赤而熱妄言妄見少陽之厥則暴聾頰腫而熱諸現象皆腦充血證也推之秦越人治虢太子尸

厥謂上有絕陽之絡下有破陰之紐者亦腦充血證也特是古人立言簡括恆但詳究病源而不細論治法然既洞悉致病之由卽自擬治法不難也愚生平所治此證甚多其治愈者大抵皆腦充血之輕者不至血管破裂也今略舉數案於左以備治斯證者之參考

在奉天曾治一高等檢察廳科員年近五旬因處境不順兼辦稿件勞碌漸覺頭疼日寢加劇服藥無效遂入西人醫院治旬日頭疼不減轉添目疼又越數日兩目生翳視物不明來院求爲診治其脈左部洪長有力自言腦疼徹目目疼徹腦且時覺眩暈難堪之情莫可名狀脈證合參知係肝胆之火挾氣血上衝腦部腦中血管因受衝激而膨脹故作疼目系連腦腦中血管膨脹不已故目疼生翳且眩暈也因曉之曰此腦充血證也深考此證之原因腦疼爲目疼之根而肝胆之火挾氣血上衝又爲腦疼之根欲治此證當清火平肝引血下行頭疼愈而目疼生翳及眩暈自不難調治矣遂爲疏方用懷牛膝一兩生杭勺生龍骨生牡蠣生赭石各六錢玄參川棟子各四錢龍胆草三錢甘草二錢磨取鐵鏽濃水煎藥服一劑覺頭目之疼頓減眩暈已無卽方略爲加減又服兩劑頭疼目疼全愈視物亦較真其目翳原係外障須兼外治之法爲製磨翳藥水一瓶日點眼上五六

次徐徐將翳盡消

又在滄州治一賦閒軍官年過五旬當軍旅縱橫之秋爲地方籌辦招待所應酬所過軍隊因操勞過度且心多抑鬱遂覺頭疼醫者以爲受風投以表散之藥疼益甚晝夜在地盤桓且呻吟不止診其脈象弦長左部尤重按有力知其亦係肝胆火盛挾氣血而上衝腦部也服發表藥則血愈上奔故疼加劇也爲疏方大致與前方相似而於服湯藥之前俾先用鐵鑪一兩煎水飲之須臾即可安臥不作呻吟繼將湯藥服下竟周身發熱汗出如洗病家疑藥不對證愚思之恍悟其故因謂病家曰此方與此證誠有齟齬然所不對者幾微之間耳蓋肝爲將軍之官中寄相火驟用藥斂之瀉之而不能將順其性其內鬱之熱轉挾所寄之相火起反動力也卽原方再加藥一味自無斯弊遂爲加茵陳二錢服後遂不出汗頭疼亦大輕減又卽原方略爲加減連服數劑全愈夫茵陳原非止汗之品後世本草且有謂其能發汗者而於藥中加之汗卽不再出者誠以茵陳爲青蒿之嫩者採於孟春得少陽發生之氣最早與肝胆有同氣相求之妙雖其性涼能瀉肝胆而實善調和肝胆不復使起反動力也

又在滄州治一建築工頭其人六十四歲因包修房屋失利心甚懊懣於旬日前卽覺頭
疼不以爲意一日晨起之工所忽仆於地狀若昏厥移時甦醒左手足遂不能動且覺頭
疼甚劇醫者投以清火通絡之劑兼法王勳臣補陽還五湯之義加生黃芪數錢服後更
覺腦中疼如錐刺難忍須臾求爲診視其脈左部弦長右部洪長皆重按甚實詢其心中
恆覺發熱其家人謂其素性嗜酒近因心中懊懣益以燒酒澆愁飢時恆以酒代飯愚曰
此證乃腦充血之劇者其左脈之弦長懊懣所生之熱也右脈之洪長積酒所生之熱也
二熱相併挾臟腑氣血上衝腦部腦部中之血管若因其衝激過甚而破裂其人卽昏厥
不復醒今幸昏厥片時甦醒其腦中血管當不至破裂或其管中之血隔血管滲出或其
血管少有罅隙出血少許而復自止其所出之血著於司知覺之神輕則神昏著於司運
動之神經則痿廢此證左半身偏枯當係腦中血管所出之血傷其司左邊運動之神經
也醫者不知致病之由竟投以治氣虛偏枯之藥而此證此脈豈能受黃芪之升補乎此
所以服藥後而頭疼益劇也遂爲疏方亦約略如前爲其右脈亦洪實因於方中加生石
膏一兩亦用鐵鏞水煎藥服兩劑頭疼全愈脈已和平左手足已能自動遂改用當歸麩

石生杭芍玄參天冬各五錢生黃芪乳香沒藥各三錢紅花一錢連服數劑卽扶杖能行矣方中用紅花者欲以化腦中之瘀血也爲此時脈已和平頭已不疼可受黃芪之溫補故方中少用三錢以補助其正氣卽藉以助歸芍乳沒以流通血脈更可調玄參天冬之寒涼俾藥性涼熱適均而可多服也

右所錄三案用藥大略相同而皆以牛膝爲主藥者誠以牛膝善引上部之血下行爲治腦充血證無上之妙品此愚屢經試驗而知故敢貢諸醫界而用治此證尤以懷牛膝爲最佳

論腦充血證可預防及其證誤名中風之由

腦充血證卽內經之所謂厥證亦卽後世之誤稱中風證前論已詳辯之矣而論此證者謂其猝發於一旦似難爲之預防不知凡病之來皆預有朕兆至腦衝血證其朕兆之發現實較他證爲尤顯著且有在數月之前或數年之前而其朕兆卽發露者今試將其發現之朕兆詳列於左

(一)其脈必弦硬而長或寸盛尺虛或大於常脈數倍而毫無緩和之意

(二)其頭目時常眩暈或覺腦中昏憤多健忘或常覺疼或耳聾目脹

(三)胃中時覺有氣上衝阻塞飲食不能下行或有氣起自下焦上行作呃逆

(四)心中常覺煩躁不寧或心中時發熱或睡夢中神魂飄蕩

(五)或舌脹言語不利或口眼歪斜或半身似有麻木不遂或行動腳踏不穩時欲眩仆或自覺頭重足輕脚底如躓綿絮

右所列之證偶有一二發現再參以脈象之呈露即可斷爲腦充血之朕兆也愚十餘年來治愈此證頗多曾酌定建瓴湯一方服後能使腦中之血如建瓴之水下行腦充血之證自愈爰將其方詳列於左以備醫界採用

生懷山藥一兩 懷牛膝一兩 生赭石八錢 生龍骨六錢 生牡蠣六錢 生懷地黃六錢 生杭芍四錢

柏子仁四錢 磨取鐵鏽濃水以之煎藥

方中赭石必一面點點有凸一面點點有凹生軋細用之方效若大便不實者去赭石加建蓮子去心三錢若畏涼者以熟地易生地

在津曾治東門裏友人遲華章之令堂年七旬有四時覺頭目眩暈腦中作疼心中煩躁

恒覺發熱兩臂覺撐脹不舒脈象弦硬而大知係爲腦充血之朕兆治以建瓴湯連服數劑諸病皆愈惟脈象雖不若從前之大而仍然弦硬困苦於吃藥遂停服後月餘病驟反覆又用建瓴湯加減連服數劑諸病又愈脈象仍未和平又將藥停服後月餘病又反覆亦仍用建瓴湯加減連服三十餘劑脈象和平如常遂停藥勿服病亦不再反覆矣

又治天津河北王姓叟年過五旬因頭疼口眼歪斜求治於西人醫院西人以表測其脉言其脈搏之力已達百六十度斷爲腦充血證服其藥多日無效繼求治於愚其脈象弦硬而大知其果係腦部充血治以建瓴湯將赭石改用一兩連服十餘劑覺頭部清爽口眼之歪斜亦愈惟脈象仍未復常復至西人醫院以表測脈西醫謂較前低二十餘度然仍非無病之脈也後晤面向愚述之勸其仍須多多服藥必服至脈象平和方可停服彼覺病愈不以介意後四閱月未嘗服藥繼因有事出門勞碌數旬甫歸後又連次竹戰一旦忽眩仆於地而亡觀此二案知用此方以治腦充血者必服至脈象平和毫無弦硬之意而後始可停止也

友人朱鉢文灤州博雅士也未嘗業醫而實精於醫嘗告愚曰腦充血證宜於引血下行

藥中加破血之藥以治之愚聞斯言恍有悟會如目疾其疼連腦者多係腦部充血所致而眼科家恒用大黃以瀉其熱其腦與目卽不疼此無他服大黃後腦充血之病卽愈故也夫大黃非降血兼能破血最有力之藥乎由斯知凡腦充血證其身體脈象壯實者初服建瓴湯一兩劑時可酌加大黃數錢其身形脈象不甚壯實者若桃仁丹參諸藥亦可酌加於建瓴湯中也

至唐宋以來名此證爲中風者亦非無因嘗徵以平素臨證實驗知腦衝血證恒因病根已伏於內繼又風東外表內生燥熱遂以激動其病根而猝發於一旦是以愚臨此證見有夾雜外感之熱者恒於建瓴湯中加生石膏一兩或兩三日後見有陽明大熱脈象洪實者又恒治以白虎湯或白虎加人參湯以清外感之熱而後治其腦充血證此愚生平之閱歷所得而非爲唐宋以來之醫家諱過也然究之此等證謂其爲中風兼腦充血則可若但名爲中風仍不可也迨至劉河間出謂此證非外襲之風乃內生之風實因五志過極動火而猝中大法以白虎湯三黃湯沃之所以治實火也以逍遙散疏之所以治鬱火也以通聖散涼膈散雙解之所以治表裏之邪火也以六味湯滋之所以壯水之源以

制陽光也以八味丸引之所謂從治之法引火歸原也又用地黃飲之治舌瘡不能言足廢不能行此等議論似高於從前誤認腦充血爲中風者一籌蓋腦充血證之起點多由於肝氣肝火妄動肝屬木能生風名之爲內中風亦頗近理然因未悟內經所謂血之與氣并走於上之旨是以所用之方未能絲絲入扣與病證脗合也至其所載方中有防風紫胡桂附諸品尤爲此證之禁藥

又金匱有風引湯除熱癰痼夫癰既以熱名明其病因熱而得也其證原似腦充血也方用石藥六味多係寒涼之品雖有乾薑桂枝之辛熱而與大黃石膏寒水石滑石并用藥性混合仍以涼論細按之桂枝乾薑究不宜用且諸石性皆下沈大黃性尤下降原能引逆上之血使之下行又有龍骨牡蠣與紫石英同用善斂衝氣與桂枝同用善平肝氣肝衝之氣不上干則血之上充者自能徐徐下降也且其方雖名風引而未嘗用祛風之藥其不以熱癰痼爲中風明矣特後世不明方中之意多將其方誤解耳拙擬之建瓴重用赭石龍骨牡蠣且有加石膏之時實竊師風引湯之義也

風引湯方下之文甚簡似非仲景筆墨故方書多有疑此係後世加入者故方中之藥品不純

論腦貧痺治法

附腦髓空治法

腦貧血者其腦中血液不足與腦充血之病正相反也其人常覺頭重目眩精神昏憤或面黃唇白或呼吸短氣或心中怔忡其頭與目或間有作疼之時然不若腦充血者之脹疼似因有收縮之感覺而作疼其劇者亦可猝然昏仆肢體頹廢或偏枯其脈象微弱或至數兼遲西人但謂腦中血少不能榮養腦筋下以致腦失其司知覺司運動之機能然此證但用補血之品必不能愈內經則謂上氣不足腦爲之不滿此二語實能發明腦貧血之原因並已發明腦貧血之治法蓋血生於心上輸於腦心有四脈管通腦然血不能自輸於腦也內經之論宗氣也謂宗氣積於胸中以貫心脈而行呼吸由此知胸中宗氣不但爲呼吸之中樞而由心輸腦之血脈管亦以之爲中樞今合內經兩處之文參之知所謂上氣者卽宗氣上升之氣也所謂上氣不足腦爲之不滿者卽宗氣不能貫心脈以助之上升則腦中氣血皆不足也然血有形而氣無形西人論病皆從實驗而得故言血而不言氣也因此知腦貧血治法固當滋補其血尤當峻補其胸中宗氣以助其血上行持此以論古方則補血湯重用黃芪以補氣少用當歸以補血者可爲治腦貧血之的方矣今錄其方於左并詳論其隨證宜加之藥品

生箭芪一兩當歸三錢呼吸短氣者加柴胡桔梗各二錢不受溫補者加生地玄參各四錢素畏寒涼者加熟地六錢乾薑三錢胸有寒飲者加乾薑三錢廣陳皮二錢

按內經上氣不足腦爲不滿二語非但據理想像也更可實徵諸顛門未合之小兒靈樞

五味篇謂大氣搏於胸中賴穀氣以養之穀不入半日則氣衰一日則氣少大氣卽宗氣也

理詳首卷
大氣證中

觀小兒慢驚風證脾胃虛寒飲食不化其宗氣之衰可知更兼以吐瀉頻頻

虛極風動其宗氣不能助血上升以灌注於腦更可知是以小兒得此證者其顛門無不塌陷此非上氣不足頭爲不滿之明徵乎時賢王勉能氏謂小兒慢驚風證其脾胃虛寒氣血不能上朝腦中既有貧血之病又兼寒飲填胸其陰寒之氣上衝腦部激動其腦髓神經故發癇瘳實爲通論

又方書謂眞陰寒頭疼證半日卽足損命究之此證實兼因宗氣虛寒不能助血上升以致腦中貧血乏氣不能禦寒或更因宗氣虛寒之極而下陷呼吸可至頓停故至危險也

理亦參觀大
氣證自明

審斯知欲治此證拙擬回陽升陷湯

方在三期第四卷係生箭芪八錢乾薑當歸各四錢桂枝尖三錢甘草一錢

可爲治此證

的方矣若細審其無甚劇之實寒者宜將乾薑減半或不用亦可

又內經論人身有四海面腦爲髓海人之色慾過度者其腦髓必空是以內鍊家有還精補腦之說此人之所共知也人之腦髓空者其人亦必頭重目眩甚或猝然昏厥知覺運動俱廢因腦髓之質原爲神經之本源也其證實較腦貧血尤爲緊要治之者宜用峻補腎經之劑加鹿角膠以通督脈督脈者何卽脊梁中之脊髓袋上通於腦下通命門更由連命門之脂膜而通於胞室爲副腎臟卽爲腎臟化精之處論腎須取廣義命門胞室皆爲副腎西人近時亦知此理觀本書首篇論中可知鹿角生腦後督脈上故善通督脈患此證者果能清心寡慾按此服藥不輟還精補腦之功能收效於數旬中也

論腦貧血痿廢治法答內政部長楊階三先生

詳觀來案病係肢體痿廢而其病因實由於腦部貧血也按生理之實驗人之全體運動皆腦髓神經司之此雖西人之說而洵可確信是以西人對於痿廢之證皆責之於腦部而實有腦部充血與腦部貧血之殊蓋腦髓神經原藉血爲濡潤者也而所需之血多少尤以適宜爲貴彼腦充血者血之注於腦者過多力能排擠其腦髓神經俾失所司至腦貧血者血之注於腦者過少無以養其腦髓神經其腦髓神經亦恒至失其所司至於腦

中之所以貧血不可專責諸血也愚嘗讀內經而悟其理矣

內經謂上氣不足腦爲之不滿耳爲之苦鳴頭爲之傾目爲之眩夫腦不滿者血少也因腦不滿而貧血則耳鳴頭傾目眩卽連帶而來其劇者能使肢體痿廢不言可知是西人腦貧血可致痿廢之說原與內經相符也然西醫論痿廢之由知因腦中貧血而內經更推腦中貧血之由知因上氣不足夫上氣者何胸中大氣也亦名宗氣其氣能主宰全身斡旋腦部流通血脈彼腦充血者因肝胃氣逆挾血上衝原於此氣無關至腦貧血者實因胸中大氣虛損不能助血上升也是以欲治此證者當以補氣之藥爲主以養血之藥爲輔而以通活經絡之藥爲使也爰本此義擬方於左

幹頹湯 治肢體痿廢或偏枯脈象極微細無力者

生箭芪五兩

當歸一兩

甘枸杞果一兩

淨杭黃一兩

生滴乳香三錢

生明沒藥三錢

真鹿角膠六錢

搗碎

先將黃芪煎十餘沸去渣再將當歸枸杞黃肉乳香沒藥入湯同煎十餘沸去渣入鹿角膠末融化取湯兩大盞分兩次溫飲下

方中之義重用黃芪以升補胸中大氣且能助氣上升上達腦中而血液亦卽可隨氣上

注惟其副作用能外透肌表具有宣散之性去渣重煎則其宣散之性減專於補氣升氣矣當歸為生血之主藥與黃芪並用古名補血湯因氣旺血自易生而黃芪得當歸之濡潤又不至燥熱也萸肉性善補肝枸杞性善補腎肝腎充足元氣必然壯旺元氣者胸中大氣之根也元氣為祖氣大氣為宗氣先祖而後宗故宗氣以元氣為根一先天一後天也且肝腎充足則自脊上達之督脈必然流通督脈者又腦髓神經之根也且二藥皆汁漿稠潤又善贊助當歸生血也用乳香沒藥者因

二藥善開血痺血痺開則痿廢者久瘥之經絡自流通矣用鹿角膠者誠以腦既貧血其腦髓亦必空虛鹿之角在頂為督脈之所發生是以前所熬之膠善補腦髓腦髓足則腦中貧血之病自易愈也此方服數十劑後身體漸漸強壯而痿廢仍不愈者可繼服後方

補腦振痿湯 治肢體痿廢偏枯脈象極微細無力服藥久不愈者

生箭芪二兩 當歸八錢 龍眼肉八錢 杭黃肉五錢 胡桃肉五錢 廣虫大者三枚 地龍去淨土三錢 鹿角膠六錢
 製馬錢子末三分 共藥十一味將前九味煎湯兩鍾半去渣將鹿角膠入湯內融化分兩次服每次送服製馬錢子末一分五厘

此方於前方之藥獨少枸杞因胡桃肉可代枸杞補腎且有強健筋骨之效也又嘗閱滬

濱醫報謂腦中血管及神經之斷者地龍能續之愚則謂必輔以麩虫方有此效蓋蚯蚓
即地龍善引麩虫善接斷之能自接二藥並用能將血管神經之斷者引而接之是以方中又加
此二味也加製馬錢子者以其能開動神經使靈活也此方與前方若服之覺熱者皆可
酌加天花粉天冬各數錢製馬錢子法詳三期七卷振頹丸下

附案

天津特別三區三號路于遇順年過四旬自覺呼吸不順胸中滿悶言語動作皆漸覺不
利頭目昏沈時作眩暈延醫治療投以開胸理氣之品則四肢遽然痿廢再延他醫改用
補劑而仍兼用開氣之品服後痿廢加劇言語竟不能發聲愚診視其脈象沈微右部尤
不任循按知其胸中大氣及中焦脾胃之氣皆虛陷也於斯投以拙擬升陷湯在第一卷
大氣證內

加白朮當歸各三錢服兩劑諸病似皆稍愈而脈象仍如舊因將芩朮當歸知母各加倍
升麻改用錢半又加黨參天冬各六錢連服三劑口可出聲而仍不能言肢體稍能運動
而不能步履脈象較前有起色似堪循按因但將黃芪加重至四兩又加天花粉八錢先
用水六大鍾將黃芪煎透去渣再入他藥煎取清湯兩大鍾分兩次服下又連服三劑勉

強可作言語然恆不成句人扶之可以移步遂改用幹類湯惟黃芪仍用四兩服過十劑脈搏又較前有力步履雖仍需人而起臥可自如矣言語亦稍能達意其說不真之句間可執筆寫出從前之頭目昏沈眩暈者至斯亦見輕俾繼服補腦振痿湯囑其若服之順利可多多服之當有脫然全愈之一日也 按此證其胸滿悶之時正因其呼吸不順也其呼吸之所以不順因胸大氣及中焦脾胃之氣皆虛而下陷也醫者竟投以開破之藥是以病遽加重至再延他醫所用之藥補多開少而又加重者因氣分當虛極之時補氣之藥難爲功破氣之藥易生弊也愚向治大氣下陷證病人恒自覺滿悶其實非滿悶實短氣也臨證者細細考究庶無差誤

論心病治法

心者血脈循環之樞機也心房一動則周身之脈一動是以心機充進脈象卽大而有力或脈搏更甚數心臟麻痺脈象卽細而無力或脈搏更甚遲是脈之不得其平大抵由心機充進與心臟麻痺而來也於以知心之病雖多端實可分心機充進心臟麻痺爲二

大綱

今試先論心機亢進之病有因外感之熱熾盛於陽明胃府之中上蒸心臟致心機亢進者其脈象洪而有力或脈搏加數可用大劑白虎湯以清其胃或更兼腸有燥糞大便不通者可酌用大小承氣湯以滌其腸則熱由下瀉心機之亢進者自得其平矣

有下焦陰分虛損不能與上焦陽分相維繫其心中之君火恆至浮越妄動以致心機亢進者其人常苦眩暈或頭疼目脹耳鳴其脈象上盛下虛或搖搖無根至數加數宜治以加味左歸飲方用大熟地大生地生懷山藥各六錢甘枸杞懷牛膝生龍骨生牡蠣各五錢淨黃肉三錢雲苓片一錢此壯水之源以制浮游之火心機之亢者自歸於和平矣

有心體之陽素旺其胃腑又積有實熱復上升以助之以致心機亢進者其人脈雖有力而脈搏不數五心恆作灼熱宜治以鹹寒之品

內經謂熱淫於內治以鹹寒

若朴硝太陰玄精石及西藥

留苦皆爲對證之藥

每服少許日服三次久久自愈

蓋心體屬火味之鹹者屬水投以鹹寒之品是以寒勝

熱水勝火也

又人之元神藏於腦人之識神發於心識神者思慮之神也人常思慮其心必多熱以人之神明屬陽思慮多者其神明之陽常常由心發露遂致心機因熱亢進其人恆多迷惑

其脈多現滑實之象因其思慮所生之熱恒與痰涎互相膠漆是以前脈滑而有力也可
用大承氣湯厚朴宜少用以清熱降痰再加赭石生赭石兩半甘遂甘遂一錢研細以助其清熱降痰
之力藥性雖近猛烈實能穩建奇功而屢試屢效也

又有心機亢進之甚者其鼓血上行之力甚大能使腦部之血管至於破裂內經所謂血
之與氣併走於上之大厥也亦即西人所謂腦充血之險證也推此證之原因實由肝木
之氣過升肺金之氣又失於肅降則金不制木肝木之橫恣遂上千心臟以致心機亢進
若更兼衝氣上衝其脈象之弦硬有力更迥異乎尋常矣當此證之初露朕兆時必先腦
中作疼或間覺眩暈或微覺半身不利或肢體有麻木之處宜思患預防當治以清肺鎮
肝斂衝之劑更重用引血下行之藥輔之連服十餘劑或數十劑其脈象漸變柔和自無
意外之患向因此證方書無相當之治法曾擬得建瓴湯一方屢次用之皆效即不能治
之於預其人忽然昏倒須臾能自蘇醒者大抵腦中血管未甚破裂急服此湯皆可保其
性命連服數劑其頭之疼者可以全愈即腦中血管不復充血其從前少有破裂之處亦
可自愈而其肢體之痿廢者亦可徐徐見效方載本卷前篇論中原用鐵鏽水煎藥若劑

取鐵鑪數錢或多至兩許與藥同煎服更佳

有非心機亢進而有若心機亢進者怔忡之證是也心之本體原長發動以運行血脈然無病之人初不覺其動也惟患怔忡者則時覺心中跳動不安蓋人心中之神明原以心中之氣血爲憑依有時其氣血過於虛損致神明失其憑依雖心機之動照常原分毫未嘗亢進而神明恒若不任其震撼者此其脈象多微細或脈搏兼數宜用山萸肉酸棗仁懷山藥諸藥品以保合其氣龍眼肉熟地黃柏子仁諸藥以滋養其血更宜用生龍骨牡蠣硃砂研細送服諸藥以鎮安其神明氣分虛甚者可加人參其血分虛而且熱者可加生地黃

有因心體腫脹或有瘀滯其心房之門戶變爲窄小血之出入致有激盪之力而心遂因之覺動者此似心機亢進而亦非心機亢進也其脈恒有澀象或更兼遲宜治以拙擬活絡效靈丹方載三期第四卷係當歸丹參乳香沒藥各五錢加生懷山藥龍眼肉各一兩共煎湯服或用節菖蒲三兩遠志二兩共爲細末每服二錢紅糖沖水送下日服三次久當自愈因菖蒲善開心竅遠志善化瘀滯因其含有稀鹽酸且一藥並用實善調補心臟而送以紅糖水者亦所以助其血脈流

通也

至心臟麻痺之原因亦有多端治法亦因之各異如傷寒溫病之白虎湯證其脈皆洪大有力也若不即時投以白虎湯其脈洪大有力之極又可漸變爲細小無力此乃由心機充進而轉爲心臟麻痺病候至此極爲危險宜急投以大劑白虎加人參湯將方中人參加倍煎湯一大碗分數次溫飲下使藥力相繼不斷一日連服二劑庶可挽回若服藥後仍無效宜用西藥斯獨落仿斯丁幾四瓦分六次調溫開水服之每兩點鐘服一次服至五六次其脈漸起熱漸退可保無虞矣蓋外感之熱傳入陽明其熱實脈虛者原宜治以白虎加人參湯是以傷寒汗吐下後用白虎湯時皆加入人參然其脈非由實轉虛也至其脈由實轉虛是其心臟爲熱所傷而麻痺已成壞證故用白虎加人參湯時宜將人參加倍助其心脈之跳動即可愈其心臟之麻痺也至西藥斯獨落仿斯實爲強壯心臟之良藥原爲實芩答里斯之代用品其性不但能強心臟且善治臟腑炎證凡實芩答里斯所主之證皆能治之而其性又和平易用以治心臟之因熱麻痺者誠爲至良之藥

有心臟本體之陽薄弱更兼胃中積有寒飲溢於膈上凌逼心臟之陽不能用事其心臟

漸欲麻痺脈象異常微細脈搏異常遲緩者宜治以拙擬理飲湯

方載三期第三卷係乾薑五錢於白朮四錢桂枝尖茯苓片炙甘草

各二錢生杭芍廣福紅川厚朴各錢半病劇者加生黃芪三錢

連服十餘劑寒飲消除淨盡心臟之陽自復其初脈之微弱遲緩者

亦自復其常矣此證間有心中覺熱或周身發熱或耳鳴欲聾之種種反應象須兼看理

飲湯後所載治愈諸案臨證診斷自無差誤

有心臟為傳染之毒菌充塞以至於麻痺者霍亂證之六脈皆閉者是也治此證者宜治

其心臟之麻痺更宜治其心臟之所以麻痺則興奮心臟之藥自當與掃除毒菌之藥並

用如拙擬之急救回生丹衛生防疫寶丹是也

二方皆載於第六卷論霍亂治法篇中

此二方中皆用樟腦所升

之冰片是興奮心臟以除其麻痺也二方中皆有硃砂薄荷冰是掃除毒菌以治心臟之

所以麻痺也是以無論霍亂之因涼因熱投之皆可奏效也

急救回生丹藥性微涼以治因熱之霍亂尤效至衛生防疫寶丹其性溫用涼無論

病因之涼熱用之更有提效

有心中神明不得寧靜有若失其憑依而常驚悸者此其現象若與心臟麻痺相反若投

以西藥麻醉之品如臭剝抱水諸藥亦可取效於一時而究其原因實亦由心體虛弱所

致惟投以強心之劑乃為根本之治法當細審其脈若數而兼滑者當係心血虛而兼熱

宜用龍眼肉熟地黃諸藥補其虛生地黃玄參諸藥瀉其熱再用生龍骨生牡蠣以保合其神明鎮靖其魂魄其驚悸自除矣其脉微弱無力者當係心氣虛而莫支宜用參朮芪諸藥以補其氣兼用生地黃玄參諸滋陰之藥以防其因補生熱更用酸棗仁山萸肉以凝固其神明收斂其氣化其治法與前條脈弱怔忡者大略相同特脈弱怔忡者心機之發動猶能照常而此則發動力微而心之本體又不時顫動猶人之力小任重而身顫也其心臟之弱似較怔忡者尤甚矣

有其驚悸恆發於夜間每當交睫甫睡之時其心中卽驚悸而醒此多因心下停有痰飲心臟屬火痰飲屬水火畏水迫故作驚悸也宜清痰之藥與養心之藥並用方用二陳湯加當歸高蒲遠志煎湯送服硃砂細末三分有熱者加玄參數錢自能安枕穩睡而無驚悸矣

論肺病治法

肺病西人名爲都比逆力謂肺臟生有堅粒如砂久則潰爛相連卽東人所謂肺結核方書所謂肺癰也蓋中醫不能剖解當其初結核時實無從考驗迨至二期之時所結之核

已潰爛相連至於欬吐膿血乃始知爲肺土生癰豈知肺胞之上焉能生紅腫高大之癰不過爲肺體之潰爛而已然肺病至於肺體潰爛西人早諉爲不治而古方書各有治法用之亦恒獲效其故何哉蓋以西人之治病惟治局部但知理其標而不知清其本本既不清標亦終歸不治耳愚臨證四十餘年治愈肺病甚夥卽西人諉爲不治者亦恆隨手奏效此無他亦惟詳審病因而務爲探本窮源之治法耳故今者論治肺病不以西人之三期立論而以病因立論爰細列其條目於左

肺病之因有內傷外感之殊然無論內傷外感大抵皆有發熱之證而後釀成肺病誠以肺爲嬌臟且屬金最畏火刑故也有如肺主皮毛外感風邪有時自皮毛襲入肺臟阻塞氣化卽暗生內熱而皮毛爲風邪所束不能由皮毛排出炭氣則肺中不但生熱而且釀毒肺病卽由此起點其初起之時或時時欬嗽吐痰多有水泡或周身多有疼處暗舌有白苔或時覺心中發熱其脈象恒浮而有力可先用西藥阿斯必林一瓦白糖沖水送下俾周身得汗繼用玄參天花粉各五錢金銀花川貝母各三錢礪砂八分研細分兩次送服粉甘草細末二錢分兩次送服煎湯服再每日用阿斯必林一瓦分三次服白糖水送下勿令出汗此三

次中或一次微有汗者亦佳如此服數日熱不退者可於湯藥中加生石膏七八錢若不
用石膏或用湯藥送服西藥安知歇貌林半瓦亦可

若此時不治病寢加劇吐痰色白而黏或帶腥臭此時亦可先用阿斯必林汗之然恐其
身體虛弱不堪發汗宜用生懷山藥一兩或七八錢煮作茶湯送服阿斯必林半瓦俾服
後微似有汗即可仍用前湯藥送服粉甘草細末三七細末各一錢煎渣時再送服二藥
如前仍兼用阿斯必林三分瓦之一合中量八厘八毫白糖沖水送下或生懷山藥細末四五錢

煮茶湯送下日兩次其嗽不止者可用山藥所煮茶湯送服川貝細末二錢或用西藥幾

阿蘇四瓦薄荷冰半瓦調以粉甘草細末以適可爲丸爲度幾阿蘇是稀樹脂摻以甘草末始可爲丸爲丸桐子大

每服三丸日再服此藥不但能止嗽且善治肺結核薄荷冰味宜辛涼若其味但辛辣而不涼者可用好硃砂錢半代之至阿斯必

林亦善治肺結核而兼能發汗且能使脈之數者變爲和緩是以愚喜用之惟其人常自
出汗者不宜服耳至山藥之性亦最善養肺以其含蛋白質甚多也然忌炒炒之則枯其
蛋白質矣煮作茶湯其味微酸欲其適口可少調以白糖或柿霜皆可若不欲吃茶湯者
可用生山藥片將其分量加倍煮取清湯以代茶湯飲之

若當此時不治以後病又加劇時時欬吐膿血此肺病已至三期非尋常藥餌所能療矣必用中藥極貴重之品徐靈胎所謂用清涼之藥以清其火滋潤之藥以養其血滑降之藥以祛其痰芳香之藥以通其氣更以珠黃之藥解其毒金石之藥填其空兼數法而行之屢試必效又邑中曾鈞堂孝廉精醫術嘗告愚白治肺癰惟林屋山人證治全生集中犀黃丸最效余用之數十年治愈肺癰甚多後愚至奉天遇肺癰欬吐膿血服他藥不愈者俾於服湯藥之外兼服犀黃丸果如曾君所言效驗異常三期第二卷清涼華蓋飲後有案可參觀至所服湯藥宜用前方加牛蒡子瓜蒌仁各數錢以瀉其膿再送服三七細末二錢以止其血至於犀黃丸配製及服法皆按原書茲不贅

有外感伏邪伏膈膜之下久而入胃其熱上薰肺臟以致成肺病者其欬吐痰始則稠黏繼則腥臭其舌苔或白而微黃其心中燥熱頭目昏眩脈象滑實多右勝於左宜用生石膏一兩玄參花粉生懷山藥各六錢知母牛蒡子各三錢煎湯送服甘草三七細末如前再用阿斯必林三分瓦之一白糖水送服日兩次若其熱不退其大便不滑瀉者石膏可以加重曾治奉天大西邊門南徐姓叟病肺其脈弦長有力迥異尋常每劑藥中用生

石膏四兩連服數劑脈始柔和由斯觀之藥以勝病爲準其分量輕重不可預爲限量也若其脈雖有力而至數數者可於前方中石膏改爲兩半知母改爲六錢再加潞黨參四錢蓋脈數者其陰分必虛石膏知母諸藥雖能退熱而滋陰仍非所長輔之以參是仿白虎加人參湯之義以滋其真陰不足涼潤之藥得人參則能滋真陰而脈之數者可變爲和緩也若已欬吐膿血者亦宜於服湯藥外兼服犀黃丸

至於肺病由於內傷亦非一致有因脾胃傷損飲食減少土虛不能生金致成肺病者蓋脾胃虛損之人多因肝木橫恣侮剋脾土致胃中飲食不化精液轉多化痰涎溢於膈上黏滯肺葉作欬嗽久則傷肺此定理也且飲食少則虛熱易生肝中所寄之相火因肝木橫恣更挾虛熱而刑肺於斯上焦恒覺煩熱吐痰始則黏滯繼則腥臭脅下時或作疼其脈弦而有力或弦而兼數重按不實方用生懷山藥一兩玄參沙參生杭芍柏子仁炒不各四錢金銀花二錢煎湯送服三七細末一錢西藥百布聖二瓦湯藥煎渣時亦如去油此送服若至欬吐膿血亦宜服此方兼服犀黃丸或因服犀黃丸減去三七亦可至百布聖則不可減去以其大有助脾胃消化之力也然亦不必與湯藥同時服每於飯後遲一

旬鐘服之更佳

有因腎陰虧損而致成肺病者蓋腎與肺爲子母之臟子虛必吸母之氣化以自救肺之氣化卽暗耗且腎爲水臟水虛不能鎮火火必妄動而刑金其人日晚潮熱欬懶食或乾欬無痰或吐痰腥臭或兼喘促其脈細數無力方用生懷山藥一兩大熟地甘枸杞柏子仁各五錢玄麥沙參各四錢金銀花川貝各三錢煎湯送服甘草三七細末如前若欬吐膿血者去熟地加牛蒡子蔓仁各三錢亦宜兼服犀黃丸若服藥後脈之數者不能漸緩亦可兼服阿斯必林日兩次每次三分瓦之一蓋阿斯必林之性既善治肺結核尤善退熱無論虛熱實熱其脈象數者服之可使其至數漸緩然實熱服之汗出則熱退故可服至一瓦若虛熱不宜出汗但可解肌服後或無汗或微似有汗方能退熱故一瓦必須分三次服若其人多汗者無論虛熱實熱皆分毫不宜用若其人每日出汗者無論其病因爲內傷外感虛熱實熱皆宜於所服湯藥中加生龍骨生牡蠣淨山萸肉各數錢或研服好硃砂五分亦可止汗蓋以汗爲心液硃砂能涼心血故能止汗也

有其人素患吐血衄血陰血傷損多生內熱或醫者用藥失宜強止其血俾血瘀經絡亦

久而生熱以致成肺病者其人必心中發悶發熱或有疼時廉於飲食欬短氣吐痰腥臭其脈弦硬或弦而兼數方用生懷山藥一兩玄參天冬各五錢當歸生杭芍乳香沒藥三錢遠志甘草生桃仁桃仁無毒宜帶皮生用因其皮紅能活血也然須明辨其果爲桃仁不可誤用帶皮杏仁各二錢煎湯送服三七細末錢半煎渣時亦送服錢半蓋三七之性不但善止血且善化瘀血也若欬吐膿血者亦宜於服湯藥之外兼服犀黃丸

此論甫擬成法庫門生萬澤東見之謂此論固佳然衷中參西錄三期肺病門師所擬之清金益氣湯清金解毒湯二方尤佳何以未載愚曰二方皆有黃芪東省之人多氣盛上焦有熱於黃芪恒不相宜是以未載澤東謂若其人久服萸仁杏仁蘇子橘紅諸藥以降氣利痰止嗽致肺氣虛弱脈象無力者生常投以清金益氣湯若兼吐痰腥臭者投以清金解毒湯均能隨手奏效蓋東省之人雖多不宜用黃芪而經人誤治之證又恒有宜用黃芪者然宜生用灸用則不相宜耳愚聞澤東之言自知疏漏爰將兩方詳錄於左以備治肺病者之採用

清金益氣湯 治肺臟虛損疔羸少氣勞熱欬嗽肺痿失音頻吐痰涎一切肺金虛損之病但服潤肺甯嗽之藥不效者 方用生地黃五錢生黃芪知母粉甘草玄參沙參牛蒡

子各三錢川貝二錢

清金解毒湯 治肺臟結核浸至損爛欬吐膿血脈象虛弱者 方用生黃芪生滴乳香

生明沒藥粉甘草知母玄參沙參牛蒡子各三錢川貝細末三七細末各二錢

二末和勻分
兩次另送服

若其脈象不虛者宜去黃芪加金銀花三四錢

或問桔梗能引諸藥入肺是以金匱治肺癰有桔梗湯此論肺病諸方何以皆不用桔梗
答曰桔梗原提氣上行之藥病肺者多苦欬逆上氣恆與桔梗不相宜故未敢加入方中
若其人雖病肺而不欬逆上氣者亦不妨斟酌用之

或問方書治肺癰恆於其將成未成之際用皂莢丸或葶藶大棗湯瀉之將肺中之惡濁
瀉去而後易於調治二方出自金匱想皆爲治肺良方此論中皆未言及豈其方不可採
用乎答曰二方之藥性近猛烈今之病肺者多虛弱是以不敢輕用且二方瀉肺治肺實
作喘原是正治至瀉去惡濁痰涎以防肺中腐爛原是兼治之證其人果肺實作喘且不
虛弱者葶藶大棗湯愚曾用過數次均能隨手奏效皂莢丸實未嘗用因皂莢性熱與肺
病之熱者不宜也至欲以瀉濁防腐似不必用此猛烈之品若拙擬方中之礞砂三七及

乳香沒藥皆化腐生新之妙品也况礪砂善治痰厥曾治痰厥半日不醒用礪砂四錢水
煮化灌下吐出稠痰而愈由斯知礪砂開痰瀉肺之力固不讓皂莢葶藶也所可貴者瀉
肺臟之實卽以清肺金之熱潤肺金之燥解肺金之毒清熱潤燥解毒皆礪砂所長人但知口中腐爛者嗽

以礪砂則愈

冰硼散善治口瘡

而不知其治肺中之腐爛亦猶治口中之腐爛也且搗製有安肺

寧嗽丸方用礪砂嫩桑葉兒茶蘇子粉甘草各一兩共爲細末煉密爲丸三錢重早晚各
服一丸治肺鬱痰火作嗽肺結核作嗽在奉天醫院用之數年屢建奇效此丸藥中實亦
礪砂之功居多也

或問古有單用甘草四兩煎湯治肺癰者今所用治肺病諸方中其有甘草者皆爲末送
服而不以之入煎者何也答曰甘草最善解毒瀉熱然生用勝於熟用因生用則其性平
且具有開通之力拙著四期衷中參西錄中甘草解言之甚詳熟用則其性溫實多填補
之力故其解毒瀉熱之力生勝於熟夫炙之爲熟水煮之亦爲熟若入湯劑是仍煎熟用
矣不若爲末服之之爲愈也且卽爲末服又須審辨蓋甘草軋細頗難若軋之不細而用
火炮焦再軋則生變爲熟矣是以用甘草末者又宜自監視軋之再者愚在奉時曾製有

清金二妙丹方用粉甘草細末二兩遠志細末一兩和勻每服錢半治肺病勞嗽甚有效
驗肺有熱者可於每二妙丹一兩中加好硃砂細末二錢名爲清肺三妙丹以治病肺結
核欬嗽不止亦極有效然初服三四次時宜少加阿斯必林每次約加四分瓦之一或五
分瓦之一若汗多可無加也

或問西人謂肺病係桿形之毒菌傳染故治肺病以消除毒菌爲要務又謂呼吸之空氣
不新鮮易成肺病故患此病者宜先移居新鮮空氣之中則病易愈今論中皆未言及其
說豈皆無足取乎答曰西人之說原有可取然數十人同居一處或獨有一人病肺其餘
數十人皆不病且卽日與病肺者居仍傳染者少而不傳染者多此又作何解也古語云
木必先腐而後蟲生推之於人何莫不然爲其人先有此病因而後其病乃乘虛而入愚
爲嫌西人之說膚淺故作深一層論法更研究深一層治法且亦以西人之說皆印於人
之腦中無煩重爲表白也矧右所用之藥若西藥之幾阿蘇阿斯必林薄荷冰原可消除
毒菌卽中藥之硃砂及犀黃丸亦皆消除毒菌之要藥非於西說概無所取也

治肺病便方

鮮白茅根去皮剉碎一大碗用水兩大碗煎兩沸候半點鐘視其茅根不沈水底再煎至微沸候須臾茅根皆沈水底去渣徐徐當茶溫飲之

鮮小薊根二兩剉細煮兩三沸徐徐當茶溫飲之能愈肺病吐膿血者

白蓮藕一斤切細絲煮取濃汁一大碗再用柿霜一兩融化其中徐徐溫飲之以上尋常土物用之皆能清減肺病恒有單用一方浹辰之間即能治愈肺病者二期第二卷有將鮮茅根鮮小薊根鮮藕共切碎煮汁飲之名爲三鮮飲以治因熱吐血者甚效而以治肺病亦有效若再調以柿霜更佳

三期第六卷載有甯嗽定喘飲方用生懷山藥兩半煮湯一大碗再調入甘蔗自然汁一兩酸石榴自然汁五錢生鷄子黃三個徐徐飲下治寒溫病陽明大熱已退其人或素虛或在老年至此益形怯弱或喘或嗽痰涎壅盛氣息似不足者此亦尋常服食之物若去方中鷄子黃加葶藶自然汁一兩調勻徐徐溫服亦治肺病之妙品也而肺病之欸而兼喘者服之尤宜

又北沙參細末每日用豆腐漿送服二錢上焦發熱者送服三錢善治肺病及肺勞喘嗽

又西藥有橄欖油性善清肺其味香美病肺者可以之代香油或滴七八滴於水中服之亦佳

飲食宜淡泊不可過食炮炙厚味及過鹹之物宜多食菜蔬若藕鮮筍白菜萊菔冬瓜果品若西瓜梨桑椹蘋果荸薺甘蔗皆宜不宜桃杏忌煙酒及一切辛辣之物又忌一切味若糟魚松花蛋滷蝦油醬豆腐臭豆腐之類亦不宜食

養生家有口念呵呼噓吹嘻六字以却臟腑諸病者病肺者若於服藥之外兼用此法則爲益良多其法當靜坐時或睡醒未起之候將此六字每一字念六遍其聲極低小惟已微聞且念時宜蓄留其氣徐徐外出愈緩愈好每日行兩三次久久自有效驗蓋道書有呼氣爲補之說其理甚深拙撰元氣證中發明甚詳西人有深長呼吸法所以擴胸膈以舒肺氣此法似與深長呼吸法相近且着意念此六字則肺中炭氣呼出者必多肺病自有易愈之理也

論肺勞喘嗽治法

肺勞之證因肺中分支細管多有瘀滯熱時肺胞鬆容氣化猶可宣通故病則覺輕冷時

肺胞緊縮其痰涎恆益杜塞故病則加重此乃肺部之錮疾自古無必效之方惟用曼陀蘿熬膏和以理肺諸藥則多能治愈爰將其方詳開於左

曼陀蘿正開花時將其全科切碎榨取原汁四兩入鍋內熬至若稠米湯再加入礪砂二兩熬至融化再用遠志細末甘草細末各四兩生石膏細末六兩以所熬之膏和之以適可爲丸爲度分作小丸每服錢半若不效可多至二錢白湯送下一日兩次久服病可除根若服之覺熱者石膏宜加重

按曼陀蘿俗名洋金花譯西文者名爲醉仙桃因其大有麻醉之性也科高三四尺許葉大如掌有有歧無歧兩種開花如牽牛稍大有紅白二色且其花有單層多層之分結實大如核桃有芒刺如包麻實蒂有托盤如錢中含細粒如麻仁李時珍謂服之令人昏昏如醉可作麻藥又謂熬水洗脫肛甚效蓋大有收斂之力也入藥者以花白且單層者爲佳然其麻醉之力甚大會見有以之煎湯飲之傷命者慎勿多服

肺臟具闔闢之機其闔闢之機自如自無肺勞病證遠志礪砂最善化肺管之瘀甘草末服不經火炙水煑亦善宣通肺中氣化此所以助肺臟之闔也曼陀蘿膏大有收斂之力

此所以助肺臟之圍也用石膏者因曼陀蘿之性甚熱石膏能解其熱也且遠志甘草礪砂皆爲養肺之品能多生津液融化痰涎俾肺臟開闢之機靈活無滯則肺勞之喘嗽自愈也

同莊張島仙先生邑之名孝廉也其任東安教諭時有門生患肺癆先生教以念呵呼咽噓吹嘻每字六徧日兩次兩月而肺癆愈愚由此知此法可貴養生家謂此六字可分主臟腑之病愚則謂不必如此分析總之不外呼氣爲補之理因人念此六字皆徐徐呼氣外出其心腎可交也心腎交久則元氣壯旺自能斡旋肺中氣化而肺癆可除矣欲肺癆速愈者正宜兼用此法

讀章太炎氏論肺病治法書後

讀本誌山西醫學雜誌二十一期章太炎先生論肺炎治法精微透徹古今中外融會爲一洵爲醫學大家其中有謂欬嗽發熱未見危候數日身忽壯熱加以喘息脈反微弱直視撮空喪其神守者此肺雖臙滿而脈反更垮落血痺不利心臟將絕西人治此證用強心劑數服神清喘止其熱漸退而愈而未明言所用強心之劑果爲何藥按此乃肺脹兼心痺之證

若用中藥擬用白虎加人參湯白虎湯以治肺脹加人參以治心痺若用西藥當用實芩答利斯及斯獨落仿斯二藥皆爲強心之藥而與他強心之藥不同蓋凡強心之藥能助心之跳動有力即能助心之跳動加速獨此二藥又善治心臟亢進使脈之動速者轉爲和緩又凡強心之藥多熱而此二藥轉能解熱故又善治肺炎肺臟炎愈而喘脹自愈也至於傷寒溫病熱入陽明脈象洪實醫者不知急用白虎湯或白虎加人參湯以解其熱迨至熱極傷心脈象由洪實而微弱或兼數至七八至神識昏潰者急投以白虎加人參湯再將方中人參加重湯成後調入生鷄子黃數枚此正治之法也西醫則治以實芩答利斯及斯獨落仿斯亦爲正治之法而用之皆不易奏效因其病至極危心臟將絕也擬將此中西之藥並用庶可挽回此至重之證也然此猶虛爲擬議而未嘗實驗於臨證之際也

附錄實芩答利斯及斯獨落仿斯用法 實芩答利斯葉之用量一次服十分瓦之二

一分爲十
分用其二分

若用其丁幾

酒也

一次可服半瓦斯獨落仿斯丁幾之用量亦一次服半瓦皆

宜一日服三次實芩答利斯之性稍烈於斯獨落仿斯若病輕可緩治者可用斯獨落仿

斯爲實芟答利斯之代用品若病重宜急治者可將二藥按其原定分量作一劑並用方能有效斯獨落仿斯不宜生用其製品有斯獨落仿斯精其用量極少不如用其丁幾穩妥

總論喘證治法

俗語云喘無善證誠以喘證無論內傷外感皆爲緊要之證也然欲究喘之病因當先明呼吸之樞機何臟司之喉爲氣管內通於肺人之所共知也而吸氣之入實不僅入肺並能入心入肝入衝任以及於腎何以言之氣管之正支入肺其分支實下通於心更透膈而下通於肝觀肺心肝一系相連可知由肝而下更與衝任相連以通於腎藉曰不然何以婦人之妊子者母呼而子亦呼母吸而子亦吸乎呼吸之氣若不由氣管分支通於心肝下及於衝任與腎何以子之膈帶其根蒂結於衝任之間能以膈承母之呼吸之氣而隨母呼吸乎是知肺者發動呼吸之機關也喘之爲病本經名爲吐吸因吸入之氣內不能容而速吐也其不容納之故有由於肺者有由於肝腎者試先以由於肝腎者言之

腎主閉藏亦主翕納原所以統攝下焦之氣化兼以翕納呼吸之氣使之息息歸根也有

時腎虛不能統攝其氣化致其氣化膨脹於衝任之間轉挾衝氣上衝而爲腎行氣之肝

木

方書謂肝行腎之氣

至此不能疏通腎氣下行亦轉隨之上衝是以吸入之氣未受下焦之翕納

而轉受下焦之衝激此乃喘之所由來方書所謂腎虛不納氣也當治以滋陰補腎之品

而佐以生肝血鎮肝氣及鎮衝降逆之藥方用大懷熟地生懷山藥各一兩生杭芍柏子

仁甘枸杞淨萸肉生赭石細末各五錢蘇子甘草各二錢熱多者可加玄參數錢汗多者

可加生龍骨生牡蠣各數錢

有腎虛不納氣更兼元氣虛甚不能固攝而欲上脫者其喘逆之狀恆較但腎虛者尤甚

宜於前方中去芍藥甘草加野臺參五錢萸肉改用一兩赭石改用八錢服一劑喘見輕

心中覺熱者可酌加天冬數錢或用拙擬參赭鎮氣湯亦可

方載三期第二卷係野臺參生杭芍各四錢生赭石生龍骨生牡蠣淨萸肉各六錢

生懷山藥生芡實各五錢蘇子二錢

有因猝然暴怒激動肝氣肝火更挾衝氣上衝胃氣上逆迫擠肺之吸氣不

能下行作喘者方用川棟子生杭芍生赭石細末各六錢厚朴清夏乳香沒藥龍胆草桂

枝尖蘇子甘草各二錢磨取鐵鏞濃水煎服以上三項作喘之病因由於肝腎者也而其

脈象則有區別陰虛不納氣者脈多細數陰虛更兼元氣欲脫者脈多上盛下虛肝火肝

氣挾衝氣胃上衝者脈多硬弦而長審脈辨證自無差誤也

至喘之由於肺者因肺病不能容納吸入之氣其證原有內傷外感之殊試先論肺不納氣之由於內傷者一闔一闢呼吸自然之機關也至問其所以能呼吸者固賴胸中大氣

亦名宗氣

爲之斡旋又賴肺葉具有活潑機能以遂其闔闢之用乃有時肺臟受病肺葉之闔

闢活潑者變爲易闔難闢而成緊縮之性暑熱之時其緊縮稍緩猶可不喘一經寒涼則

喘立作矣此肺勞之證多發於寒涼之時也宜用生懷山藥軋細每用兩許煮作粥調以

蔗白糖送服西藥百布聖七八分蓋肺葉緊縮者以其中津液減少血脈凝滯也有山藥

蔗糖以潤之

山藥含蛋白質甚多故善潤

百布聖以化之

百布聖爲小豬小牛之胃液製成故善化

久當自愈其有頑痰過盛者可

再用蓬砂細末二分與百布聖同送服若外治灸其肺腧穴亦有効可與內治之方並用若無西藥百布聖處可代以生鷄內金細末三分其化痰之力較百布聖尤強

有痰積胃中更溢於膈上浸入肺中而作喘者古人恆用葶藶大棗瀉肺湯或十棗湯下之此乃治標之方究非探本窮源之治也拙擬有理痰湯載於三期第三卷

方係生痰實一劑清半夏錢黑脂

雜三錢柏子仁生杭芍茯苓片陳皮各二錢

連服十餘劑則此證之標本皆清矣至方中之義原方下論之甚詳茲

不贅若其充塞於胸膈胃府之間不爲痰而爲飲且爲寒飲者

飲有寒熱熱飲脈滑其人多有神經病寒飲脈弦細微言飲爲寒者非是

其人或有時喘有時不喘或感受寒涼病卽反覆者此上焦之陽分虛也宜治以金匱苓

桂朮甘湯加乾薑三錢厚朴陳皮各錢半俾其藥之熱力能勝其寒其飲自化而下行從

水道出矣又有不但上焦以陽分甚虛並其氣分亦甚虛致寒飲充塞於胸中作喘者其

脈不但弦細且甚微弱宜於前方中加生箭芪五錢方中乾薑改用五錢壬戌秋臺灣醫

士嚴坤榮爲其友問二十六年寒飲結胸時發大喘極畏寒涼曾爲開去此方

方中生箭芪用一兩

乾薑用八錢非極虛寒之證不可用此重劑

連服十餘劑全愈方中所以重用黃芪者以其能補益胸中大氣俾大

氣壯旺自能運化寒飲下行也右所論三則皆內傷喘證之由於肺者也

至外感之喘證大抵皆由於肺而其治法實因證而各有所宜人身之外表衛氣主之衛

氣本於胸中大氣又因肺主皮毛與肺臟亦有密切之關係有時外表爲風寒所束衛氣

不能流通周身以致胸中大氣無所輸洩驟生膨脹之力肺懸胸中因受其排擠而作喘

又因肺與衛氣關係密切衛氣鬱而肺氣必鬱亦可作喘此傷寒論麻黃湯所主之證多

有兼喘者也然用麻黃湯時宜加知母數錢汗後方無不解之虞至溫病亦有初得作喘

者宜治以薄荷葉牛蒡子各三錢生石膏細末六錢甘草二錢或用麻杏甘石湯方亦可然石膏萬勿煨用而其分量又宜數倍於麻黃石膏可用至一兩麻黃治此證多用不過二錢此二證之喘同而用藥迥異者因傷寒之脈浮緊溫病之脈洪滑也

有外感之風寒內侵與胸間之水氣凝滯上迫肺氣作喘者此傷寒論小青龍湯證也當必效金匱之小青龍加石膏法且必加生石膏至兩許用之方效又此方加減定例喘者去麻黃加杏仁而愚用此方治喘時恆加杏仁而仍用麻黃一錢其脈甚虛者又宜加野臺參數錢三期第五卷載有更定後世所用小青龍湯分量可參觀也又第五卷中載有拙擬從龍湯方服小青龍湯後喘愈而仍反覆者方係用生龍骨生牡蠣各一兩杭芍五錢清半夏蘇子各四錢牛蒡子三錢熱者酌加生石膏數錢用之曾屢次奏效右所論兩則治外感作喘之大略也

有其人素有勞疾喘嗽少受外感即發此乃內傷外感相併作喘之證也宜治以拙擬加味越婢加半夏湯方載三期五卷係麻黃二錢生懷山藥生石膏各五錢寸冬四錢清半夏牛蒡子各三錢甘草錢半大棗三枚生薑三片因其內傷外感相併作喘

故所用之藥亦內傷外感并用

特是右所論之喘其病因雖有內傷外感在肝腎在肺之殊約皆不能納氣而爲吸氣難卽本經所謂吐吸也乃有其喘不覺吸氣難而轉覺呼氣難者其病因由於胸中大氣虛而下陷不能鼓動肺臟以行其呼吸其人不得不努力呼吸以自救其呼吸迫促之形狀有似乎喘而實與不納氣之喘有天淵之分設或辨證不清見其作喘復投以降氣納氣之藥則凶危立見矣然欲辨此證不難也蓋不納氣之喘其劇者必然肩息肩上也大氣下陷之喘縱呼吸有聲必不肩息而其肩益下垂卽此二證之脈論亦迴不同不納氣作喘者其脈多數或尺弱寸強大氣下陷之喘其脈多遲而無力尺脈或略勝於寸脈察其狀而審其脈辨之固百不失一也其治法當用拙擬升陷湯以升補其胸中大氣其喘自愈方載第一卷大氣證中並詳載其隨證宜加之藥

有大氣下陷作喘又兼陰虛不納氣作喘者其呼吸皆覺困難益自強爲呼吸而呈喘狀其脈象微弱無力或脈搏略數或背發緊而身心微有灼熱宜治以生懷山藥一兩玄參甘枸杞各六錢生箭芪四錢知母桂枝尖各二錢煎湯服方中不用桔梗升柴者恐與陰虛不納氣有碍也右二證之喘同中有異三期第四卷升陷湯後皆治有驗案可參觀

也

又有肝氣胆火挾衝胃之氣上衝作喘其上衝之極至排擠胸中大氣下陷其喘又轉止並哮喘全無須臾忽又作喘而如斯循環不已者此乃喘證之至奇者也會治一少婦因夫妻反目得此證用桂枝尖四錢恐其性熱佐以帶心寸冬三錢煎湯服下卽愈因讀本經桂枝能升大氣兼能降逆氣用之果效如影響夫以桂枝一物之微而升陷降逆兩擅其功此誠天之生斯使獨也然非闢天闢地之聖神發之其孰能知之原案載三期第一卷參耨鎮氣湯下可參觀

論李東垣補中益氣湯所治之喘證

愚初讀方書時至東垣補中益氣湯謂可治喘證心甚疑之夫喘者氣上逆也本經謂之吐吸以其吸入之氣不能下行甫吸入而卽上逆吐出也氣既苦於上逆猶可以升麻舉胡提之乎乃以此疑義偏質所識宿醫大抵皆言此方可治氣分虛者作喘然氣實作喘者苦於氣上逆氣虛作喘者亦苦於氣上逆因其氣虛用參朮芪以補其氣則尙何爲佐以升柴耶如此再進一步質問則無有能答者矣迨後詳讀內經且臨證既久知胸中有

積貯之氣爲肺臟閉之原動力卽靈樞五味篇所謂搏而不行積於胸中之大氣也亦卽容邪篇所謂積於胸中出於喉嚨以貫心脈之宗氣也此氣一虛肺臟之圍闢原動力缺乏卽覺呼吸不利若更虛而下陷圍闢之原動力將欲停止其人必努力呼吸以自救爲其呼吸努力其迫促之形有似乎喘而實與氣逆之喘有天淵之分若審證不確而誤投以納氣定喘之藥則凶危立見矣故治此等證者當升補其胸中大氣至降氣納氣之藥分毫不可誤投若投以補中益氣湯雖不能十分脗合其喘必然見輕審是則補中益氣湯所主之喘確乎爲此等喘證無疑也蓋東垣平素注重脾胃是以但知有中氣下陷而不知有大氣下陷故於大氣下陷證亦以補中益氣湯治之幸方中之藥多半可治大氣下陷所以投之亦可奏效所可異者東垣縱不知補中益氣湯所治之喘爲大氣下陷亦必知與氣逆作喘者有異而竟不一爲分疏獨不慮貽誤後人遇氣逆不降之真喘亦投以補中益氣湯乎慮有鑑於此所以拙著衷中參西錄三期第四卷特立大氣下陷一門而製有升陷湯一方見第一卷大氣論以升補下陷之大氣使仍還胸中凡因大氣下陷所出種種之險證經愚治愈者數十則附載於後其中因大氣下陷而喘者曾有數案對與氣逆

作喘不同之處極爲詳細辨明若將其案細細參閱臨證時自無差誤

論胃病噎膈即胃治法及反胃治法

噎膈之證方書有謂賁門枯乾者有謂衝氣上衝者有謂痰瘀者有謂血瘀者愚向謂此

證係中氣衰弱不能撐懸賁門以致賁門縮如藕孔

賁門與大小腸一氣貫通視其大便若羊矢其賁門大小腸皆縮小可知

痰涎遂易

於壅滯因痰涎壅滯衝氣更易於上衝所以不能受食向曾擬參赭培氣湯一方仿仲景

旋覆代赭石湯之義重用赭石至八錢以爾胃鎮衝卽以下通大便

此證大便多艱

而卽用人參以

駕馭之俾氣化旺而流通自能撐懸賁門使之寬展又佐以半夏知母當歸天冬諸藥以

降胃利痰潤燥生津用之屢見效驗遂將其方載於衷中參西錄中並詳載用其方加減

治愈之醫案數則以爲一己之創獲也迨用其方既久效者與不效者參半又有初用其

方治愈及病又反覆再服其方不效者再三躊躇不得其解亦以爲千古難治之證原不

能必其全愈也後治一叟年近七旬住院月餘已能飲食而終覺不脫然迨其回家年餘

仍以舊證病故瀕危時吐出膿血若干乃恍悟從前之不能脫然者係賁門有瘀血腫脹

也當時若方中加破血之藥或能全愈蓋愚於瘀血致噎之證素日未有經驗遂至忽不

留心今既自咎從前之疏忽遂於此證細加研究而於瘀血致噎之理其精微愈益發
賢之說以發明之庶再遇此證務被除其病根不使愈後再反覆也

吳鞠通曰噎食之爲病陰衰於下陽結於上有陰衰而累及陽結者治在陰衰有陽結而
累及陰衰者治在陽結其得病之由多由怒鬱日久致令肝氣橫逆或酒客中虛土衰木
旺木乘脾則下泄或噎氣下泄久則陰衰噎氣久則陽結噎氣不除久成噎食木尅胃則
逆上阻胸食不得下以降逆鎮肝爲要其夾痰飲而陽結者則善嘔反胃一以通降結滯
胃體爲要亦有肝鬱致瘀血亦有髮癢致瘀血再有誤食銅物而致瘀血者雖皆以化瘀
血爲要然肝鬱則以條暢木氣之活絡肝逆則降氣鎮肝髮癢須用敗梳齒銅物須用毒
蕪病在上脘絲毫食物不下者非吐不可亦有食膈因食時受大驚大怒在上脘者吐之
在下脘者下之再如單方中鹹韭菜瀘之治瘀血牛乳之治胃燥五汁飲之降胃逆牛
草之治胃槁虎肚丸之治胃弱獅子油之開錮結活鷄血之治老僧跌坐精氣不得上
泥丸宮以成舍利反化爲頑白骨結於胃脘蓋鷄血純陰能化純陽之頑結也狗屎粟狗
糞以清其濁而養其虛補土諸方不勝紀何今人非用枳實厚朴以傷殘氣化卽用六味之

呆賦哉

楊素園曰噎膈一證昔人多與反胃混同立說其實反胃乃納而復出與噎之毫不能納者迥異卽噎與膈亦自有辨噎則原解納穀而喉中梗塞膈則全不納穀也至其病原昔人分爲憂氣悲食寒又有飲膈熱膈蟲膈其說甚紛葉天士則以陰液下竭陽氣上結食管窄隘使然其說原本內經最爲有據徐洄溪以爲瘀血頑痰逆氣阻隔胃氣其已成者無法可治其義亦精然以爲陰竭而氣結何虛勞證陰虧之極而陽不見其結以爲陰竭而兼憂愁思慮故陽氣結而爲噎則世間患此者大抵貪飲之流尙氣之輩乃毫不知憂而憂愁抑鬱之人反不患此此說之不可通者也以爲瘀血頑痰逆氣阻傷胃氣似矣然本草中行瘀化痰降氣之品不一而足何以已成者竟無法可治此又說之不可通者也予鄉有治此證者於赤日之中縛病人於柱以物撬其口抑其舌卽見喉中有物如贅瘤然正阻食管以利刃鋤而去之出血甚多病者困頓累日始愈又有一無賴垂老患此其人自恨極以紫藤鞭柄探入喉以求速死輻血數升所患竟愈此二者雖不足爲法然食管中的係有形之物阻扼其間而非無故窄隘也明矣予意度之此證當由肝鬱於肺

不能降血之隨氣而升者歷久遂成有形之瘀此與失血異證同源其來也暴故脫然而爲吐血其來也緩故留連不出而爲噎膈湯液入胃已過病所必不能去有形之物其專治此證之藥必其性專入咽喉而力能化瘀解結者也昔金谿一書賈患此向予乞方予茫無以應思葦菜上露善治噎口痢或可旁通其意其人亦知醫聞之甚悅遂煎千金葦莖湯加入葦露一半時時小啜之數日竟愈

右所引二則吳氏論噎膈之治法可謂博矣楊氏發明噎膈之病因可謂精矣而又皆注重瘀血之說似可爲從前所治之叟亦有瘀血之確徵而愚於此案或從前原有瘀血或以後變爲瘀血心中仍有游移何者以其隔年餘而後反覆也迨辛酉孟夏聞天津盧氏醫學報百零六期謂胃癆由於胃瘀血治此證者兼用古下瘀血之劑屢屢渣愈又無再發之陋覺胸中疑團頓解蓋此證無論何因其竇門積有瘀血者十之七八其瘀之重者非當時兼用治瘀血之藥不能愈其瘀之輕者但用開胃降逆之藥瘀血亦可些些消散故病亦可愈而究之瘀血之根蒂未淨是以有再發之陋也明乎此理知盧君之言可爲治噎膈之定論矣盧君名謙號抑甫兼通中西醫學自命爲醫界革命家嘗謂今之業醫

者當用西法斷病用中藥治病誠爲不磨之論

總數以上三家之論前二家所論破瘀血之藥似不能勝病至虛抑甫謂宜兼用古下瘀血之方若抵當湯抵當丸下瘀血湯大黃蟻蟲丸諸方可謂能勝病矣而愚意以爲欲治此證必中西之藥並用始覺有把握蓋以上諸方治瘀血雖有效以消瘤贅恐難見效西醫名此證爲胃瘡所謂瘡者因其處起凸若山之有蝨也其中果函有瘀血原可用消瘀血之藥消之若非函有瘀血但用消瘀血之藥卽不能消除夫人之腸中可生腸蕈腸蕈卽瘤贅也腸中可生瘤贅卽胃中亦可生瘤贅而消瘤贅之藥惟西藥沃剝即沃度加備談最效此其在變質藥中獨占優勝之品也今愚合中西藥品擬得一方於左以備試用

旱三七

細末一兩

桃仁

炒熟細末一兩

硼砂

細末六錢

粉甘草

細末四錢

西藥沃剝

十瓦

生鴉片金

五錢

右藥六味調和煉蜜爲丸二錢重名爲變質化瘀丸服時含化細細咽津

今擬定治噎膈之法無論其病因何如先服參耆培氣湯兩三劑必然能進飲食若以後愈服愈見效七八劑後可於原方中加桃仁紅花各數錢以服至全愈爲度若初服見效繼服則不能遞次見效者可於原方中加三稜二錢廣蟲錢半再於湯藥之外每日口含

化服變質化瘀丸三丸或四丸久久當有效驗若其瘀血已成潰瘍而膿未盡出者又宜投以山甲皂刺乳香沒藥花粉連翹諸藥以消散之

又此證之脈若見滑象者但服參耨培氣湯必愈而服過五六劑後可用藥湯送服三七細末一錢煎渣服時亦如此迨愈後自無再發之厄矣

又王孟英謂以新生小鼠新瓦上焙乾研末溫酒沖服治噎膈極有效蓋鼠之性能消癥癯善通經絡故以治血瘀賁門成噎膈者極效也

又有一人患噎膈偶思飲酒飲盡一壺而脫然病愈驗其壺中有蜈蚣一條甚巨因知其病愈非由於飲酒實由於飲蜈蚣之酒也聞其事者質疑於愚此蓋因蜈蚣善消腫癆患者必因賁門瘀血成瘡致噎故飲蜈蚣酒而頓愈也欲用此方者可用無灰酒數兩

用清黃酒皆可不宜用燒酒

煮全蜈蚣三條飲之

總論破瘀血之藥當以水蛭爲最然此物忌灸必須生用之方有效乃醫者畏其猛烈炙者猶不敢用則生者無論矣不知水蛭性原和平而具有善化瘀血之良能拙著藥物學講義中論之甚詳若服以上諸藥而病不愈者想係瘀血凝結甚固當於服湯藥丸藥之

外每用生水蛭細末五分水送服日兩次若不能服藥末者可將湯藥中麩虫減去加生水蛭二錢

右所錄者登上海中醫雜誌之文也至第五期雜誌出載有唐家祥君讀張君論噎膈一篇於拙論深相推許並於反胃之證兼有發明爰錄其原文於左以備參考

附錄唐君登醫誌原文 讀雜誌第四期張錫純君論治噎膈闡發玄微於此證治法別開

徑面卓見名言實深欽佩及又讀侯宗文君

西醫反胃論 見第三中學第二期中

謂病原之最重要

者乃幽門之發生胃痞妨礙食物入腸之道路初時胃力尙佳猶能努力排除障礙以輸運食物於腸久而疲勞機能愈弱病勢益進乃成反胃中醫謂火虛證之生理食物入胃健康者由胃液消化而入腸乃或吸收或排出一日胃液缺乏則積食不化是火虛之言亦良確顧積食亦可下瀉何爲必上逆而反胃所言甚當其論噎膈以食道癌爲主因與盧氏胃癰說相符二證之病原既同治法亦同矣然則張君之論其理可通於反胃也

右引西醫之論反胃言其原因同於噎膈可以治噎膈之法治之固屬通論然卽愚生平

經驗以來反胃之證原有兩種有因幽門生瘡者有因胃中虛寒兼胃氣上逆衝氣上衝者其幽門生瘡者治法原可通於噎膈若胃中虛寒兼氣機衝逆者非投以溫補胃腑兼降逆鎮衝之藥不可且即以胃中生瘡論賁門所生之瘡多屬瘀血幽門所生之瘡多屬瘤贅瘀血由於血管凝滯瘤贅由於腺管肥大治法亦宜各有注重宜於參耨培氣湯中加生鷄內金三錢三稜二錢於變質化瘀丸中加生水蛭細末八錢再將西藥沃剝改作十五瓦煉蜜爲丸桐子大每服三錢日服兩次而後幽門所生之瘡若爲瘤贅可徐消卽爲瘀血亦不難消除也

又治噎膈便方用昆布二兩洗淨鹽小麥二合用水三大盞煎至小麥爛熟去渣每服不拘時飲一小盞仍取昆布不住口含兩三片咽津極效按此方卽用西藥沃度加僞謨之義也蓋西藥之沃度加僞謨原由海藻燒灰製出若中藥昆布海藻海帶皆含有沃度加僞謨之原質者也其與小麥同煑服者因昆布味鹹性涼久服之恐與脾胃不宜故加小麥以調補脾胃也此方果效則人之幽門因生瘤贅而反胃者用之亦當有效也

論胃氣不降治法

陽明胃氣以息息下行爲順爲其息息下行也卽時時藉其下行之力傳送所化飲食達於小腸以化乳糜更傳送所餘渣滓達於大腸出爲大便此乃人身氣化之自然自飛門以至魄門一氣運行而無所窒礙者也乃有時胃氣不下行而轉上逆推其致病之由或因性急多怒肝胆氣逆上干或因腎虛不攝衝中氣逆上衝而胃受肝胆衝氣之排擠其勢不能下行轉隨其排擠之力而上逆迨至上逆習爲故常其下行之能力盡失卽無他氣排擠之時亦恆因蓄極而自上逆於斯飲食入胃不能傳送下行上則爲脹滿下則爲便結此必然之勢也而治之者不知其病因在胃府之氣上逆不下降乃投以消脹之藥藥力歇而脹滿依然治以通便之劑今日通而明日如故久之兼證歧出或爲嘔噦或爲呃爲逆或爲吐衄或胸膈煩熱或頭目眩暈或痰涎壅滯或喘促欬嗽或驚悸不寐種種現證頭緒紛繁則治之愈難卽間有知其致病之由在胃氣逆而不降者而所用降胃之藥若半夏蘇子藜仁竹茹厚朴枳實諸品亦用之等於不用也而愚數十年經驗以來治此證者不知凡幾知欲治此證非重用赭石不能奏效也蓋赭石對於此證其特長有六其重墜之力能引胃氣下行一也既能引胃氣下行更能引胃氣直達腸中以通大便二

也因其饒有重墜之力兼能鎮安衝氣使不上衝三也其原質係鐵養化合含有金氣能制肝木之橫恣使其氣不上干四也爲其原質係鐵養化合更能引浮越之相火下行相火具有電氣此即能引電之理而胸膈煩熱頭目眩暈自除五也其力能降胃通便引火下行而性非寒涼開破分毫不傷氣分因其爲鐵養化合轉能有益於血分鐵養化合同於鐵鑄故能補血中之鐵鑄六也是以愚治胃氣逆而不降之證恆但重用赭石卽能隨手奏效也

丙寅季春愚自滄州移居天津有南門外郭智庵者年近三旬造寓求診自言心中常常滿悶飲食停滯胃中不下間有嘔吐之時大便非服通利之品不行如此者年餘屢次服藥無效至今病未增劇因飲食減少則身體較前羸弱矣診其脈至數如常而六部皆有鬱象因曉之曰此胃氣不降之證也易治耳但重用赭石數劑卽可見效也爲疏方用生赭石細末一兩生懷山藥炒懷山藥各七錢全當歸三錢生雞內金二錢厚朴柴胡各一錢囑之曰此藥煎湯日服一劑服至大便日行一次再來換方

時有同縣醫友曰綸李君在座亦爲診其脈疑而問曰凡胃氣不降之病其脈之現象恆並長有力今此證既係胃氣不降何其六脈皆有鬱象而重按轉若無力乎答曰善哉問

也此中頗有可研究之價值蓋凡胃氣不降之脈其初得之時大抵皆弦長有力以其病因多係衝氣上衝或更兼肝氣上干衝氣上衝脈則長而有力肝氣上干脈則弦而有力肝衝并見脈則弦長有力也然其初爲肝氣衝氣之所迫其胃府之氣不得不變其下行之常而上逆迨其上逆既久因習慣而成自然卽無他氣衝之干之亦恆上逆而不能下行夫胃居中焦實爲後天氣化之中樞故胃久失其職則人身之氣化必鬱亦爲胃久失其職則人身之氣化又必虛是以前脈之現象亦鬱而且虛也爲其鬱也是以重用赭石以引胃氣下行而佐以厚朴以通陽葉天士謂厚朴多用則破氣少用則通陽雞內金以化積則鬱者可開矣爲其虛也是以重用山藥生熟各半取其能健脾兼能滋胃脾濕勝不能健運宜用炒山藥以健之胃液少不能化食宜用生山藥以滋之然後能受開鬱之藥而無所傷損用當歸者取其能生血兼能潤便補虛卽以開鬱也用柴胡者因人身之氣化左宜升右宜降但重用鎮降之藥恐有妨於氣化之自然故少加柴胡以宣通之所以還其氣化之常也曰綸聞之深踴愚言後其人連服此藥八劑大便日行一次滿悶大減飲食加多遂將赭石改用六錢柴胡改用五分又加白朮錢半連服十劑全愈閱旬日曰綸遇有此證脈亦相同亦重用赭石治愈覲面時向愚述之且深讚愚審

證之確製方之精並自喜其醫學有進步也

答劉希文問肝與脾之關係及肝病善作疼之理

肝脾者相助爲理之臟也人多謂肝木過盛可以尅傷脾土卽不能消食不知肝木過弱不能疏通脾土亦不能消食蓋肝之系下連氣海兼有相火寄生其中爲其連氣海也可代元氣布化脾胃之健運實資其補助爲其寄生相火也可藉火以生土脾胃之飲食更賴之熟腐故曰肝與脾相助爲理之臟也特是肝爲厥陰中見少陽其性剛果其氣條達故內經靈蘭秘典名爲將軍之官有時調攝失宜拂其條達之性恆至激發其剛果之性而近於橫恣於斯脾胃先當其衝向之得其助者至斯反受其損而其橫恣所及能排擠諸臟腑之氣致失其和故善作疼也

於斯欲制肝氣之橫恣而平肝之議出焉至平之猶不足制其橫恣而伐肝之議又出焉所用之藥若三稜莪朮青皮延胡鱉甲諸品放胆雜投毫無顧忌獨不思肝木於時應春爲氣化發生之始若植物之有萌芽而竟若斯平之伐之其萌芽有不挫折毀傷者乎豈除此平肝伐肝之外別無術以醫肝乎何以本屬可治之證而竟以用藥失宜者歸於不

治乎愚因目擊心傷曾作論肝病治法在後登於各處醫學誌報近又擬得肝脾雙理丸凡肝脾不和飲食不消滿悶脹疼或呃逆噯氣嘔吐或泄瀉或痢疾或女子月事不調行經腹痛關於肝脾種種諸證服之莫不奏效爰錄其方於左以供諸醫界庶乎平肝伐肝之育論自此可蠲除也

(肝脾雙理丸)

甘草

細末
十兩

生杭芍

細末
二兩

廣條桂

去粗皮細
末兩半

川紫朴

細末
兩半

冰片

細末
二錢

硃砂

細末
三兩

右藥七味將硃砂一兩與前六味和勻水泛爲丸桐子大忌晾乾

用所餘二兩硃砂爲

衣勿令餘剩上衣時以糯米濃汁代水且令堅實光滑方不走氣其用量常時調養每服二十粒至三十粒急用除病時可服至百粒或一百二十粒

論肝病治法

肝爲厥陰中見少陽且有相火寄其中故內經名爲將軍之官其性至剛也爲其性剛當有病時恒侮其所勝以致脾胃受病至有脹滿疼痛泄瀉種種諸證因此方書有平肝之說謂平肝卽所以扶脾若遇肝氣橫恣者可暫用而不可長用因肝應春令爲氣化發

生之始過平之則人身之氣化必有所傷損也有謂肝於五行屬木木性原善條達所以治肝之法當以散爲補方書謂肝以斂爲瀉以散爲補散者卽升發條達之也然升散常由實能傷氣耗血且又暗傷腎水以損肝木之根也

有謂肝惡燥喜潤燥則肝體板硬而肝火肝氣卽妄動潤則肝體柔和而肝火肝氣長寧靜是以方書有以潤藥柔肝之法然潤藥屢用實與脾胃有礙其法亦可暫用而不可長用也然則治肝之法將惡乎宜哉

內經謂厥陰不治求之陽明金匱謂知肝之病當先實脾先聖後聖其揆如一此誠爲治肝者之不二法門也惜自漢唐以還未有發明其理者獨至黃坤載深明其理謂肝氣宜升胆火宜降然非脾氣之上行則肝氣不升非胃氣之下行則胆火不降旨哉此言誠窺內經金匱之精奧矣由斯觀之欲治肝者原當升脾降胃培養中宮俾中宮氣化敦厚以聽肝木之自理卽有時少用理肝之藥亦不過爲調理脾胃劑中輔佐之品耳

所以然者五行之土原能包括金木水火四行人之脾胃屬土其氣化之敷布亦能包括金木水火諸臟腑所以脾氣上行則肝氣自隨之上升也胃氣下行則胆火自隨之下降

也又內經論厥陰治法有調其中氣使之和平之語所謂調其中氣者卽升脾降胃之謂也所謂使之和平者卽升脾胃而肝氣自和平也至仲景著傷寒論深悟內經之旨其厥陰治法有吳茱萸湯厥陰與少陽臟腑相依乃由厥陰而推之少陽治法有小柴胡湯二方中之人參半夏大棗生薑甘草皆調和脾胃之要藥也且小柴胡湯以柴胡爲主藥而本經謂其主腸胃中結氣飲食積聚寒熱邪氣推陳致新三復本經之文則柴胡實亦爲陽明胃府之藥而兼治少陽耳欲治肝胆之病者曷弗祖內經而師仲景哉

獨是肝之爲病不但不利於脾舉凡驚癇癲狂眩暈腦充血諸證西人所謂腦氣筋病者皆與肝經有涉蓋人之腦氣筋發源於腎而分派於督脈係淡灰色之細筋肝原主筋肝又爲腎行氣故腦氣筋之病實與肝臟有密切之關係也治此等證者當取五行金能制木之理而多用五金之品以鎮之如鐵銹鉛灰金銀箔赭石

赭石鐵養化合亦含有金屬

之類而佐以

清肝潤肝之品若羚羊美角青黛芍藥龍胆草牛膝

牛膝味酸肝善引血火下行爲治腦充血之要藥然須重用方見奇效

諸藥俾肝

經風定火熄而腦氣筋亦自循其常度不至有種種諸病也若目前不能速愈者亦宜調補脾胃之藥佐之而後金屬及寒涼之品可久服無弊且諸證多係挾有痰涎脾胃之升

降自若而痰涎自也消

又有至要之證其病因不盡在肝而急則治標宜先注意於肝者元氣之虛而欲上脫者是也其病狀多大汗不止或少止復汗而有寒熱往來之象或危極至於戴眠不露黑睛或無汗而心中搖搖需人按住或兼喘促此時宜重用斂肝之品使肝不疏泄即能杜塞元氣將脫之路迨至汗止怔忡喘促諸疾暫愈而後徐圖他治法宜重用山茱萸淨肉至

二兩

本經山茱萸肉主治寒熱即指此證

斂肝即以補肝而以人參赭石龍骨牡蠣諸藥輔之拙著三期第一

卷來復湯後載有本此法挽回絕之證數則可參閱也

究之肝胆之爲用實能與脾胃相助爲理因五行之理木能侮土木亦能疏土也曾治有飲食不能消化服健脾煖胃之藥百劑不效診其左關太弱知係肝陽不振投以黃芪

其性溫升肝木之性亦溫升氣同氣相求之義故爲補肝之主藥

一兩桂枝尖三錢薤劑而愈又治黃疸證不能飲食亦診其左關

特弱重黃芪煎湯送服金匱黃疸門硝石礬石散而愈若是皆其明徵也且胆汁入於小腸能助小腸消化食物此亦木能疏土之理蓋小腸雖屬次而實與胃腑一體相連故亦可作土論胆汁者原由肝中回血管之血化出而注之於胆實得甲乙木氣之全是在

小腸中能化胃中不能化之食其疏土之効愈捷也又西人謂肝中爲回血管會合之處或肝體發大或肝內有熱各管卽多凝滯壅脹由斯知疏達肝鬱之藥若柴胡川芎香附生麥芽乳香沒藥皆可選用而又宜佐以活血之品若桃仁紅花櫻鷄麩虫之類且又宜佐以瀉熱之品然不可驟用大涼之藥恐其所瘀之血得涼而凝轉不易消散宜選用連翹茵陳川棟子梔子

梔子爲末燒酒調敷善治跌打處青紅腫疼能消瘀血可知

諸藥涼而能散方爲對證

又近聞孫總理在京都協和醫院養病西人謂係肝癰須得用手術割洗敷藥及開而視之乃知肝體木硬非肝癰也由斯知中醫所用柔肝之法當爲對證治療至柔肝之藥若當歸芍藥柏子仁玄參枸杞阿膠鱉甲皆可選用而亦宜用活血之品佐之而活血藥中尤以三七之化瘀生新者爲最緊要之品宜煎服湯藥之外另服此藥細末日三次每次錢半或至二錢則肝體之木硬者指日可柔也

又內經謂肝苦急急食甘以緩之所謂苦急者乃氣血忽然相併於肝中致肝臟有急迫難緩之勢因之失其常司當其急迫之時肝體亦或木硬而過其時又能復常故其治法宜重用甘緩之藥以緩其急其病自愈與治肝體長此木硬者有異曾閱山西醫誌廿四

期有人過服燥熱峻烈之藥驟發瘰厥角弓反張口吐血沫時賢喬尙謙遵內經之旨但重用甘草一味連煎服數日全愈可謂善讀內經者矣然此證若如此治法仍不愈者或加以涼潤之品若羚羊角白芍或再加鎮重之品若硃砂研細送服鐵鏽皆可也

新擬和肝丸 治肝體木硬肝氣鬱結肝中血管閉塞及肝木橫恣侮脾土 其現病或脅下脹疼或肢體串疼或飲食減少嘔噦吞酸或噫氣不除或呃 逆連連或頭疼目脹眩暈瘰癧種種諸證

粉甘草細末 五兩 生杭芍細末 三兩 青連翹細末 三兩 廣肉桂去粗皮細末 兩半 冰片細末 三錢 薄荷冰細末 四錢 片硃砂

細末 三兩

右藥七味將前六味和勻水泛爲丸梧桐子大不宜晾乾不宜用硃砂爲衣勿餘剩務令堅實光滑始不走味每於飯後一點鐘服二十粒至三十粒日再服病急劇者宜空心服或於服兩次之後臨睡時又服一次更佳若無病者但以爲健胃消食藥則每飯後一點鐘服十粒即可

數年來肝之爲病頗多而在女子爲尤甚醫者習用香附青皮枳殼延胡開氣之品及柴

胡川芎升氣之品連連服之恒有肝病未除元氣已弱不能支持後遇良醫亦殊難爲之挽救若斯者良可慨也此方用甘草之甘以緩肝芍藥之潤以柔肝連翹以散其氣分之結管單用以治肝氣鬱結者殊效冰片薄荷冰以通其血管之閉香能通竅辛能開瘀故善通血管肉桂以抑肝木之橫恣得木桂則枯故善平肝硃砂以制肝中之相火妄行硃砂內含真汞故能鎮肝中所寄之相火且合之爲丸其味辛香甘美能醒脾健胃使飲食加增又其藥性平和在上能清在下能溫此藥初服下覺涼及行至下焦則又變爲溫性故凡一旦肝之爲病服他藥不愈者徐服此藥自能奏效

論腎弱不能作強治法

內經謂腎者作強之官伎巧出焉蓋腎之爲用在男子爲作強在女子爲伎巧然必男子有作強之能而後女子有伎巧之用也是以欲求嗣續者固當調養女子之經血尤宜補益男子之精髓以爲作強之根基彼方書所載助腎之藥若海馬獺腎蛤蚧之類雖能助男子一時之作強實皆爲傷腎之品原不可以輕試也惟鹿茸方書皆以爲補腎之要品然止能補腎中之陽久服之亦能生弊惟用鹿角所熬之膠本經謂之白膠其性陰陽俱補大有益於腎臟是以白膠在本經列爲上品而鹿茸止列於中品也曾治一人年近五

旬左腿因受寒作疼教以日用鹿角膠三錢含化服之

鹿角膠治左腿疼詳三期第四卷活絡效靈丹下

閱兩月復觀

面其人言服鹿角膠半月腿已不疼然自服此藥後添有興陽之病因此較服愚曰此非病也乃腎臟因服此而壯實也觀此則鹿角膠之爲用可知矣若其人相火衰甚下焦常

覺涼者可與生硫黃並服

三期第八卷載有服生硫黃法可參觀

鹿角膠仍含化服之又每將飯之先服生硫黃

末三分品驗漸漸加多以服後移時微覺溫煖爲度

又腎之爲體非但左右兩枚也腎於卦爲坎坎上下皆陰卽腎左右之兩枝也其中畫爲陽卽兩腎中間之命門也難經謂命門之處男以藏精女以繫胞胞卽胞室與腎系同連於命門西人之生理新發明家謂其處爲副腎髓質又謂其處爲射精之機關是中西之說同也又謂副腎髓質之分泌素名副腎鹹而鷄子黃中實含有此物可用以補副腎鹹之缺乏此說愚曾實驗之確乎可信方用生鷄子黃兩三枚調開水服之勿令熟熟則勿效

又愚曾擬一強腎之方用建蓮子去心爲末焙熟再用豬羊脊髓和爲丸桐子大每服二錢日兩次常服大有強腎之效因名其方爲強腎瑞蓮丸蓋凡物之有脊者其脊中必有

一袋卽督脈也其中所藏之液卽脊髓亦卽西人所謂副腎腺所以能助腎臟作強且督脈之袋上通於腦凡物之角與腦相連鹿角最大其督脈之強可知是用鹿角膠以補腎與用豬羊脊髓以補腎其理同也

又腎主骨人之骨稱骸骨謂猶果之有核也果核之大者莫過於胡桃是以胡桃仁最能補腎人之食酸醜齒者食胡桃仁卽愈因齒牙爲骨之餘原腎主之故有斯效此其能補腎之明徵也古方以治腎經虛寒與補骨脂並用謂有木火相生之妙

胡桃屬木補骨脂屬火

若腎經

虛寒泄瀉骨痿腿疼用之皆效眞佳方也

又枸杞亦爲強腎之要藥故俗諺有隔家千里勿食枸杞之語然素有夢遺之病者不宜單服久服以其善興陽也惟與山萸肉同服則無斯弊

又紫稍花之性人皆以爲房術之藥而不知其大有溫補下焦之功凡下焦虛寒泄瀉服他藥不愈者恒服紫稍花卽能愈其能大補腎中元氣可知久久服之可使全體強壯至服之上焦覺熱者宜少佐以生地黃然宜作丸散不宜入湯劑煎服 曾治一人年過四旬身形羸弱脈象細微時患泄瀉房事不能作強俾用紫稍花爲末每服二錢半日兩次

再隨便嚼服枸杞子五六錢兩月之後其身形遽然強壯泄瀉痿廢皆愈再診其脈亦大有起色且從前覺精神腦力日衰減自服此藥後則又覺日寢增加矣

論治夢遺法

夢遺之病最能使人之腎經虛弱此病若不革除雖日服補腎藥無益也至若龍骨牡蠣黃肉金櫻諸固澀之品雖服之亦恒有效而究無確實把握此乃腦筋輕動妄行之病惟西藥若臭剝抱水諸品雖爲麻醉腦筋之藥而少用之實可以安靖腦筋若再與龍骨牡蠣諸藥同用則奏效不難矣愚素有常用之方爰錄於左以公諸醫界

煨龍骨一兩煨牡蠣一兩淨黃肉二兩共爲細末再加西藥臭剝十四瓦煉蜜爲百丸每臨睡時服

七丸服至兩月病可永愈

醫學衷中參西錄第五期第四卷

此卷論人官骸咽喉肢體及腹內之病原皆係登醫學誌報之文與已梓行之衷中參西錄互相發明至論中所論之病有不周備之處宜與前四期衷中參西錄參看

論目疾由於腦充血者治法

愚識著者數人問其著目之由皆言病目時兼頭疼不已醫者不能治愈頭疼所以目終不愈以至於著因悟目系連腦其頭疼不已者腦有充血之病也古方書無治腦充血之方是以醫者遇腦充血頭疼皆不能治因頭疼而病及於目是病本在腦病標在目病本未清無論有何等治目妙藥亦等於揚湯止沸耳繼在奉時有高等檢察廳書記官徐華亭年逾四旬其左目紅脹腫疼入西人所設施醫院中治數日疼脹益甚其疼連腦徹夜不眠翌晨視之目上已生肉螺巖遮目睛其脈沈部有力而浮部似欠舒暢自言胸中滿悶且甚熱投以調胃承氣湯加生石膏兩半柴胡二錢下燥糞若干悶熱頓除而目之脹疼如故再診其脈變爲洪長仍然有方恍悟其目之脹疼連其腦中亦覺脹疼者必係腦部充血因腦而病及於目也急投以拙擬建瓴湯

方載第三卷論腦充血證可預防篇中

服一劑目腦之疼脹頓

愈強半又服二劑全愈至其目中所生肉螺非但服藥所能愈點以拙擬磨翳藥水

方載三期第八

悉月餘其肉螺消無芥蒂

附錄磨翳藥水 生爐甘石一兩軋細過羅蓬砂八錢胆礬二錢薄荷葉三錢蟬退帶全足去翅土三錢先將薄荷葉蟬退煎水一茶盅和甘石蓬砂胆礬同入藥鉢研至數萬徧所研之藥皆可隨水飛出連水貯瓶中用時連水帶藥點眼上日六七次

論目疾由於伏氣化熱者治法

目疾有實熱之證其熱屢服涼藥不解其目疾亦因之久不愈者大抵皆因伏氣化熱之後而移熱於目也丙寅季春愚自滄來津館於珍簾胡道尹家有門役之弟李汝峯爲紡紗廠學徒病日久不愈眼險紅腫努肉遮睛覺目睛脹疼甚劇又兼耳聾鼻塞見聞俱廢跬步須人扶持其脈洪長甚實左右皆然其心中甚覺發熱舌有白苔中心已黃其從前大便原燥因屢服西藥大便日行一次知係冬有伏寒感春陽而化熱其熱上攻目與耳鼻皆當其衝也擬用大劑白虎湯以清陽明之熱更加白芍龍胆草兼清少陽之熱病人謂廠中原有西醫不令服外人藥今因屢服其藥不愈偷來求治於先生或服丸散猶可

斷乎不能在廠中煎服湯藥愚曰此易耳我有自製治眼妙藥送汝一包服之眼可立愈遂將預軋生石膏細末兩半與之囑其分作六次服日服三次開水送下服後又宜多喝開水令微見汗方好持藥去後隔三日復來眼疾已愈十之八九耳聾鼻塞皆愈心中已不覺熱脈已和平復與以生石膏細末一兩俾仍作六次服將藥服盡全愈至與以生石膏細末而不明言者恐其知之卽不敢服也後屢遇因伏氣化熱病目者治以此方皆效

答郭炳恆問小兒耳聾口啞治法

小兒之耳聾口啞乃連帶相關之證也蓋小兒必習聞大人之言而後能言故小兒當未能言時或甫能言時驟然耳聾不聞必至啞不能言是以治此證者當專治其耳聾然耳聾之證有可治者有不可治者其不可治者耳膜破也其可治者耳中竅絡有壅塞也用靈磁石一塊口中含之將細鐵條插耳內磁鐵之氣相感如此十二日耳中之壅塞當通若仍不通宜口含鐵塊耳際塞磁石如此十二日耳中之壅塞當通矣

論鼻淵治法

內經謂胆移熱於腦則辛額鼻淵額者鼻通腦之徑路也辛額則額中覺刺戟也鼻淵者

鼻流濁涕如淵之不竭也蓋病名鼻淵而其病竈實在於額因額中粘膜生炎有似腐爛而病及於腦也其病標在上其病本則在於下故內經謂係胆之移熱而愚臨證品驗以來知其熱不但來自胆經恆有來自他經者而其熱之甚者又恆來自陽明胃膽經之熱大抵由內傷積熱而成胃膽之熱大抵由伏氣化熱而成臨證者若見其脈象弦而有力宜用藥清其肝膽之熱若甘草芍藥而少加連翹薄荷花諸藥輔之以宣散其熱且以防其有外感拘連也若見其脈象洪而有力宜用藥清其胃膽之熱若生石膏知母諸藥亦宜少加連翹薄荷花諸藥輔之且濁涕常流則含有毒性若金銀花甘草花粉諸藥皆可酌加也若病久陰虛脈有數象者一旦滋陰退熱之藥皆可酌用也後世方書治此證者恆用蒼耳辛夷辛溫之品此顯與經旨相背也夫經既明言爲胆之移熱則不宜治以溫藥可知且明言額辛鼻淵不宜更用辛溫之藥助其額益辛更可知矣即使證之初得者或因外感拘束宜先投以表散之藥然止宜辛涼而不可用辛溫也是以愚遇此證之脈象稍浮者恆先用西藥阿斯必林瓦許汗之取其既能解表又能退熱也拙著四期表中參西錄石膏解中載有重用生石膏治愈此證之案數則可以參觀又此證

便方用絲瓜蔓煎湯飲之亦有小效若用其湯當水煎治鼻淵諸藥其奏效當尤捷也

自述治愈牙疼之經過

愚素無牙疼病丙寅臘底自津回籍早六黏鐘之車站候乘至晚五點始得登車因此感冒風寒覺外表略有拘束抵家後又眠於熱炕上遂陡覺心中發熱繼而左邊牙疼因思解其外表內熱當消牙疼或可自愈遂服西藥阿斯必林一瓦半

此藥原以一瓦為常量

得微汗心中

熱稍退牙疼亦覺輕遲兩日心中熱又增牙疼因又劇方書謂上牙齦屬足陽明下牙齦屬手陽明愚素為人治牙疼有內熱者恆重用生石膏少佐以宣散之藥清其陽明其牙疼即愈於斯用生石膏細末四兩薄荷葉錢半煑湯分兩次飲下日服一劑兩劑後內熱已清疼遂輕減翌日因有重證應診遺出時徧地雪深三尺嚴寒異常因重受外感外表之拘束甚於初次牙疼因又增劇而心中却不覺熱遂單用麻黃六錢

感身體素強壯是以屢次用藥皆倍常量非可概以

之治他人也

於臨睡時煎湯服之未得汗繼又煎渣再服仍未得汗睡至夜半始得微汗覺肌膚鬆暢而牙疼如故劇時覺有氣循左側上潮疼徹輔頰且覺發熱有時其氣旁行更疼

如錐刺恍惚此證確係氣血挾熱上衝滯於左腮若再上升至腦部即為腦充血矣遂用

懷牛膝生赭石細末各一兩煎湯服之其疼頓愈分毫不復覺疼且從前頭面畏風從此亦不復畏風矣蓋患向擬延飴湯方見第三卷論腦充血證可預防篇中用治腦充血證甚效方中原重用牛膝赭石今單用此二藥以治牙疼更捷如影響此誠能爲治牙疼者別開一門徑矣是以詳誌之

論喉證治法

愚弱冠時已爲人疏方治病然因年少人多不相信值里中有病喉者延醫治療煩愚作陪病者喉腫甚呼吸頗難醫者猶重用發表之劑而所用發表之藥又非辛涼解肌愚甚不以爲然出言駁之醫者謂係纏喉風證非發透其汗不能消腫病家信其說誤服其藥竟至不救後至津門應試值白喉忌表抉微書新出閱之見其立論以潤燥滋陰清熱爲主惟少於薄荷連翹以散鬱熱正與從前醫者所用之藥相反因喜而試用其方屢奏功效後值邑中患喉證者頗多用白喉忌表抉微治法有效有不效觀其喉中不必發白恆紅腫異常有言此係爛喉痧者又或言係截喉癰者大抵係一時之癘氣流行而互相傳染也其病初得脈多浮而微數或浮而有力久則兼有洪象此喉證兼瘟病也此時患年

近三旬臨證恆自有見解遇脈之初得浮數有力者重用玄參花粉以清其熱牛蒡連翹以利其喉再加薄荷葉二錢以透其表瀉能奏效其爲日既深脈象洪而有力者又恆用白虎湯加銀花連翹乳香沒藥治愈者其有截喉癰之名間有加灸山甲以消其癰腫者其腫處甚劇呼吸有窒者恆先用銀針刺出血俾腫消然後服藥針藥並施其奏功亦愈速然彼時雖治愈多人而爛喉痧癰癰之名究未見諸書也後讀內經至靈樞癰疽篇謂癰發隘中名曰猛疽猛疽不治化爲膿遷不寫塞咽半日死經既明言癰發隘中此後世截喉癰之名所由來也至讀不寫其膿則危在目前是針刺瀉膿原爲正治之法卽不待其化膿針刺以出其惡血亦可爲正治之法矣又閱傷寒論陽毒之爲病面赤斑斑如錦紋咽喉痛唾膿血五日可治七日不可治王孟英解曰陽毒卽後世之爛喉痧耳是爛喉痧衍之傷寒而相傳已久截喉癰卽爛喉痧之重者也蓋白喉與爛喉痧證均有外感特白喉證內傷重而外感甚輕其外來之邪惟襲入三焦三焦色白是以喉現白色故方中宣散之品但少用薄荷連翹已能逐邪外出至爛喉痧原卽傷寒論之陽毒其中挾有瘟毒之氣初得之時原宜重用宣散之品然宜散以辛涼而斷不可散以溫熱且又

宜重用涼藥以佐之此爲喉證之大略也而愚臨證數十年知喉證中原有諸多變證今詳錄二則以備參觀

愚在籍時有姻家劉姓童子年逾十齡咽喉腫疼心中滿悶杜塞劇時呼吸頓停兩日上翻身軀後挺然其所以呼吸頓停者非咽喉杜塞實覺胸膈杜塞也診其脈微細而遲其胸膈常覺發涼有時其涼上衝卽不能息而現目翻身挺之象卽脈審證知係寒痰結胸無疑其咽喉腫疼者寒痰充溢於上焦迫其心肺之陽上浮也爲擬方生赭石細末一兩乾薑烏附子各三錢厚朴陳皮各錢半煎服一劑胸次頓覺開通咽喉腫疼亦愈強半又服兩劑全愈

又在奉天時治高等師範學生孫搏九年二十貴州人得喉證屢經醫治不外白喉忌表挾微諸方加減病日增重醫者諉謂不治後愚爲診視其脈細弱而數粘涎甚多須臾滿口卽得吐出知係脾腎兩虛腎虛則氣化不攝陰火上逆痰水上泛而脾土虛損又不能制之若脾土不虛不但能制痰水上泛並能制陰火上逆故其咽喉腫疼粘涎若斯之多也投以六味地黃湯加於朮又少加蘇子連服十劑全愈

詳論咽喉證治法

醫界春秋社徵咽喉科
專稿因撰此論以應之

咽喉之證有內傷外感或涼或熱或虛或實或有傳染或無傳染之殊今試逐條詳論之於左

傷寒病恆兼有咽喉之證陽明第二十節云陽明病但頭眩不惡寒故能食而欬其人必咽痛若不欬者咽亦不痛按此節但言咽痛未言治法乃細審其文義是由太陽初傳陽明胃腑之熱猶未實是以能食其熱兼彌漫於胸中胸中屬太陽當為陽明病連太陽上薰肺臟所以作欬更因欬而

其熱上竄所以咽痛擬治以白虎湯去甘草加連翹川貝母

傷寒少陰篇第三節病人脈陰陽俱緊反汗出者亡陽也此屬少陰法當咽痛此節亦未列治法按少陰脈微細此則陰陽俱緊原為少陰之變脈緊脈原不能出汗因其不當出汗者而反目汗所以知其亡陽其咽痛者無根之陽上竄也擬用大劑八味地黃湯以芍藥易丹皮再加蘇子牛膝收斂元陽歸根以止汗而咽痛自愈也

(加減八味地黃湯)大懷熟地一兩淨肉一兩生懷山藥八錢生杭芍三錢大雲苓片二錢澤瀉錢半烏附子二錢肉桂一錢去粗皮後入懷牛膝三錢蘇子二錢炒研煎湯盅半分兩次

蠶服

少陰篇第三十節云少陰病下利咽痛胸滿心煩者猪膚湯主之按此證乃少陰之熱瀰漫於三焦也是以在上與中則爲咽痛煩滿因腎中真陰不能上升與陽分相濟所以多生燥熱也在下則爲下利因臟病移熱於腑其膀胱瘀滯致水歸大腸而下利也至治以猪膚湯者以猪爲水畜其膚可熬膠汁液尤勝原能助腎陰上升與心陽調劑以化燥熱而又伍以白蜜之涼潤小粉之冲和熬之如粥服後能留戀於腸胃不至隨下利瀉出自能徐徐敷布其氣化以清三焦瀰漫之熱也

少陰篇第三十一節云少陰病二三日咽痛者可與甘草湯不差者與桔梗湯此亦少陰病之熱者也用甘草湯取其能潤肺利咽而其甘緩之性又能緩心火之上炎則上焦之燥熱可消也用桔梗湯者取其能升提腎中之真陰俾陰陽之氣互相接續則上焦之陽自不浮越以燥肺蒸咽且其上達之力又善散咽喉之鬱熱也按後世治咽喉證者皆忌用桔梗然果察其脈爲少陰病之微細脈用之固不妨也况古所用之桔梗皆是苦桔梗其性能升而兼能降實具有開通之力也

少陰篇第三十二節云少陰病咽中傷生瘡不能言語聲不出者苦酒湯王之按少陰之脈原絡肺上循喉嚨是以少陰篇多兼有咽喉之病至治以苦酒湯唐氏爲苦酒與半夏同用可使咽中之瘡速破苦酒卽今之醋醋調生半夏未外敷原可消瘡不必皆攻之使破也至張氏註謂鷄卵殼堅白似金故能入肺亦頗近理惟陳古愚謂所用生半夏破如棗核大十四枚則鷄子殼中不能容嘗閱古本謂將半夏一枚破爲十四枚則又未免太少且如棗核大四字亦無交待以愚意測之棗核當爲棗仁之誤若謂如棗仁大十四枚則鷄卵殼中容之有餘矣又古人用半夏湯洗七次卽用故半夏下註有洗字若今之製半夏用於此方必然無效如畏其有毒不敢用可將生半夏破作數瓣以水煮之或換水煮兩三次嘗之不甚辛辣然後入藥亦可

厥陰篇第九節云傷寒先厥後發熱下利必自止而反汗出咽中痛其喉爲痺按此節之咽痛以多亡陰也與少陰篇之汗出亡陽者原互相對照蓋其人之肝臟蘊有實熱因汗出過多耗其陰液其熱遂上竄鬱於咽中而作痛故曰其喉爲痺痺者熱與氣血凝滯不散也仲師當日未言治法而愚思此證當用酸斂之藥以止其汗涼潤之藥以復其液宣

通之藥以利其咽彙集爲方庶可奏功爰將所擬之方詳錄於左

(斂陰瀉肝湯)生杭芍

兩半

天花粉

兩一

射干

錢四

浙貝母

錢四

酸石榴

一個連皮搗爛

同煎

湯一鍾半分兩次溫服下

右所錄傷寒兼咽喉病者六節傷寒中之咽喉證大略已備而愚臨證多年知傷寒兼病咽喉又有出於六節之外者試舉治驗之案一則明之

愚在奉時治一農業學校朱姓學生患傷寒三四日蹠臥昏昏似睡間作讖語呼之眼微開舌上似無苔而舌皮甚乾且有黑斑咽喉疼痛小便赤而熱大便數日未行脈微細兼沈心中時覺發熱而肌膚之熱度如常此乃少陰傷寒之熱證因先有伏氣化熱乘腎臟虛損而竄入少陰遏抑腎氣不能上達是以上焦燥熱而舌斑咽痛也其舌上有黑斑者亦爲腎虛之現象至其病既屬熱而脈微細者誠以脈發於心腎氣因病不能上達與心相濟其心之跳動卽無力此所以少陰傷寒無論或涼或熱其脈皆微細也遂爲疏方生石膏細末二兩生懷山藥一兩大潞參六錢知母六錢甘草二錢先用鮮茅根二兩煮水以之煎藥取清湯三鐘每溫服一鍾調入生鷄子黃一枚服藥一次後六脈卽起服至二

次脈轉洪大服至三次脈象又漸和平精神亦復舌乾咽痛亦見愈翌日卽原方略爲加減再服一劑諸病全愈按右所用之方卽本期六卷鼠疫門中坎離互根湯方之細解詳於本方後茲不贅

至於溫病或溫而兼疹其兼咽喉證者尤多方書名其證爲爛喉痧其證多係有傳染之毒菌治之者宜注意清其溫熱解其疹毒其咽喉之證亦易愈試舉治驗之案以明之
戊辰在津有第一中學教員宋志良君素喜閱拙著孟夏時其長子慕濂患溫疹兼喉證醫者皆忌重用涼藥服其藥數劑病轉增劇繼延患爲診視其脈洪長有力純乎陽明胃腑蘊有實熱其疹似靨未靨視其咽喉兩旁紅微有爛處心中自覺熱甚小便短赤大便三日未行爲開大劑白虎湯加連翹四錢薄荷葉錢半以托疹外出方中石膏重用生者四兩恐藥房中以煨者充之囑取藥者視其將大塊生石膏搗細且帶一小塊來視其果係生石膏否迨藥取至其小塊果爲生石膏而細麵灰白乃係煨者究問其故是預製爲末非當面搗細者愚因謂志良曰石膏煨用性同鳩毒若用至一兩卽足誤人性命可向雜貨舖中買生者自製細用之於是依愚言辦理將藥煎湯三盅分三次溫飲下病大見

愈而脈仍有力咽喉食物猶疼繼又用原方先取鮮白茅根二兩煮水以煎藥仍分三次服下盡劑而愈大便亦通下後其次子亦患溫疹喉證較其兄尤劇仍治以前方初次即用茅根湯煎藥方中生石膏初用三兩漸加至五兩始愈繼其幼女年七歲亦患溫疹喉證較其兩兄尤重其疹周身成一個肉皮皆紅俗謂此等疹皆不能治愈亦治以前方爲其年幼方中生石膏初用二兩後加至六兩其熱稍退而喉痛不減其大便六日未行遂單用淨芒硝三錢俾溼水服下大便即通其熱大減喉痛亦愈強半再診其脈雖仍有力實有淨而還表之象遂用西藥阿斯必林一瓦因病機之外越而助其出汗果服後周身得汗霍然全愈志良因告愚曰余從前有子女四人皆因此證而殤今此子女三人服先生藥完全得愈始知醫術之精洵有奪命之權也

按溫疹之證西人名爲猩紅熱有毒菌傳染原不易治而兼咽喉證者治之尤難仲景所謂陽毒爲病而赤斑斑如錦紋咽喉腫痛唾膿血者當卽此證近世方書中又名爲爛喉痧謂可治以傷寒論麻杏甘石湯然麻杏甘石湯中石膏之分量原爲麻黃之二倍若借用其方則石膏之分量當十倍於麻黃石膏一兩麻黃一錢其熱甚者石膏之分量又當二十倍於麻黃

石膏二兩
麻黃一錢
然後用之無弊本期第五卷中曾詳論之近聞友人楊達夫言有名醫精於傷寒
偶患喉證自治以麻杏甘石湯竟至不起想其所用之分量皆按原方而未嘗爲之通變
也使其早見拙論又何至有此失乎

又治滄州友人董壽山年過三旬初則感冒發頤繼則漸腫而下延至胸膈服藥無效時
當中秋節後淋雨不止因病勢危急冒雨驅車迎愚既至見其頷下連項壅腫異常撫之
硬而且熱色甚紅純是一團火毒之氣下腫已至心口其牙關不開咽喉腫疼自牙縫進
水半口必以手掩口十分用力始能下咽且痰涎填滿胸中上至咽喉並無容水之處進
水少許必換出痰涎一口且覺有氣自下上衝常作呃逆其脈洪滑而長重按有力一點
鐘約近九十至大便數日未行愚曰此俗所稱蝦蟆瘟也其毒熱熾盛盤踞陽明之府若
火之燎原必重用生石膏清之乃可緩其毒熱之勢從前醫者在座謂曾用生石膏一兩
毫無功效愚曰石膏乃微寒之藥本經原有明文僅用兩許何能清此熾盛之熱毒遂爲
疏方用生石膏四兩清半夏四錢金線重樓三錢連翹二錢射干二錢煎服後覺藥停胸
悶不下其熱與腫似有益增之勢知其證兼結胸火熱無下行之路故益上衝也幸藥房

卽在本村復急取生石膏四兩礬石三兩又煎湯服下仍覺停於胸間又急取赭石三兩
葶仁二兩芒硝八錢又煎湯飲下胸中仍不爾適此時咽喉益腫再飲水亦不能下咽病
家惶恐無措愚曉之曰余所以連次亟亟用藥者正爲此病腫勢寢長恐稍緩則藥不能
進今其胸中既貯如許多藥斷無不下行之理藥下行則結開便通毒火隨之下降而上
焦之腫熱必消矣時當晚十點鐘至夜半覺藥力下行黎明下燥糞若干上焦腫熱覺輕
水漿可進晨飯時牙關亦微開服茶湯一碗午後腫熱又漸增撫其胸熱又烙手脈仍洪
實意其燥糞必未盡下遂投以大黃四錢芒硝五錢又下燥糞兼有溏糞病遂大愈而腫
處之硬者仍不甚消胸間撫之猶熱脈象亦仍有餘熱又用生石膏四兩金銀花連翹各
五錢煎湯一大碗分數次溫飲下日服一劑三日全愈壽山從此憤志學醫今已成名醫
矣按此病實溫疫疫有寒溫兩種而寒者甚少確有傳染至猛至烈之毒菌是以難治又按此證當二次用
藥時若加硝黃於藥中早通其大便或不至以後如此危險而當時閱歷未深猶不能息
息與病機相赴也

又有白喉證其發白或至腐爛西人名爲實夫的歷實爲傳染病之一端其證大抵先有

蘊熱則易受傳染爲其證內傷爲重宜用涼潤滋陰清火之品而忌用表散之劑然用辛涼之藥以散其火鬱若薄荷連翹諸藥固所不忌也白喉忌表抉微中之養陰清肺湯神仙活命湯二方原爲治白喉良方而神仙活命湯中宜加連翹三錢熱甚者可將方中生石膏加倍或加兩倍若大便不通者大黃芒硝皆可酌加

白喉之證又有忌表抉微所載諸方用之不惟不效而反加劇者猶憶在奉時曾治一貴州人孫搏九年二十肆業於高等師範學校得白喉證屢經醫治不外忌表抉微諸方加減病日加重醫者諉爲不治其脈細弱而數粘涎甚多須臾滿口卽得吐出知係脾腎兩虛腎虛氣化不攝則陰火上逆痰水上泛而脾土虛損又不能制之

若脾土不虛不但能制痰水上泛並能制陰火上逆

故

其咽喉腫疼痰涎若是之多也治以六味地黃湯加於白朮又加蘇子連服十劑全愈白喉之病又恆有與爛喉痧相併者辛未仲春天津法租界瑞雲里沈姓學生年十六歲得溫疹兼喉痧證其得病之由因其身體甚胖在體育場中遊戲努力過度周身出汗爲風所襲初微覺惡寒頭疼翌日表裏俱壯熱咽喉悶疼延醫服藥病未見輕喉中疼悶似加劇周身又復出疹遂延愚爲診治其肌肉甚熱出疹甚密連無疹之處其肌肉亦發紅

色誠西人所謂猩紅熱也其心中亦自覺熱甚其喉中扁桃處皆有紅腫其左邊有如榆莢一塊發白自謂不惟飲食疼難下咽即呼吸亦甚覺有碍其脈左右皆洪滑有力一分鐘九十八至愚為刺其少商齒血復為針其合谷又為撥一清咽表疹瀉火之方俾服之

生石膏二兩 玄參六錢 天花粉六錢 射干三錢 牛蒡子三錢 浙貝母三錢 青連翹三錢

鮮茅根三錢無鮮茅根可代以鮮蘆根 甘草半錢 粳米三錢 共煎湯兩大鍾分兩次溫服下

翌日復為診視其表裏之熱皆稍退脈象之洪滑亦稍減疹出又稍加多前三日未大便至此則通下一次再視其喉其紅腫似加增其白處則大如錢矣病人自謂此時飲水必須努力始能下咽呼吸之滯礙似又加劇愚曰此為極危險之候非刺患處出血不可遂用圭式小刀尖於喉左右紅腫之處各刺一長口放出紫血若干呼吸驟覺順利繼再投以清熱消腫托表疹毒之劑病遂全愈

又靈樞癰疽篇謂癰發隘中名曰猛疽猛疽不治化為膿膿不瀉塞咽半日死按此證即後世所謂截喉癰初起時咽喉之間紅腫甚劇宜用消瘡之藥散之兼用扁針刺之使多出血若待其膿成而後瀉之恐不容待其成膿即有危險也

(消腫利咽湯) 天花粉^一 連翹^四 金銀花^四 丹參^三 射干^三 玄參^三 乳香^二

沒藥^二 炙山甲^半 薄荷葉^半 脈象洪實者加生石膏^一 小便不利者加滑石^六

大便不通者加大黃^三

咽喉之證熱者居多然亦間有寒者愚在籍時有姻家劉姓童子年逾十齡咽喉腫疼胸中滿悶杜塞劇時呼吸停頓兩目上翻身軀後挺然細審其所以呼吸頓停者非因咽喉杜塞實因胸膈杜塞也診其脈微細而遲其心中常覺發涼有時其涼上衝即不能息而現日翻身挺之象即脈審證知係寒痰結胸無疑其咽喉腫疼者寒痰充溢於上焦迫其心肺之陽上浮也為擬方生赭石細末一兩乾薑烏附子各三錢厚朴陳皮各錢半煎服一劑胸次頓覺開通咽喉腫疼亦愈強半又服兩劑全愈又咽喉兩旁微高處西人謂之扁桃其處若紅腫西人謂之扁桃炎若其處屢次紅腫漸起疙瘡服清火藥則微消或略有感冒或稍有內熱復起者此是扁桃炎已有根蒂非但服藥所能愈必用手術割去之再投以清火消腫之藥始能除根若不割去在幼童可累其身體之發達

又金匱謂婦人咽中如有炙臠^{吐之不出吞之不下}俗謂之梅核瘰癧此亦咽喉證之一也按此證註疏家謂係

痰氣阻塞咽喉之中然此證實兼有衝氣之衝也原方半夏厚朴湯主之是以半夏降衝厚朴開氣茯苓利痰生薑蘇葉以宣通其氣化愚用此方時恆加赭石數錢兼針其合谷

奏效更速

此證不但婦人男子亦間有之

錄附前哲治喉奇案一則憶愚少時出診鄰縣慶雲見案頭多書籍中有記事閒書載有名

醫某（書與醫皆忘其名）外出偶歇巨第門旁其門中人出入甚忙迫詢之言其家

止有少年公子一人患喉證奄奄一息危在目前急爲備其身後事故忙迫也醫者謂

此證我善治雖至危亦能挽救可爲傳達其人聞言而入須臾宅主出肅客入視病人

見其頸項腫甚劇閉目昏昏似睡呼之不應牙關緊閉水漿亦不能入詢其家人知不

食將周旬矣醫者遂俾其家人急煮稠粥一盆晾半溫待其病人愈服之又令備細木

棍數條及斧鋸之屬其家人皆竊笑以爲斯人其瘋癲乎醫者瞭不瞻顧惟用鋸與斧

將木棍截短一端削作鴨嘴形且催將所煮之粥盛來視涼熱可食否遂自嘗之曰猶

熱可少待乃徐用所製鴨嘴之最細薄者撬病人齒齒少啓將鴨嘴填入須臾又填以

略粗略厚之鴨嘴卽將初次所填者抽盡如此填抽至五次其口可進食矣而驟以製

鴨嘴所鋸之木屑投病人喉中其家人見之大驚欲加惡聲病人遂大欬連連須臾吐膿血碗餘遂能言呼飢進以所備粥涼熱適口連進數碗舉家歡喜感謝因問病至如此先生何以知猶可救答曰病者六脈有根而洪緊洪者爲熱緊者爲毒且其頓項腫熱因喉生癰毒爲日已多又確知其癰已潰膿然咽喉腫滿藥不能入以針透膿不知自吐亦所出有限不能救眼前之急故深思而得此法嘗見欬之劇者能將肺欬破吐血况喉中已熟之瘡瘍乎此所謂醫者意也惟仁人君子始可以學醫爲其能費盡苦心以救人也病家乃大歎服 按此案用法甚奇又若甚險若預先言明病家未必敢用然診斷確實用之自險而能穩也

閱劉華封氏爛喉痧證治辨異書後

丙寅中秋節後接到華封劉君自濟南寄贈所著爛喉痧證治辨異一書細閱一過其辨證之精用藥之妙立論之通於喉證一門實能令人起觀止之歎咽喉爲人身緊要之處而論喉證之書向無善本自耐修子託之鸞語著白喉忌表抉微盛行於一時期則用其方效者甚多繼而用其方者有效有不效更有用之不惟不效而病轉增劇者於斯議論

紛起有謂白喉不忌表散但宜表以辛涼而不可表以溫熱者又有謂白喉原宜表散雖麻黃亦可用但不可與升提之藥並用者按其人或嚴寒外束不得汗咽喉疼而不腫者原可用麻黃湯解其表然麻黃可用桂枝不可用若用麻黃湯時宜去桂枝加知母連翹至升提之藥惟忌用升麻若桔梗亦升提之藥而傷寒論有桔梗湯治少陰病喉痛因其能開提肺氣散其咽喉鬱熱也若與涼藥並用又能引涼藥之力至咽喉散熱惟咽喉痛而且腫者似不宜用又有於白喉忌表抉微一書痛加詆毀謂其毫無足取者而劉君則謂白喉證原分兩種耐修子所謂白喉忌表者內傷之白喉也其病因確係煤毒洋烟及過服煎炒辛熱之物或貪色過度以致陰液虧損虛火上炎所致用藥養陰清肺原爲正治其由外感傳染者爲爛喉痧喉中亦有白腐乃係天行時氣入於陽明上蒸於肺致咽喉潰爛或兼有疹子正是溫熱欲出不得所致正宜疏通發表使毒熱外出二證之辨白喉則咽中乾喉痧則咽中多痰涎白喉止五心煩熱喉痧則渾身大熱云云誠能將此二證一內因一外因辨別極精及至後所載治喉痧諸方詳分病之輕重淺深而措施咸宜洵爲喉科之金科玉律也惟其言今日之好人參難得若用白虎加人參湯及小柴胡

湯方中人參可以沙參代之似非確論蓋小柴胡湯中之人參或可代以沙參若當下後小柴胡湯證仍在者用小柴胡湯時亦不可以沙參代人參至白虎加人參湯若其熱實脈虛者以沙參代人參其熱必不退此愚由經驗而知非想當然爾之談也且古方中人參卽係今之黨參原非難得之物若恐人工種植者不堪用凡黨參之通體橫紋者若胡萊服之效皆野生之參也至其後論喉證原有因下焦虛寒迫其眞陽上浮致成喉證者宜治以引火歸原之法洵爲見道之言

論結胸治法

結胸之證有內傷外感之殊內傷結胸大抵係寒飲凝於賁門之間遏抑胃氣不能上達阻隔飲食不能下降當用乾薑八錢赭石兩半川朴甘草各三錢開之其在幼童脾胃陽虛寒飲填胸嘔吐飲食成慢驚此亦皆寒飲結胸證可治以莊在田福幼編逐寒蕩驚湯若用其方寒痰仍不開嘔吐仍不能止者可將方中胡椒倍用二錢若非寒飲結胸或爲頑痰結胸或爲熱痰結胸者阻塞胸中之氣化不能升降甚或有礙呼吸危在目前欲救其急可用礪砂四錢開水融化服之將其痰吐出其爲頑痰歟可再用瓜蒌仁二兩苦

葶三錢裝袋煎湯飲之以滌蕩其餘其爲熱痰歟可於方中加芒硝四錢有胸中大氣下

陷兼寒飲結胸者其證尤爲難治曾治一趙姓媪年近五旬忽然昏倒不語呼吸之氣大

有滯礙幾不能息其脈微弱而遲詢其生平身體羸弱甚畏寒涼恒覺胸中滿悶且時常

短氣卽其素日資稟及現時病狀以互戡病情其爲大氣下陷兼寒飲結胸無疑然此時

形勢將成痰厥住在鄉村取藥無及遂急用胡椒二錢搗碎煎兩三沸澄取清湯灌下須

臬胸中作響呼吸頓形順利繼用乾薑八錢煎湯一鍾此時已自能飲下須臾氣息益順

精神亦略清爽而仍不能言且時作呵欠十餘呼吸之頃必發太息知其寒飲雖開大氣

之陷者猶未復也遂投以拙擬回陽升陷湯方在三期第四卷係生箭芪八錢乾薑六錢當歸四錢桂枝尖三錢甘草一錢服數劑呵欠與太

息皆愈漸能言語按此證初次單用乾薑開其寒飲而不敢佐以赭朴諸藥以降下之者

以其寒飲結胸又兼大氣下陷也設若辨證不清而誤用之必至凶危立見此審證之當

細心也

至於外感結胸傷寒與溫病皆有傷寒降早可成結胸溫病卽非降早亦可成結胸皆外

感之邪內陷與胸中痰飲互相膠膝也無論傷寒溫病其治法皆可從同若傷寒論大陷

胸湯及大陷胸丸俱爲治外感結胸良方宜斟酌病之輕重淺深分別用之至拙擬之湯

胸湯

戴三期六卷係瓜蒌仁新妙者搗細二兩生豬石細末二兩蘇子六錢病劇者加芒硝五錢煎鍾半徐飲下

亦可斟酌加減以代諸陷胸湯丸

又有內傷結胸與外感結胸相併而成一至險之結胸證者在奉天時曾治警務處科長郝景山年四十餘心下痞悶杜塞飲食不能下行延醫治不效繼入東人醫院治一星期仍然無效寢至不能起床吐痰腥臭精神昏潰再延醫診視以爲肺病已成又兼胃病不能治療其家人惶恐無措適其友人斐雲峰親之因從前曾患腸結證亦飲食不能下行經愚治愈遂代爲介紹迎愚診治其脈左右皆弦右部則弦而有力其舌苔白厚微黃撫其肌膚發熱問其心中亦覺熱思食涼物大便不行者已四五日自言心中滿悶異常食物已數日不進吐痰不惟腥臭且又覺涼愚籌思再四知係溫病結胸然其脈不爲洪而有力而爲弦而有力且所吐之痰臭而且涼者何也蓋因其人素有寒飲其平素之脈必弦其平素吐痰亦必涼

平素忽不自覺今因病溫咽喉發熱覺痰涼耳

因有溫病之熱與之混合所以脈雖弦而仍然有力其痰雖涼而爲溫病之熱薰蒸遂至腥臭也爲疏方用萆仁生豬石細末各一兩玄參知母各八錢蘇子半夏黨參生薑各四錢煎湯沖服西藥留苦四錢一劑胸次豁然

可進飲食右脈較前柔和舌苔變白心中猶覺發熱吐痰不臭仍然覺涼遂將原方前四味皆減半加當歸三錢服後大便通下心中益覺通豁惟有時覺有涼痰自下發動逆行上衝周身卽出汗遂改用赭石黨參乾薑各四錢半夏白芍各三錢川朴五味甘草各二錢細辛一錢連服數劑寒痰亦消矣按此證原寒飲結胸與溫病結胸相併而成而初次方中但注重溫病結胸惟生薑一味爲治寒飲結胸之藥因此二病之因一涼一熱原難並治若將方中之生薑改爲乾薑則溫病之熱必不退至若生薑之性雖熱而與涼藥並用實又能散熱迨至溫病熱退然後重用乾薑以開其寒飲此權其病勢之緩急先後分治而仍用意周匝不至顧此失彼是以能循序奏效也

論腸結治法

腸結最爲緊要之證恆於人性命有關或因常常嘔吐或因多食生冷及硬物或因怒後飽食皆可致腸結其結多在十二指腸及小腸間有結於幽門者其證有腹疼者有嘔吐者尤爲難治因投以開結之藥不待藥力施展而卽吐出也亦有病本不吐因所服之藥行至結處不能通過轉而上逆吐出者是以治此證者當使服藥不使吐爲第一要着

愚於此證吐之劇者八九日間杓飲不存曾用赭石細末五兩從中又羅出極細者一兩將所餘四兩煎湯送服極細者其吐止而結亦遂開若結證在極危急之時此方宜放胆用之雖在孕婦惡阻嘔吐者亦可用之三期第二卷參赭鎮氣傷後載有數案可參觀有謂孕惡阻無論如何嘔吐與性命無關者乃閱歷未到之言也

有患此證急欲通下者愚曾用赭石細末三兩芒硝五錢煎湯送服甘遂細末錢半服後兩點半鐘其結即通下矣後有醫者得此方以治月餘之腸結證亦一劑而愈後聞此醫自患腸結亦用此方煎湯先服一半甘遂亦送下一半藥力下行結不能開仍復吐出繼服其餘一半須臾仍然吐出竟至不起由此知用藥一道過於放胆固多失事若過於小心亦多誤事也况甘遂之性無論服多服少初次服之尚可不吐若連次服之雖佐以赭石亦必作吐是以拙著衷中參西錄有盪胸加甘遂湯方在三期三卷癲狂門原用大劑大承氣湯加赭石二兩煎湯送服甘遂細末二錢方下註云若服一劑不愈者須隔三日方可再服此固欲緩服以休養其正氣實亦防其連服致吐也至於赭石可如此多用者以其原質為礦養化合性甚和平且善補血不傷氣分雖多用於人無損也特是藥房中赭石必火煨

醋激然後軋細如此製法則養氣不全不如徑用生者之爲愈也况其雖爲石類實與鐵

鑪相近

鐵鑪亦鐵
養化合

卽服生赭石細末亦於人腸胃毫無傷損若嫌右方中甘遂之性過猛

烈者衷中參西錄第三卷載有硝蕨通結湯方藥性甚穩善惟製此藥時略費手緒方用
淨芒硝六兩鮮萊蕪八斤用水將芒硝入鍋中鎔化再將萊蕪切片分數次入鍋中煮之
至爛熟將萊蕪撈出再換以生萊蕪片屢換屢煮所備萊蕪片不必盡煮但所煮之水餘
一大碗許嘗之不至甚鹹者其湯卽成若嘗之仍甚鹹者可少攪以涼水再加生萊蕪片
煮一次分作兩次服下服一次後遲三點鐘若不見行動再將二次溫服下

此方愚在籍時曾用之治愈腸結之險證數次衷中參西錄本方後載有治驗之案二則
後至奉天遇腸結證數次皆以此方治愈曾治警務處科員孫俊如年四十餘其人原管
考取醫生精通醫學得腸結後自用諸藥以開其結無論服何等猛烈之藥下行至結處
皆轉而上逆吐幽勢至危急求爲診治爲製此湯服未盡劑而愈愈後喜甚稱爲神方又
治清丈局科員劉敷陳年近五旬患腸結旬餘不愈復疼痛甚劇飲水移時亦吐出亦爲
製此湯服一半其結卽通下適其女公子得痢證俾飲其所餘之一半痢亦頓愈敷陳喜

曰先生救余之命而更惠及小女且方木治腸結而尤善治痢何製方若是之妙也蓋此湯純係萊菔濃汁而微鹹氣味甚佳且可調以食料令其適口是以服他藥恆吐者服此湯可不作吐且茫確軟堅破瘀之力雖峻而有萊菔濃汁以調和之故服後並不覺有開破之力而其結自開也

又丁卯孟夏愚因有事自天津偶至小站其處有醫士祝君字運隆一方之良醫也初見如舊相識言數年來最喜閱衷中參西錄其中諸方用之輒隨手奏效有其處商務會長許翁年過六旬得結證百藥不效病勢極危已備身後諸事運隆視其脈象有根謂若服此湯仍可治愈病家疑藥劑太重運隆謂病危至此不可再爲遲延若嫌藥劑過重可分三次服下病愈不必盡劑此以小心行其放胆也遂自監視爲製此湯服至兩次後結開通下精神頓復其舊有若未病者然

論肢體痿廢之原因及治法

內經謂五藏有病皆能使人痿至後世方書有謂係中風者言風中於左則左偏枯而痿癱風中於右則右偏枯而痿廢有謂係氣虛者左手足偏枯痿廢其左邊之氣必虛右手

足偏枯痿廢其右邊之氣必虛有謂係痰瘀者有謂係血瘀者有謂係風寒濕相併而爲痺痺之甚者卽令人全體痿廢因痰瘀血瘀及風寒濕痺皆能阻塞經絡也乃自腦髓神經司知覺運動之說倡自西人遂謂人之肢體痿廢皆係腦髓神經有所傷損而以愚生平所經驗者言之則中西之說皆不可廢今試歷舉素所經驗者於左以徵明之

憶在籍時曾見一猪其兩前腿忽不能動須就其臥處飼之半月後始漸愈又旬餘解此猪見其肺上新愈之瘡痕宛然可辨且有將愈未盡愈者卽物測人原可比例此卽內經所謂因肺熱葉焦發爲痿躄者也由斯知五藏有病皆能使人痿者誠不謬也

又在奉天曾治一婦人年近三旬因夏令夜寢當窗爲風所襲遂覺半身麻木其麻木之邊肌膚消瘦寢至其邊手足不遂將成偏枯其脈左部如常右部則微弱無力而麻木之邊適在右此因風襲經絡致其經絡閉塞不相貫通也不早祛其風久將至於痿廢爲疏

方用生箭芪二兩

用黃芪者爲其能去大風本經有明文也

當歸八錢

用當歸者取其血活風自去也

羌活知母乳香沒藥各四錢

全蠍二錢全蜈蚣三條煎服一劑卽見輕又服數劑全愈此中風能成痿廢之明徵也

又在本邑治一媪年過六旬其素日氣虛呼吸常覺短氣偶因勞力過度忽然四肢痿廢

臥不能起呼吸益形短氣其脈兩寸甚微弱兩尺重按仍有根柢知其胸中大氣下陷不能斡旋全身也爲疏方用生箭茁一兩當歸知母各六錢升麻柴胡桔梗各錢半乳香沒藥各三錢煎服一劑呼吸即不短氣手足略能屈伸又卽原方略爲加減連服數劑全愈此氣虛能成痿廢之明徵也

又在本邑治一媪年五旬於仲冬之時忽然昏倒不知人其胸中似有痰涎大碍呼吸診其脈微細欲無且甚遲緩其家人謂其平素常覺心中發涼欬吐粘涎知其胸中素有寒飲又感冬日嚴寒之氣其寒飲愈凝結杜塞也急用胡椒三錢搗碎煎兩三沸取濃汁多半杯灌下呼吸頓形順利繼用乾薑六錢桂枝尖當歸各三錢連服三劑可作呻吟肢體漸能運動而左手足仍不能動繼治以助氣消痰活絡之劑左手足亦漸復舊此痰瘀能成痿廢之明徵也

又在本邑治一室女素本虛弱醫者用補斂之藥太過月事閉塞兩腿痿廢浸至抑搔不知疼痛其六脈皆有瀯象知其經絡皆爲瘀血閉塞也爲疏方用拙擬活絡效靈丹方載三加懷牛膝五錢紅花錢半方載三五個煎服數劑月事通下兩腿已漸能屈伸有

知覺又爲加生黃芪知母各三錢服數劑後腿能任地然此等證非倉猝所能全愈俾將湯劑作爲丸劑久久服之自能脫然此血瘀能成痿廢之明徵也

又治族兄世珍冬令兩腿作疼其腿上若胡桃大疙瘡若干自言其少時身恃體強壯恆於冬令半冰半水之中捕魚一日正在捕魚之際朔風驟至其寒徹骨遂急還家歇息片時兩腿疼痛不能任地因臥熱坑上覆以厚被數日後覺其疼在骨皮膚轉麻木不仁寢至兩腿不能屈伸後經醫調治兼外用熱燒酒糠熨之其疼與木漸愈亦能屈伸惟兩腿皆不能伸直有人教坐椅上脚踏圓木棍來往令木棍旋轉久之腿可伸直如法試演迨至春氣融和兩腿始恢復原狀然至今已三十年每屆嚴寒之時腿仍覺疼必服熱藥數劑始愈至腿上之疙瘡乃當時因凍凝結至今未消者也愚曰此病猶可除根然其寒在骨非草木之品所能奏效必須服礦質之藥因人之骨中多函礦質也俾先用生硫黃細末五分於食前服之日兩次品驗漸漸加多以服後覺心中微溫爲度果用此方將腿疼之病除根此風寒濕痺能成痿廢之明徵也

至西人謂此證關乎腦髓神經者愚亦確有經驗原其神經之所以受傷大抵因腦部充

血所致蓋腦部充血之極可至腦中血管破裂至破裂之甚者管中之血溢出不止其人卽昏厥不復蘇醒若其血管不至破裂因被充血排激隔管壁將血滲出或其血管破裂少許出血不多而自止其所出之血若黏滯於左邊司運動之神經其右邊手足卽痿廢若粘滯其右邊司運動之神經其左邊之手足卽痿廢因人之神經原左右互相管攝也此證皆臟腑氣血挾熱上衝卽內經所謂血之與氣併走於上之大厥也其人必有劇烈之頭疼其心中必覺發熱其脈象必然洪大或弦長有力內經又謂此證氣反則生不反則死蓋氣反則氣下行血亦下行血管之未破裂者不再虞其破裂其偶些些破裂者亦可因氣血之下行而自愈若其氣不反血必隨之上升不已將血管之未破裂者可至破裂其已破裂者更血流如注矣愚因細參內經之旨而悟得醫治此證之方當重用懷牛膝兩許以引腦中之血下行而佐以清火降胃鎮肝之品俾氣與火不復相併上衝數劑之後其劇烈之頭疼必愈脈象亦必和平再治以化瘀之品以化其腦中瘀血而以宣通氣血暢達經絡之藥佐之肢體之痿廢者自能徐徐愈也特是因腦充血而痿廢者本屬危險之證所慮者辨證不清當其初得之時若誤認爲氣虛而重用補氣之品若王勳臣

之補陽還五湯或誤認爲中風而重用發表之品若干金之續命湯皆益助其氣血上行而危不旋踵矣至用藥將其腦充血治愈而其肢體之痿廢或仍不愈亦可少用參芪以助其氣分然必須用鎮肝降胃清熱通絡之藥輔之方能有效因敬擬兩方於左以備醫界採用

(起痿湯) 治因腦部充血以致肢體痿廢迨腦充血治愈脈象和平而肢體仍痿廢者徐服此藥久自能愈

生箭芪錢四 生赭石六錢 懷牛膝六錢 天花粉六錢 玄參五錢 柏子仁四錢 生杭芍四錢 生明沒藥三錢

麩虫四枚 製馬錢子末二分 共藥十一味將前十味煎湯送服馬錢子末至煎渣再服時亦

透服馬錢子末二分

(養腦利肢湯) 治同前證或服前方若干劑後肢體已能運動而仍覺無力者

野臺參錢四 生赭石六錢 懷牛膝六錢 天花粉六錢 玄參五錢 生杭芍四錢 生滴乳香三錢 生明沒藥三錢

威靈仙錢一 麩虫四枚 製馬錢子末二分 共藥十一味將前十味煎湯送服馬前子末至煎渣

再服時亦透服馬錢子末二分 二方爲愚新擬之方而用之頗有效驗恆能隨手建功試舉

一案以明之

天津南馬路南東興大街永和姓木廠經理賀化南得腦充血證左手足驟然痿廢其脈左右皆弦硬而長其腦中疼而且熱心中異常煩燥投以建瓴湯見前爲其腦中疼而且熱更兼煩燥異常加天花粉八錢連服三劑後覺左半身筋骨作疼蓋其左半身從前麻木無知覺至此時始有知覺也其脈之弦硬亦稍愈遂即原方略爲加減又服數劑脈象已近和平手足稍能運動從前起臥轉身皆需人此時則無需人矣於斯改用起痿湯服數劑手足之運動漸有力而脈象之弦硬又似稍增且腦中之疼與熱從前服藥已愈至此似又微覺疼熱是不受黃芪之升補也因即原方將黃芪減去又服數劑其左手能持物左足能任地矣頭中亦分毫不覺疼熱再診其脈已和平如常遂又加黃芪將方中花粉改用八錢又加天冬八錢連服六劑可扶杖徐步仍覺乏力繼又爲擬養腦利肢湯服數劑後心中又似微熱因將花粉改用八錢又加帶心寸麥冬七錢連服十劑全愈

按此證之原因不但腦部充血實又因腦部充血之極而至於溢血迨至充血溢血治愈而痿廢仍不愈者因從前溢由之血留滯腦中未化而周身經絡兼有閉塞處也是以方

中多用通氣化血之品又恐久服此等藥或至氣血有損故又少加參芪助之且更用玄參花粉諸藥以解參芪之熱藉石牛膝諸藥以防參芪之升可謂熟籌完全矣然服後猶有覺熱之時其脈象仍有稍變弦硬之時於斯或減參芪或多加涼藥精心斟酌息與病機相赴是以終能治愈也至於二方中藥品平均之實偏於涼而服之猶覺熱者誠以參芪之性可因補而生熱兼以此證之由來又原因臟腑之熱挾氣血上衝也

論四肢疼痛其病因涼熱各異之治法

從來人之腿疼者未必臂疼臂疼者未必腿疼至於腿臂一時並疼其致疼之因腿與臂大抵相同矣而愚臨證四十餘年治愈腿臂一時並疼者不勝記獨在奉曾治一媪其腿臂一時並疼而致腿疼臂疼之病因則各異今詳錄其病案於左以廣醫界之見聞

奉天西塔郵務局長佟世恆之令堂年五十七歲於仲冬漸覺四肢作疼延醫服藥三十餘劑寢至臥牀不能轉側晝夜疼痛不休至正月初旬求爲診視其脈左右皆浮而有力舌上微有白苔知其兼有外感之熱也西藥阿斯必林善發外感之汗又善治肢體疼痛俾用一瓦半白糖水送下以發其汗翌日視之自言汗後疼稍愈能自轉側而其脈仍

然有力遂投以連翹花粉當歸丹參白芍乳香沒藥諸藥兩臂疼愈強半而腿疼則加劇
自言兩腿得熱則疼減若服熱藥其疼當愈於斯又改用當歸牛膝續斷狗脊骨碎補沒
藥五加皮諸藥服兩劑後腿疼見愈而臂疼又加劇是一人之身腿畏涼臂畏熱也夫腿
既畏涼其疼也必因有凝結之涼臂既畏熱其疼也必因有凝結之熱籌思再三實難疏
方細診其脈從前之熱象已無其左關不任重按恍惚其上熱下涼者因肝木稍虛或肝
氣兼有鬱滯其肝中所寄之相火不能下達所以兩腿畏涼其火鬱於上焦因肝虛不能
敷布所以兩臂畏熱向曾治友人劉仲友左臂常常發熱其肝脈虛而且鬱投以補肝兼
舒肝之劑而愈詳案在三期第
四卷曲直湯下以彼例此知旋轉上熱下涼之機關在調補其肝木而已遂
又爲疏方用淨荳肉一兩當歸白芍各五錢乳香沒藥續斷各四錢連翹甘草各三錢每
日煎服一劑又俾於每日用阿斯必林一瓦分三次服下數日全愈方中重用荳肉者因
荳肉得木氣最全酸斂之中大具條暢之性是以善補肝又善舒肝本經謂其逐寒濕痺
四肢之作疼亦必有痺而不通之處也况又有當歸白芍乳香沒藥諸藥以爲之佐使故能奏
效甚捷也

答餘姚周樹堂爲母問疼風證治法

詳觀六十二號

紹興醫報

所登病案曾患兩膝腫疼愈而復發膝踝趾骨皆焮熱腫痛連臀部

亦腫又兼目痛此誠因心肝皆有鬱熱而關節經絡之間又有風濕熱相併阻塞血脈之

流通故作腫疼也後見有胡君天中張君汝偉皆有答復所論病因及治法又皆盡善盡

美似無庸再爲擬議然愚從前治此等證亦純用中藥後閱東人醫報見治急性癱瘓質

斯

即熱性歷節風

喜用西藥阿斯必林載有歷治諸案可考驗後乃屢試其藥更以中藥駕馭之尤

效驗異常在奉曾治一幼童得此證已危至極點奄奄一息數日未斷昇至院中亦治愈

詳案在三計四卷熱性關節疼痛用阿斯必林治法中

由斯知西藥之性近和平試之果有效驗且洞悉其原質者固不妨

與中藥並用也爰擬方於左以備採擇

阿斯必林一瓦半生懷山藥一兩鮮茅根去淨皮切碎二兩將山藥茅根煎湯三茶杯一

日之間分三次溫服每次送服阿斯必林半瓦若服一次周身得汗後二次阿斯必林可

少用至翌日三次皆宜少用以一日間三次所服之阿斯必林有一次微似有汗即可不

可每次皆有汗也如此服之大約兩旬即可愈矣 按阿斯必林之原質存於楊柳皮中

西人又製以硫酸其性涼而能散最善治人之肢體關節因風熱腫疼又加生山藥以滋陰防其多汗傷液加鮮茅根以退熱卽以引濕熱自小便出也

後按方服登紹
與醫報致謝

論肢體受寒疼痛可熨以坎離砂及坎離砂製法

藥房中所鬻坎離砂沃之以醋自能發熱以熨受寒腿疼及臂疼頗有效驗而醫者猶多不知其所以然之故究其實際不外物質化合之理也按此砂純係用鐵屑製成其製法將鐵屑煨紅卽以醋噴滅之晾乾收貯用時復以醋拌濕卽能生熱蓋火非養氣不着當鐵屑煨紅之時鐵屑中原具有養氣經醋噴滅其養氣卽永留鐵中况養氣爲酸素醋味至酸其含養氣頗多以之噴滅煨紅之鐵醋中之養氣亦盡歸鐵中用時再沃之以醋其從前所蘊之養氣遂感通發動而生熱以熨因寒痺疼之處不惟可以驅逐凝寒更可流通血脈以人之血脈得養氣則赤而血脈之瘀者可化也

答宗弟相臣問右臂疼治法

據來案云云臂疼當係因熱而壅再三思之其原因斷乎非熱或經絡間因瘀生熱故乍服辛涼之品似覺輕也蓋此證純爲經絡之病治之者宜以經絡爲重而兼顧其臟腑蓋

欲藥力由臟腑而達經絡也西人治急性關節疼痛恒用阿斯必林衷中參西錄第四卷未附有數案可參觀然用其藥宜用中藥健運脾胃通行經絡之品輔之又細閱素服之方皆佳所以不見效者大抵因少開痺通竅之藥耳今擬一方於左

於白朮 此藥藥房中多用麩炒殊非所宜當購生者自炒熟其大小片分兩次炒之軋細 取淨末一兩乳香沒藥 二藥須購生者軋成粗渣隔紙在鍋內烘融取出曬乾軋細

取淨末四錢朱血竭 此藥未研時外皮作黑色若研之色若殊砂者方真 研細三錢當歸身 紙裏置爐旁俟乾軋細 淨末七錢細辛香

白芷細末各錢半冰片 用樟腦升成者不必用梅片 薄荷冰細末各三分諸藥和勻貯瓶密封每服一錢

半絡石籐 俗名爬山虎能蔓延磚壁之上其鬚自黏於壁上不落者方真 煎湯送服日兩次方中之義以白朮健脾開痺為主

本經謂白朮逐風寒濕痺 佐以白芷去風細辛去寒當歸乳香沒藥血竭以通氣活血冰片薄荷冰以透

竅卽以通絡且脾主四肢因其氣化先行於右 右關候脾脈是明徵 故右臂尤爲脾之所主丁氏化

學本草謂沒藥善養脾胃其溫通之性不但能治氣血痺疼更可佐白朮以健補脾胃故

於此證尤宜也至阿斯必林初次宜服半瓦以得微汗爲度以後每日服兩次擲節服之

不必令其出汗宜與自製末藥相間服之或先或後皆可 後接來函接法治愈

論治偏枯者不可輕用王勳臣補陽還五湯

今之治偏枯者多主氣虛之說而習用醫林改錯補陽還五湯然此方用之有效有不效更間有服之卽僨事者其故何也蓋人之肢體運動原腦髓神經爲之中樞而腦髓神經所以能司運動者實賴腦中血管爲之濡潤胸中大氣爲之斡旋乃有時腦中血管充血過度甚或至於破裂卽可累及腦髓神經而腦髓神經遂失其司運動之常職又或有胸中大氣虛損過甚更或至於下陷不能斡旋腦髓神經而腦髓神經亦恆失其司運動之常職此二者一虛一實同爲偏枯之證而其病因實判若天淵設或藥有誤投必至凶危立見是以臨此證者原當細審其脈且細詢其未病之先狀況何如若其脈細弱無力或時覺呼吸短氣病發之後並無心熱頭疼諸證投以補陽還五湯恒見效卽不效亦必不至有何弊病若其脈洪大有力或弦硬有力更預有頭疼眩暈之病至病發之時更覺頭疼眩暈益甚或兼覺心中發熱者此必上升之血過多致腦中血管充血過甚隔管壁泌出血液或管壁少有罅漏流出若干血液若其所出之血液黏滯左邊司運動之神經其右半身卽偏枯若黏滯右邊司運動之神經其左半身卽偏枯此時若投以拙擬建瓴湯

方載第三卷脈充
血證可預防篇中

一二劑後頭疼眩暈卽愈繼續服之更加以化瘀活絡之品肢體亦可漸愈

若不知如此治法惟確信王勳臣補陽還五之說於方中重用黃芪其上升之血益多腦中血管將不至破裂不止也可不慎哉如以愚言爲不然而前車之鑿固有醫案可徵也

邑中孝廉某君年過六旬患偏枯原不甚劇欲延城中某醫治之不過適有在津門行道之老醫初歸造門自薦服其藥後卽昏不知人遲延半日而卒後其家人持方質愚係仿補陽還五湯重用黃芪八錢知其必係腦部充血過度以致偏枯也不然服此等藥何以債事哉

又嘗治直隸商品陳列所長王仰泉其口眼略有歪斜左半身微有不利時作頭疼間或眩暈其脈象洪實右部尤甚知其係腦部充血問其心中時覺發熱治以建瓴湯連服二十餘劑全愈王君愈後甚喜面轉念忽有所悲因告愚曰五舍弟從前亦患此證醫者投以參芪之劑竟至不起向以爲病本不治非用藥有所錯誤今觀先生所用之方乃知前方固大謬也統觀兩案及王君之言則治偏枯者不可輕用補陽還五湯不愈昭然哉而當時之遇此證者又或以爲中風而以羌活防風諸藥發之亦能助其血益上行其弊與

誤用參芪者同也蓋此證雖有因兼受外感而得者然必其外感之熱傳入陽明而後濼動病根而猝發是以雖挾有外感亦不可投以發表之藥也

答徐韻英問腹疼治法

少年素有痲癖忽然少腹脹疼屢次服藥多係開氣行氣之品或不效或效而復發脈象無力以愚意見度之不宜再用開氣行氣之藥近在奉天立達醫院有治腹疼二案詳錄於左以備參考

一爲門生張德元少腹素有寒積因飲食失慎腸結大便不下少腹脹疼兩日飲食不進用蓖麻油下之便行三次而疼脹如故又投以溫煖下焦之劑服後亦不覺熱而疼脹如故細診其脈沈而無力詢之微覺短氣疑係胸大氣下陷先用柴胡二錢煎湯試服疼脹少瘥遂用生箭芪一兩當歸黨參各三錢升麻柴胡桔梗各錢半煎服一劑疼脹全消氣息亦順惟覺口中發乾又卽原方去升麻黨參加知母三錢連服數劑全愈

一爲奉天女師範史姓學生少腹疼痛頗劇脈左右皆沈而無力疑爲氣血凝滯治以當歸丹參乳香沒藥各三錢萊菔子二錢煎服後疼益甚且覺短氣再診其脈愈形沈弱遂

改用升陷湯

方見第一卷
大氣論篇

一劑而愈此亦大氣下陷迫擠少腹作疼是以破其氣則疼益甚

升舉其氣則疼自愈也

若疑因有痿痺作疼愚曾經驗一善化痿痺之法憶在籍時有人問下焦虛寒治法俾日服鹿角膠三錢取其溫而且補也後月餘晤面言服藥甚效而兼獲意外之效少腹素有積聚甚硬前竟忘言因連服鹿角膠已盡消蓋鹿角膠具溫補之性而又善通血脈林屋山人陽和湯用之以消硬疽是以有斯效也又嘗閱喻氏寓意草載有袁聚東痞塊危證治驗亦宜參觀

論腰疼治法

方書謂腰者腎之府腰疼則腎將憊矣夫謂腰疼則腎將憊誠為確論至謂腰為腎之府則尙欠研究何者凡人之腰疼皆脊梁處作疼此實督脈主之督脈者即脊梁中之脊髓袋下連命門穴處爲人之副腎臟是以不可名
爲腎之府腎虛者其督脈必虛是以腰疼治斯證者當用補腎之劑而引以入督之品曾擬益督丸一方徐徐服之果係腎虛腰疼服至月餘自愈

附錄益督丸 杜仲四兩酒浸炮黃兔絲子三兩酒浸蒸熟續斷二兩酒浸蒸熟鹿角膠二兩將前三味爲細末水化鹿角膠爲丸黃豆粒大每服三錢日兩次服藥後嚼服熟胡桃肉一枚

諸家本草皆謂杜仲宜炒斷絲用究之將杜仲炒成炭而絲仍不斷如此製法殊非所宜是以此方中惟用生杜仲炮黃爲度胡桃仁原補腎良藥因其含油質過多不宜爲丸故於服藥之後單服之

若證兼氣虛者可用黃芪人參煎湯送服此丸若證兼血虛者可用熟地當歸煎湯送服此丸

有因瘀血腰疼者其人或過於任重或自高墜下或失足閃跌其脊梁之中存有瘀血作疼宜治以活絡效靈丹

方載三期第四卷係當歸丹參乳香沒藥各五錢

加廣虫三錢煎湯服或用葱白作引更佳

天津保安隊長李雨霖君依蘭鎮守使李君之弟腰疼數年不愈適鎮守使署中書記賈蔚青君來津求爲治病因介紹爲之診治其疼劇時心中恒覺滿悶輕時則似疼非疼纏

綿不已亦恒數日不疼其脈左部沈弦右部沈牢自言得此病今已三年服藥數百劑其疼卒未輕減觀其從前所服諸方雖不一致大抵不外補肝腎強筋骨諸藥間有雜以祛風藥者因思內經謂通則不痛而此則痛則不通也且卽其脈象之沈弦沈牢心中恒覺滿悶其關節經絡必有瘀而不通之處可知也爰爲擬利關節通絡之劑而兼用補正之品以輔助之

生懷山藥

兩一

大甘枸杞

錢八

當歸

錢四

丹參

錢四

生明沒藥

錢四

生五靈脂

錢四

穿山甲

錢二

炒搗桃仁

錢二

紅花

錢半

蟻蟲

枝五

廣三七

錢二

藥共十一味

先將前十味煎湯

一大鍾送服

三七細末

一半

至煎渣再服時仍送服其餘一半

此藥服至三劑腰已不疼心中亦不發悶脈較前緩和不專在沈分遂卽原方去山甲加胡桃肉四錢連服十劑自覺身體輕爽再診其脈六部調勻腰疼遂從此除根矣就此證觀之凡其人身形不羸弱而腰疼者大抵係關節經絡不通其人顯然羸弱而腰疼者或肝腎有所虧損而然也

在婦女又恒有行經時腰疼者曾治一人年過三旬居恒呼吸恒覺短氣飲食似畏寒涼

當行經時覺腰際下墜作疼其脈象無力至數稍遲知其胸中大氣虛而欲陷是以呼吸氣短至行經時因氣血下注大氣亦隨之下陷是以腰際覺下墜作疼也爲疏方用生箭芪一兩桂枝尖當歸生明沒藥各三錢連服七八劑其病遂愈

又治一婦人行經腰疼且兼腹疼其脈有滯象知其血分瘀也治以當歸生鷄內金各三錢生明沒藥生五靈脂生箭芪天花粉各四錢連服數劑全愈


答黃雨巖問接骨方並論及結筋方


接骨之方甚多然求其效而且速者獨有一方可以公諸醫界方用甜瓜子生菜子各一兩小榆樹的鮮嫩白皮一兩再加真脂麻油一兩同搗如泥敷患處以布纏之不過半點鐘覺骨接上卽去藥不然恐骨之接處起節自得此方後門人李子博曾用以治馬甚效想用以治人亦無不效也且試驗可在數刻之間設有不效再用他方亦未晚也

人之筋骨相着然骨以剛而易折筋以韌而難斷是以方書中治接骨之方甚夥而接筋之方甚鮮也諸家本草多言旋覆花能續斷筋羣芳譜謂蓄根能續斷筋蓄根愚未試過至旋覆花邑中有以之治牛馬斷筋者甚效其方初則秘而不傳當耕地之時牛馬多有

因驚駭奔逸被犁頭割斷腿上筋者敷以所製之藥過兩旬必愈後愚為其家治病始詳
 言其方且言此方授之異人本以治人而以之治物類亦無不效因將其方詳錄於左
 方用旋覆花細末五六錢加白蔗糖兩許和水半茶杯同熬成膏候冷加麝香少許無麝香亦可
 攤布上纏傷處至旬日將藥揭下筋之兩端皆長一小疔瘡再換藥一帖其兩小疔瘡即
 連為一而斷者續矣若其筋斷在關節之處又須必設法閉住勿令其關節屈伸筋方
 能續

按外臺有急續斷筋方取旋覆花根洗淨搗敷創上日一二易瘥止是取其鮮根搗爛用
 之也因藥房無旋覆花根是以後世用者權用其花想性亦相近故能奏效然旋覆花各
 處皆有多生澤邊科高二尺許葉如棉柳編筐之柳多斜紋六月開黃花作圓形瓣細如絲大
 如小銅錢故亦名金錢菊





衷中參西錄增廣第五期

萬餘言
增加六

卷下

醫學衷中參西錄第五期第五卷

此卷論傷寒溫病溫疹及傷暑瘧疾傷寒治法以傷寒論爲主而於論中所發明溫病則於葉吳諸家之外另有見解實由熟讀傷寒論悟出暑瘧二證各錄一則亦皆得諸實驗

論傷寒脈緊及用麻黃湯之變通法

傷寒論之開卷謂傷風脈浮傷寒脈緊夫脈浮易辨矣惟脈緊則殊難形容論者多謂形如轉索而轉索之形指下又如何摸尋也蓋此脈但憑空形容學者卒無由會解惟講明其所以緊之理自能由理想而得緊脈之實際矣

凡脈之緊者必有力夫脈之跳動心臟主之而其跳動之有力不但心主之也諸臟腑有熱皆可助脈之跳動有力營衛中有熱亦可助脈之跳動有力特是脈之有力者恒若水之有浪大有起伏之勢而緊脈雖有力轉若無所起伏誠以嚴寒束其外表其收縮之力能逼營衛之熱內陷與脈相併以助其有力而其收縮之力又能遏抑脈之跳動使無起伏是緊脈之真相原於平行中見其有力也至於緊脈或左右彈者亦蓄極而旁溢之象



也仲師治以麻黃湯所以解外表所束之寒也

特是用麻黃湯以解其外寒服後徧體汗出惡寒既愈有其病從此遂愈者間有從此仍不愈後寢發熱而轉爲陽明證者其故何也最初爲人診病時亦未解其故後乃知服麻黃湯汗出後其營衛內陷之熱若還表隨汗消散則其病卽愈若其熱不復還表而內陷益深其熱必將日增此卽太陽轉陽明之病也悟得此理後再用麻黃湯時必加知母數錢以解其內陷之熱服後未有不愈者矣三期五卷傷寒門中載有麻黃加知母湯方後另有發明可參觀也

右所論者麻黃湯原宜加知母矣而間有不宜加者此又不得不斟酌也已已臘底曾治天津鼓樓東萬德永麵莊理事張金鐸年近四旬先得傷寒證延醫治愈繼出門作事又冒寒其表裏俱覺寒涼頭疼氣息微喘身體微形寒戰診其脈六部皆無不禁愕然問其心中猶平穩知猶可治此蓋證屬重感氣體虛弱寒邪侵入甚深阻其經絡之流通故六脈皆閉也投以麻黃湯加生黃芪一兩服後周身得汗其脈卽出病亦遂愈

又曾治一人年過三旬身形素羸弱又喜吸鴉片於冬令得傷寒證因粗通醫學自服麻

黃湯分毫無汗求爲診視脈甚微細無緊相遂卽所用原方爲加生黃芪五錢服後得汗而愈此二證皆用麻黃湯時不宜加知母宜加黃芪者也

又醫治一少年於季冬得傷寒證其人陰分素虧脈近六至且甚弦細身冷惡寒舌苔淡白延醫診視醫者謂脈數而弱傷寒雖在初得恐不可用麻黃湯強發其汗此時愚應其近鄰之聘因邀愚至其家與所延之醫相商愚曰麻黃發汗之力雖猛然少用則無妨再輔以補正之品自能穩妥奏功矣遂爲疏方麻黃錢半桂枝尖一錢杏仁甘草各錢半又爲加生懷山藥北沙參各六錢囑其煎湯服後若至兩點鐘不出汗宜服西藥阿斯必林二分許以助其出汗後果如法服之周身得汗而愈矣

又曾治鄰村李姓少年得傷寒證已過旬日表證未罷時或惡寒頭猶微疼舌苔猶白心中微覺發熱小便色黃脈象浮弦重按似有力此熱入太陽之腑也投以麻黃湯爲加知母八錢滑石六錢服後一汗而愈 按此證雖在太陽之表與腑實已連陽明矣故方中重用知母以清陽明之熱而仍用麻黃解其表俾其餘熱之未盡清者仍可由汗而散此所以一汗而愈也至於傷寒論中載有其病重還太陽者仍宜以麻黃湯治之而愚

遇此證若用麻黃湯時亦必重加知母也

至於麻黃當用之分量又宜隨地點而爲之輕重愚在籍時用麻黃發表至多不過四錢後南遊至漢臬用麻黃不過二錢迨戊午北至奉天用麻黃發表恆有用至六錢始能出汗者此宜分其地點之寒熱視其身體之強弱尤宜論其人或在風塵勞苦或在屋內營生隨地隨人斟酌定其所用之多寡臨證自無差謬也

論大青龍湯中之麻黃當以薄荷代之

古時藥品少後世藥品多如薄荷之辛涼解肌原爲治外感有熱者之要藥而神農本經未載名醫別錄亦未載是以傷寒論諸方原有當用薄荷而仲師不用者因當時名薄荷爲苛間有取其苛辣之味少用之以調和食品猶未嘗用之入藥也曾治鄰村武生夏彭齡年過三旬冬令感冒風寒周身惡寒無汗胸中則甚覺煩躁原是大青龍湯證醫者誤投以麻黃湯服後汗無分毫而煩躁益甚幾至瘋狂其脈洪滑而浮投以大青龍湯以薄荷藥代麻黃且因曾誤服麻黃湯方中原有桂枝並桂枝亦權爲減去煎服後覆杯之頃汗轟如洗病若失按此證當係先有蘊熱因爲外寒所束則蘊熱益深是以煩躁方中

重用石膏以化其蘊熱其熱化而欲散自有外越之機再用辛涼解肌之薄荷以利導之是以汗出至易也若從前未誤服麻黃湯者用此方時不去桂枝亦可蓋大青龍之原方所用桂枝原無多也

歷序用小青龍湯治外感痰喘之經過及通變化裁之法

傷寒溫病心下蓄有永飲作喘者後世名之爲外感痰喘此外感中極危險之證也醫者若診治此等證自呈其私智無論如何利痰如何定喘遇此證之輕者或可幸愈至遇此證之劇者皆分毫無效惟投以傷寒論小青龍湯則必效特是小青龍湯兩見於傷寒論太陽篇其所主之證爲表不解心下有水氣乾嘔發熱而欬其兼證有六亦皆小青龍湯加減主之而喘證附於其末因此閱者多忽不加察又醫者治外感之喘多以麻黃爲要藥五味子爲忌藥小青龍湯中麻黃五味並用喘者轉去麻黃加杏仁而不忘五味之斂往外邪此尤其心疑之點而不敢輕用卽愚初爲人診病時亦不知用也猶憶歲在乙酉鄰村武生李杏春年三十餘得外感痰喘證求爲診治其人體豐素有痰飲偶因感冒風寒遂致喘促不休表裏俱無大熱而精神不振略一合目卽昏昏如睡胸膈又似滿悶不

能飲食舌苔白膩其脈滑而濡至數如常投以散風清火利痰之劑數次無效繼延他醫
數人診治皆無效遷延日久勢漸危險復商治於愚愚診一老醫皮隆伯先生年近八旬
隱居渤海之濱爲之介紹延至診視畢曰此易治小青龍湯證也遂開小青龍湯原方加
杏仁三錢仍用麻黃一錢一劑喘定繼用苓桂朮甘湯加天冬厚朴服兩劑全愈

愚從此知小青龍湯之神妙自咎看書未到遂廣閱傷寒論諸家註疏至喻嘉言尙論篇
論小青龍湯處不覺狂喜起舞因歎曰使愚早見此名論何至不知用小青龍湯也從此
以後凡遇外感喘證可治以小青龍湯者莫不投以小青龍湯而臨證細心品驗知外感
寒喘之挾熱者其肺必脹當做金匱用小青龍湯之加石膏且必重加生石膏方效迨至
癸巳李杏春又患外感痰喘復求愚爲診治其證脈大略如前而較從前熱盛投以小青
龍湯加麻黃加杏仁三錢爲其有熱又加生石膏一兩服後其喘立止藥力歇後而喘仍
如故連服兩劑皆然此時皮姓老醫已沒無人可以質正愚方竭力籌思將爲變通其方
某家謂州爲遠醫至愚則告退後經醫數人皆延自遠方服藥月餘竟至不起
愚因反舊研究此證遂不可治特用藥未能融合是以服藥終不見效徐靈胎謂龍骨之

僅氣逆氣而不斂邪氣故傷寒論方中仲景於邪氣未盡者亦用之外感喘證服金匱
機愈而仍反覆者正氣之不斂也遂預擬一方用龍骨牡蠣皆不各一兩以爲正氣經子
瀉半夏各五錢以降氣利痰名之曰從龍湯謂可用於小青龍湯之後也方前擬感有
感外祖家近族舅母劉媪得外感痰喘證迎爲診治投以小青龍湯去麻黃加杏仁白麻
象者熱又加生石膏一兩其喘立愈翌日喘又反覆而較前稍輕又投以原方其喘甚復
瀉西五點鐘遂將從龍湯煎服一劑其喘卽不反覆而脫然全愈矣

由將其方向醫界同人述之有毛仙閣者邑中宿醫與愚最相契聞愚言醫學莫不確情
聞此方後應爲邑中盧姓延去其處爲疫氣傳染患痰喘者四人已死其三盧尊年六
旬得病兩日其喘甚劇仙閣投以小青龍湯去麻黃加杏仁生石膏服後喘定迨藥力歇
後似又欲作喘急將從龍湯煎服其病遂愈

由斯用二方治外感痰喘誠覺確有把握而臨證品驗既久益知從龍湯方者透脈康弱
者宜加淨黃附生山藥或更加人參豬石其脈有熱者宜加生石膏知母若熱而且甚者
實宜將人參生石膏並加於方中或於服小青龍湯之先卽將諸藥備用以隨服人參

湯喘止後轉現虛脫之象或汗出不止或息微欲無或脈形散亂如水上浮麻黃辨至數
若此者皆惡證經驗所遇不早備藥恐取藥無及至於小青龍湯除遵例加杏仁石膏之外若人參黃肉諸補藥之加於

從龍湯者猶不敢加於其中誠以其時外感未淨裏飲未清不敢參以補藥以留邪也執
意愚不敢用者而閱歷未深者轉敢用之為治斯證者別開捷徑亦云奇哉爰詳錄之於
左

門人高如璧曾治一外感痰喘其喘劇脈虛醫皆誤為不治如璧投以小青龍湯去麻黃
加杏仁又加生石膏一兩野臺參五錢一劑而喘定恐其反覆又繼投以從龍湯亦加入
參與生石膏其病霍然頓愈

又長男蔭潮治鄰莊張馬村曲姓叟年六十餘外感痰喘十餘日不能臥醫者投以小青
龍湯兩劑病益加劇脈有熱而不敢多加生石膏者其病必加劇蔭潮視之其脈搏一息六至上焦煩躁舌上白苔

滿布每自大便兩三次然非滑瀉審證論脈似難挽回而蔭潮仍投以小青龍湯去麻黃
加杏仁又加野台參三錢生龍骨生牡蠣各五錢生石膏一兩半一劑病愈強半又服一
劑全愈按前案但加補氣之藥於小青龍湯中後案並加斂氣之藥於小青龍湯中似

於少年圖壽而皆能挽回至險之證亦可為用小青龍湯者多一變通之法矣特是古今之分量不同欲將古今之分量變為今之分量諸家之說各異今將古小青龍湯之分量列於前今人常用小青龍湯之分量列於後以便人之採取

小青龍湯原方

麻黃^{三兩}_{去節} 芍藥^{三兩} 五味子^{半升} 乾薑^{三兩} 甘草^{三兩} 細辛^{三兩} 桂枝^{三兩}_{去皮} 半夏^{半升}_{湯洗}

右八味以水一斗先煮麻黃減二升去上沫納諸藥煮取三升去滓溫服一升若微利

者去麻黃加薑花如鷄子大熬令赤色煎即炒也今無此藥可代以滑石若渴者去半夏加栝蒌根三兩若噎

者即死去麻黃加附子一枚炮若小便不利少腹滿去麻黃加茯苓四兩喘者去麻黃加

杏仁半升去皮

小青龍湯後世所用分量

麻黃^{二錢} 桂枝尖^{二錢} 清半夏^{二錢} 生杭芍^{三錢} 甘草^{半錢} 五味子^{半錢} 乾薑^{一錢} 細辛^{一錢}

此後世方書所載小青龍湯分量而愚略為加減也喘者原去麻黃加杏仁愚於喘證之

證原俱實者又加杏仁三錢而仍用麻黃一錢則其效更捷若證難實而脈象虛弱者

麻黃節不宜用或正用五分再加生山藥三錢以按之亦可惟方中若加生石膏易動
用麻黃一錢爲石膏能監制麻黃也

傷寒論用小青龍湯無加石膏之例而金匱有小青龍加石膏湯治肺脹欬而上氣煩躁
而喘脈浮者心下有水是以愚治外感痰喘之挾熱者必遵金匱之例酌加生石膏數錢
其熱甚者又常用至兩餘

傷寒論用小青龍湯治喘去麻黃加杏仁者因喘者多兼元氣不能收攝故不取麻黃之
溫散而代以杏仁之苦降至金匱小青龍加石膏湯有石膏之寒涼鎮重自能監制麻黃
不使過於溫散故雖治喘而肺脹兼煩躁者不妨仍用麻黃爲不去麻黃所以不必加杏
仁也惟此湯與越婢加半夏湯皆主肺脹作喘而此湯所主之證又兼煩躁似更熱於越
婢加半夏湯所主之證乃越婢半加夏湯中石膏半斤小青龍湯所加之石膏止二兩且
又有桂枝薑辛諸藥爲越婢加半夏湯中所無平均其藥性雖加石膏二兩仍當以熱論
又何以治肺脹煩躁作喘乎由斯知其石膏之分量必有差誤是以愚用此方時必使石
膏之分量遠過於諸藥之分量而後能離熱定喘有用此湯者尙其深想愚言哉

外感之證多屬五臟而兼痰飲喘嗽者尤屬之以其酸斂之力能將外感之邪緝納肺中而終身成勞嗽也惟與乾薑並用濟之以至辛之味則分毫無礙按五行之理辛能勝脾內經原有明文若不宜用乾薑之熱者亦可代以生薑觀金匱射干麻黃湯生薑與五味並用可知也若恐五味酸斂過甚可連核搗爛取核味之辛以濟皮味之酸更穩妥

喻靈言曰桂枝麻黃湯無大小而青龍湯有大小者以桂枝麻黃湯之變法多大青龍湯之變法不過於麻桂二方內施其化裁或增或去或饒或減其中神化莫可端倪又立小青龍一法散邪之功兼乎滌飲取義山澤小龍養成頭角乘雷雨而翻江攪海直奔龍門之意用以代大青龍而擅江河行水之力立法誠大備也因經叔和之編次漫無統紀屬於分篇之際特以大青龍爲綱於中麻桂諸法悉統於青龍項下擬爲龍背龍腰龍腹然後以小青龍尾之或飛或潛可彌可伏用大用小曲暢無遺居然仲景通天手眼取龍心法矣昔有善畫龍者舉筆擬思而青天忽生風雨吾不知仲景製方之時其爲龍乎其爲伸身乎必有倏焉雷瀼瀼大青龍湯倏焉密雲不雨桂枝二越神上湯倏焉波浪奔騰小青龍湯倏焉天日開

艾曰婁東胡直臣先生昌所謂賢士大夫也夙昔痰飲爲恙夏日地氣上升痰卽內動設有外感膈間痰卽不行兩三日瘥後當胸尙結小瘥無醫不詢無方不考乃至夢寐懇求大士治療因而聞疾思苦深入三摩地位薦分治病手眼今且仁智兼成矣昌昔謂膀胱之氣流行地氣不升則天氣常朗其偶受外感則仲景之小青龍湯一方與大士水月光中大圓鏡智無以異也蓋無形之感挾有形之痰互爲膠漆其當胸窟宅適在太陽經位惟於麻桂方中倍加五味半夏以滌飲而收陰加乾薑細辛以散結而分邪合而用之令藥力適在痰飲縮結之處攻擊片時則無形之感從肌膚出有形之痰從水道出頃刻分解無餘而膈胸空曠不復叢生小瘥矣若泥麻桂甘溫減去不用則不成爲龍矣將恃何物爲翻波鼓浪之具乎觀喻氏二節之論實能將小青龍湯之妙用盡行傳出其言詞之妙直勝於生公說法矣

小青龍湯爲治外感痰喘之神方其人或素有他證於小青龍湯不宜而至於必須用小青龍湯時宜將其方善爲變通與素有之證無妨始能穩妥奏功徐靈胎曰松江王孝賢夫人素有血證時發時止發則微嗽又因感冒變成痰喘不能着枕日夜俯几而坐意不

醫支持矣斯時有常州名醫法丹書調治不效延余至余曰此小青龍湯證也法曰我固知之但體弱而素有血證麻桂諸藥可用乎余曰急則治標若更喘數日殆矣且治其藥病愈後再治其本病可也法曰誠然病家焉能知之如用麻桂而本病復發則不咎病本無治而恨用麻桂誤之矣我乃行道人不能任其咎君不以醫名我不與聞君獨任之可也余曰然服之有害我自當之但求先生不阻之耳遂與服飲畢而氣平終夕安然後以消痰潤肺養陰開胃之方調之體乃復舊

按血證雖並忌麻桂然所甚忌者桂枝而不甚忌麻黃且有風熱者誤用桂枝則吐衄徐氏曾於批葉天士醫案中諄諄言之其對於素有血證者投以小青龍湯必然有所加減特其洄溪醫案凡於用藥之處皆渾括言之略舉大意用古方縱有加減而亦略而不言也至愚若遇此證用小青龍湯時則必去桂枝留麻黃加龍骨牡蠣皆生用各數錢其有缺者加知母熱甚者加生石膏則證之陳新皆顧投之必效而非孤注之一擲矣

小青龍湯雖善治外感作喘而愚治外感作喘亦非概用小青龍湯也今卽愚所經驗者續析條分臚列於左以備治外感作喘者之採用

(一) 氣逆迫促喘且呻或兼肩息者宜小青龍湯減麻黃之半加杏仁熱者加生石膏
(二) 喘狀如前而脈象無力者宜小青龍湯去麻黃加杏仁再加人參生石膏若其脈虛而兼數者宜再加知母

(三) 喘不至呻亦不肩息惟吸難呼易苦上氣其脈虛而無力或兼數者宜拙擬滋陰清燥湯
方載三期
第五卷

(四) 喘不甚劇呼吸無聲其脈實而至數不數者宜小青龍湯原方加生石膏若脈數者宜減麻黃之半加生石膏知母

(五) 喘不甚劇脈洪滑而浮舌苔白厚胸中煩熱者宜拙擬寒解湯
方載三期
第五卷 服後自然汗出其喘即愈

(六) 喘不甚劇脈象滑實舌苔白厚或微兼黃者宜白虎湯少加薄荷葉

(七) 喘而發熱脈象洪滑而實舌苔白或兼黃者宜白虎湯加瓜蒌仁

(八) 喘而發熱其脈象確有實熱至數兼數重按無力者宜白虎加人參再加川貝蘇子
若其脈虛者宜以生山藥代粳米

者加喘而結胸者宜酌其輕重用傷寒論中譴陷胸湯丸或抽撥瀉胸湯或數至而收其結其喘自愈

(十)喘而煩躁胸中滿悶不至結胸者宜越婢加半夏湯再加瓜蒌仁若在暑熱之時宜以薄荷葉代麻黃

至於麻黃湯證兼有微喘者服麻黃湯原方即愈兼醫者大抵皆知似無庸患之贅言然服藥後喘雖能愈不能必其不傳陽明惟於方中加知母數錢則喘愈而病亦必愈平均小青龍湯之藥性當以熱論而外感痰喘之證又有熱者十之八九是以愚用小青龍湯三十餘年未嘗一次不加生石膏即所遇之證分毫不覺熱亦必加生石膏五六錢使藥性之涼熱歸於平均若遇證之覺熱或脈象有熱者則必加生石膏兩許或一兩強若因其脈虛用人參於湯中者即其脈分毫無熱亦必加生石膏兩許以輔之始能受人參溫補之力至其證之或兼煩躁或表裏壯熱者又宜加生石膏至兩半或至二兩方能有效曾有問治外感痰喘於愚者語以當用小青龍湯及如何加減之法切囑其必多加生石膏然後有效後其人因外感病發自治不愈勢極危殆倉惶迎愚既至知其自服小

青龍湯兩劑每劑加生石膏三錢服後其喘不止轉加煩躁惴惴惟恐不愈及仍爲開小
青龍湯去麻黃加杏仁又加生石膏一兩一劑喘止煩躁亦愈十之八九又用生龍骨生
牡蠣各一兩蘇子半夏牛蒡子各三錢生杭芍五錢此方係後定之從龍湯爲其仍有煩躁之意又加
生石膏一兩服後霍然全愈此證因不敢重用生石膏幾至病危不起彼但知用小青龍
湯以治外感痰喘而不重用生石膏以清熱者尙其以茲爲鑑哉

論白虎湯及白虎加人參湯之用法

白虎湯方三見於傷寒論一在太陽篇治脈浮滑一在陽明篇治三陽合病自汗出者一
在厥陰篇治脈滑而厥註家於陽明條下謂苟非自汗恐表邪抑塞亦不敢鹵莽而輕用
白虎湯自此說出醫者遇白虎湯證恆因其不自汗出卽不敢用此誤人不淺也蓋寒溫
之證邪愈深入則愈險當其由表入裏陽明之府漸實急投以大劑白虎湯皆可保完全
無虞設當用而不用由胃實以至腸實而必須降下者已不敢保其完全無虞也况自汗
出之文惟陽明篇有之而太陽篇但言脈浮滑而厥皆未言自汗出也由是知其脈但見
滑象無論其滑而兼浮滑而兼厥皆可投以白虎湯經義昭然何醫者不知尊經而拘於

註家之謬說也

特是白虎湯證太陰厥陰篇皆言其脈而陽明篇未嘗言其脈象何如然以太陽篇之浮滑厥陰篇之滑而厥比例以定其脈當爲洪滑無疑夫白虎湯證之脈象既不同至用白虎湯時即不妨因脈象之各異而稍爲變通是以其脈果爲洪滑也知係陽明府實投以大劑白虎湯原方其病必立愈其脈爲浮滑也知其病猶連表於方中加薄荷葉一錢或加連翹蟬退各一錢服後須臾即可由汗解而愈

此理參看三期第五卷
寒解湯下證解自明

其脈爲滑而厥也

可用白茅根煮湯以之煎藥服後須臾厥回其病亦遂愈此愚生平經驗有得故敢確實言之也

至白虎加人參湯兩見於傷寒論一在太陽上篇當發汗之後一在太陽下篇當吐下之後其證皆有白虎湯證之實熱而又兼渴此因汗吐下後傷其陰分也爲其陰分有傷是以太陽上篇論其脈處但言洪大而未言滑洪大而不滑其傷陰分可知也至太陽下篇未嘗言脈其脈與上篇同又可知也於斯加人參於大隊寒潤之中能濟腎中真陰上升

協利白虎以化燥熱即以生津止渴渴解熱消其病自愈矣

獨是白虎加人參湯宜用於汗吐下後證兼渴者亦有非當汗吐下後其證亦非兼渴而用白虎湯時亦有宜加人參者其人或年過五旬或氣血素虧或勞心勞力過度或陽明府熱雖實而脈象無力或脈搏過數或脈雖有力而不數仍無滑象又其脈或結代者用白虎湯時皆宜加人參至於婦人產後患寒溫者果係陽明胃府熱實亦可治以白虎湯無論其脈象何如用時皆宜加人參而愚又恒以玄參代知母生山藥代粳米用之尤爲穩妥誠以產後腎虛生山藥之和胃不讓粳米而汁漿稠黏兼能補腎玄參之清熱不讓知母而滋陰生水亦善補腎也况石膏玄參本經原謂其可用於產乳之後至知母則未嘗明言愚是以謹遵本經而爲之變通蓋胆大心小醫者之責凡遇險證之猶可挽救者固宜毅然任之不疑而又必熟籌完全不敢輕視人命爲孤注之一擲也至方中所用之人參當以山西之野黨參爲正藥房名爲獅頭黨參亦名野臺參生苗處狀若獅頭皮上皆橫紋吉林亦有此參形狀相似亦可用至若高麗參石柱參亦名別直參性皆燥熱不可用於此湯之中

按白虎湯白虎加人參湯皆治陽明胃實之藥大小承氣湯皆治陽明腸實之藥而愚治

寒溫之證於陽明腸實大便燥結者恆投以大劑白虎湯或白虎加人參湯往往大便得通而愈且無下後不解之虞間有服藥之後大便未即通下者而少投以降下之品或用立明粉二三錢和蜜沖服或用西藥旂那葉錢半開水浸服其大便即可通下蓋因服白虎湯及服白虎加人參湯後壯熱已消燥結已潤自易通下也

論大承氣湯厚朴分量似有差誤及承氣湯之通變用法

傷寒之證初得易治以其在表也迨由表而裏其傳遞漸深卽病候浸險爲其險也所用之方必與病候息息脗合始能化險爲夷以挽回生命有如大承氣湯一方傷寒論中緊要之方也陽明熱實大便燥結及陽明熱實汗多者用之少陰熱實下利清水色純青心下痛者用之其方大黃四兩厚朴半斤枳實五枚芒硝三合右四味以水一斗先煮厚朴枳實取五升去滓納大黃煑二升納芒硝更上微火煑一兩沸分溫再服按此方分兩次服則大黃二兩當爲今之六錢古一兩爲今三錢厚朴四兩爲當今之一兩二錢夫陽明病用此方者乃急下之以清陽明之燥熱也少陰病用此方者急下之以存少陰之真陰也清熱存陰不宜再用燥熱之藥明矣厚朴雖溫而非熱因其有燥性溫燥相合卽能化熱方中

陽明病汗多者不宜誠恐汗多耗津將燥熱益甚也以愚意揣之厚朴之分量其為傳寫之誤無疑也且小承氣湯厚朴僅為大黃之半調胃承氣湯更減去厚朴不用是知承氣之注重藥在大黃不在厚朴比例以觀益知厚朴之分量有差誤也

再者大承氣湯方載於陽明篇第三十節後此節之文原以陽明病脈遲五字開端所謂脈遲者言其脉象雖熱而至數不加數也

非謂其遲於平脈

此乃病者身體素壯陰分尤充足之

脈病候至用大承氣湯時果能有脈如此脈象投以大承氣湯原方亦可隨手奏效而今之大承氣湯證如此脈象者實不多見也此乃半關天時半關人事實為古今不同之點即厚朴之分量原本如是醫者亦當隨時制宜為之通變化裁方可為善師仲景之人非然者其脈或不遲而數但用硝黃降之猶恐降後不解因陰虛不能勝其燥熱也况更重用厚朴以益其燥熱乎又或其脈縱不數而熱實脈虛但用硝黃降之猶恐降後下脫因其氣分原虧不堪硝黃之推盪也况敢重用厚朴同枳實以破其氣乎昔葉香巖用藥催生曾加梧桐葉一片作引有效之者轉為香巖所笑或問其故香巖謂余用梧桐葉一片

時其日爲立秋取梧桐一葉落也非其時將用梧桐葉何爲由斯知名醫之治病莫不因時制宜原非膠柱鼓瑟也是以愚用承氣湯時大黃芒硝恆皆用至七八錢厚朴枳實不過用二錢或仿調胃承氣湯之義皆減去不用外加生赭石細末五六錢其攻下之力不減大承氣原方而較諸原方用之實爲穩妥也至其脈象數者及脈象雖熱而重按無力者又恆先投以大劑白虎加人參湯煎湯一大碗分數次溫飲下以化胃中燥熱而由胃及腸即可潤其燥結往往有服未終劑大便卽通下者且下後又無虞其不解更無慮其下脫也其間有大便秘卽通下者可用玄明粉三錢或西藥留苦四錢調以蜂蜜開水沖服或外治用猪胆汁導法或用食鹽若用熬火稍所出之鹽更佳融水灌腸皆可通下至通下之後亦無不愈者衷中參西錄第六卷所載治愈寒溫諸案可考也

傷寒論大承氣湯病脈遲之研究及脈不遲轉數者之變通下法

嘗讀傷寒論大承氣湯證其首句爲陽明病脈遲此見陽明病脈遲爲當下之第一明徵也而愚初度此句之義以爲凡傷寒陽明之當下者若其脈數下後恆至不解此言脈遲未遲遲於常脈特表明其脈不數無慮其下後不解耳迨至閱歷既久乃知陽明病當下

之脈原有遲者然其脈非爲遲緩之象竟若蓄極而通有遲而突出之象蓋其脈之遲因腸中有阻塞也其遲而轉能突出者因陽明火盛脈原有力有阻其脈之力而使之遲者正所以激其脈之力而使其有跳躍之勢也如此以解脈遲則脈遲之當下之理自明也

然愚臨證實驗以來知陽明病既當下其脈遲者固可下卽其脈不遲而亦不數者亦可下惟脈數及六至則不可下卽強下之病必不解或病更加劇而愚對於此等證原有變通之下法卽白虎加人參湯將石膏不煎入湯中而以所煎之湯將石膏送服者是也愚因屢次用此方奏效遂名之爲白虎承氣湯爰詳錄之於左以備醫界採用

生石膏捌錢搗細大潞黨參三錢知母捌錢甘草貳錢粳米貳錢藥共五味將後四味煎湯一鐘半分兩次將生石膏細末用溫藥湯送下服初次藥後遲兩點鐘若腹中不見行動再服第二次若腹中已見行動再遲點半鐘大便已下者停後服若仍未下者再將第二次藥服下至若其脈雖數而洪滑有力者用此方時亦可不加黨參

愚從前遇寒溫證之當下而脈象數者恒投以大劑白虎湯或白虎加人參湯其大便亦可通下然生石膏必須用至四五兩煎一大碗分數次溫服大便始可通下間有服數劑

後大便仍不通下者其人亦恒脈淨身涼少用玄明粉二三錢和蜜冲服大便即可通下然終不若白虎承氣湯用之較便也

按生石膏若服其研細之末其退熱之力一錢可抵煎湯者半兩若以之通其大便一錢可抵煎湯者一兩是以方中止用生石膏八錢而又慎重用之必分兩次服下也

寒溫陽明病其熱甚盛者投以大劑白虎湯其熱稍退翌日恒病仍如故如此反覆數次病家遂疑藥不對證而轉延他醫因致病不起者矣愚後擬得此方凡遇投以白虎湯見效旋又反覆者再爲治時卽用石膏爲末送服其湯劑中用五六兩者送服其末不過一兩至多至兩半其熱卽可全消矣

論傷寒論大柴胡湯原當有大黃無枳實

傷寒論大柴胡湯少陽兼陽明之方也陽明胃府有熱少陽之邪又復挾之上升是以嘔不止心下急鬱鬱微煩欲用小柴胡湯提出少陽之邪使之透膈上出恐其補胃助熱而減去人參更加大黃以降其熱步伍分明出奇致勝此所以爲百戰百勝之師也乃後世畏大黃之猛遂易以枳實迨用其方不效不得不仍加大黃而竟忘去枳實此大柴胡一

方或有大黃或無大黃之所由來也此何以知之因此方所主之病宜用大黃不宜用枳實而知之蓋方中以柴胡爲主藥原欲升提少陽之邪透膈上出又恐力弱不能直達故小柴胡湯中以人參助之今因證兼陽明故不敢復用人參以助熱而更加大黃以引陽明之熱下行此陽明與少陽並治也然方名大柴胡原以治少陽爲主而方中旣無人參之助若復大黃枳實並用以大施其開破之力柴胡猶能引邪透膈乎此大柴胡湯中斷無大黃枳實並用之理也至此方若不用枳實而大黃猶可用者因其入血分不入氣分能降火不至傷氣故猶不妨柴胡之上升也

答徐韻英陽旦湯之商確

陽旦湯卽桂枝加桂湯再加附子誠如君所言者蓋此係他醫所治之案其失處在證原有熱因脚攣急誤認爲寒竟於桂枝中增桂加附以致汗出亡陽遂至厥逆故仲景因門人之問重申之而明其所以厥逆之故實因汗出亡陽若欲挽回此證使至夜半可愈宜先急用甘草乾薑湯以回其陽雖因汗多損液以致咽乾且液傷而大便燥結成陽明之譫語亦不暇顧迨夜半陽回脚伸惟脛上微拘急此非陽之未回實因液傷不能濡筋也

故繼服芍藥甘草湯以復其津液則脛上拘急與咽喉作乾皆愈更用承氣湯以通其大便則譫語亦遂愈也所用之藥息息與病機相赴故病雖危險可挽回也

論少陰傷寒病有寒有熱之原因及無論涼熱脈皆微細之原因

傷寒以六經分篇惟少陰之病最難洞悉因其寒熱錯雜註疏家又皆有講解而莫衷一是有謂傷寒直中真陰則爲寒證若自三陽經傳來則爲熱證者而何以少陰病初得卽有宜用黃連阿膠湯及宜用大承氣湯者有謂從足少陰水化則爲寒從手少陰火化則爲熱者然少陰之病病在腎而非病在心也且少陰病既分寒熱其脈象當迥有判別何以無論寒熱其脈皆微細也蓋寒氣侵人之重者可直達少陰而爲直中真陰之傷寒寒氣侵入之輕者不能直達少陰伏於包腎脂膜之中暗阻氣化之升降其處氣化因阻塞而生熱致所伏之氣亦隨之化熱而竄入少陰此少陰傷寒初得卽發熱者也爲其竄入少陰能遏抑腎氣不能上升與心氣相濟是以其證雖熱而其脈亦微細無力也愚嘗擬有坎離互根湯在後鼠按門可用之以代黃連阿膠湯初服一劑其脈之微細者卽可變爲洪實再服一劑其脈之洪實者又復歸於和平其病亦遂愈矣參看鼠疫中用此方之發明應

無不明徹之理矣

或問內經謂冬傷於寒春必溫病此言伏氣可隨春陽化熱爲溫病也然其伏氣化熱之後恆竄入少陽陽明諸經何冬令伏氣之化熱者獨入少陰以成少陰之傷寒乎答曰善哉問也此中理之精微正可爲研究醫學之資藉也蓋春主升發冬主閉藏伏氣在春令而化熱可隨春氣之升發而上升若在冬令化熱卽隨冬氣之閉藏而下降爲其下降故陷入少陰而爲少陰傷寒也此時令之證原恆隨時令之氣化爲轉移也

傷寒論少陰篇桃花湯是治少陰寒痢非治少陰熱痢解

少陰之病寒者居多故少陰篇之方亦多用熱藥其中桃花湯治少陰病下痢膿血又治少陰病三四日至四五日腹痛小便不利下膿血者按此二節之文未嘗言寒亦未嘗言熱然桃花湯之藥則純係熱藥無疑也乃釋此二節者疑下利膿血與小便不利必皆屬熱遂強解桃花湯中藥性謂石脂性涼而重用一斤乾薑雖熱而止用一兩合用之仍當以涼論者然試取石脂一兩六錢乾薑一錢煎服或涼或熱必能自覺藥性豈可重誤乎有謂此證乃大腸因熱腐爛致成潰瘍故下膿血本經謂石脂能消腫去瘀故重用一斤

以治潰瘍復少用乾薑之辛烈以消潰瘍中之毒菌然愚聞之毒菌生於熱者惟涼藥可以消之黃連苦參之類是也生於涼者惟熱藥可以消之乾薑川椒之類是也桃花湯所主之下膿血果係熱毒何以不用黃連苦參佐石脂而以乾薑佐石脂乎雖乾薑止用一兩亦可折爲今之三錢雖分三次服下而病未愈者約必當日服盡夫一日之間服乾薑三錢其熱力不爲小矣而以施之熱痢下膿血者有不加劇者乎蓋下利膿血原有寒證卽小便不利亦有寒者注疏諸家疑便膿血及小便不利皆爲熱證之發現遂不得不於方中藥品強爲之解斯非其智有不逮實因臨證未多耳今特錄向所治之驗案二則以徵之

奉天陸軍連長何閣臣年三十許因初夏在鄭州駐防多受潮濕患痢數月不愈至季秋還奉病益加劇多下紫血雜以脂膜腹痛下墜或授以龍眼肉包鴉胆子吞服方服後下痢與腹痛益劇來院求爲診治其脈微弱而沈左脈幾不見俾用生硫黃細末攪熟麵少許爲小丸又重用生山藥熟地黃龍眼肉煎濃湯送服連服十餘劑共服生硫黃二兩半其痢始愈按此證脈微弱而沈少陰之脈也下紫血脂膜

初下膿血久則
變爲紫血脂膜

較下膿血爲尤

甚矣因其爲日甚久左脈欲無寒而且弱病勢極危非徑用桃花湯所能勝任故師其義而變通之用生山藥熟地黃龍眼肉以代石脂粳米用生硫黃以代乾薑數月沈疴竟能隨手奏效設此證初起時投以桃花湯亦必能奏效也

奉天省公署護兵石玉和忽然小便不通入西醫院治療西醫治以引溺管小便通出有頃小便復存蓄若干西醫又納以橡皮管使久在其中有溺卽通出乃初雖稍利繼則小便仍不能出遂來院求爲診治其脈弦遲細弱自言下焦疼甚且涼甚知其小便因涼而凝滯也爲擬方用人參椒目懷牛膝各五錢附子肉桂當歸各三錢乾薑小茴香威靈仙甘草沒藥各二錢連服三劑腹疼及便閉皆愈遂停湯藥俾日用生硫黃細末錢許分兩次服下以善其後方中之義人參靈仙並用可治氣虛小便不利椒目桂附乾薑並用可治因寒小便不利又佐以當歸牛膝茴香沒藥甘草諸藥或潤而滑之或引而下之或馨香以通竅或溫通以開瘀或和中以止疼衆藥相濟爲功所以奏效甚速也觀此二案知桃花湯所主之下利膿血小便不利皆爲寒證非熱證也明矣

答人問傷寒論以六經分篇未言手經足及後世論溫病者言入手經不入足經且

謂溫病不宜發汗之義

內經之論手足各經也凡言手經必名之爲手某經至言足經恒但名爲某經而不明指爲足某經固凡內經渾曰某經而未明言其爲手經足經者皆足經也仲師傷寒論以六經分篇其爲足經手經亦皆未明言而以內經之例推之其確爲足經無庸再議誠以人之足經長手經短足經原可以統貫全身但言足經手經亦卽寓其中矣至其既以足六經分篇而不明言足六經者在仲師雖循內經定例而實又別具深心也夫傷寒之證固屬於足經者多而由足經以及手經者亦時有之誠以人之手足十二經原無處不相貫通是以六經分篇之中每篇所列之證皆有連及手經之病若於分篇之際顯以足某經名之將有時兼有手經之病人亦誤認爲足經矣惟渾之曰某經是原以足經爲主實卽容納手經於足經之中此著書者提綱挈領之法不欲頭緒紛繁令人難於領略也後世未窺仲師之深意竟有謂傷寒入足經不入手經者而麻黃湯中麻黃與杏仁同用非因其所治之證於手太陰有涉乎承氣湯中大黃與朴硝同用非因其所治之證於手陽明有涉乎知此二方餘可類推也

至謂溫病入手經不入足經者其說尤為不經何以言之傷寒論第六節曰太陽病發熱而渴不惡寒者為溫病此太陽為手太陽乎抑為足太陽乎此固無容置辯者也蓋溫病以風溫為正亦以風溫為多故本節繼曰若發汗已身灼熱名曰風溫云云夫溫以風成必足太陽先受之此一定之理也惟患風溫之人多係臟腑間先有蘊熱因其冬日薄受外感未能遽發所感之邪伏於三焦脂膜之中隨春陽而化熱繼又薄受外感所化之熱邪受激動而驟發初則外表略有拘束歷數小時即表裏俱壯熱此近代論溫病者多忌用藥汗解而惟投以清解之劑若銀翹散桑菊飲諸方是也然此等方在大江以南用之原多效驗因其地煖氣和人之肌膚鬆淺溫邪易解散也而北人之用其方者恒於溫病初得不能解散致溫病傳經深入浸成危險之證愚目睹心傷因自擬治溫病初得三方

一為清解湯 方係薄荷葉四錢蟬退三錢生石膏六錢甘草錢半 一為涼解湯 方係薄荷葉三錢蟬退二錢生石膏一兩甘草錢半 一為寒解湯 方係生石膏一兩知母三錢連翹錢半 三方皆以汗解為目的視表邪內熱之輕重為分途施治其表邪重內熱輕者用第一方表邪內熱平均者用第二方表邪輕內熱重者用第三方方證脗合服之皆一汗而愈後南遊至漢皋用此三方以治溫病之初得者亦莫不隨手奏效由斯知南方於溫

病之初得亦非不可發汗特視所用發汗之藥何如耳且其方不獨治春溫有效也拙著
衷中參西錄初出版於奉天戊午仲秋奉天溫病盛行統戶口全數計之病者約有三分
之一其病狀又皆相似是溫而兼疫矣有天地新學社友人劉子修者在奉北開原行醫
彼見衷中參西錄載此三方遂斟酌用之救愈之人不勝計一方驚爲神醫爲之建立醫
院於開原車站由斯知春溫秋溫及溫而兼疫者其初得之時皆可汗解也

至於伏氣成溫毫無新受之外感者似不可發汗矣然伏氣之伏藏皆在三焦脂膜之中
其化熱後乘時萌動若有向外之機正可因其勢而利導之俾所用之藥與內蘊之熱化
合而爲汗

涼潤與燥熱化
合即可作汗

拙擬之三方仍可隨證施用也若其伏氣內傳陽明之府而變

爲大渴大熱之證此宜投以白虎湯或白虎加人參湯爲傷寒溫病之所同固不獨溫病
至此不宜發汗也且既爲醫者亦皆知此證不可發汗也然服藥後而能自汗者固屢見
耳至其人因冬不藏精而病溫伏氣之邪或乘腎虛下陷而成少陰之證者其蘊熱至深
脈象沈細當其初得固不可發汗亦非銀翹桑菊等方清解所能愈也愚師仲師之意恆
將傷寒論中白虎加人參湯與黃連阿膠湯併爲一方爲有石膏可省去芩連芍藥而用

鮮白茅根湯煎藥恒隨手奏效蓋此證因下陷之熱邪傷其腎陰致腎氣不能上潮於心其陰陽之氣不相接續是以脈之跳動無力用阿膠鷄子黃以滋補腎陰白虎湯以清肅內熱卽用人參以助腎氣上升茅根以透內邪外泄服後則脈之沈細者自變爲緩和復其常度脈能復常病已消歸無有矣夫傷寒溫病西人之所短實卽吾人之所長也惟卽所長者而益加精研庶於醫學淪胥之秋而有立定脚跟之一日此愚所以不避好辯之名雖與前哲意見有所齟齬而亦不暇顧也

溫病之治法詳於傷寒論解

傷寒溫病之治法始異而終同至其病之所受則皆在於足經而兼及於手經乃今之論寒溫者恒謂傷寒入足經不入手經溫病入手經不入足經夫人之手足十二經原相貫通謂傷寒入足經不入手經者固爲差謬至謂溫病入手經不入足經者尤屬荒唐何以言之傷寒論之開始也其第一節渾言太陽之爲病此太陽實總括中風傷寒溫病在內故其下將太陽病平分爲三項其第二節論太陽中風第三節論太陽傷寒

四節五節亦論傷寒當歸納於第三

中節第六節論太陽溫病故每節之首皆冠以太陽病三字此太陽爲手太陽乎抑爲足太

陽乎此固無容置辯者也由斯知中風傷寒溫病皆可以傷寒統之

難經謂傷寒有五中風溫病皆在其中

而其

病之初得皆在足太陽經又可渾以太陽病統之也蓋所謂太陽之爲病者若在中風傷

寒其頭痛項強惡寒三證可以並見若在溫病但微惡寒即可爲太陽病

此所謂證不必具但見一證即可定爲某經病

也然惡寒須臾卽變爲熱耳曾治一人於季春夜眠之時因衾薄凍醒遂覺周身惡寒至

前午十句鐘表裏皆覺大熱脈象浮洪投以拙擬涼解湯一汗而愈又嘗治一人於初夏

晨出被雨遂覺頭疼周身惡寒至下午一句鐘卽變爲大熱渴嗜飲水脈象洪滑投以拙

擬寒解湯亦一汗而愈至如此涼藥而所以能發汗者爲其內蘊之燥熱與涼潤之藥化

合自然能發汗又少用達表之品以爲之引導故其得汗甚速汗後熱亦盡消也此二則

皆溫病也以其初得猶須臾惡寒故仍以太陽病統之卽其化熱之後病兼陽明然亦

必先入足陽明迨至由胃及腸大便燥結而後傳入手陽明安得謂溫病入手經不入

足經入乎

由斯知傷寒論一書原以中風傷寒溫病平分三項特於太陽首篇詳悉言之以示人以

入手之正路至後論治法之處則三項中一切諸證皆可渾統於六經但言某經所現之

某種病宜治以某方不復別其爲中風傷寒溫病此乃納煩於簡之法亦卽提綱挈領之法也所尤當知者諸節中偶明言中風者是確指中風而言若明言爲傷寒者又恒統中風溫病而言以傷寒二字爲三項之總稱其或爲中風或爲傷寒或爲溫病恆於論脈之處有所區別也至於六經分編之中其方之宜於溫病者不勝舉今將其顯然可見者約略陳之於左

一爲麻杏甘石湯其方原治汗出而喘無大熱者以治溫病不必有汗與喘之兼證也但其外表未解內有蘊熱者卽可用然用時須斟酌其熱之輕重熱之輕者麻黃宜用錢半石膏宜用六錢石膏必須生用若煨之則閉入血脈斷不可用若熱之重者麻黃宜用一錢石膏宜用一兩至愚用此方時又恆以薄荷葉代麻黃薄荷葉代麻黃時其分最宜加倍服後得微汗其病卽愈蓋薄荷葉原爲溫病解表最良之藥而當仲師時猶未列於藥品故當日不用也

一爲大青龍湯傷寒論中用大青龍湯者有二節一爲第三十七節其節明言太陽中風脈浮緊夫傷寒請首節論太陽之脈曰浮原統中風傷寒而言至第二節則言脈緩者爲中風是其脈爲浮中之緩也第三節則言脈陰陽俱緊者爲傷寒是其脈爲浮中之緊也

今既明言中風其脈不爲浮緩而爲浮緊是中風病中現有傷寒之脈其所中者當爲粟

烈之寒風而於溫病無涉也一爲第三十八節細審本節之文知其確係溫病何以言之

以脈浮緩身不疼但重無少陰證也蓋此節開端雖明言傷寒仍是以傷寒二字爲中風

傷寒溫病之總稱是以傷寒初得脈浮緊溫病初得脈浮緩傷寒初得身多疼溫病初得

身恆不疼而但重傷寒論第六節溫病提綱中原明言身重傷寒初得恆有少陰證溫病則始終無少陰證少陰證有寒

陰之寒證言爲無少陰寒證所以敢用大青龍湯若少陰熱證溫病中恆有之正不妨用大青龍湯矣此數者皆爲溫病之明徵也况其病乍有輕時若在

傷寒必不復重用石膏惟係溫病則仍可重用石膏如鷄子大約有今之四兩因溫病當

以清燥熱救真陰爲急務也至愚用此方時又恆以連翹代桂枝雖桂枝連翹均能逐肌

肉之外感而一則性熱一則性涼溫病宜涼不宜熱故用桂枝不如用連翹而當日仲師

不用者亦因其未列入藥品也傷寒論方中所用之連翹是連翹根能利水不能發汗况大青龍湯中桂枝之分量僅爲麻

黃三分之一仲師原因其性熱不欲多用也

一爲小青龍湯其方外能解表內能滌飲以治外感痰喘誠有奇效中風傷寒溫病皆可

用然宜酌加生石膏以調麻桂薑辛之熱方效是以傷寒論小青龍湯無加石膏之例而

金匱有小青龍加石膏湯所以補傷寒論之未備也至愚用此湯時遇挾有實熱者又恆加生石膏至一兩強也

一爲小柴胡湯其方中風傷寒病皆可用而溫病中小柴胡湯證多兼嘔吐粘涎此少陽之火與太陰之濕化合而成也小陽傳經之去路爲太陰宜於方中酌加生石膏數錢或兩許以清少陽之火其粘涎自能化水從小便中出夫柴胡既能引邪上出石膏更能逐熱下降如此上下分消故服藥後無事汗解卽霍然全愈也

以上所述諸方大抵宜於溫病初得者也至溫病傳經已深若清燥熱之白虎湯白虎加人參湯通腸結之大小承氣湯開胸結之大小陷胸湯治下利之白頭翁湯黃芩湯治發黃之茵陳梔子蘘皮等湯及一切涼潤清火育陰安神之劑皆可用於溫病者又無庸愚之贅語也

至於伏氣之成溫者若內經所謂冬傷於寒春必溫病冬不藏精春必溫病之類傷寒論中非無其證特其證現於某經卽與某經之本病無所區別仲師未嘗顯爲指示在後世原難明辨且其治法與各經之本病無異亦無需乎明辨也惟其病在少陰則辨之甚易

何者因少陰之病寒熱迴分兩途其寒者爲少陰傷寒之本病其熱者大抵爲伏氣化熱之溫病也若謂係傷寒入少陰久而化熱何以少陰病兩三日卽有宜用黃連阿膠湯大承氣湯者蓋伏氣皆伏於三焦脂膜之中與手足諸經皆有貫通之路其當春陽化熱而萌動恆視臟腑虛弱之處以爲趨向所謂邪之所湊其處必虛也其人或因冬不藏精少陰之臟必虛而伏氣之化熱者卽乘虛而入遏抑其腎氣不能上升與心氣相接觸致心臟跳動無力遂現少陰微細之脈故其脈愈微細而所蘊之燥熱愈甚用黃連以清少陰之熱阿膠鷄子黃以增少陰之液卽以助少陰腎氣之上達俾其陰陽之氣相接觸脈象必驟有起色而內陷之邪熱亦隨之外透矣至愚遇此等證時又恆師仲師之意而爲之變通單用鮮白茅根四兩剉碎慢火煎兩三沸視茅根皆沈水底其湯卽成去渣取清湯一大碗頓服下其脈之微細者必遽變爲洪大有力之象再用大劑白虎加人參湯煎湯三茶杯分三次溫飲下每服一次調入生鷄子黃一枚其病必脫然全愈用古不必泥古仲師有知亦當不吾噴也

按西人新生理學家謂副腎髓質之分泌素減少則脈之跳動必無力所謂副腎髓質者

指兩腎之間命門而言也蓋命門爲督脈入脊之門因督脈含有脊髓故曰輔腎髓質其處爲腎系之根蒂脂膜相連共爲坎卦原與兩腎同爲少陰之臟其中分泌素減少脈卽變動無力此卽少陰病脈微細之理西人又謂鷄子黃中含有副腎腺副腎腺者卽所謂副腎髓質之分泌素也此卽黃連阿膠湯中用鷄子黃以滋腎之理且鷄子黃既含有副腎髓質之分泌素是其性能直接補腎此又黃連阿膠湯中鷄子黃生用之理以西人費盡研究工夫所得至精至奧之新生理竟不能出傷寒論之範圍誰謂吾中華醫學陳腐哉

傷寒論中有治溫病初得方用時宜稍變通說

應漢皋冉雪
峯君徵稿

傷寒與溫病始異而終同故論者謂傷寒論病入陽明以後諸方皆可用之於溫病而未傳陽明以前諸方實與溫病不宜斯說也善則善矣然細閱傷寒論諸方愚又別有會心也傷寒論謂太陽病發熱而渴不惡寒者爲溫病若發汗已身灼熱者名風溫風溫之爲病脈陰陽俱浮自汗出身重多眠睡息必鼾言語難出此仲景論溫病之提綱也乃提綱詳矣而其後未明言治溫病之方後世以爲憾事及反覆詳細觀之乃知傷寒論中原有

治溫病之方匯通參觀經義自明其第六十一節云發汗後不可更行桂枝湯汗出而喘無大熱者可與麻杏甘石湯夫此節之所謂發汗後即提綱之所謂若發汗也此節之所謂喘即提綱之所謂息必斫也由口息而喘者由鼻息即斫矣此節之所謂無大熱即提綱之所謂身灼熱也爲其但身灼熱是其熱猶在表心中仍無大熱兩兩比較此節原與提綱之文大略相同而皆爲溫病無疑也其所以汗後不解而有種種諸病者必其用溫熱之藥強發其汗以致汗出之後病轉加劇仲景恐人見其有汗誤認爲桂枝湯證而再投以桂枝湯故特戒之曰不可更行桂枝湯宜治以麻杏甘石湯則麻杏甘石湯實爲溫病衣證之的方雖經誤治之後其表證猶在者仍可用之以解表也蓋古人立言簡貴多有互文以見義者爲此節所言之病狀即溫病提綱所言之病狀故此節不再申明其爲溫病爲提綱未嘗言去而此節特言明治法以補提綱所未備將此二節相併讀之無待詮解自明也然此所論者風溫初得之治法提綱明言風溫之爲病若至冬傷於寒及冬不藏精至春乃發之溫病或至夏秋乃發之溫病恆有初發之時即於表證無涉者又不必定用麻杏甘石湯也

或問此節經文註疏家有疑其有差誤者以爲既言汗出何以復用麻黃既無大熱何以重用石膏此誠可疑之點敢以相質答曰此方之用麻黃者原藉以治喘兼以助石膏之力使達於表也用石膏者雖藉以清熱亦以調麻黃之性使不過發也蓋此證之熱在胃者少在胸者多胸居上焦仍爲太陽部位卽此證仍屬表證方中麻黃石膏並用石膏得麻黃則涼不留中麻黃得石膏則發有監制服後藥力息息上達旋轉於膈胸之間將外感邪熱徐徐由皮毛透出而喘與汗遂因之自愈仲景製方之妙實具有化機而又何疑乎且石膏性微寒原非大寒本經載有明文是以白虎湯用之以清陽明之大熱必佐以知母而後能建奇功爲此證無大熱所以不用知母也况此節之文兩見於傷寒論所微異者一在發汗後一在下後也豈一節之文差而兩節之文皆差乎特是此節經文雖無差誤而愚用麻杏甘石湯時於麻黃石膏之分量恆有變通原方分量石膏爲麻黃之兩倍而愚遇此證熱之劇者必將麻黃減輕石膏加重石膏恆爲麻黃之十倍卽其熱非劇石膏之分量亦必五倍於麻黃也

或問麻杏甘石湯既可爲溫病表證之的方何以衷中參西錄治溫病初得諸方薄荷連

翹蟬退諸藥與石膏並用而不以麻黃與石膏並用乎答曰此當論世知人而後可與論
古人之方仲景用藥多遵本經薄荷古原名苛本經不載別錄亦不載當仲景時猶未列
於藥品可知蚱蟬雖載於本經然古人止知用蟬不知用蛻較之蟬退皮以達皮者實遠
不如故仲景亦不用至連翹古惟用根卽麻黃連翹赤小豆湯之連翹也其發表之力亦
不如連翹也故身發黃病者仲景用之以宣通內熱利水去濕者非用以發表也爲此三
種藥當仲景時皆未嘗發明故於溫病之初候原宜辛涼解肌者亦以麻黃發之且防麻
黃之熱而以石膏佐之也若仲景生當今日則必不用麻黃而用薄荷連翹蟬退諸藥矣
卽初起之證兼喘者似必賴麻黃之瀉肺定喘而代以薄荷亦可奏效觀小青龍湯證兼喘者去
麻黃加杏仁是治外感之
喘不必定
用麻黃蓋此節所言之病狀若在傷寒原宜麻黃與石膏並用而在溫病卽宜薄荷與石
膏並用若其喘甚輕者在溫病中更宜以牛蒡代杏仁也 按麻杏甘石湯柯韻伯亦謂
係治溫病之方而愚作此說時猶未見柯氏之說也爲拙說復於柯氏說外另有發明
故仍錄之

論傷寒溫病神昏讖語之原因及治法

傷寒溫病皆有讖語神昏之證論者責之陽明胃實然又當詳辨其脈象之虛實熱度之高下時日之淺深非可概以陽明胃實論也

其脈象果洪而有力按之甚實者可按陽明胃實治之蓋胃腑之熱上蒸則腦中之元神心中之識神皆受其累是以神昏讖語不省人事或更大便秘結不但胃實且又腸實阻塞腎氣不能上交於心則亢陽無制心神恍惚亦多讖妄或精神不支昏潰似睡若斯者可投以大劑白虎湯遵傷寒論一煎三服之法煎湯三盅分三次溫飲下其大便燥結之甚者若大便燥結不甚者但投以大劑白虎湯大便即可通下其神昏讖語自愈也

有脈象確有實熱其人神昏讖語似可用白虎湯矣而其脈或兼弦兼數或重按仍不甚實者宜治以白虎加人參湯曾治一農家童子勞力過度因得溫病脈象弦而有力數近六至讖語不休所言皆勞力之事本擬治以白虎加人參湯因時當仲夏且又童年少陽之體遂先與以白虎湯服後脈搏力減而讖語益甚幸其大便猶未通下急改用白虎加人參湯將方中人參加倍煎湯三茶杯分三次溫飲下盡劑而愈蓋脈象弦數真陰必然虧損白虎加人參湯能於邪熱熾盛之中滋其真陰卽以退其邪熱蓋當邪熱正熾時但

用玄參沙參生地諸藥不能滋陰因其不能勝邪熱陰分卽無由滋長也惟治以白虎加人參湯則滋陰退熱一舉兩得且能起下焦真陰與上焦亢甚之陽相濟是以投之有捷效也

其證若在汗吐下後脈雖洪實用白虎湯時亦宜加人參曾治一縣署科長溫病之熱傳入陽明脈象洪實有力讖語昏瞢投以大劑白虎湯熱退強半脈力亦減而其至數轉數一息六至讖語更甚細詢其病之經過言數日前因有梅毒服降藥兩次遂急改用白虎加人參湯亦倍用人參

此兩案中用白虎加人參湯皆將人參加倍者因從前誤用白虎湯也若開手即用白虎加人參湯則人參無事加倍矣

煎湯二杯分三次溫

飲下亦盡劑而愈

有伏氣爲病因腎虛竄入少陰遏抑腎氣不能上升與心相濟致心脈跳動無力躁熱鬱中不能外透閉目昏昏似睡間作讖語此在冬爲少陰傷寒之熱證在春爲少陰溫病宜治以大劑白虎加人參湯用鮮白茅根煮水以之煎藥取湯三盅分數次飲下自愈

有患寒溫者周身壯熱脈象洪實神昏不語適用涼藥清之熱退脈近和平而仍然神昏或讖語者必兼有腦髓神經病當繼用治腦髓神經之藥曾治一學校學生溫病熱入陽

明脈象甚實神昏不語臥牀并不知轉側用白虎湯清之服兩劑後熱退十之七八脈象之洪實亦減去強半自知轉側而精神仍不明瞭當係溫病之熱上蒸致其腦膜生炎而累及神經也遂改用小劑白虎加人參湯又加羚羊角二錢另煎一劑而愈又治一幼童得溫病兩三日熱不甚劇脈似有力亦非洪實而精神竟昏昏似睡不能言語此亦溫病兼腦膜炎也因其溫病甚輕俾但用羚羊角錢半煎湯服之其病霍然頓愈蓋羚羊角中天生木胎性善解熱而兼有條達上升之性况其角生於頭原與腦部相連故善入人之腦中以清熱也

有寒溫之病傳經已徧將欲作汗其下焦陰分虛損不能與上焦之陽分相濟以化汗而神昏譏語者曾治一壯年仲夏長途勞役因受溫病已過旬日精神昏潰譏語不省人事且兩手亂動不休其脈弦而浮一息近六至不任循按兩尺尤甚投以大滋真陰之品若玄參生地黃生山藥甘枸杞天門冬之類共爲一大劑煎服一日連進二劑當日得汗而愈

有寒溫之病服開破降下之藥太過傷其胸中大氣迨其大熱已退而仍然神昏或譏語

者曾治一壯年得溫病延醫服藥二十餘日外感之熱盡退精神轉益昏沈及愚視之周身皆涼奄奄一息呼之不應舌乾如磋毫無舌苔其脈象微弱而遲不足四至其五六呼吸之頃必長出氣一次此必因服開降之藥太過傷其胸中大氣也蓋胸中大氣因受傷下陷不能達於腦中則神昏不能上潮於舌本則舌乾其周身皆涼者大氣因受傷不能宣佈於營衛也其五六呼吸之頃必長出氣一次者因大氣傷後不能暢舒故太息以舒其氣也遂用野臺參一兩柴胡一錢煎湯灌之連服兩劑全愈又治一少年於初春得傷寒先經他醫治愈後因飲食過度病又反覆投以白虎湯治愈隔三日陡然反覆甚劇精神恍惚肢體顫動口中喃喃皆不成語診其脈右部寸關皆無力而關脈尤不任循按愚曰此非病又反覆必因前次之過食病復而此次又戒飲食過度也飽食即可愈矣其家人果謂有鑑前失數日所與飲食甚少然其精神昏潰若斯恐其不能飲食愚曰果係因餓而成之病與之食必然能食然仍須撙節與之多食幾次可也其家人果依愚言十小時中連與飲食二次病若失蓋人胸中大氣原藉水穀之氣以爲培養病後氣虛又乏水穀之氣以培養之是以胸中大氣虛損而現種種病狀也然前案因服開降之藥傷其大

氣故以補氣兼升氣之藥治之後案因水穀之氣缺乏虛其大氣故以飲食治之斯在臨證者精心體驗息息與病機相符耳

有溫而兼疹其毒熱內攻昏亂其神明者曾治一少年溫病熱入陽明連次用涼藥清之大熱已退強半而心神騷擾不安合目恆作讒語其脈有餘熱似兼緊象因其脈象熱而兼緊疑其伏有疹毒未出遂投以小劑白虎湯送服羚羊角細末一錢西藥阿斯必林二分表出痧粒滿身而愈又治一幼女患溫疹其疹出次日即靨精神昏昏似睡時有驚悸脈象數而有力投以白虎湯加羚羊角錢半另煎用鮮蘆根三兩煮水以之煎藥取湯兩茶鍾分三次溫飲下其疹得用病亦遂愈

有其人素多痰飲其寒溫之熱熾盛與痰飲互相膠漆以亂其神明者曾治一童子得溫病三四日忽覺痰涎結胸其劇時痰涎上壅即昏不知人脈象滑而有力遂單用新炒瓜蒌仁四兩搗碎煎湯一大茶鍾服之頓愈又治一童子證脈皆如前用葶仁三兩蘇子五錢煎湯亦服之頓愈

有溫疫傳染之邪由口鼻傳入自肺傳心其人恒無故自笑精神恍惚言語錯亂妄言妄

見者曾治一媪患此證脈象有力關前搖搖而動投以拙擬護心至寶丹方載三期七卷係生石膏一兩滋黨參犀角粉羊角各二錢硃砂三分東牛黃一分將前三味煎湯送服後二味一劑而愈以上所謂寒溫諸證其神昏憤讖語之原因及治法大略已備至於通變化裁相機制宜又在臨證者之精心研究也

傷寒風溫始終皆宜汗解說

傷寒初得宜用熱藥發其汗麻黃桂枝諸湯是也風溫初得宜用涼藥發其汗薄荷連翹蟬退諸藥是也至傳經已深陽明熱實無論傷寒風溫皆宜治以白虎湯而愚用白虎湯時恆加薄荷少許或連翹蟬少許往往服後即可得汗卽但用白虎湯亦恆有服後卽汗者因方中石膏原有解肌發表之力因含有硫養輕原質故其方不但治陽明府病兼能治陽明經病况又少加辛涼之品引之以由經達表其得汗自易也

曾治鄰村夏姓年三十餘於冬令感冒風寒周身惡寒無汗胸間煩躁原是大青龍湯證醫者投以麻黃湯服後分毫無汗而煩躁益甚幾至瘋狂其脈洪滑異常兩寸皆浮而右寸尤甚投以拙擬寒解湯方載三期五卷覆杯之頃汗出如洗而愈又治邑北境常莊于姓年四旬爲風寒所束不得汗胸間煩熱又兼喘促醫者治以蘇子降氣湯兼散風清火之品數

劑病益進診其脈洪滑而浮投以寒解湯須臾上半身卽汗又須臾覺藥力下行其下焦及腿亦皆出汗病若失又治邑中故縣李姓少年得溫病延醫治不效遷延旬餘診其脈洪而實仍兼浮象問其頭疼乎曰然渴欲飲凉水乎曰有時亦飲凉水然不至燥渴耳知其爲日雖多陽明之熱猶未甚實表證猶未盡罷也投以寒解湯病人畏服藥先飲一半卽汗出而愈仍俾服餘一半以清未淨之熱然其大熱已消再服時亦不出汗矣又治一妊婦傷寒三日脈洪滑異常右脈關前兼浮舌苔白厚精神昏憤間作譫語爲開寒解湯方有一醫者在座問方中之意何居答曰欲汗解耳問此方能得汗乎曰此方用於此等證脈必能得汗若泛作汗解之藥服之不能汗也飲下須臾汗出而愈醫者訝爲奇異愚因曉之曰此方在拙著衷中參西錄中原治寒溫證周身壯熱心中熱而且渴舌苔白而欲黃其脈洪滑或兼浮或頭猶覺疼或周身猶有拘束之意者果如方下所註證脈服之覆杯可汗勿庸慮其不效也蓋脈象洪滑陽明府熱已實原是白虎湯證至洪滑兼浮舌苔猶白是仍有些些表證未能故方中重用石膏知母以清胃府之熱復少用連翹蟬退之善達表者引胃中化而欲散之熱仍還於表作汗而解斯乃調劑陰陽聽其自汗非強

發其汗也醫者聞之甚悅服

至其人氣體弱者可用補氣之藥助之出汗曾治本村劉叟年七旬素有勞疾薄受外感即發喘逆投以小青龍湯去麻黃加杏仁生石膏輒愈上元節後因外感甚重舊病復發五六日間熱入陽明之府脈象弦長浮數按之有力却無洪滑之象此外感兼內傷之脈投以寒解湯加潞參三錢一劑汗出而喘愈再診其脈餘熱猶熾繼投以白虎湯加人參湯以生山藥代粳米煎一大劑分三次溫飲下盡劑而愈

若陰分虛損者可用滋陰之藥助之出汗曾治鄰村高姓少年因孟夏長送勞役得溫病醫治半月無效其兩目清白竟無所見兩手循衣摸床亂動不休譫語不省人寧其大便從前滑瀉此時雖不滑瀉每日仍溏便一兩次脈象浮數右寸之浮尤甚兩尺按之即無因思此證目清白無見者腎陰將竭也手循衣摸床者肝風已動也病勢已危至極點幸喜脈浮爲病有還表之機右寸浮尤甚爲將汗之勢其所以將汗而不汗者人身之有汗如天地之有雨天地陰陽和而後雨人身亦陰陽和而後汗此證尺脈甚弱陽升而陰不應汗何由作當用大潤之劑峻補真陰濟陰以應其陽必能自汗遂用熟地玄參生山藥

枸杞之類約六七兩煎湯一大碗徐徐溫飲下一日連進二劑卽日大汗而愈

至其人陽分陰分俱虛又宜并補其陰陽以助之出汗張景岳曾治一叟得傷寒證戰而不汗於其翌日發戰之時投以大劑八味地黃湯須臾戰而得汗繼因汗多亡陽身冷汗猶不止仍投以原湯汗止病亦遂愈用其藥發汗卽用其藥止汗是能運用古方入於化境者也

至少陽證爲寒熱往來其證介於表裏之間宜和解不宜發汗矣然愚對於此證其熱盛於寒者多因證兼陽明恒於小柴胡湯中加玄參八錢以潤陽明之燥熱其陽明之燥熱化而欲散自能還於太陽而作汗少陽之邪亦可隨汗而解其寒盛於熱者或因誤服降下藥虛其氣分或因其氣分本素虛雖服小柴胡湯不能提其邪透膈上出又恒於小柴胡湯中加薄荷葉二錢由足少陽引入手少陽借徑於游部手足少陽合爲游部作汗而解此卽傷寒論所謂柴胡證具而以他藥下之柴胡證仍在者復與小柴胡湯必蒸蒸而振却發熱汗出而解也然助以薄荷則出汗較易卽由汗解不必蒸蒸而振致有戰汗之狀也至於當用承氣之證確非可發汗之證矣然愚臨證經驗以來恆有投以三承氣湯大便

猶未降下而卽得汗者蓋因胃府之實熱既爲承氣衝開其病機自外越也若降之前未嘗得汗既降之後亦必於飲食之時屢次些些得汗始能脈淨身涼若降後分毫無汗其熱必不能盡消又宜投以竹葉石膏湯成白虎加人參湯將其餘熱消解將盡其人亦必些些汗出也此所謂傷寒風溫始終皆宜汗解也

答徐韻英讀傷寒論質疑四則

古人之書不可不信又不可盡信孟子曰吾於武成取二三冊而已矣夫孟子爲周人武成爲其當代之書而猶云然况其爲上下數千年中間更歷十餘代又幾經變亂之餘且成於後世之編輯如仲景之傷寒論者乎愚不揣固陋敢將徐君所疑傷寒論四則反覆陳之

第一疑在太陽下篇第二十節其節爲病在太陽之表而不知汗解反用涼水噴之灌之其外感之寒已變熱者經內外之涼水排擠不能出入鬱於肉中而煩熱起粟然其熱在肌肉不在胃府故意欲飲水而不渴治宜文蛤散夫文蛤散乃蛤粉之未經煨煉者也服之其質不化藥力難出且雖爲蛤殼而實則介虫之甲其性沈降達表之力原甚微藉以

消肉上之起粟似難奏功故繼曰若不瘥者與五苓散其方取其能利濕兼能透表又能健運脾胃以助利濕透表之原動力其病當瘥矣然又可慮者所灌之涼水過多與上焦外感之邪互相膠漆而成寒實結胸則非前二方所能治療矣故宜用三物小陷胸湯或白散夫白散之辛溫開通用於此證當矣至於三物小陷胸湯若卽係小陷胸湯用於此證以寒治寒亦當乎註家謂此係反治之法夫反治者以熱治寒恐其扞格而少用涼藥爲引以爲熱藥之反佐非純以涼藥治寒也蓋註者震攝於古人之隆名卽遇古書有舛錯遺失之處亦必曲爲原護不知此正所以誤古人而更貽誤後人也是以拙著衷中參西錄於古方之可確信者恒爲之極力表章或更通變化裁推行盡致以窮其妙用於其難確信者則恒姑爲懸疑以待識者之論斷蓋欲爲醫學力求進化不得不不如斯也

此節中三物小陷胸湯唐容川疑其另爲一方非卽小陷胸湯然傷寒太陽病實鮮有用水噴水灌之事愚疑此節非仲景原文也

第二疑在太陽下篇三十二節其節爲太陽病醫發汗遂發熱惡寒因復下之心下痞表裏俱虛陰陽並竭無陽則陰獨復加燒針因胸煩面色青黃膚皴者難治今色黃手足濕

者易治按此節文義必有訛遺之字陰陽氣並竭句陳氏釋爲陰陽氣不交甚當至無陽則陰獨句鄙意以爲獨下當有結字蓋言誤汗誤下上焦陽氣衰微不能宣通故陰氣獨結於心下而爲痞也夫郭公夏五三豕渡河之類古經疊見若必句句按文解釋不亦難乎

第三疑在太陽下篇五十四節其節爲傷寒脈浮滑夫滑則熱入裏矣乃滑而兼浮是其熱未盡入裏半在陽明之府半在陽明之經也在經爲表在府爲裏故曰表有熱裏有寒內經謂熱病者皆傷寒之類也又謂人之傷於寒也則爲病熱此所謂裏有寒者蓋謂傷寒之熱邪已入裏也陳氏之解原如斯愚則亦以爲然至他註疏家有謂此寒熱二字宜上下互易當作外有寒裏有熱者然其脈象既現浮滑其外表斷不至惡寒也有謂此寒字當係痰之誤因痰寒二音相近且脈滑亦爲有痰之徵也然在寒溫其脈有滑象原主陽明之熱已實且足徵病者氣血素充治亦易愈若因其脈滑而以爲有痰則白虎湯豈爲治痰之劑乎

第四疑在陽明篇第七十六節其節爲病人無表裏證蓋言無頭痛項強惡寒之表證又

無腹滿便硬之裏證也。繼謂發熱七八日，雖脈浮數者，可下之。此數語殊令人詫異。夫脈浮宜汗，脈數忌下，人人皆知。况其脈浮數並見而竟下之，其病不愈而脈更加數也。必矣。故繼言假令已下，脈數不解，云云。後則因消穀善飢，久不大便而復以抵當湯下之。夫寒溫之證，脈數者必不思飲食，未見有消穀善飢者。且卽消穀善飢不大便，何以見其必有瘀血而經投以抵當湯乎？繼則又言若脈數仍不解而下不止，云云。是因一下再下而其人已下脫也。夫用藥以解其脈數，其脈數未解而轉致其下脫，此其用藥誠爲節節失宜，而猶可信爲仲景之原文乎？試觀陽明篇第三十一節，仲景對於下證如何，鄭重將兩節文對觀，則此節爲僞作昭然矣。夫古經之中，猶不免僞作，如尚書之今文，至方術之書，其有僞作也，原無足深訝。所望註疏家審爲辨別而批判之，不至貽誤於醫界，則幸甚矣。

答王景文問神州醫藥學報何以用真武湯治其熱日夜無休止立效

傷寒論真武湯乃仲景救誤治之方，其人本少陰煩燥，醫者誤認爲太陽煩燥而投以大青龍湯，清之散之太過，遂致其人真陽欲脫而急用真武湯以收回其欲脫之元陽。此真武湯之正用也。觀神州醫藥學報所述之案，原係外感在半表半裏中無大熱，故寒熱往

來脈象濡緩而投以濕溫之劑若清之散之太過證可變爲裏寒外熱即真寒假熱其元陽不固較少陰之煩燥益甚是以其熱雖日夜無休止口唇焦而舌苔黃膩其脈反細數微浮而濡也若疑脈數爲有熱而數脈與細浮濡三脈並見實爲元陽搖搖欲脫之候猶火之垂垂欲滅也急用鎮武湯以迎回元陽俾復本位則內不涼而外不熱矣是投以真武湯原是正治之法故能立建奇功此中原無疑義也特其語氣激昂務令筆鋒搖曳生姿於病情之變更用藥之精義皆未發明是以閱者未能瞭然也

論吳又可達原飲不可以治溫病

北方醫者治溫病恆用吳又可達原飲此大謬也吳氏謂崇禎辛巳疫氣流行山東浙江南北兩道感者尤多遂著瘟疫論一書首載達原飲爲治瘟疫初得之方原非治溫病之方也疫者天地戾氣其中含有毒菌徧境傳染若役使然故名爲疫因疫多病熱故名爲瘟疫病寒者名爲寒疫瘟卽溫也是以方中以逐不正之氣爲主至於溫病乃感時序之溫氣或素感外寒伏於膜原久而化熱乘時發動其中原無毒菌不相傳染治之者惟務清解其熱病卽可愈若於此鑑別未精本係溫病而誤投以達原飲其方中檳榔開破之力既能

引溫氣內陷而厚朴草果之辛溫開散大能耗陰助熱尤非病溫者所宜病溫者多陰虛尤忌耗陰之藥雖有知母芍藥黃芩各一錢其涼力甚輕是以用此方治溫病者未有見其能愈者也且不能愈更有於初病時服之卽陡然變成危險之證者此非愚之憑空擬議誠有所見而云然也

愚初習醫時曾見一媪年過六旬因傷心過度積有勞疾於仲春得溫病醫者投以達原飲將方中草果改用一錢謂得汗則愈乃服後汗未出而病似加重醫者遂將草果加倍謂服後必然得汗果服後頭面汗出如洗喘息大作須臾卽脫或疑此證之僨事當在服達原飲將草果加重若按其原方分量草果止用五分卽連服數劑亦應不至汗脫也答曰草果性甚猛烈卽五分亦不爲少愚嘗治脾虛泄瀉服藥不效因思四神丸治五更瀉甚效中有肉果本草謂其能健脾瀉腸遂用健補脾胃之藥煎湯送服肉果末五分須臾覺心中不穩六脈皆無遲半點鐘其脈始見恍惚病人身體虛弱不勝肉果辛散之力也草果與肉果性原相近而其辛散之力更烈於肉果雖方中止用五分而與檳榔厚朴並用其猛烈之力固非小矣由斯觀之達原飲可輕用哉

論吳氏溫病條辨二甲復脈二甲復脈二湯

金匱瘧病門有鱉甲煎丸治瘧病以月一日發當十五日愈設不愈當月盡解如其不瘥結爲癥瘕名曰瘧母此丸主之夫鱉甲煎丸既以鱉甲爲主藥是其破癥瘕之力多賴鱉甲則鱉甲具有開破猛烈之性明矣愚曾治久瘧不愈單用鱉甲細末四錢水送服服後片時覺心中怔忡殊甚移時始愈夫瘧當未發之先其人原似無病而猶不受鱉甲之開破况當病劇之候邪實正虛幾不能支而猶可漫投以鱉甲且重用鱉甲乎審斯則可進而與論吳氏溫病條辨中二甲復脈及三甲復脈二湯矣

吳氏二甲復脈湯所主之證爲熱邪深入下焦脈沈數舌乾齒黑手指但覺蠕動急防瘳厥二甲復脈湯主之其方中重用鱉甲八錢夫溫病之邪下陷大抵皆體弱之人爲其體弱又經外感之邪熱多日鑠耗則損之又損以致氣血兩虧肝風欲動其治法當用白虎加人參湯再加生龍骨生牡蠣各八錢方中之義以人參補其虛白虎湯解其熱龍骨牡蠣以鎮肝熄風此用白虎加人參湯兼取柴胡加龍骨牡蠣湯之義以熟籌完全自能隨手奏效也

其三甲復脈湯於二甲復脈湯中再加龜板一兩所主之證亦熱邪深入下焦熱深厥甚脈細促心中澹澹大動甚則心中痛者三甲復脈湯主之按此證邪益盛正益虛肝風已動乃肝經虛極將脫之候鱉甲色青入肝其開破之力注重於肝尤所當忌宜治以前方以生山藥生山藥能代稷米和胃入錢代方中稷米能滋真陰固氣化再用所煎藥湯送服硃砂細末五分亦可奏效或問吳氏禁白虎湯何以治此二證不能擬方盡善答曰吳氏誠爲近代名醫此非虛譽然十全之醫皆以白虎湯爲禁吳氏所短者不善用白虎湯而多所禁忌是以其書中謂脈浮而弦細者不可用白虎湯脈沈者不可用白虎湯汗不出者不可用白虎湯不渴者不可用白虎湯今觀其三甲所主之證一則脈沈數一則脈細促而皆不見有汗皆未言渴是皆在其禁用白虎例中是以對於此二證不用白虎湯加減而用復脈湯加減也獨不思龜板在本經亦主癥瘕藥房又皆用醋炙其開破之力亦非輕也

特是吳氏禁用白虎諸條有可信者有顯與經旨背者此尤不可不知吳氏謂脈浮弦而細者禁用白虎此誠不可用矣至其謂脈沈者汗不出者不渴者皆禁用白虎則非是卽愚素所經驗者言之其脈沈而有力歟當係熱邪深陷其氣分素有傷損不能托邪外出

治以白虎加人參湯補氣卽以清熱服後其脈之沈者卽起而有方者亦化爲和平矣其脈或沈而微細歟若確審其蘊有實熱此少陰腎虛伏氣化熱乘之致腎氣不能上潮以濟心脈之跳動是以其脈若與證相反亦可治以白虎加人參湯用鮮茅根二三兩煮水以煎藥若無鮮茅根乾茅根亦可用其性能發伏熱外出更能引藥力自上下達服後則脈之沈者卽起而微細者亦自復其常度矣其汗不出者若內蘊有實熱正可助以白虎湯以宣布其熱外達是以恆有病熱無汗服後卽汗出而愈者其有不能服卽得汗而其外達之力亦能引內蘊之熱息息自皮膚透出使內熱暗消於無形且吳氏原謂白虎湯爲達熱出表之劑又謂無汗者禁用白虎乎再者白虎湯所主之證兩見於傷寒論一在太陽篇一在陽明篇太陽篇提綱中未言出汗至陽明篇提綱中始有自汗出之文由斯知外感之熱深入已實無論有汗無汗皆可投之此爲用白虎湯之定法豈吳氏但記陽明篇用白虎湯之法而忘太陽篇用白虎湯之法乎又傷寒論用白虎湯之例渴者加人參其不渴而有實熱者單用白虎湯可知矣吳氏則謂不渴者不用白虎湯是渴者可但用白虎湯無須加人參也由斯而論吳氏不知白虎湯用法並不知白虎加人參湯用法矣夫白

虎湯與白虎加人參湯原爲治溫病最緊要之方吳氏欲辨明溫病治法而對於此二方竟混淆其用法如此使欲用二方者至望其所設禁忌而却步何以挽回溫病中危險之證乎愚素於吳氏所著醫案原多推許恒於醫界力爲提倡以廣其傳而茲則直揭其短者爲救人計不敢爲前賢諱過也

嘗考吳氏醫案作於溫病條辨之後其作溫病條辨時似猶未深知石膏之性故於白虎湯多所禁忌而不敢輕用其方中生石膏分量止一兩又必煎湯三杯分三次飲下至其醫案中所載之案若中風痿痺痰飲手足拘攣諸證凡其脈洪實者莫不重用生石膏或數兩或至半斤且恒連服若此有胆有識誠能深知石膏之性也善哉吳氏之醫學可謂與年俱進矣

論冬傷於寒春必溫病及冬不藏精春必溫病治法

嘗讀內經有冬傷於寒春必溫病之語此中原有深義非淺學者所易窺測也乃篤信西說者據病菌潛伏各有定期之說謂病菌傳於人身未有至一月而始發動者况數月乎因此一倡百合遂謂內經皆荒渺之談分毫不足憑信不知毒氣之傳染有菌而冬令嚴

寒之氣爲寒水司天之正氣特其氣嚴寒過甚或人之居處衣服欠暖或冒霜雪而出外營生卽不能禦此氣耳是以寒氣之中人也其重者卽時成病卽冬令之傷寒也其輕者微受寒侵不能卽病由皮膚內侵潛伏於三焦脂膜之中阻塞氣化之升降流通卽能暗生內熱迨至內熱積而益深又兼春回陽生觸發其熱或更薄受外感以激發其熱是以其熱自內暴發而成溫病卽後世方書所謂伏氣成溫也

至於治之之法有清一代名醫多有謂此證不宜發汗者然仍宜卽脈證之現象而詳爲區別若其脈象雖有實熱而仍在浮分且頭疼舌苔猶白者仍當投以汗解之劑然宜以辛涼發其汗若薄荷葉連翹蟬退諸藥且更以清熱之藥佐之若拙擬之清解湯涼解湯寒解湯三方

皆在衷中參西
錄三期五卷

斟酌病之輕重皆可選用也此乃先有伏氣又薄受外感之溫病也

若其病初得卽表裏壯熱脈象洪實其舌苔或白而欲黃者宜投以白虎湯再加宣散之品若連翹茅根諸藥如此治法非取汗解然恒服藥後竟自汗而解卽或服藥後不見汗其病亦解因大隊寒涼之品與清輕宣散之品相併自能排逐內蘊之熱息息自賡理

達於皮毛以透出也

此乃伏氣暴發自內達外之溫病春夏之交多有之

蓋此等證皆以先有伏氣至春深萌動欲發而

又或因暴怒或因勞心勞力過度或因作苦於烈日之中或因酣眠於暖室之內是以一發表裏卽壯熱治之者止可宣散清解而不宜發汗也此冬傷於寒春必溫病之大略治法也

內經又謂冬不藏精春必溫病此二語不但爲西醫之所指摘卽中醫對於此節經文亦恒有疑意謂冬不藏精之人若因腎虛而寒入腎中當卽成少陰傷寒爲直中真陰之劇證何以能遲至春令而始成溫病不知此二句經文原有兩解其所成之溫病亦有兩種至其治法又皆與尋常治法不同今試析言之並詳其當用之治法

冬不藏精之人其所患之溫病有因猝然感冒而成者大凡病溫之人多係內有蘊熱至春陽萌動之時又薄受外感拘束其熱卽陡發而成溫冬不藏精之人必有陰虛所生之熱積於臟腑而其爲外感所拘束而發動與內蘊實熱者同也其發動之後脈象多數息多微喘舌上微有白苔津液短少後或乾黃或舌苔漸黑狀如斑點爲舌苔甚薄若有若無故見舌皮變黑或頻飲水不能解渴或時入陰分益加潮熱此證初得其舌苔白時亦可汗解然須以大滋真

陰之藥輔之愚治此證恆用連翹薄荷葉各三錢玄參生地黃各一兩煎湯服之得汗卽愈若服藥後汗欲出仍不能出可用白糖水送服西藥阿斯必林二分許其汗卽出或單將玄參生地黃煎湯送服阿斯必林一瓦亦能得汗若至熱已傳裏舌苔欲黃或至黃而兼黑脈象數而有力然按之弦硬非若陽明有實熱者之洪滑此陰虛熱實之象宜治以白虎加人參湯更以生地黃代知母生山藥代粳米煎一大劑取湯一大碗分多次溫飲下拙著衷中參西錄三期六卷載有此方附載治愈之案若干可參觀也

又有因伏氣所化之熱先伏藏於三焦脂膜之中迨至感春陽萌動而觸發其發動之後恆因冬不藏精者其腎臟虛損伏氣乘虛而竄入少陰其爲病狀精神短少喜偃臥昏昏似睡舌皮乾亮無苔小便短赤其熱鬱於中而肌膚却無甚熱其在冬令爲少陰傷寒卽少陰證初得宜治以黃連阿膠湯者在春令卽爲少陰溫病而愚治此證恆用白虎加人參湯以生地黃代知母生懷山藥代粳米更先用鮮白茅根三兩煎湯以之代水煎藥將藥煎一大劑取湯一大碗分三次溫飲下每飲一次調入生鷄子黃一枚初飲一次後其脈當見大或變爲洪大飲至三次後其脈又復和平而病卽愈矣此冬不藏精春必溫

病者之大略治法也

右所論各種溫病治法原非憑空擬議也實臨證屢用有效而後敢公諸醫界同人也有溫病初得卽表裏大熱宜治以白虎湯或白虎加人參湯者其證發現恒在長夏或在秋夏之交而愚生平所遇此等證大抵在烈日之中或田間作苦或長途勞役此卽傷寒論所謂暈病也亦可謂之暑溫也其脈洪滑有力者宜用白虎湯若脈雖洪大而按之不足者宜用白虎加人參湯又皆宜煎一大劑分數次溫飲下皆可隨手奏效

論伏氣化熱未顯然成溫病者之治法

內經謂冬傷於寒春必溫病此言伏氣化熱成溫病也究之伏氣化熱成溫病者大抵因復略有感冒而後其所化之熱可陡然成溫表裏俱覺壯熱不然者雖伏氣所化之熱深入陽明之府而無外感東京其表究不能激發其肌肉之熱是以治之者恒不知其爲伏氣化熱放胆投以治溫病之重劑是以其熱遂永留胃府致生他病今試舉一案以明之

天津建設廳科長劉敷陳君愚在奉時之舊友也於壬申正月上旬覺心中時時發熱而周身又甚畏冷時愚回籍因延他醫診治服藥二十餘劑病轉增劇二便皆閉再服他藥

亦皆吐出少進飲食亦恒吐出此際愚適來津診其脈弦長有力然在沈分知其有伏氣化熱其熱不能外達於表是以心中熱而外畏冷此亦熱深厥深之象也俾先用鮮茅根半斤切碎水煮三四沸視茅根皆沈水底其湯卽成取清湯三杯分三次服每服一次將土狗三個搗爲末生赭石三錢亦爲細末以茅根湯送下若服過兩次未吐至三次赭石可以不用及將藥服後嘔吐卽止小便繼亦通下再診其脈變爲洪長有力其心中仍覺發熱外表則不畏冷矣其大便到此已半月未通下遂俾用大潞參五錢煎湯送服生石膏細末一兩翌晨大便下燥糞數枚黑而且硬再診其脈力稍緩知心中猶覺發熱又俾用潞黨參四錢送服生石膏細末八錢翌晨又下燥糞二十餘枚仍未見溏糞其心中不甚覺熱脈象仍似有力又俾用潞黨參三錢煎湯送服生石膏細末六錢又下燥糞十餘枚後則繼以溏糞病亦從此全愈矣蓋凡伏氣化熱竄入胃府非重用石膏不解傷寒論白虎湯原爲治此證之的方也然用白虎湯之例汗吐下後皆加人參以其虛也而此證病已數旬且頻嘔吐其元氣之虛可知故以人參煎湯送石膏此亦仿白虎加人參湯之義也至石膏必爲末送服者以其涼而重墜之性善通大便且較水煮但飲其清湯者其

退熱之力又增數倍也是以凡伏氣化熱其積久所生之病有成肺病者有成喉病者有生眼疾者有齒齦疼者有病下痢者有病腹疼者即皆其種種病因若皆由於伏氣化熱恒有用以切涼藥其病皆不能愈而投以白虎湯或投以白虎加人參湯再因證加減輔以各病常用之藥未有不隨手奏效者此治伏氣化熱之大凡也至於拙著全書中所載伏氣化熱之病甚多其治法亦各稍有不同皆可參觀

詳論猩紅熱治法

自入夏以來各處發生猩紅熱互相傳染天氣炎熱而病益加多加劇治不如法恆至不救夫猩紅熱非他卽痧疹而兼溫病也嘗實驗痧疹之證如不兼溫病其將出未出之先不過微有寒熱或頭微疼或眼胞微腫或肢體微痠懶或食慾不振其疹既出之後其表裏雖俱覺發熱而實無熾盛之劇熱治之者始終投以清表痧疹始終宜用表藥然宜表以辛涼不宜表以溫熱解毒之劑無不愈者卽或始終不服藥聽其自出自歷在一星期間亦可自愈此以其但有疹毒之熱而無溫病之熱相助爲虐故其病易愈耳

至於疹而兼溫者則與斯迥異其初病之時疹猶未出卽表裏壯熱因疹毒之熱尙未萌

芽而溫病之熱已熾盛也治之者宜將薄荷連翹蟬退諸托表之藥與玄參沙參天花粉諸清裏之藥並用其連翹可用三錢薄荷葉蟬退可各用錢半玄參沙參花粉可各用五錢再少加金銀花甘草解毒若慮其痧疹不能透達可用鮮茅根二兩如無可代以鮮蘆根水煎數沸以清湯數鍾以之代水煎藥煎湯一大鍾溫服其疹必完全透出矣或以外更用鮮茅數兩煎四五沸以其湯代茶更佳

若其痧疹雖皆透發於外面火猶熾盛且深入陽明之腑其舌從前白者至此則漸黃心中煩熱異常或氣粗微喘鼻翹煽動或神昏譫語腦膜生炎其大便乾燥小便赤澀此乃陽明胃腑大實之候而欲治陽明胃腑之實熱傷寒論白虎湯原爲千古不祕之良方爲其無有疹毒可於方中加連翹一錢羚羊角一錢另煎免服或磁細末送服無力之家可以金銀花二錢代之再用鮮茅根或鮮蘆根煮湯以之代水煎藥方中若用生石膏二兩可煎湯兩鍾分兩次溫服若用生石膏三兩可煎湯三鍾分三次溫服一劑熱未清者可服至數劑以服後熱退大便仍不滑瀉爲度

若其胃腑雖有大熱因小便不利而大便滑瀉者白虎湯又不可驟服宜先用滑石生懷

山藥各一兩生杭芍八錢連翹蟬退各錢半甘草三錢

此方即抽擬整陰宜
解渴在三期五期

煎湯一大鍾服之

其滑瀉當卽止瀉止之後熱猶不退者宜於初次方中加滑石六錢服之以退其熱仍宜煎湯數鍾徐徐溫服至於大熱已退疹已見靨而其餘熱猶盛者宜再治以滋陰清熱解毒之劑而仍少加托表之藥佐之方用玄參八錢沙參花粉各五錢連翹金銀花鮮蘆根各三錢甘草二錢可連服數劑其熱遞減藥劑亦宜隨之遞減迨服至其熱全消停服以上諸方若遇證兼喉痧者宜於方中加射干生蒲黃各三錢惟治大便滑瀉方中不宜加可外用硼砂生寒水石各二錢梅片薄荷冰各一分共研細吹喉中

按猩紅熱本非危險之證而所以多危險者以其證現白虎湯證時醫者不敢放胆用白虎湯治之也至愚治此證時不但胃腑大實之候可放胆投以大劑白虎湯卽當其疹初見點其人表裏壯熱脈象浮洪但問其大便實者恒用生石膏一兩或兩半煎湯送服西藥阿斯必林二分周身得微汗其疹全發出而熱亦退矣曾治一六七歲幼女病溫半月不愈其脈象數而有力肌膚熱而乾澀其心甚煩躁展轉牀上不能安臥疑其病久陰虧不堪外感之灼熱或其痧疹之毒伏藏未能透出是以其病之現狀若斯問其大便三日

未行投以大劑白虎加入參湯以生山藥代粳米又爲加連翹二錢蟬退一錢煎湯兩鍾分數次溫飲下連服二劑大便通下太熱已退心中仍騷擾不安再診其脈已還浮分擬其餘熱可作汗解遂用阿斯必林一瓦和白糖沖水服之周身得微汗透出白痧若干病遂愈由斯知阿斯必林原可爲透發痧疹之無上妙藥而石膏質重氣輕原亦具透表之性又伍以最善發表之阿斯必林其涼散之力盡透於外化作汗液而不復留中

石膏美水
毫無汗藥

是以不人治者約皆能爲之治愈也

復留中

愚初來津時原在陸軍爲醫正未嘗掛牌行醫時有中學教員宋志良君其兩兒一女皆患猩紅熱延醫治療無效因其素閱拙著衷中參西錄遂造寓懇求爲之診治卽按以上諸法爲之次第治愈其女年方九歲受病極重周身肌膚皆紅細審之爲所出之疹密布不分個數醫者見之謂凡出疹若斯者皆在不治之例志良亦深恐其不治愚曰此勿憂放胆聽吾用藥必能挽救不過所用之白虎湯中分量加重耳方中所用之生石膏自二三兩漸加至兩

若一劑分
作數次服

始完全清熱

凡如吐瀉次重用生石膏者其大便

甚重且難失便不難知也

志良喜甚遂

辦廣告數千張言明其事以徧布於津沽且從此授課之餘勤苦習醫今已醫術精通救人夥矣

按白虎湯方原以石膏爲主藥其原質係硫養輕鈣化合而成宜生用最忌煨用生用之則其硫養輕之性涼而能散以治外感有實熱者直勝金丹若煨之則其所含之硫養輕皆飛去所餘之鈣經煨卽成洋灰洋灰原料石膏居多能在水中結合點豆腐者用之以代鹵水若誤服之能將人之血脈凝結痰火錮閉故煨石膏用至七八錢卽足誤人性命迨至債事之後猶不知其誤在煨不在石膏轉以爲石膏煨用之其猛烈猶足傷人而不煨者更可知矣於斯一倡百和皆視用石膏爲畏途是以傷寒論白虎湯原可爲治猩紅熱有一無二之良方而醫者遇常用之時竟不敢放胆一用卽或有用者縱不至誤用煨石膏而終以生石膏之性爲大寒重用不過三四錢不知石膏性本微寒明載於神農本草經且質又甚重三四錢不過一小撮耳以微寒之藥欲止用一小撮以救熾盛之毒熱杯水車薪用之果何益乎是以愚十餘年來對於各省醫學誌報莫不提倡重用生石膏深戒誤用煨石膏而河北全省雖設有醫會實無誌報宣傳縱欲革此積弊恆苦無所憑藉殊難徒口

爲之呼籲今因論猩紅熱治法論及石膏實不覺心長詞費也

或問諸家本草皆謂石膏煨用之則不寒胃今謂若用煨石膏至七八錢卽足誤人性命是諸家本草之說皆不可信歟答曰本草當以本經爲主其石膏條下未言煨用至名醫別錄原附本經而行者於石膏亦未言煨用至劉宋時雷氏本草炮製書出對於各藥之製法論之最詳於石膏亦未言煨用迨有明李氏綱目出始載近人因其性寒火煨過用之不傷脾胃夫曰近人不遵流俗之傳說耳從此以後之撰本草者載其語而並將近人二字節去似謂石膏之製法亘古如斯不復研究其可否此誠所謂人云亦云以訛傳訛者也且卽用古人成方原宜恪遵古人規矩傷寒論白虎湯石膏下止註打碎綿裹未嘗言煨其徑用生者可知且煨者煮湯可代鹵水點腐是其性與鹵水同也友人桑素村_{山唐}人曾言其姊曾飲鹵水一兩殉夫盡節是鹵水不可服明矣豈性同鹵水之煨石膏獨可服乎

或問硫養之性原熱石膏中既含有硫養何以其性轉涼乎答曰硫養之性雖熱而參之以輕與養化合卽爲水素水之性原涼也且硫養相合卽爲西藥硫酸原與鹽酸硝酸同

列於解熱藥中既能解熱其性不當以涼論乎不但此也又如西藥阿斯必林最能解熱者也其原料爲楊柳皮液加硫酸製成也西藥規尼涅亦解熱藥也其原料爲鷄納霜加硫酸製成名硫酸規尼涅或加鹽酸製成名鹽酸規尼涅也又如犀角性涼爲中西所共認而化學家實驗此物之原質爲石灰質少含硫質既含有硫質又何以涼乎而強爲之解者有謂硫養之性少用則涼多用則熱者有謂衆原質相合可以化熱爲涼者究之天之生物凡具有特異之性者其功效恆出於原質之外也此乃物性之良能關於氣化之精微而不可徒卽形迹之粗以推測也

附案

天津法租界花園旁許姓學生年八歲於庚申仲春出疹初見點兩日卽歷家人初未介意遲數日忽又發熱其父原知醫意其疹毒未透自用藥表之不效延他醫治療亦無效偶於其友處見拙著衷中參西錄遂延爲診視其脈象細數有力肌膚甚熱問其心中亦甚熱氣息微喘乾欬無痰其咽喉覺疼其外咽喉兩旁各起疔瘡大如桃核之巨者撫之則疼此亦疹毒未透之所致也且視其舌苔已黃大便數日行知其陽明府熱已實必須

清熱與表散之藥並用方能有效遂爲疏方鮮茅根半斤生石膏二兩西藥阿斯必林一瓦半先將茅根石膏水煮四五沸視茅根皆沈水底其湯卽成取清湯一大碗三次溫飲下每飲一次送服阿斯必林半瓦初次飲後遲兩點鐘再飲第二次若初服後卽出汗後二次阿斯必林宜少用如法將藥服完翌日視之上半身微見紅點熱退強半脈亦較前平和喉疼亦稍輕其大便仍未通下遂將原方茅根改用五兩石膏改用兩半阿斯必林改前一瓦仍將前二味煎湯分三次送服阿斯必林服後疹出見多大便通下表裏之熱已退十之八九咽喉之疼又輕惟外邊疙瘡則仍舊愚恐其所出之疹仍如從前之壓急俾每日用鮮根四兩以之煮湯當茶外又用金銀花六錢甘草三錢煎湯一大杯分三次溫服每次送梅花點舌丹一丸

若在大人可作兩次
服每次送服二丸

如此四日疙瘡亦消無芥蒂矣

按此證脈僅細數有力原非洪大有力似石膏可以少用而方中猶用生石膏二兩及兩半者因與若干之茅根同煮而茅根之渣可以減去石膏之力也

又按此證若於方中多用羚羊角數錢另煎湯兌藥中服之亦可再將疹表出而其價此時太昂無力之家實辦不到是以愚擬得茅根石膏阿斯必林並用以代之凡證之宜用

羚羊角者皆可將此三味為方治之也且此三味並用又有勝於但用羚羊角之時也第
二卷羚羊角辨後附有治愈之案可參觀

論天水散

即六一散

治中暑宜於南方北方用之宜稍變通

河間天水散為清暑之妙藥究之南方用之最為適宜若北方用之原宜稍為變通蓋南
方之暑多挾濕故宜重用滑石利濕即以瀉熱若在北方病暑者多不挾濕或更挾有燥
氣若亦重用滑石以利其濕將濕去而燥愈甚暑熱轉不易消也愚因是擬得一方用滑
石四兩生石膏四兩粉甘草二兩硃砂一兩薄荷冰一錢共為細末每服二錢名之曰加
味天水散以治北方之暑病固效以治南方之暑病亦無不效也方中之義用滑石生石
膏以解暑病之熱而石膏解熱兼能透表有薄荷冰以助之熱可自肌膚散出滑石解熱
兼能利水有甘草以和之生甘草為末服之最善利水且水利而不傷陰熱可自小便瀉出又恐暑氣內侵心經為熱所
傷故仿益元散之義加硃砂天水散加硃砂名益元散以涼心血即以鎮安神明使不至怔忡昏亂也
又人受暑熱未必即病亦恆如冬令伏氣伏於膜原至秋深感涼氣激薄而陡然暴發腹
疼作瀉其瀉也暴注下迫恆一點鐘瀉十餘次亦有吐瀉交作者其甚者間或兩腿轉筋

然身不涼脈不閉心中惟覺熱甚急欲飲涼食冰者此仍係暑熱爲病實與霍亂不同丁卯季夏暑熱異常中秋節後發現此等證甚多重用生石膏煎湯送服益元散其病卽愈腹中疼甚者可用白芍甘草益元散中甘草甚少故加之與石膏同煎湯送服益元散若瀉甚者可用生山藥甘草與石膏同煎湯送服益元散或用拙擬滋陰潤燥湯方在三期五卷係滑石生山藥各一兩生梳考六錢甘草三錢加生石膏兩餘或二兩同煎服病亦可愈其欲食冰者可卽與之以冰欲飲井泉凉水者可卽與之以井泉水聽其盡量食之飲之無碍也且凡吐不止者若欲食冰聽其盡量食之其吐卽可止腹疼下瀉亦可並愈其間有不並愈者而其吐既止亦易用藥爲之調治也

論伏暑成瘧治法

方書謂冬冷多溫病夏熱多瘧疾此言冬日過冷人身有伏寒至春隨春陽化熱卽多成溫病夏日過熱身伏暑至秋爲薄寒所激發卽多生瘧疾也丁卯季夏暑熱異常京津一帶因熱而死者甚多至秋果多瘧疾服西藥金鷄納霜亦可愈而愈後恆屢次反覆姻家生姓少年寄居津門服金鷄納霜愈瘧三次後又反覆連服前藥數次竟毫無效驗診其

脈左右皆弦長有力夫弦爲瘧脈其長而有力者顯係有伏暑之熱也爲開白虎湯方重用生石膏二兩又加柴胡何首烏各二錢一劑而瘧愈恐未除根卽原方又服一劑從此而病不反覆矣此方用白虎湯以解伏暑而又加柴胡何首烏者凡外感之證其脈有弦象者必兼有少陽之病宜用柴胡清之而外邪久在少陽其經必虛又宜用何首烏補之二藥並用一扶正一逐邪也少陽與陽明並治是以伏暑愈而瘧亦隨愈也後旬日病者至寓致謝言從前服西藥愈後仍覺頭昏神瞇心中煩躁自服大劑石膏後頓覺精神清爽俯仰之間似別有天地石膏之功用何其弘哉愚曰石膏爲藥品中第一良藥真有起死回生之功然止宜生用而不可煨用余屢次登各處醫學誌報論之詳矣彼西人謂其不堪列於藥品者原其初次未定之論

近今西人已知石膏有大用詳於二卷石膏煨用卽同鹵水說篇

而崇西法者至今猶盛傳其說何其大夢猶未醒也

醫學衷中參西錄第五期第六卷

此卷論黃疸痢疾霍亂鼠疫四證黃疸原分內傷外感兩種痢疾似屬內傷然多感初秋之氣而成是亦兼外感也霍亂鼠疫雖爲外感傳染之證而病霍亂者多先脾胃傷損病鼠疫者多先腎臟虛弱是亦恒兼內傷也因將四證彙爲一編細細論之

論黃疸有內傷外感及內傷外感之兼證並詳治法

黃疸之證中說謂脾受濕熱西說謂胆汁濫行究之二說原可溝通也黃疸之載於方書者原有內傷外感兩種試先以內傷者言之內傷黃疸身無熱而發黃其來以漸先小便黃繼則眼黃繼則周身皆黃飲食減少大便色白恆多閉塞乃脾土傷濕不必有熱而累及胆與小腸也蓋人身之氣化由中焦而升降脾土受濕升降不能自如以敷布其氣化而肝胆之氣化遂因之湮瘀黃坤載謂肝胆之升降由於脾胃確有至理胆囊所藏之汁亦因之湮瘀而蓄極妄行不注於小腸以化食轉溢於血中而周身發黃是以仲景治內傷黃疸之方均是胆脾兼顧試觀金匱黃疸門其小柴胡湯顯爲治少陽胆經之方無論矣他如治穀疸之茵陳蒿湯治酒疸之梔子黃蘗湯一主以茵陳一主以梔子非注重清肝胆之熱俾肝胆消其炎腫而

胆汁得由正路以入於小腸乎至於渣女勞疸之硝石礬石散浮視之似與胆無涉深核

之實亦注重治胆之藥何以言之硝石為燄硝亦名火硝性涼而味辛得金之味礬石為

皂礬又名青礬綠礬礬石是皂礬不是白礬解在三期
第三卷兼定金匱硝石礬石散下係硫酸與鐵化合得金之質肝胆木盛胆

汁妄行故可藉含有金味金質之藥以制之皂礬色青味酸
尤為肝胆專藥彼訾中醫不知黃疸之原因

在於胆汁妄行者其生平未見仲景之書即見之而亦未能深思也

特是金匱治內傷黃疸雖各有主方而愚臨證經驗以來知治女勞疸之硝石礬石散不

但治女勞疸甚效即用以治各種內傷黃疸亦皆可隨手奏效惟用其方時宜隨證制宜

而善為變通耳

按硝石礬石散原方用硝石礬石等分為散每服方寸七一約重大麥粥送下其用大麥粥

者所以調和二石之性使之與胃相宜也大麥初夏即熟得春令發生之氣
最多不但調胃又善調和肝胆至愚用此方時為散

藥難服恆用炒熟大麥麵或小麥麵亦可與二石之末等分和水為丸如五味子大每服

二錢隨證擇藥之相宜者數味煎湯送下因藥中已的麥麵為丸
不必再送以大麥粥其有實熱者可用茵陳梔子煎

湯送服有食積者可用生鷄內金山查煎湯送服大便結者可用大黃麻仁煎湯送服小

便閉者可用滑石生杭芍煎湯送服惡心嘔吐者可用赭石青黛煎湯送服左脈沈而無力者可用生黃芪生薑煎湯送服右脈沈而無力者可用白朮陳皮煎湯送服其左右之脈沈遲而弦且心中覺涼黃色黯者附子乾薑皆可加入湯藥之中脈浮有外感者可先用甘草煎湯送服西藥阿斯必林一瓦出汗後再用甘草湯送服丸藥又凡服此丸藥而嫌其味劣者皆可於所服湯藥中加甘草數錢以調之

至內傷黃疸證皆宜用此丸者其原因有數端脾臟爲濕所傷者其膨脹之形有似水母嘗見漁人得水母敷以礬末所含之水卽全然流出因此散中有礬石其控治脾中之水亦猶水母之敷以礬末也又黃疸之證西人謂恆有胆石阻塞胆囊之口若尿道之有淋石也硝石礬石並用則胆石可消又西人謂小腸中有鈎蟲亦可令人成黃疸硝石礬石並用則鈎蟲可除此所以用此統治內傷黃疸但變通其送服之湯藥皆可隨手奏效也

至外感黃疸約皆身有大熱乃寒溫之熱傳入陽明之府其熱旁鑠累及胆脾或脾中素有積濕熱入於脾與濕合其濕熱蘊而生黃外透肌膚而成疸或胆中所寄之相火素熾

熱入於胆與火併其胆管因熱腫閉胆汁旁溢瀝於血中亦外現成疸是以仲景治外感黃疸有三方皆載於傷寒論陽明篇一爲茵陳蒿湯二爲梔子蘘皮湯三爲麻黃連翹赤小豆湯皆胆脾並治也且統觀仲景治內傷外感黃疸之方皆以茵陳蒿爲首方誠以茵陳蒿爲青蒿之嫩者其得初春生發之氣最早且性涼色青能入肝胆既善瀉肝胆之熱又善達肝胆之鬱爲理肝胆最要之品卽爲治黃疸最要之品然非仲景之創見也本經茵陳蒿列爲上品其主治之下早明言之矣以西人剖驗後知之病因早寓於中華五千年前爾始醫學之中也

至愚生平治外感黃疸亦卽遵用傷寒論三方面於其熱甚者恆於方中加龍胆草數錢又用麻黃連翹赤小豆湯時恆加滑石數錢誠以傷寒論古本連翹作連軹係連翹之根其利小便之力原勝於連翹今代以連翹恐其利水之力不足故加滑石以助之至赤小豆宜用作飯之赤小豆斷不可誤用相思子至於奉天藥房皆用相思子亦名紅豆者爲赤小豆誤甚若其證爲白虎湯或白虎加人參湯證及三承氣湯證而身黃者又恆於白虎承氣中加茵陳蒿數錢其間有但用外感諸方不效者亦可用外感諸方煎湯送服確

石礬石散

黃疸之證又有先受外感未卽病迨釀成內傷而後發現者歲在乙丑客居滄州自仲秋至孟冬一方多有黃疸證其人身無大熱心中滿悶時或覺熱見飲食則惡心強食之恆作嘔吐或食後不能下行劇者至成結證又聞有腹中覺涼食後飲食不能消化者愚共治六十餘人皆隨手奏效其脈左似有熱右多鬱象蓋其肝胆熱而脾胃涼也其原因爲本年季夏陰雨連旬空氣之中所含水分過度人處其中臟腑爲濕所傷肝胆屬木稟少陽之性濕鬱久則生熱脾胃屬土稟大陰之性濕鬱久則生寒此自然之理也爲木因濕鬱而生熱則胆囊之口腫脹不能輸其汁於小腸以化食轉溢於血分色透肌表而發黃爲土因濕鬱而生寒故脾胃火衰不能熟腐水穀運轉下行是以恆作脹滿或成結證爲疏方用茵陳梔子連翹各三錢瀉肝胆之熱卽之消胆囊之腫脹厚朴陳皮生麥芽麥芽生用不但能開胃且善舒肝胆之鬱各二錢生薑五錢開脾胃之鬱卽以祛脾胃之寒袪茯苓片生薏米赤小豆甘草各二錢瀉臟腑之濕更能培土以勝濕且重用甘草卽以矯茵陳蒿之劣味也

此證關茵陳之味多惡心嘔吐故用甘草調之

服一劑後心中不覺熱者去梔子加生杭芍三錢再服一劑若仍不能

食者用乾薑二錢以代生薑若心中不覺熱轉覺涼者初服卽不用梔子以乾薑代生薑涼甚者乾薑可用至五六錢嘔吐者加赭石六錢或至一兩服後吐仍不止者可先用開水送服赭石細末四五錢再服湯藥胃脘腸中結而不通者用湯藥送服牽牛熟炒頭末三錢通利後卽減去如此服至能進飲食卽可停藥黃色未退自能徐消此等黃疸乃先有外感內伏釀成內傷當於傷寒金匱所載之黃疸以外另爲一種矣

或問醫學具有科學性質原貴徵實卽議論之間亦貴確有實據仲景治黃疸雖云胆脾並治不過卽其所用之藥揣摩而得然嘗考之傷寒論謂傷寒脈浮而緩手足自溫是爲繫在太陰太陰者身當發黃是但言發黃證由於脾也又嘗考之金匱謂寸口脈浮而緩浮則爲風緩則爲痺痺非中風四肢若煩脾色必黃瘀熱以行是金匱論黃疸亦責重脾也夫古人立言原多渾括後世註疏宜爲詳解當西醫未來之先吾中華方書之祖述仲景者亦有顯然謂黃疸病由於胆汁溢於血中者乎答曰有之明季喻嘉言著寓意草其論錢小魯嗜酒成病謂胆之熱汁滿而溢於外以漸滲於經絡則身目俱黃爲酒疸之病云云豈非顯然與西說相同乎夫西人對於此證必剖驗而後知喻氏則未經剖驗而已

知非喻氏之智遠出西人之上誠以喻氏最深於金匱傷寒因熟讀仲景之書觀其方中所用之藥而有所會心也由斯觀之愚謂仲景治黃疸原胆脾並治者固非無稽之談也

徐伯英論審定硝石礬石散

金匱硝石礬石散方原治內傷黃疸經張壽甫氏之發明功效卓然大著至礬石卽皂礬張石頑亦曾於本經達源論及而先生則引本經兼名涅石爾雅又名羽涅卽一涅字知其當爲皂礬又卽其服藥後大便正黑色愈知其當爲皂礬可謂具有特識又於臨證之時見其左脈細弱者知係肝陽不能條暢則用黃芪當歸桂枝尖諸藥煎湯送服若見其右脈濡弱者知係脾胃不能健運則用白朮陳皮薏米諸藥煎湯送服不拘拘送以大麥粥此誠善用古方更能通變化裁者也友人史九州治一婦人病黃病五六年肌膚面目俱黃癸亥秋感受客邪寒熱往來周身浮腫九州與柴胡桂枝湯和解之二劑腫消寒熱不作遂配硝石礬石散一劑俾用大麥粥和服數日後復來云此藥入腹似難容受得無有他慮否九州令放胆服之倘有差錯吾願領咎又服兩劑其黃盡失九州欣然述之於予予曰仲聖之方固屬神矣苟非張先生之審定而闡發之則亦沈潛汨沒黯淡無光耳

噫古人創方固難而今人用方亦豈易哉

論痢證治法

唐容川曰內經云諸嘔吐酸暴注下迫皆屬於熱下迫與吐酸同言則知其屬於肝熱也仲景於下利後重便膿血者亦詳於厥陰篇中皆以痢屬肝經也蓋痢多發於秋乃肺金不清肝木過鬱肝主疏泄其疏泄之力太過則暴注裏急有不能待之勢然或大腸開通則直瀉下矣乃大腸爲肺金之腑金性收澹秋日當令而不使瀉出則滯塞不得快利遂爲後重是以治痢者關其肺氣清其肝火則下痢自愈

按此論甚超妙其推詳痢之原因及治痢之法皆確當愚今特引伸其說復爲詳悉言之蓋木雖旺於春而其發榮滋長實在於夏故季夏六月爲未月未者木重葉也言木至此旺之極也而肝臟屬木故於六月亦極旺肝木過旺而侮剋脾土是以季夏多暴注下瀉之證而痢證甚少因肺金猶未當令其收澹之力甚微也卽其時偶有患痢者亦多係濕熱釀成但利濕清熱病卽可愈是成六一散爲治暑痢之定方而非所論於秋日之痢也迨至已交秋令金氣漸伸木氣漸斂人之臟腑原可安於時序之常不必發生痢證也惟

其人先有蘊熱則肝木乘熱恣肆當斂而不斂又於飲食起居之間感受寒涼肺藉金乘寒涼之氣愈施其肅降收濇之權則金木相犯交迫於腸中而痢作矣是知痢之成也固由於金木相犯而金木之相犯實又因寒火交爭之力以激動之也若唐氏所謂開肺清肝原爲正治之法然止可施於病之初起非所論於痢病之已深也且統觀古今治痢之方大抵皆用之於初期則效用之於末期則不效今特將痢證分爲數期詳陳其病之情狀及治法於左

痢之初得也時時下利膿血後重腹疼而所下之膿則甚稠血則甚鮮腹疼亦不甚劇脈之滑實者可用小承氣湯加生杭芍四錢甘草二錢下之蓋方中朴實原可開肺大黃芍藥又善清肝且厚朴溫而黃芍涼更可交平其寒熱以成滌腸盪滯之功加甘草者取其能調胃兼能緩肝卽以緩承氣下降之力也

其脈按之不實者可治以拙擬化滯湯

方載三期疾痢門係生杭芍一兩當歸山查各六錢萊菔子五錢甘草生薑各二錢

方中之意用芍藥以

瀉肝之熱甘草以緩肝之急萊菔以開氣分之滯當歸山查以化血分之滯生薑與芍藥並用又善調寒熱之互相凝滯且當歸之汁液最滑痢患滯下而以當歸滑之其滯下愈

而痢自愈也

若當此期不治或治以前方而仍不愈或遷延數旬或至累月其腹疼寢劇所下者雖未甚改色而間雜以脂膜其脈或略數或微虛宜治以拙擬變理湯

方載三期痢疾門係生機山藥八錢生杭芍六錢金銀花五錢牛蒡

子甘草各二錢黃連肉桂各錢半

方中之意黃連肉桂煎時後入等分並用能交陰陽於頃刻以化其互爭實爲變理

陰陽之主藥卽爲解寒火凝滯之要品况肉桂原善平肝黃連原善厚腸二藥相助爲理

則平肝不失於熱厚腸不失於涼又佐以芍藥甘草善愈腹疼亦卽善解寒火凝滯也用

山藥者下痢久則陰分必虧山藥之多液可滋臟腑之真陰且下痢久則氣化不固山藥

之益氣更能固下焦之氣化也用金銀花牛蒡子者因所下者雜以脂膜腸中似將腐爛

二藥善解瘡瘍熱毒卽可預防腸中腐爛也其脈象若有實熱或更兼懶進飲食者宜用

此藥湯送服去皮鴉胆子三十粒

痢證雖因先有積熱後爲涼迫而得迨其日久又恆有熱無涼猶傷於寒者之轉病熱也

所以此方雖黃連肉桂等分並用而肉桂之熱究不敵黃連之涼况重用白芍以爲黃連

之佐使見其脈象有熱者又以之送服鴉胆子仁是此湯爲變理陰陽之劑而實則清火

之劑也。愚生平用此方治愈之人甚多。無論新痢久痢，皆可用鐵嶺醫士田聘卿用此方治愈。痢證多人曾登紹興醫報聲明。乙丑春在滄州遇滄州城南宜卿白君，原非業醫而好閱醫書，言其族弟年三十餘患痢，近一年百藥不效，寢至臥床不起。為開此方授之，服三劑全愈。

用右方雖新痢久痢皆可奏效，而其腸中大抵未至腐爛也。乃有腹中時時切疼，後重所下者多如爛炙雜，以脂膜是其腸中已腐爛矣。當治以拙擬通變白頭翁湯。方載三期痢疾門，係生山藥一兩白

頭翁生杭芍各四錢，秦皮生地榆三七各三錢，鴉胆子去皮六十粒，甘草二錢。先用白糖水送服三七鴉胆子，餘一半再將餘藥煎服。至將藥煎渣時，仍先用白糖水送服三七鴉胆子，餘一半。

方藥生地榆以清熱，三七鴉胆子以化瘀生新。治腸中腐爛而又重用生山藥以滋其久耗之津液，固其已虛之氣化，所以奏效甚捷也。愚在奉時有陸軍團長王劍秋君下痢甚劇，住東人南滿醫院中兩旬無效，曾以此方治愈。其詳案載此方之後，可考也。至素有鴉片嗜好者，無論其痢之初得及日久，皆宜治以此方用之，屢建奇功。至地榆方書多炒炭用之，而此方生用者，因生用性涼善保人之肌膚，使不因熱潰爛，是以被湯火傷肌膚者，用生地榆為末香油調敷，立愈。痢之熱毒侵入腸中，肌膚久至腐爛，亦猶湯火傷人肌膚。

至潰爛也此地榆之所以生用也至白頭翁湯原方原白頭翁秦皮與黃連黃柏並用方中藥品若此純用苦寒者誠以其方本治厥陰熱痢原挾有傷寒實熱今用以治痢久腸中腐爛故不得不為變通也

右之痢證又可治以拙擬生化丹

方載三期痢疾門係金銀花一兩生杭芍六錢粉甘草三錢三七細末三錢鴉胆子去皮六十粒

為其虛甚加生懷山

藥一兩先用白糖水送服三七鴉胆子各一半再將餘四味煎湯服至煎渣服時仍先用白糖水送服所餘之三七鴉胆子再煎服湯藥蓋痢證至此西人謂之腸潰瘍不可但以痢治宜半從瘡治是以用金銀花粉甘草以解瘡家之熱毒三七鴉胆子以化瘀生新而鴉胆子味至苦且有消除之力鴉胆子能又可除痢證傳染之毒菌用芍藥瀉肝火以治痢之本病又恐其痢久傷陰及下焦氣化不固是以又重用生山藥以滋陰液固氣化此所以投之必效也三期本方後載有醫案可參觀當愚初擬此方時猶未見西人腸潰瘍之說及後見西書其所載治法但注重治腸潰瘍而不知兼用藥清痢之本源是以不如此方之效也

又有下痢日久虛熱上蒸飲食減少所下者形如爛炙雜以脂膜又兼腐敗之色腥臭異常腹中時時切疼益甚者此腸中生機將斷其為病尤重矣宜治以前方再加潞黨參天

門冬各三錢此用參以助其生機卽用天冬以調濟參之熱也

又有因素傷烟色腎經虛德復下痢日久腸中欲腐爛其下焦之氣化愈虛脫而不能固攝者宜治以拙擬三寶粥

方載三期痢疾門係生機山藥細末一兩裹作粥送服去及鴉胆子五十粒三七細末二錢

方中之意用三七鴉胆子以

治腸中之腐爛用山藥粥以補下焦之虛脫也戊午中秋愚初至奉天有鐵嶺少年李濟臣者素有嗜好又多內寵患痢四十餘日屢次延醫服藥面病勢寢增亦以爲無藥可醫矣忽聞街中有賣卜者甚靈其姊代爲往卜卜者細爲推算言此病之危已至極點然幸有天馬星入命仍可於險中遇救問何爲天馬星言當應遠來之醫也時愚自漢皋四千餘里至奉數日卽應彼家延請診其脈細弱而數兩尺重按卽無所下者膿血相雜或似爛炙亦間有見好糞之時治以三寶粥方服後兩點鐘腹疼一陣下膿血若干其家人疑藥不對證愚曰非也腸中瘀滯下盡則愈矣俾再用白糖水送服鴉胆子仁五十粒時已屆晚九點鐘一夜安睡至明晨大便不見膿血矣後俾用山藥粥送服鴉胆子仁二十粒連服數次將鴉胆子仁遞減至六七粒不惟病愈身體亦漸強壯矣後聞濟臣愈後其舉家欣喜之餘又忽痛哭因濟臣之尊翁

本溪湖棧礦總辦

於前一歲因痢病故今因濟臣得救而愈

轉悉從前之未遇良醫而枉死也由斯知藥果對證誠有奪命之權也

又有下痢或赤或白或赤白參半後重腹疼表裏俱覺發熱服涼藥而熱不退痢亦不愈其脈確有實熱者此等痢證原兼有外感之熱其熱又實在陽明之腑非少陰篇之桃花湯所能愈亦非厥陰篇之白頭翁湯所能愈也惟治以拙擬通變白虎加人參湯則隨手奏效

方載三期痢疾門係生石膏二兩生杭芍八錢生懷山藥六錢野臺參五錢甘草二錢煎湯兩鍾分三次溫飲下

痢證身熱不休服清火藥而熱亦不休者方

書多諉爲不治然治果對證其熱焉有不休之理此誠因外感之熱邪隨痢深陷永無出路以致痢爲熱邪所助日甚一日而永無愈期治以此湯以人參助石膏能使深陷之熱邪徐徐上升外散消解無餘加以芍藥甘草以理後重腹疼生山藥以滋陰固下連服數劑熱退而痢亦遂愈方中之藥原以芍藥代知母生山藥代粳米與白虎加人參湯之原方猶相彷彿故曰通變白虎加人參湯也愚生平用此方治愈此等痢證甚多三期本方後載有數案可參觀也

按此外感之熱與痢相併最爲險證嘗見東人志賀潔著有赤痢新論大爲丁仲祐君所推許然其中載有未治愈之案二則一體溫至三十八度七分脈搏至百一十至神識蒙

昏言語不清舌腫大乾燥舌苔剝離顯然夾雜外感之實熱可知乃東人不知以清其外感實熱爲要務而惟日注射以治痢之血清竟至不救其二發劇熱夜發噪狂之舉動後則時發譫語體溫達四十度二分此又顯然有外感之大熱也案中未載治法想其治法亦與前同是以亦至不救設此二證若治以拙擬之通變白虎加人參湯若虛病重藥輕可將兩劑併作一劑煎湯四五茶杯分多次徐徐溫飲下病愈不必盡劑其熱焉有不退之理大熱既退痢自隨愈而東人見不及此者因東人盡棄舊日之中學而專尙西學也蓋中西醫學原可相助爲理而不宜偏廢吾國果欲醫學之振興固非溝通中西不可也右所論之痢證乃外感之熱已入陽明之腑者也然痢證初得恆有因外感束縛而激動其內傷者臨證者宜細心體察果其有外感束縛也宜先用藥解其外感而後治痢或加解表之藥於治痢藥中或用治痢煎湯送服西藥阿斯必林瓦許亦可解表設若忽不加藥則外感之邪隨痢內陷卽成通變白虎加人參湯所主之險證何如早治爲愈也

癘證雖爲寒熱凝滯而成而論者多謂白痢偏寒赤痢偏熱然此爲痢證之常而不可概論也今試舉治愈之兩案以明之

同莊張申甫表兄之夫人年近六旬素多疾病於季夏晨起偶下白痢至暮十餘次秉燭後忽然周身大熱昏不知人循衣摸床呼之不應其脈洪而無力肌膚之熱烙手知其痢因傷暑而成且多病之身不禁暑熱之薰蒸所以若是昏沈也急用生石膏三兩野臺參四錢煎湯一大碗俾徐徐溫飲下至夜半盡劑而醒詰朝煎渣再服熱退痢亦遂愈此純係白痢而竟若是之熱也

又奉天陸軍連長何閣臣年三十許因初夏在鄭州駐防多受潮濕患病數月不愈至季秋遠奉病益加劇下多紫血雜以脂膜間似爛灸腹中時時切疼或授以龍眼肉包鴉膽子仁方服之益增重來院求爲診治其脈微弱而沈左脈幾不見俾用生硫黃細末攪熟麥麵少許作丸又重用生山藥熟地黃龍眼肉煎濃湯送服日兩次每次服硫黃約有七八分服至旬餘始愈此純係赤痢而竟若是之寒也

又有前後連兩次病痢其前後寒熱不同者爲細診其脈前後迥異始能用藥各得其宜無所差誤今復舉兩案於左以徵明之

歲丁巳在德州有盧雅雨公曾孫女適桑園鎮吳姓年五十六歲於季夏下痢赤白延至

仲冬不愈延醫十餘人服藥百劑皆無效驗其弟盧月潭素通醫學偶與愚覲面談及問
還有治否答曰此病既可久延歲月並非難治之證但視用藥何如耳月潭因求往視其
脈象微弱至數略數飲食減少頭目時或眩暈心中微覺煩熱便時下墜作癢惟不甚劇
所下者赤白參半間有脂膜相雜詢其生平下焦畏涼是以從前服藥略加溫補上卽煩
熱略爲清解下卽泄瀉也乃爲初次擬得三寶粥方治之藥雖偏於涼而有山藥粥以補
其下焦服後必不至泄瀉上午服一劑病覺輕至晚間又服一劑其病遂愈後旬日因登
樓受涼其痢徒然反覆日下十餘次腹疼劇於從前其脈象微弱如前而至數不數俾仍
用山藥粥送服生硫黃細末三分亦一日服二次病大見愈脈象亦較前有力翌晨又服
一次心微覺熱又改用三寶粥方一劑而愈

又愚在奉天時有二十七師砲第一營營長劉鐵山於初秋得痢證甚劇其痢膿血稠黏
脈象弦細重診仍然有力治以通變白頭翁湯兩劑全愈隔旬餘痢又反覆自用原方治
之病轉增劇復來院求診其脈弦細兼遲不任循按知其已成寒痢所以不受原方也俾
用生懷山藥細末煑粥送服小茴香細末一錢生硫黃細末四分數次全愈

右所錄二案皆前病痢則熱後病痢則寒者也而治之者隨病機之轉移而互治以涼熱之藥自能隨手奏效至於第一案初次用涼藥治愈後用熱藥治之將愈而又以涼藥收功此又在臨證時細心研究息息與病機相赴也

又有痢證上熱下涼所用之藥宜上下分途以涼治上以熱治下者曾治天津法租界張姓媪年近五旬於孟秋患痢兩旬不愈所下者赤痢雜以血水後重腹疼繼則痢少瀉多亦兼瀉血水上焦煩熱噤口不食聞食味卽惡心欲嘔頭目眩暈不能起床其脈關前浮弦重診不實兩尺則微弱無根一息五至病人自覺心中怔忡精神恍惚似難支持此乃虛極將脫之兆也遂急用淨萸肉生懷山藥各一兩大熟地龍眼肉白龍骨各五錢生杭芍雲苓片炙甘草各二錢俾煎湯兩鍾分兩次溫服下初服一次心神卽覺安穩盡劑後少進飲食瀉痢亦少止又卽原方加生地黃四錢炙甘草改用三錢煎湯兩鍾分兩次溫服下每服一次送服生硫黃細末二分半日服一劑數日全愈

至於暑天熱痢宜治以六一散前已言之然南方之暑熱兼濕用六一散誠爲至當北方之暑熱恆不兼熱且有兼燥之時若用六一散時原當有所變通愚嘗擬得一方用之甚

效方用滑石生石膏各五錢硃砂粉甘草細末各二錢薄荷冰一分共和勻每服二錢開冰送下熱甚痢劇者一日可服五六次名之曰加味益元散蓋以六一散加硃砂爲益元散茲則又加石膏薄荷冰也

按暑熱之痢恆有有噤口不食者而治以加味益元散即可振興其食欲若非暑熱之痢而亦不思飲食者宜用硃砂粉甘草細末等分少加薄荷冰每服一錢竹茹煎湯送下即可思食蓋此等證多因肝胆之火挾胃氣上逆其人聞食味即惡心欲嘔所以不能進食用硃砂以降胃鎮肝甘草以和胃緩肝竹茹以平其逆氣薄荷冰以散其鬱熱所以服之即效也因此方屢次奏功遂名之曰開胃資生丹

又有當暑熱之時其肝胆腸胃先有蘊熱又更奔走作勞於烈日之中陡然下痢多帶鮮血其脈洪大者宜治以大劑白虎湯煎數鍾分數次溫飲下每次送服鴉膽子仁三十粒若其脈雖洪大而按之虛者宜治以大劑白虎加人參湯送服鴉膽子仁

又有痢久清陽下陷者即胸中大氣因痢下陷也其病情常覺下墜腹疼

此氣分下陷也
其下焦虛寒

或

痢或瀉多帶虛氣呼吸短氣或兼有寒熱往來其脈象遲弱者宜治以拙擬升陷湯

方載三期第四卷係生筍芪六錢知母三錢柴胡桔梗各錢半升麻一錢

去知母加生懷山藥六錢白頭翁三錢蓋原方之意原用生筍芪以升補胸中大氣而以柴胡桔梗升麻之善升清陽者以輔之更加知母以調劑黃芪之熱也茲因下焦瀉痢頻頻氣化不固故以白頭翁易知母而更以山藥輔之因知母之性寒而滑白頭翁之性涼而澀其涼也能解黃芪之熱其澀也能固氣化之脫且爲治痢要藥伍以山藥又爲止瀉之要藥也

又方書論痢證有所謂奇恆痢者言其迴異乎恆常之痢也愚於此證未見過特錄前哲之說以補之

張隱菴曰奇恆痢證三陽並至三陰莫當九竅皆塞陽氣旁溢咽乾喉塞痛併於陰則上下無常薄爲腸澼其脈緩小遲澇血溫身熱者死熱見七日者死蓋因陽氣偏劇陰氣受傷是以脈小沈澇此證急宜用大承氣湯瀉陽養陰緩則不救若不知奇恆之因見脈氣平緩而用平易之劑必至誤事

陳修園曰嘉慶戊午夏泉王孝廉患痢七日忽於寅卯之交聲微啞譏語半刻卽止酉刻死七月榕城葉廣文觀鳳之弟患同前證來延言伊弟患痢不甚重飲食如常惟早晨

微疼如見鬼狀午刻卽止時屆酉刻告以不必往診令其速回看視果於酉戌之交死此皆奇恆痢也若早投以大承氣湯猶可挽回細審隱菴修園所言奇恆痢之病狀病情知當係少陰熱痢蓋冬傷於寒未卽發或他時所受之寒未卽發伏於三焦脂膜之中久而化熱下陷於少陰若在冬令則爲少陰傷寒此少陰傷寒之熱證初得之即宜治以涼藥者也若在他時則爲少陰溫病即溫病中其熱甚實而脈反細者若再有肝火乘之可純下青色之水宜急用大承氣湯下之傷寒論有明文也蓋乙癸同源腎熱而肝亦恆熱當此少陰病熱之時肝腎之火相併可迫胆汁妄行而下青水卽可累腸中生炎下利膿血下青水者宜治以大承氣湯下膿血者亦宜治以大承氣湯固可比例而知也况修園所遇之兩證皆年在戊午天干爲火運地支又爲少陰司天腎中之火必旺司天者可主一歲之令不但主上半年况其病發於秋而其病根多伏於夏至七月則陽明燥金在泉熱而且燥其熱愈甚前證未詳病發何月而後證之發則在於七月也至二證之危皆在酉時者燥金正旺之時也隱菴謂此病之危在於七日修園所錄二案亦一死於七日因火之數生於二而成於七也

特是隱菴之論奇恆痢雖甚確然仍係渾同言之須代爲剖析其理始明蓋渾曰三陽並

至其脈象當浮大何以反沈而小乎渾曰三陰莫當凡陽盛陰虛者脈搏必數何以其脈之沈小者又復兼瀼瀼非近於遲乎惟確知其係少陰熱痢少陰有萎痢桃花湯所主之證是也其可疑之處自渙然冰釋蓋少陰之熱證因伏氣之熱下陷耗其真陰致腎中陰氣不能上潮與心中陽氣相濟則心脈之跳動必無力是以少陰之病無論或涼或熱其脈皆微細此證之脈小沈瀼與少陰病之脈微細者同也少陰之病因陰氣不上潮其上焦多生燥熱致咽痛咽中傷生瘡此證之咽乾微痛微啞與少陰病之咽痛咽中傷生瘡者同也至其所謂偶發譏語如見鬼狀者誠以少陰病因陰陽之氣不相接續所以多兼煩躁其煩躁之極言語狀態或至狂妄而仍與陽明大熱譏語不省人事者不同是以旋發而旋止也夫少陰病原多險證以其陰陽之氣果分毫不相接續其危險即可生於頃刻之間而奇恆痢證又加以肝胆之火與伏氣下陷之熱相助爲虐是以較他少陰證尤險隱菴謂治以大承氣湯乃急下之以存真陰也若下後而真陰不能自復其脈仍不起熱仍不退者擬以大劑白虎加人參湯去粳米代以生懷山藥一兩煎湯數鍾分數次徐徐溫飲下自當脈起熱退而痢亦遂愈也方中之義用百虎湯以清肝腎之熱用山藥以滋腎中真陰兼可代粳

米調胃協回甘草以緩白虎之下趨其滋腎之力又能協同人參以助陰氣之上潮其陰陽之氣互相接續脈之跳動自然舒暢臟腑之鬱熱亦即隨脈外透矣

又東人志賀潔赤痢新論謂熱帶之地有阿米巴赤痢阿米巴之現狀爲球形或爲橢圓之結核與尋常赤痢菌之爲桿狀者不同其外有包爲玻璃透明形其內結之核爲血球顯者膿球取新便下之混血黏液一滴置玻璃片上加以生理的食鹽水更以小玻璃片輕覆其上以顯微鏡視之若有假足之伸縮助其活動卽爲阿米巴赤痢之毒菌其劇者痢中混有壞疽潰瘍片而帶有腐肉樣之臭氣或爲污泥包至其證狀之經過與慢性赤痢大略相似其身體大率無過熱之溫度或遲至累年累月而猶可支持者此證治法宜日服甘汞十分瓦之三當分三次服連服七八日但須注意於中毒狀稍發現中毒形狀宜速停又可服硫黃半瓦一日三次又宜用金鷄納霜爲注腸劑惟不可卽用濃厚之液最初當用五千倍之溶液繼乃可用至千倍水者數日後則用至五百倍水者

觀東人此段議論可謂於痢證研究甚細愚未至熱帶所以未治過阿米巴痢然後又云間有傳至溫帶者而愚生平所治之痢若彼所述阿米巴之狀況者亦恆有之而但用自

所製諸方亦皆治愈其中有阿米巴痢與否原難決定以後再遇此等證當亦用其法驗之至彼謂阿米巴痢當治以硫黃而愚生平治痢原恆有用硫黃之時非因見其書而始知用硫黃也

諸痢之外又有所謂休息痢者其痢大抵皆不甚重而不易除根治愈恆屢次反覆雖遷延日久而猶可支持有若阿米巴痢之輕者至累年累月不愈而猶可支持也或此等痢卽阿米巴痢歟須待後實驗然其所以屢次反覆者實因有毒菌伏於大小腸曲折之處是以愈而復發惟用藥除淨其毒菌則不反覆矣至除之之法證之近於熱者可用鴉胆子仁以治痢之藥佐之近於涼者可用硫黃末而以治痢之藥佐之再者無論或熱或涼所用藥中皆宜加木賊一錢爲其性善平肝又善去腸風止血故後世本草謂其善治休息痢也其脾胃不健壯者又宜兼用健補脾胃之藥以清痢之上源自能祓除病根也又有非因痢之毒菌未淨實因外感之熱潛伏未淨而成休息痢者邑中諸生王荷軒年六十七歲於中秋得痢證醫治二十餘日不效後愚診視其痢赤白膠滯下行時覺腸中熱而且乾小便亦覺發熱腹疼下墜並迫其脊骨盡處亦下墜作疼且時作眩暈其脈滯

長有力舌有白苔甚厚愚曰此外感之熱挾痢毒之熱下迫故現種種病狀非治痢兼治外感不可投以通變白虎加人參湯兩劑諸病皆愈診其脈猶有餘熱擬再用石膏清之病家疑年高之人石膏不可屢服愚亦應聘他往後二十餘日痢復作延他醫治療於治痢藥中雜以甘寒濡潤之品致外感之餘熱永留不去其痢雖愈而屢次反覆延至明年仲夏反覆甚劇復延愚診治其脈象病證皆若從前因謂之曰去歲若肯多服生石膏數兩何至有以後屢次之反覆今不可再留邪矣仍投以通變白虎加人參湯連服三劑全愈而脈亦和平自此永不反覆

痢證又有日下痢頻頻其腸中仍有燥結必去其燥結而痢始愈者此固屬罕見之證而治痢者實不可不知也表弟劉昌緒年二十四歲於中秋下痢膿血稠黏一日十五六次腹疼後重甚劇治以化滯湯連服兩劑下痢次數似少減而後重腹疼如舊細診其脈尺部重按甚實疑其腸有結糞投以小承氣湯加生杭芍數錢下燥糞長約四寸後重腹疼頓愈十之八九再與以化滯湯一劑病若失

治痢最要藥品其痢之偏熱者當以鴉胆子爲最要之藥其痢之偏寒者當以硫黃爲最

要之藥以此二藥皆有消除痢中毒菌之力也此二種藥右所錄方案中已屢言之今再
詳細論之。

鴉胆子一名鴨蛋子爲其形橢圓若鴨卵也大如梧桐子外有黑硬皮其味極苦實爲苦
參所結之子藥行中亦有名爲苦參子者服時須去其硬皮若去皮時其中仁破者卽不
宜服因破者服後易消其苦味遽出恆令人嘔吐是以治痢成方有用龍眼肉包鴉胆子
仁囫圇吞服者藥房中秘方有將鴉胆子仁用益元散爲衣名之爲菩提丹者是皆防其
入胃卽化出其苦味也若以西藥房中膠囊盛之吞服雖破者亦可用其性善涼血止血
兼能化瘀生新凡痢之偏於熱者用之皆有捷效而以治下鮮血之痢瀉血水之痢則尤
效歲在壬寅有滄州友人滕玉可設教於鄰村其年過五旬當中秋時下赤痢甚劇且多
鮮血服藥二十餘日無效適愚他出新歸過訪之求爲診治其脈象洪滑知其純係熱痢
彼時愚雖深知鴉胆子之功效而猶以爲苦參子係通行共知名因謂之曰此易治買
苦參子百餘粒去皮揀其仁之成實者每服六十粒白糖水送下兩次卽愈矣翌日愚復
他出二十餘日始歸又訪之言徧詢藥房皆無苦參子後病益劇遣人至敝州購來果如

法服之兩次全愈真仙方也愚曰前因粗心言之未詳苦參子卽鴉胆子藥房中又名爲鴉蛋子各藥房中皆有特其見聞甚陋不知其爲苦參子耳後玉可旋里其族人自奉天病重歸來者大便下血年餘一身悉腫百藥不效玉可授以此方如法服之三次全愈鴉胆子又善清胃腑之熱凡胃脘有實熱充塞噤口不食者服之卽可進食鄰村武生李佐廷年五旬素有嗜好身形羸弱當霍亂盛行之時忽然腹中覺疼惡心嘔吐下利膿血懼甚以爲必是霍亂證診其脈毫無閉塞之象惟弦數無力左關稍實遂曉之曰此非霍亂乃下焦寒火交迫致腹中作疼下膿血上焦虛熱壅滯故惡心嘔吐實係痢證之劇者遂投以生杭芍六錢竹茹清半夏各三錢甘草生薑各二錢一劑嘔吐卽愈腹疼亦輕而痢猶不愈不思飲食俾但用鴉胆子仁二十五粒一日服兩次白糠水送下病若失審斯知鴉胆子不但善理下焦卽上焦鬱熱用之亦妙此所以治噤口痢而有捷效也

硫黃原稟火之精氣其挾有雜質者有時有毒若其色純黃卽純係硫質分毫無毒爲補相火煖下焦之主藥痢證下焦涼者其上焦恆有虛熱硫黃質重其熱力直達下焦而不至助上焦之虛熱且痢之寒者雖宜治以熱藥而仍忌溫補收瀉之品至硫黃諸家本草

謂其能使大便潤小便長西入謂係輕瀉之品是其性熱而能通故以治寒痢最宜也愚屢次品驗此藥人之因寒作瀉者服之大抵止瀉之時多更有五更瀉證服他藥不效而放胆服硫黃卽愈者又聞有本係因寒作瀉服硫黃而瀉轉劇者惟與乾薑白朮五味等藥同用則確能治因寒作瀉而無更瀉之弊古方書用硫黃皆係製用然製之則熱力減必須多服有時轉因多服而生燥實不如少服生者之爲愈也且擇其純係硫質者用之原分毫無毒亦無須多方製之也至其用量若以治寒痢一次可服二三分極量至五六分而以治他證則不在此例曾治鄰村泊北莊張氏婦年二十餘胃寒作吐所吐之食分毫不能消化凡食後半日吐出不消化者皆係胃寒醫治半年無效雖投以極熱之藥亦分毫不覺熱脈甚細弱且又沈遲知其胃寒過甚但用草木之品恐難療治俾用生硫黃細末一兩分作十二包先服一包過兩句鐘不覺熱再服一包又爲開湯劑乾薑炙甘草各一兩烏附子廣油桂補骨脂於朮各五錢厚朴二錢日煎服一劑其硫黃當日服至八包猶不覺熱然自此卽不吐食矣後數日似又反覆遂於湯劑中加代赭石細末五錢硫黃仍每日服八包其吐又止連服數日覺微熱俾將硫黃減半湯劑亦減半惟赭石改用三錢又服二十餘日甚

吐永不反覆。愚生平用硫黃治病，以此證所用之量爲最大。至於西藥中硫黃三種，其初次製者名升華硫黃，止外用於瘡瘍，不可內服用。升華硫黃再製之爲精製硫黃，用精製硫黃再製之爲沈降硫黃。此二種硫黃可以內服，然欲其熱力充足，服之可以補助元陽。溫緩下焦，究不若擇純質生硫黃服之之爲愈也。三期第八卷載有服生硫黃法，附有醫案若干，可參觀。

至西法治痢之方，謂初期宜用下劑。若甘汞、蓖麻子油、大黃、硫苦等是也。而最佳者，惟甘汞及蓖麻子油。方用甘汞半瓦，一次服下，再用蓖麻子油十五瓦，一次服下。當覺輕快，或先服蓖麻子油一次，後每間三時服甘汞半瓦，服至三次後，再服蓖麻子油一次，爲赤痢初期療法中之最佳者。若於服下劑之後，而仍未全愈者，宜用次硝酸蒼鉛二瓦、重曹一瓦、五安知必林一瓦、五白糖一瓦，五和勻爲一日之量，均分三次服下。此方若仍未全愈者，宜再用次硝酸蒼鉛三瓦、單那爾並二瓦、重曹一瓦，五和勻爲一日之量，均分三次服下。或用次硝酸蒼鉛三瓦、瓦魯貌拉兒並兩瓦，和勻爲一日之量，均分三次服下。按次硝酸蒼鉛對於腸壁肌膚最有被覆保護之功用，又能減少腸之運動，又有防腐之

力故爲止瀉要藥重曹外用爲含漱品於呼吸器之加答兒爲吸入藥內用於種種之消化不良爲制酸藥其他用於尿酸疼風僂麻質斯膀胱加答兒等安知必林爲確實普通之解熱藥凡肺勞之發熱腸窒扶斯熱間歇熱再歸熱及一切熱病皆用之又爲急性關節僂麻質斯特效藥又爲鎮痛藥凡僂麻質斯性骨節痛頭痛偏頭痛神經痛痛風月經痛等均用之又爲鎮痙之作用故能治喘息病與鹽酸歇魯因並用尤有特效外用爲防腐藥及止血藥單那爾並不甚溶解於胃中下至腸中始分解爲蛋白與單寧酸呈單寧酸之收斂作用故不害胃之消化機能爲腸之收斂藥本品爲無味之藥物最適於小兒之治療專用於大小腸加答兒腸濾囊之潰瘍機轉肺勞患者之下利慢性赤痢腸窒扶斯夏期小兒之下痢等瓦魯貌拉兒並係臭化沒食子酸與蛋白質之新化生物爲黑褐色粉末有芳香之氣入人腸內之後始現其收斂作用其收斂之性略似單寧酸而爲次硝酸蒼鉛之伍藥

觀右所錄三方中之藥性知其第一方爲解熱化滯防腐收斂之劑其第二方第三方則但爲防腐收斂之劑其製方之妙當以第一方爲最善蓋痢證多熱安知必林善解腸中

炎熱且有防腐之效痢證因氣化凝滯恒後重腹痛重曹力善化滯性與可除後重腹痛同至次硝酸蒼鉛雖有收斂之性似與痢證之滯下者不相宜而爲痢證防腐之主藥故亦爲治痢要藥至於第二三方雖亦能防腐而其收斂之力較重似有留邪之弊縱能將痢治愈必多需時日是以西醫治痢卽尋常痢證亦必歷旬日或至兩旬始能收功西學醫書所載治痢之案可考也近今用西藥治痢者於服通下藥後恆遽服乙必格散即阿片止吐根散之尤無足取夫痢證原名滯下其下本患滯而更投以收斂過劇之品滯者不愈滯乎惟治痢至將愈時或因下焦氣化不固而兼泄瀉者始不妨用止瀉之藥然所謂止瀉之藥亦非必收斂之品也或壯健其脾胃或補益其氣血或調節其飲食其泄瀉愈而痢亦隨愈矣至西醫治痢用防腐除菌藥以浣腸用痢門血清藥以注射則皆佳方也

論霍亂治法

霍亂爲最險要緊急之證且其證分陰陽陰證宜治以溫藥陽證宜治以涼藥設或辨證不清而涼熱誤投必兇危立見卽辨證清矣而用藥涼熱不爽亦未必能救其強半也已未孟秋奉天霍亂盛行吐瀉轉筋甚者脈閉身冷如冰而心中發熱嗜飲凉水愚斷爲陽

證而擬得急救回生丹一方藥性雖涼然善發汗且善解毒能使內伏之毒熱透表外出而身之涼者可溫脈之閉者可現時奉天警務處長王蓮波君兼爲臨時防疫總辦詢方於憲因爾此方與之後凡服此方者大抵皆愈繼又擬得衛生防疫寶丹方於前方之中加辛香溫通之藥兩味俾其藥性涼熱適均日服數十粒可暗消病根於無形若含數粒可省視病人不受傳染時有劉耀華者滄州城裏人充奉天財政廳司書見丐者病臥街頭吐瀉轉筋病勢垂危而耀華適帶有衛生防疫寶丹與以數十粒復至茶館尋開水半盞俾送下須臾吐瀉轉筋皆愈而可起坐矣繼有福順縣飄爾屯煤礦經理尙習珍來院購防疫之藥卽將衛生防疫寶丹二百包與之其煤礦工人患霍亂者或服八十粒或服一百二十粒皆完全救愈一方競託尙君來購此藥呼爲神丹由斯知衛生防疫寶丹之於霍亂既可防之於未然又可制之於既發其功效亦不減急救回生丹也

且此二方不獨用於奉天一方有效也斯歲直隸山東亦多此證直隸故城縣尹袁霖普君寄函問治此證之方因開急救回生丹方與之袁君按方施藥二百六十劑卽救愈二百六十人又將其方徧傳直隸山東各縣且又呈明省長登之北洋公報袁君可謂好

行其德者矣次年直南數十縣又有此證袁君復來問方審其所述病之情狀似陽中伏陰又爲寄去衛生防疫寶丹方袁君按方自製藥六大劑救愈千人仍復傳徧各縣呈明省長登之北洋公報且此兩次本籍鹽山亦有此證愚曾寄方於長子蔭潮亦按方施治皆奏效

按以上諸徵驗則急救回生丹與衛生防疫寶丹可爲治陽霍亂之定方矣而實未嘗以之治陰霍亂也卽有時霍亂或陽中伏陰或陰陽交爭亦止治以衛生防疫寶丹而未嘗治以急救回生丹也近時杭州裘吉生君所梓三三醫書其初集第八種爲時行伏陰芻言著此書者爲田雲搓未詳何時何地人評此書者爲當陽李貢三名振其所謂時行伏陰者吐瀉轉筋肌消目陷脈沈遲四肢拘緊腹疼心不覺熱此與陰證霍亂幾無以異而李君謂衛生防疫寶丹善治此證若兼有外感者急救回生丹亦可用此誠愚製方時所念不及此者也今錄其原文於左以備參觀

（時行伏陰芻言李君評語原文）辛酉六月三十日余方就診戚家不意長兒大新現年十二大泄不止及余回家而吐亦作矣其脈沈緊而遲四末微麻頭疼身熱無汗口渴此伏陰

而兼外感也投以急救回生丹此方係張壽甫先生所創載在醫學衷中參西錄本年暑
假內余按法製有數劑用之無不獲效小兒此證雖屬伏陰因有兼證須兼解表且先生
謂此丹服之可瀉覆得汗故與之從可知無論伏陰霍亂其病初起時可先與此丹令其
得汗以減其勢而後再分途治之可也若但係伏陰證身與以先生所製衛生防疫寶丹更妙乃服藥後須臾汗出吐瀉之
勢亦稍緩繼與以漂蒼朮三錢枳殼二錢厚朴錢半西砂仁廣陳皮炙甘草蘇葉各一錢
薄荷八分加生薑大棗煎湯服之未盡劑而愈 按其哲嗣爲兼外感所以身熱口渴若
但爲伏陰初則吐瀉繼則身冷轉筋目眶塌陷無一不與霍亂相同惟心中不覺發熱且
四肢有拘急之象耳斯實彷彿陰證霍亂與傷寒論後所載之霍亂相似故其書所載復
陽消陰法卽係附子理中湯今李君於其初得謂可治以急救回生丹且謂若治以衛生
防疫寶丹更妙蓋衛生防疫寶丹初服下覺涼繼則終歸於熱因冰片薄荷冰皆性熱用
涼也况細辛白芷原屬溫熱之品是以此丹之妙用在上能清在下能溫耳至急救回生
丹無辛芷之熱硃砂又加重藥性似偏於涼矣然硃砂原汞硫化合涼中含有熱性况冰
片薄荷冰亦加多發汗甚捷服後無論新受之外感久伏之邪氣皆可由汗透出也由斯

觀之若果係陽證霍亂卽放胆投以急救回生丹必能回生若不能斷其爲陰爲陽卽投以衛生防疫寶丹亦無不效也夫方自愚製經李君發明之而其用愈廣亦愈妙李君真愚之益友矣爰將三方之製法服法詳列於左

急救回生丹 頂好硃砂一錢半粉甘草細末一錢冰片三分薄荷冰二分共爲細末分三次服多半點鐘服一次開水送下溫覆得汗卽愈若初服卽得汗者後二次可徐徐服之吐劇者宜於甫吐後服之

衛生防疫寶丹 粉甘草細末十兩細辛細末兩半香白芷細末一兩薄荷冰細末四錢冰片細末三錢頂好硃砂細末三兩將前五味水泛爲丸桐子大陰乾不宜硃砂爲衣勿令餘剩務令外皮堅實光滑可不走味霍亂輕者服一百二十粒重者服一百六十粒或二百粒開水送下服一次未全愈者可繼續服至數次三方皆宜服之全愈然後停服

按衛生防疫寶丹多服亦可發汗無論霍亂因涼因熱用之皆效並治一切暴病痧頭疼心腦四肢作疼泄瀉痢疾呃逆治此病尤效若無病者每飯後服二十粒能使飲食速消飯量驟加實爲健胃良藥且每日服之尤能預防一切雜證不受傳染

霍亂之證有但用右二方不效者其吐瀉已極奄奄一息將脫者是也方書有謂霍亂爲脫疫者實指此候此時無論病因爲涼爲熱皆當急用人參八錢以復其陽生山藥一兩生杭

芍六錢以滋其陰山黃肉八錢以斂肝氣之脫此證吐瀉之始肝木助邪侮土吐瀉之極而肝氣轉先脫將肝氣斂住而土氣可固炙甘草三錢以和中

氣之瀉楮石細末四錢引人參之力下行卽以防其嘔吐硃砂童便先用溫熱童便送服硃砂細末五分再煎服前藥以交

其心腎此方載三期第四卷名急救回陽湯實陰陽俱補也心中覺熱者加天冬六七錢

身涼脈不見心中分毫不覺熱者去芍藥加烏附子一錢若心中猶覺熱雖身涼脈閉不

可投以熱藥汗多者莢肉可用至兩餘方中人參若用野臺參卽按方中分量若用東省

野山參分量宜減半另熟兌服按此方當用於吐瀉既止之後若其勢雖垂危而吐瀉猶

未止仍當審其涼熱用前二方以清內毒然後以此方繼之其服藥距離時間約在多半

點鐘 曾治奉天小南關寇姓媪霍亂吐瀉一日夜及愚診視時吐瀉已止周身皆涼六

脈閉塞精神昏潰閉目無聲而呼之仍有知覺且恆蹙其額知霍亂之毒猶擾亂於其心

中也問其吐瀉時情狀常覺心中發熱頻頻嗜飲凉水知其確係陽證先與以急救回生

丹三分之一和溫開水灌下遲半點鐘視其形狀較安仍身涼無脈俾煎急救回陽湯一

劑徐徐灌下且囑其服藥以後且不時少與以溫開水至翌晨復爲診視身熱脈出已罷
言語仍自言心中熱甚遂用玄參二兩潞參一兩煎湯一大碗俾徐徐溫飲下盡劑而愈
詳觀此案當知用急救回陽湯之方針矣

右所擬治霍亂三方急救回生丹宜於霍亂之偏熱者衛生防疫寶丹宜於霍亂之偏涼
者急救回陽湯以救霍亂之將脫者治霍亂之方似已略備然霍亂中間有大涼大熱之
證似宜另商治法今更進而申論之

傷寒論之論霍亂也主於寒且主於大寒若理中加附子通脈四逆加人參諸方皆治大
寒之藥也然其各節中多言惡寒四肢拘急厥冷或吐利汗出或寒多不用水必其病象
中現如此形狀且脈象沈細欲無者方可酌用傷寒論中諸方以急回其陽陽回之後間
有覺煩熱者又宜急服涼潤滋陰之藥以善其後蓋陽回其心臟跳動有力則脈可復身
可熱吐瀉亦可止因其從前吐瀉過劇傷其陰分是以陽回之後恆有覺煩熱者故又宜
服涼潤滋陰之藥以善其後也然此等證極少愚經歷霍亂多次所治若此等證者不過
四五焉

至霍亂之大熱者則恆有之憶昔壬寅孟秋邑中霍亂盛行按涼治者多債事按熱治者亦愈否參半惟放胆恣飲新汲井泉水者皆愈愚則重用羚羊角治愈此證若干因歲逢少陽相火司天司天者據管上半年實能主一歲現其病根原伏於夏歲干又是木運因其肝胆木氣過旺傷土故重用羚羊

角平之有效也後愚問恣飲井泉水愈者數人皆言彼時雖吐瀉交作脈微身涼而心中則熱而且渴須臾難忍惟恣飲凉水可稍解飲後須臾復吐出又須再飲過半日凉水飲近一大水筒熱渴漸愈而吐瀉亦止矣按此原當飲以冰水或食冰塊而鄉村無冰故以井泉水代之

又丁卯季夏天氣炎熱非常愚臨時偶食西瓜數塊睡至黎明覺心中攪亂惡心連吐三次繼又作瀉急服急救回生丹錢許心中稍安須臾病又如舊且覺心中發熱火氣上騰右腿轉筋而身不涼脈不閉自知純係熱證千金方治霍亂用治中湯即理中湯轉筋者加石膏是霍亂之兼熱者原可重用石膏也遂煎白虎加人參湯一大劑服後病又稍愈須臾仍然反覆心中熱渴思食冰遂買冰若干分作小塊吞之閱點半鐘約食冰二斤熱渴吐瀉俱止而病若失矣此雖因食涼物激動伏暑之熱然吐瀉轉筋非霍亂而何也右二

案皆證之大熱者也若無井泉水與無冰之處可用鮮梨片或西瓜蘸生石膏細末食之此愚治寒溫之病陽明大熱且嘔不受藥者之方也究之其病發動之時其大涼者仍宜先服衛生防疫寶丹其大熱者仍宜先服急救回生丹因此二藥皆能除毒菌助心臟使心臟不至受毒麻痺病自無危險也

時賢申濟人

順義縣人

曰霍亂有陰陽之辨若於六七月間或栖當樓窗或夜臥露地忽患上

吐下瀉兩腿筋抽眼窩青唇黑身涼有汗脈沈伏者此陰證也急以針刺尺澤少澤委中

此穴宜深寸許

十宣若吐瀉不止刺中脘水分其病立愈若身熱無汗脈沈緊腹疼甚嘔而不得上

出脹而不得下瀉此陽證也急用針刺少商委中尺澤腹疼不止刺氣海章門足三里依

法灸刺無不愈者 按此論辨陰陽之證頗精確其謂陰證腿筋抽者非轉筋也即傷寒

論所謂四肢拘急也若轉筋則陰陽之證皆有矣其謂眼窩青唇黑者斯實陰證之明徵

其謂身涼脈沈伏者陽證亦間有之然陰證至此時恒惡寒身欲厚覆陽證則始終不惡

寒即覆以單被亦不欲至其謂陰證有汗陽證無汗此論最確又其論陰證未言腹疼論

陽證則言腹疼甚蓋陽證邪正相爭仍有抗拒之力其吐不得吐瀉不得瀉者必然腹疼

卽吐瀉頻頻者亦恆腹疼至陰證則邪太盛正太衰豪無抗拒之力初得或猶有腹疼者至吐瀉數次後卽不腹疼矣至其以腹疼吐不能吐瀉不能瀉名爲乾霍亂者專屬於陽證尤具有特識所論針刺十餘穴皆爲治此證要者卽不諳針灸者亦宜單習此十餘穴以備不時之需且臨時果能針藥並用證愈必速總之證無論涼熱凡驗其病菌若蝟蚪形而曲其尾者皆霍亂也

又天津醫友鮑雲卿曰余遇純陰霍亂分毫不覺熱者恆用大塊生薑切成方片密排臍上兩層搏艾絨如棗大灸之其吐瀉轉筋可立止

從前壬寅歲少陽相火司天厥陰風木在泉風火相煽歲氣主熱其歲孟秋發生霍亂傳染甚廣其病皆肝胆之火熾盛前已言之今歲壬申其天干與壬寅年皆爲木運丁壬地化木

支寅與申其司天在泉皆同是以發生之霍亂亦多肝胆火盛因之嘔吐恆甚劇曾治一婦人得斯病卽飲水一口下咽亦卽吐出醫者皆窮於用藥後懇視之其六脈若有若無自言心中熱不能支問想食冰否答言想甚遂俾買冰若干囑其盡量吞服小冰塊約食冰斤半其嘔吐止矣遂與以急救回生丹一劑俾分三次服下病遂愈 按內經司天

在泉之說當時醫者多不信然臨證之際固不必拘拘本此而病證與氣運之會合恒有顯然可徵者千古詒留之聖訓豈可盡視爲荒渺哉

今歲霍亂過後有河南公安局劉鎮南君來函言當霍亂盛行之時偶披閱衷中參西錄得衛生防疫寶丹方自出資配藥一料服者皆愈同人見藥甚效又共集資配藥若干廣爲施舍並登本市民報且將方送全省賑務會以分送各縣分會廣爲施舍而同時災黎之賴以全活者不勝計矣

又山東煙台同善社高硯樵君來函言其處當霍亂猖獗之時紳商富戶共計配衛生防疫寶丹一百六十餘料約計治愈一萬多人且遇吐瀉已極將脫者兼治以急救回陽湯其陽回後間有發生火熱急投以白虎如人參湯治愈者其詳函在後第八卷中可參觀

論鼠疫之原因及治法

自鼠疫之證流毒甚烈醫者對於此證未之前聞卽治療此證未有專方致國家一遇此證之發生卽設局防疫委之西醫而西醫又毫無確實療法惟置之隔離所中聽其自死致患此證者百中難愈二三良可慨也不知此證發生之初原是少陰傷寒中之熱證類

至極點始醞釀成毒互相傳染今欲知此證之原因及治法須先明少陰傷寒中之熱證

嘗讀傷寒論少陰篇所載之證有寒有熱論者多謂寒水之氣直中於少陰則爲寒證自三陽傳來則爲熱證執斯說也何以少陰病兩三日卽有宜用黃連阿膠湯及大承氣湯者蓋寒氣侵人之重者若當時竄入少陰卽爲少陰傷寒之寒證其寒氣侵人之輕者伏於三焦脂膜之中不能使人卽病而阻寒氣化之流通暗生內熱後因腎臟虛損則伏氣所化之熱卽可乘虛而入腎或腎中因虛生熱與伏氣所化之熱相招引伏氣爲同氣之求亦易入腎於斯虛熱實熱相助爲虐互傷腎陰致腎氣不能上潮於心多生煩躁

此少陰病有心中煩躁之理再者心主脈而屬火必得腎水之上濟然後陰陽互根跳動常旺今既腎水不上潮則陰陽之氣不相接續失其互根之妙用其脈之跳動多無力

此少陰病無論寒熱其脈皆微細理之人身之精神與人身之氣化原相憑依今因陰陽之氣不相接續則精神失其憑依遂不能振作而昏昏欲睡

此少陰病但欲寐之理且腎陰之氣既不能上潮以濡潤上焦則上焦必乾而發熱口舌無津肺臟因乾熱而欬嗽咽喉因乾熱而作痛此皆少陰之兼證均見於少陰篇者

也內經謂冬傷於寒春必溫病此言伏氣化熱爲病也然其病未必入少陰也內經又謂冬不藏精春必溫病此則多係伏氣化熱乘虛入少陰之病因此病較伏氣入他臟而爲病者難於辨認且不易治療故於冬傷於寒春必溫病之外特爲明辨而重申之也蓋同是伏氣發動竄入少陰爲病而有未屆春令先發於冬令者則爲少陰傷寒卽係少陰傷寒之熱證初得之卽宜用涼藥者也其感春陽之萌動而後發及發於夏發於秋者皆可爲少陰溫病卽溫病之中有鬱熱其脈象轉微細無力者也其名雖異而治法則同也既明乎此試再進而論鼠疫

鼠疫之證初起其心莫不煩躁也其脈不但微細恆至數兼遲

間有初得脈洪數者乃鼠疫之最輕者

其精神頹

敗異常閉目昏昏不但欲睡且甚厭人呼喚其口舌不但發乾視其舌上毫無舌苔而舌

皮乾亮如鏡其入不但欬嗽咽痛其肺燥之極可至腐爛嘔吐血水

一奉天人言辛亥年此二垂危時多嘔吐血水

由

斯而論鼠疫固少陰熱證之至重者也雖其成鼠疫之後釀爲毒菌互相傳染變證歧出有爲結核性者有爲敗血性者而當其起點之初大抵不外右之所述也然此非愚之憑空擬議也試舉一案以徵之

民國十年黑龍江哈爾濱一帶鼠疫盛行奉天防範甚嚴未能傳染入境惟中國銀行與江省銀行互相交通鼠疫之毒菌因之有所傳染其行中經理施蘭孫者浙江人年三十餘發生肺病鼠疫神識時明時憤恒作譏語四肢逆冷心中發熱思食涼物小便短赤大便數日未行其脈沈細而遲心雖發熱而周身肌膚之熱度無異常人且閉目昏昏似睡呼之眼微開此誠傷寒論少陰篇所謂但欲寐之景象也其舌上無苔乾亮如鏡喉中亦乾甚且微覺疼時作乾欬此乃因燥生熱腎氣不能上達陰陽不相接續故證象脈象如此其爲鼠疫無疑也此證若燥熱至於極點肺葉腐爛欬吐血水則不能治矣猶幸未至其候急用藥調治尙可挽回其治之之法當以潤燥清熱爲主又必須助其腎氣使之上達與上焦之陽分相接續而成坎離相濟之實用則脈變洪大始爲吉兆爰爲疏方於左

生石膏三兩

搗細

知母八錢

錢

玄參八錢

錢

生懷山藥六錢

錢

野臺參五錢

錢

甘草三錢

錢

共煎湯三茶鍾分三次

溫飲下

按此方卽拙著衷中參西錄三期六卷中白虎加人參以山藥代粳米而又加玄參也方中之意用石膏以清外感之實熱用山藥知母玄參以下滋腎陰上潤肺燥用人參者誠

以熱邪下陷於少陰遏抑腎氣不能上達而人參補而兼升之力既能助腎氣上達更能助石膏以逐除下陷之熱邪使之上升外散也且凡陰虛兼有實熱者恒但用白虎湯不能退熱而治以白虎加人參湯始能退熱是人參與石膏並用原能立復真陰於邪熱熾盛之時也

將藥三次服完身熱脈起舌上微潤精神亦明瞭惟大便猶未通下內蘊之熱猶未盡清俾即原方再服一劑其大便遂通下餘熱亦遂盡消矣爲此證無結核敗血之現象而有肺燥舌乾喉疼之徵故可名之爲肺鼠疫也

後又治一人其病之狀況大致皆與前證同惟其脈之沈細及咽喉之乾疼則較前尤甚仍投以前方俾用鮮白茅煎湯以之代水煎藥及將藥煎成又調入生鷄子黃同服服後效驗異常因名其方爲坎離互根湯爰將其方詳細錄出以備醫界之採用

(坎離互根湯)

生石膏三兩

知

母八錢

玄參八錢

野臺參五錢

生懷山藥五錢

甘草二錢

鷄子黃三枚

鮮茅根四兩

切碎

先將茅根煎數沸視茅根皆沈水底取其湯以之代水煎方中前

六味取湯三鍾分三次溫服下每服一次調入生鷄子黃一枚此方比前方多鷄子黃而

又以茅根湯煎藥者因鷄子黃生用善滋腎潤肺而茅根稟少陽最初之氣其性涼而上并能發起脈象之沈細也

右方乃取傷寒論少陰篇黃連阿膠湯與太陽篇白虎加人參湯之義而合爲一方也黃連阿膠湯原黃連黃芩芍藥阿膠鷄子黃並用爲此時無真阿膠故以玄參代之爲方中有石膏知母可以省去黃連黃芩諸藥西人謂鷄子黃中含有副腎髓質之分泌素故能大滋腎中真陰實爲黃連阿膠湯中之主藥而不以名湯者以其宜生調入而不可煎湯也是以單用此一味而黃連阿膠湯之功用仍在至於白虎加人參湯中去粳米而以生山藥代之爲山藥之性既能和胃原方用粳米亦取其和胃又能助玄參雞子黃滋腎也用白虎湯以解伏氣之熱而更加人參者取人參與石膏並用最善生津止渴以解寒溫之燥熱而其補益之力又能入於下焦以助腎氣之上達俾其陰陽之氣相接續其脈之微細者可變爲洪大而邪可外透矣繼又服之脈之洪大者漸臻於和平而病卽全愈矣

欬嗽者加川貝母三錢咽喉疼者加射干三錢嘔吐血水者加三七細末二錢犀角羚羊角細末各一錢三味和勻分三次送服無力者但用三七亦可其大便不實者宜斟酌緩

服若大便滑瀉者非下焦有寒實因小便不利宜服拙擬滋陰清燥湯

方載三期五卷係生懷山藥滑石各一兩生杭芍藥

五錢甘草三錢

滑瀉止後再服前方又宜將方中石膏減作二兩生山藥倍作一兩緩緩與服其脈

象間有不微細遲緩而近於洪數者此乃鼠疫之最輕者治以此方一服當即速愈總之此證燥熱愈甚則脈愈遲弱身轉不熱若服藥後脈起身熱則病機已向愈矣愚初治此證時曾但用白虎加人參湯以生山藥代粳米治愈後擬得此方奏效尤捷

或疑寒溫之證皆不傳染鼠疫既為少陰寒溫證之劇者所成何以獨易傳染不知其傳染之毒菌皆生於病終不愈甚至臟腑潰敗或因陰陽之氣久不接續血脈之流通可至閉塞因閉塞而成腐敗此皆足以釀毒以相傳染也少陰寒溫之未變鼠疫者其劇不至此所以不傳染也至此證之因傳染而成者其毒愈醞釀而愈甚即病不甚劇而亦可傳他人所以此病偶有見端即宜嚴為防範也

按此證之傳變又分數種後觀哈爾濱斯年報告之病狀實甚複雜今錄其原文於左以備參考

民國十年春哈爾濱防疫醫官趙含章君報告文斯年鼠疫之病狀染後三日至七日為

潛伏期先有頭痛眩暈食欲不振倦怠嘔吐等前驅證或有不發前驅證者繼則惡寒戰慄忽發大熱達三十九至四十度以上或稽留或漸次降下淋巴管發生腫脹在發熱前或發熱之一二日內概發腫塊一個有時一側同發兩個如左股腺與左腋窩腺而並發是也該腫塊或化膿或消散殊不一定大部沈嗜眠睡此即少陰證之但欲寐之理夜間每發譫語初期多泄瀉二三次尿含蛋白此傷腎之徵病後一二月肝脾常見肥大輕證三四日體溫下降可愈重證二日至七日多心臟麻痺其脈象細微同於少陰病脈可知此證可分腺腫性敗血性肺百斯篤即鼠疫三種腺腫百斯篤最占多數一處或各處之淋巴管並其周圍組織俱發炎證其鼠蹊腺及大腿上三角部之淋巴腺尤易罹之腋窩腺及頭部腺次之又間侵後頭腺肘前後耳前變後腺膝關節等其敗血性百斯篤發大如小豆之斑疼痛頗甚且即變為膿疱或更進而壞疽性潰瘍又有誘起淋巴腺炎者肺百斯篤之證劇烈殊甚一如加答兒性肺炎或格魯布肺炎咯出之痰中含有百斯篤菌乃最猛惡者也

按右段述鼠疫之情況可為詳悉盡致而竟未言及治法想西醫對於此證並無確實之治法也且其謂輕證三四日體溫下降可愈至其重證體溫不下降豈不可用藥使之下

降至言重證垂危恆至心臟麻痺推其麻痺之由卽愚所謂腎氣不上達於心其陰陽之氣不相接續心臟遂跳動無力致脈象沈遲細弱也此證若當其大熱之初急投以坎離互根湯既能退熱又能升達腎氣其心臟得腎氣之助不至麻痺卽不難轉危爲安也又其謂大部沈嗜眠睡與愚所經歷者之狀似昏睡皆有少陰病但欲寐之現象亦足徵愚謂此證係伏氣化熱入腎變成者原非無稽之談也特是愚前用之方因在奉天未見傳染之毒所以治法不備後閱山西醫誌載有廈門回春院院長吳君錫璜鼠疫消弭及療法一篇其用藥注重解毒實能匡愚所不逮爰詳錄之於左以備治斯證者之採取

(吳錫璜君登誌原文) 疫菌既染危險萬狀大略分爲腺鼠疫肺鼠疫二種其爲證也先犯心臟使心力衰弱凡脈搏如絲卽爲疫毒侵犯心臟惟一之確據其次體溫速升頭痛眩暈或作嘔吐漸漸意識朦朧陷於昏睡讖語狀態癡呆行步蹣跚眼結膜強度充血舌帶白色如石灰撒上成污紫如熟李頸腺腋窩大腿上近陰處起腫脹疼痛劇烈者三日卽死其神氣清者可多遷延數日尋常用方有效有不效茲將歷試有效者詳細錄出以公諸醫界

(王孟英治結核法) 初起用王孟英治結核方合神犀丹多服累效 方用金銀花二

蒲公英二 皂刺錢 粉甘草錢 嘔者去甘草加鮮竹茹一兩若無鮮竹茹可以淨青黛三錢

代之大便秘熱重者加大黃三錢水煎和神犀丹服如仍不止用藏紅花二錢煎湯送服

真熊胆二分即止此方用蒲公英金銀花皂刺合神犀丹不但解毒兼能解血熱散血滯

實為治鼠疫結核之聖藥若白泡疔本方去皂刺加白菊花一兩兼黑痘用神犀丹紫金

錠間服

達樵云病者發頭疼四肢倦怠骨節禁錮或長紅點或發丹疹或嘔或瀉舌乾喉痛間有

猝然神昏痰湧竅閉者此係穢毒內閉毒氣攻心宜用芳香辟穢解毒護心之品辟穢驅

毒飲主之

(辟穢驅毒飲) 西牛黃八分 人中黃三錢 九節菖蒲五分 藎 葉錢 忍冬蕊五錢 鮮者亦可

野鬱金一錢 水煎服如見結核或發斑或生疔如藏紅花八分單桃仁三錢熊胆四分送服 大

渴引飲汗多加犀角金汁神昏譫語宜用至寶丹或安宮牛黃丸開水和服先開內竅此

證初起不可即下審其口燥神昏熱熾有下證者先辟穢解毒然後議下每獲效下法

用大黃煮湯泡紫雪丹五分良忌早用大苦大寒以致冰閉若脈道阻滯形容慘淡神氣模糊惡核痛甚者宜用解毒活血湯

連翹三錢 柴胡二錢 葛根二錢 生地五錢 赤芍三錢 紅花五錢 桃仁八錢 川朴一錢 當歸半錢 甘草二錢

蘇木二兩 輕證初起每三點鐘服一次危證初起兩點鐘服一次或合數劑熬膏連連服之或熱或渴或出汗或吐血加生石膏一兩蘆根汁一杯和藥膏服並多服羚羊角及犀角所磨之汁孕婦加桑寄生一兩黃芩一兩略減桃仁紅花

熱甚口燥無津脈象洪數唇焦大渴者用清瘟敗毒飲項腫者俗名蝦蟆瘟用普濟消毒飲二方俱見溫熱證錄 多服必效吐紅涎者鮮蘆根取汁和服便秘熱加大黃三錢

按右所論者開端雖分肺鼠疫腺鼠疫至後則渾論鼠疫實未明言何者為肺鼠疫何者為腺鼠疫至西人則謂肺百斯篤由鼻腔肺胃腸中而吸收其毒於血中其證狀因種類而殊多有陡然惡寒繼則發熱一二日間或頭痛或有劇烈之腦證發狂而死者有狀似昏睡而起嘔吐腹痛雷鳴或大便泄瀉或便秘或便血者腺百斯篤首侵股腺鼠蹊發腫痛或先犯腋下腺而後及其他該腫腺鄰近之皮膚潮紅灼熱終則呈敗血證狀而死無

論何地苟發生此種病當盡力防其傳染 觀此論言肺鼠疫毒侵臟腑由口鼻傳入而
腺鼠疫止言其毒侵人之腺而未言其侵入之路以愚斷之亦由口鼻隨呼吸之氣傳入
蓋人身之腺爲衛氣通行之道路衛氣固與肺氣相貫通者也其人若先有伏氣之邪在
內則同氣相招疫毒卽深入臟腑其人若無伏氣之邪疫毒由口鼻傳入卽隨衛氣流轉
侵入腺中發生毒核其果發生毒核也固宜用吳君所言消核逐穢解毒諸方其非結核
而毒氣內陷也欲清熱兼托毒外出仍宜用拙擬之坎離互根湯蓋如西人之所謂狀似
昏睡趙君之所謂心臟麻痺吳君之所謂熱甚口渴無津者皆與愚所論少陰證變鼠疫
之狀況相似也爲其心腎不相濟上焦燥熱肺先受傷而治斯病者遂名之爲肺鼠疫也
若其人肺鼠疫與腺鼠疫並見者則愚與吳君之方又當並用或相其所緩急而或先或
後接續用之亦可

由少陰寒溫以變鼠疫是實愚之創論而近閱中古方書似早寓有此說千金方曰惡核
病者肉中忽有核累大如李核小如豆粒皮肉癢痛壯熱癢索惡寒是也與諸瘡根癰癤
結筋相似其瘡根癰癤因瘡而生似緩無毒惡核病猝然而起有毒若不治入腹煩悶澀

人皆由冬受溫風至春夏有暴寒相搏氣結成此毒也觀此論所謂惡核似卽係鼠疫之惡核觀其所謂冬受溫風至春夏又感寒而發又似愚所謂伏氣化熱下陷少陰由寒溫而變鼠疫也蓋伏氣化熱之後恆有因薄受外感而後發者由斯知鼠疫之證自唐時已有特無鼠疫之名耳

又鼠疫之名非起自西人也德州李保初藥言隨筆曰滇黔兩粵向有時疫痒子證患者

十中難愈二三甚至舉家傳染俗名耗子

爲鼠能耗物是以俗呼爲耗子

病以其鼠先感受如見有斃鼠人

觸其臭氣則病室中或不見鼠時證必流行所感病象無論男女壯弱一經發熱卽生痒子或在腋下或現兩胯兩腮或痛而不見其形遲則三五日速則一晝夜卽斃辛丑夏邑適有患此證者診之其脈輕則細數重則伏濇遂悟時證之由其所以鼠先感受者非有奇異之毒實感天地之氣偏耳以鼠穴居之性晝伏夜動藉地氣以生存如地氣不達陰氣失職鼠失其養卽不能居是以他徙不徙則斃人居天地氣交之中必二氣均調臟腑始順適無病設或二氣有偏其偏之極更至於孤獨人處其間卽大爲所累是以天地之氣通則爲泰塞則爲否泰則萬物生否則萬物枯此自然之理也今卽物性以證人病則

知二氣何者偏勝何者偏虛補偏救弊必能奏效

觀藥言隨筆之所云云知滇黔兩粵早有鼠疫之病亦早知其病起點於鼠故名爲耗子病其所謂生瘥子者或在腋下或現兩胯兩腮卽結核也且其謂地氣不達陰氣失職則鼠病又謂二氣偏之極則人卽不堪又謂天地之氣通則爲泰而萬物生泰則爲否而萬物枯諸多名論皆可與愚所謂少陰寒溫病因陰陽之氣不相接續致變鼠疫之理相發明也蓋彼所論者天地之氣化愚所論者人身之氣化究之人身之氣化實隨天地之氣化爲轉移當此地氣不達陰氣失職之時人身下焦之氣化亦必不能上達此時有病少陰寒溫者其爲鼠疫之起點固易易也至藥言謂鼠因穴居故先受病是又謂由鼠起點也總之自鼠起點或自人起點原無二理其起點之後愈傳愈廣亦愈傳愈毒則一也藥言隨筆一書誠於醫學多所發明惟其流傳不廣醫界多未見耳

又嘗考鼠疫之毒菌爲桿形兩端實而中空凡鐵桿之含有電氣者必一端爲陽電一端爲陰電今觀鼠疫毒菌之狀其兩端實者一端爲陽一端爲陰可知其中空者陰陽之氣不相接續可知病因如此毒菌之現狀亦如此是氣化之實際亦可以迹象求也由斯知

陰陽之氣相合卽爲生旺之氣陰陽之氣離卽爲腐敗之氣爲其身有腐敗之氣故內則氣化否塞致心臟麻痺肺臟潰爛外則血脈凝滯而或爲結核或爲敗血性也是以治此證者仍當以燮和陰陽爲保身立命之基使身中氣化生旺自能逐毒氣外出而又佐以清火消毒逐穢之品鼠疫雖至險亦可隨手奏效也

愚初作此鼠疫論時猶未見此藥言隨筆也故論成之後猶游移未遽以示人後見此書繼又見漢臬友人再雪峯鼠疫問題解決謂水不濟火則爲陽燥火不蒸水則又爲陰燥火衰不交於水固爲陰燥水凝自不與火交亦爲陰燥鼠疫之病陰凝成燥燥甚化毒之爲病也又謂他證以脈洪數爲熱進微弱爲熱退此證則以微弱爲熱進洪數爲熱退皆與愚所論少陰證可變鼠疫其病情脈狀莫不脗合因知拙論原不背謬乃敢登於誌報以公諸醫界至再君所著之書詳悉精微無理不澈無法不備洵可爲治鼠疫者之金科玉律而拙論中未採用其方者正以全書之方皆宜遵用非僅可採用其一二也欲研究鼠疫之治法者取再君之書與拙論參觀可也

又香山友人劉蔚楚治鼠疫結核之劇者曾重用麝香六分作十餘次用解毒活血清火

之藥煑湯連連送下而愈冉君治鼠疫方中亦有用所煑湯藥送服麝香以通絡透毒者
又可補吳君方中所未備也

又欒州友人朱鉢文告愚曰余有善消鼠疫結核之方用川大黃五錢甘草五錢生牡蠣六錢

瓜蒌仁四十粒連翹三錢煎湯服之其核必消按此方大黃五錢似近猛烈而與甘草等分

並用其猛烈之性已化爲緩和矣所以能穩善建功也

紹興名醫何廉臣先生愚之同庚友也所編全國名醫驗案最推重廣東羅氏芝園謂其
經驗弘富細心揣摩剖察病情如老吏斷獄羅列治法名將談兵以活血去瘀之方劃清
鼠疫主治界限允推卓識爰爲節述其因證方藥俾後學有所取法

(一探原因) 城市污穢必多鬱而成疹其毒先見鄉村污穢較少鬱而成疹其毒次及
故熱毒重蒸鼠先受之人隨感之由毛孔氣管入達於血管所以血壅不行也血已不行
漸紅漸腫微痛微熱結核如瘰癧多見於頸脇膂膀大腿之間亦見於手足頭面腹背爾
時體雖不安猶可支持病尚淺也由淺而深愈腫愈大邪氣與正氣相搏而熱作矣熱作
而見爲頭痛身痺熱甚而見爲大汗作渴則病已重矣

(二辨證候) 鼠疫初起有先惡寒者有不惡寒者既熱之後卽不惡寒有先核而後熱者有先熱而後核者有熱核同見者有見核不見熱者有見熱不見核者有汗有不汗者有渴有不渴者皆無不頭痛身痛四肢痠痺其兼見者疔瘡癰疹衄嗽咯吐甚則煩燥懊懣昏譫顛狂痞滿腹痛便結旁流舌焦起刺鼻黑如煤目瞑耳聾骨痠足腫舌脣裂裂脈厥體厥種種惡證幾難悉數無非熱毒迫血成瘀所致然其間亦有輕重核小色白不發熱爲輕證核小而紅頭微痛身微熱體微痠爲稍重證單核紅腫大熱大渴頭痛身痛四肢痠痺爲重證或陡見熱渴痛痺四證或初惡寒旋見四證未見結核及舌黑起刺循衣摸床手足攏舞脈厥體厥與疫證盛時忽手足抽搐不省人事面身紅赤不見結核感毒最盛壞人至速皆至危證

三論治法方藥古方如普濟消毒飲銀翹敗毒散近方如銀翹散代賑普濟散等雖皆能清熱解毒而無活血去瘀之藥用之多不效惟王清任活血解毒湯桃仁八錢去皮尖打紅花五錢當歸半錢川樸一錢柴胡一錢連翹三錢赤芍三錢生地五錢葛根一錢生甘草一錢方以桃仁爲君而輔以當歸去瘀而通壅連芍爲臣而兼以地清熱而解毒樸甘爲佐吏疏氣而和藥氣行

則血通柴葛以解肌退熱而拒邪邪除則病愈惟其對證用藥故能投無不效蓋此證熱毒本也瘀血標也而標實與本同重故標本未甚者原方可愈標本已甚者傳表宜加白虎傳裏宜加承氣毒甚宜加羚羊如連追後汗出熱清可減除柴葛毒下瘀少可減輕桃紅其他當隨證加減輕證照原方一服稍重證日夜二服加銀花竹葉各二錢如口渴微汗加石膏五錢知母二錢重證危證至危證於初起惡寒照原方服柴胡葛根各加一錢若見大熱初加銀花竹葉各二錢西藏紅花一錢危證錢半或加紫草三錢蘇木三錢疔瘡加紫花地丁三錢洋菊葉汁一杯沖小便不利加車前子三錢痰多加川貝母三錢生菜蕈汁兩瓢沖若痰壅神昏又非前藥可治當加鮮石菖蒲汁一瓢沖鮮竹瀝兩瓢沖或礞石滾痰丸三錢包煎若見顛狂雙劑合服加重白虎並竹葉心羚羊犀角西藏紅花各三錢血從上逆見衄咯等證加犀角丹皮各三錢鮮茅根鮮蘆根各四兩見癩加石膏一兩知母五錢元參三錢犀角二錢見疹加銀花牛蒡子各三錢竹葉大青葉丹皮各二錢老弱幼小急追祇用單劑日夜惟二服加石膏大黃減半所加各藥小兒皆宜減半五六歲一劑同煎分二次服重危之證一劑作一服幼小不能服藥用鍼刺結核三四刺以如

意油調經驗塗核散山慈菇三錢 真青黛一錢 生黃柏半錢 浙貝半錢 赤小豆二錢 共研細末日

夜頻塗十餘次可愈婦女同治惟孕婦加黃芩桑寄生各三錢以安胎初起卽宜急服熱

甚尤宜急追熱久胎必墜若疑桃仁紅花墜胎可改用紫草紫背天葵各三錢惟宜下者除科

以上諸法俱從屢次試驗得來證以強壯者爲多故於人屬強壯毒盛熱旺家資有餘者

每於重危之證必加羚羊犀角西藏紅花取其見效較捷耳無如人情多儉富者聞而退

縮貧者更可知矣茲爲推廣分別熱盛毒盛兩途隨證加藥亦足以治病如初係熱盛之

證加石膏知母淡竹葉或螺厝菜或名雷公根 龍膽草白茅根之類便可以清熱如兼有毒盛之

證加金銀花牛蒡子人中黃之類便可以解毒若熱毒入心包羚羊犀角藏紅花雖屬緊

要然加生竹葉心生燈心黃芩梔子麥冬心蓮子心元參心之類便可除心包之熱毒若

熱毒入裏加大黃樸硝枳殼以瀉之便可去腸胃之熱毒如此則貧者亦所費無幾矣

平潭友人李健頤當世名醫深得家學淵源著有鼠疫新編一書蒙贈一冊論鼠疫之病

謂係有一種黑蟻傳染於鼠再傳於人其中所載之醫案治法莫不精良而遇此證之熱

甚者恆放胆重用生石膏有一劑而用至八兩者有治愈一證而用至二斤強者可爲有

胆有識爰錄其治愈之案一則以爲治斯病者之表準

平潭觀音井蔡瑞春年五十八歲初起惡寒旋即發熱甚口渴手足痺疼膝下贅生一核熱痛非常胸脹嘔血目赤神昏脈數苔黃因其先觸覩死鼠毛竅大開毒氣傳入血管潛伏體內復因外感春陽之氣而爲引線是以胃熱則嘔逆肺傷則噴血熱深內竄肺絡肺與心近影響阻礙心不守舍故昏迷譫語此證涉危篤急宜清胃瀉肺攻毒解熱重劑急追庶能挽救方擬用加減解毒活血湯加石膏蘆根

荊芥穗三錢 連翹三錢 金銀花五錢 浙貝母三錢 生地黃五錢 赤芍藥三錢 桃仁五錢 川紅花三錢 紫草三錢

生石膏二兩 鮮蘆根一兩 雄黃精一錢 冰片五分 將前十味煎湯兩鍾分兩次溫服後二味共研

細分兩次用湯藥送服

將藥連服二劑嘔平血止熱退胸舒將原方減雄黃加錦紋大黃五錢以瀉胃中餘毒服兩劑諸恙悉解

醫學衷中參西錄第五期第七卷

此卷論痰飲欬嗽水臌氣臌吐血諸雜證多與前四期互相發明至於治血腫治疔治癩治革脈諸論則補從前所未備也後論婦女子科小兒科亦宜與從前諸編匯通參觀末則附以治瘋犬傷方解觸電氣方救外傷方皆活人之要術也

答臺灣嚴坤榮代友問痰飲治法

詳觀來案知此證乃寒飲結胸之甚者拙著衷中參西錄理飲湯原爲治此證的方特其藥味與分量宜稍爲變更耳今擬一方於左以備採擇 方用生箭芪一兩乾薑八錢於朮四錢桂枝尖茯苓片炙甘草各二錢厚朴陳皮各二錢煎湯服方中之義用黃芪以補胸中大氣大氣壯旺自能運化水飲仲景所謂大氣一轉其氣指水飲之氣乃散也而黃芪協同乾薑桂枝又能補助心肺之陽使心肺陽足如日麗中天陰霾自開更用白朮茯苓以理脾之濕厚朴陳皮以通胃之氣氣順濕消痰飲自除用炙甘草者取其至甘之味能調乾薑之辛辣而乾薑得甘草且能逗留其熱力使之綿長並能緩和其熱力使不猛烈也按此方即金匱苓桂朮甘湯加黃芪乾薑厚朴陳皮亦即拙擬之理飲湯

方在三期
第三卷

去芍

藥也原方之用芍藥者因寒飲之證有迫其真陽外越周身作灼或激其真陽上竄目眩耳聾芍藥酸斂苦降之性能收斂上竄外越之元陽歸根也

然必與溫補之藥同用方有此效

此病原無此

證故不用白芍至黃芪在原方中原以痰飲既開白覺氣不足者加之茲則開始卽重用黃芪者誠以寒飲固結二十餘年非有黃芪之大力者不能斡旋諸藥以成功也 又按此方大能補助上焦之陽分而人之元陽其根祇實在於下若更兼服生硫黃以培下焦之陽則奏效更速所言東硫黃亦可用須擇其純黃者方無雜質惟其熱力減少不如中硫黃耳其用量初次可服細末一錢不覺熱則漸漸加多一日之極量可至半兩然須分四五次服下不必與湯藥同時服或先或後均可

附原問 向讀尊著醫學衷中參西錄所擬諸方皆有精義每照方試用莫不奏效惟敝友患寒飲喘嗽照方治療未效據其自述病因自二十歲六月遭兵燹困山澤中絕飲食五日夜歸家急汲井水一小桶飲之至二十一歲六月遂發大喘一日夜後飲二陳湯加乾薑細辛五味漸安從此痰飲喘嗽成爲痼疾所服之藥大燥大熱則可涼劑點滴不敢下咽若誤服之卽胸寒氣急而喘作須欬喘極多水飲方止小便一點鐘五

六次如白水若無喘小便亦照常飲食無論肉味菜蔬俱要燥熱之品粥湯菜湯概不敢飲其病情喜燥熱而惡冷濕者如此其病狀暑天稍安每至霜降後朝發喘必屆已時吐出痰飲若干始稍定或飲極滾之湯亦能欬出痰飲數口胸膈略寬舒迄今二十六七載矣近用藜蘆散吐法及十棗湯等下法皆出痰飲數升證仍如故金匱痰飲篇及寒水所關等劑服過數十次證亦如故想此證既能延歲月必有療法乞夫子賜以良方果能祓除病根感佩當無既也又表中參西錄載有服生硫黃法未審日本硫黃可服否

附服藥愈後謝函 接函教蒙授妙方治療敝友奇異之宿病連服四五劑呼吸即覺順適後又照方服七八劑寒飲消除喘證全愈二豎經藥驅逐竟歸於無何有之鄉矣敝友沾再造之恩愧無以報茲植歲暮將屆敬具敝處土產製造柑餅二額付郵奉上聊申謝忱伏乞笑納幸勿見麾是荷

答張汝偉問其令尊欬治法

閱第九期

杭州醫報

所登之案原係失血陰虧之體所用之藥非不對證而無大效者藥力不

專也治此等證者宜認定宗旨擇藥之可用者兩三味放胆用之始能有效今擬兩方於左以備採用

一方用懷熟地二兩妙薏米一兩此藥須購生者自炒作老黃色旋炒旋用搗成粗渣將二味頭次煎湯兩茶杯二次煎湯一杯半同調和爲一日之量分三次溫服方中之意重用熟地以大滋真陰恐其多用泥胃故佐以薏米以健胃利濕卽以行熟地之滯也會治鄰村武生李佐亭之令堂年七旬自少年卽有勞疾年益高則疾益甚寢至喘嗽夜不能臥俾用熟地切成小片細細嚼咽之日盡兩許服之月餘忽然氣息歸根喘嗽頓止徹夜安睡其家人轉甚惶恐以爲數十年積勞一日盡愈疑非吉兆倉猝迎爲診視六脈和平無病因笑謂其家人曰病愈矣何又懼爲此乃熟地之功也後果勞疾大見輕減壽逾八旬

一方生懷山藥軋爲細末每用一兩涼水調入小鍋煮作茶湯送服西藥含糖百布聖八分

若百布聖不含糖者宜斟酌少用

日服兩次若取其適口可少用白糖調之方中之意用山藥以補肺補脾補腎恐其多服久服或有滯泥故佐以百布聖以運化之因此藥原用猪牛之胃液製

成是以饒有運化之力也按山藥雖係尋常服食之物實爲藥中上品拙著衷中參西錄三期四期所載重用山藥治愈之險證甚夥而之以治虛勞喘嗽尤爲最要之品兄素喜閱拙著想皆見之今更伍以西藥百布聖以相助爲理實更相得益彰矣

答張汝偉服藥有效致謝書

閱本報第十七期知尊大人服拙擬之方有效不勝欣喜其方常服當必有全愈之一日誠以熟地黃與炒薏米並用非僅仿六味丸而取其君也仿六味而取其君是謝書中語古之地黃丸原用乾地黃卽今之生地黃其性原涼而以桂附濟之則涼熱調和且桂用桂枝卽本經之牡桂其力上升下達宣通氣分是以方中雖有薯蕷之補黃肉之斂而不失於滯泥後世改用熟地黃其性已溫再用桂附佐之無大寒者服之恆失於熱於斯有錢仲陽之六味地黃丸出其方雖近平易然生地黃變爲熟地黃其性原賦既無桂附之宣通又有薯蕷之補斂其方卽板滯不靈矣是以拙擬方中既重用熟地黃而薯蕷黃肉概不敢用惟佐以薏米因薏米之性其滲濕利痰有似苓澤苓澤原爲地黃之輔佐品而以薏米代之者其爲尋常食物以佐味甘汁濃之熟地黃可常服之而不厭也且炒之則色黃氣香可以醒脾

健胃俾中土之氣化壯旺自能行滯化瘀雖以熟地黃之滯泥亦可常服而無弊也

論水臌氣臌治法

水臌氣臌形原相近內經謂按之窅而不起者風水也愚臨證品驗以來知凡水證以手按其腫處成凹皆不能隨手而起至氣臌以手重按成凹則必隨手而起惟單腹脹病其中水臌氣臌皆有其所鬱氣與水皆積腹中不能外透肌肉按之亦不成凹似難辨其爲水爲氣然水臌必然小便短少氣臌必覺肝胃氣滯是明徵也今試進論其治法

金匱論水病分風水皮水正水石水謂風水皮水脈浮正水石水脈沈然水病之劇者脈之部位皆腫必重按之成凹其脈方見原難辨其浮沈及觀其治法脈浮者宜發汗恆佐以涼潤之藥脈沈者宜利小便恆佐以溫通之藥是知水腫原分涼熱其涼熱之脈可於有力無力辨之愚治此證對於脈之有力者亦恆先發其汗曾擬有表裏分消湯爰錄其方於左

麻黃三錢生石膏滑石各六錢西藥阿斯必林一瓦將前三味煎湯送服阿斯必林若服藥一點鍾後不出汗者再服阿斯必林一瓦若服後仍不出汗還可再服當以汗出爲目

的

麻黃之性不但善於發汗徐靈胎謂能深入積痰凝血之中凡藥力所不到之處此能無微不至是以服之外透肌表內利小便水病可由汗便而解矣推其性偏於熱似與水病之有熱者不宜故用生石膏以解其熱又其力雖云無微不至究偏於上升故又用滑石引之以下達膀胱則其利水之效愈捷也至用西藥阿斯必林者因患此證者其肌膚爲水錮閉汗原不易發透多用麻黃又恐其性熱耗陰阿斯必林善發汗又善清熱故可用爲麻黃之佐使其原質存於楊柳皮液中原與中藥並用無碍也

若汗已透腫雖見消未能全愈者宜專利其小便而利小便之藥以鮮白茅根湯爲最效或與車前並用則尤效憶辛酉臘底自奉還藉有鄰村學生毛德潤年二十得水腫證醫治月餘病益劇頭面周身皆腫腹如抱甕夜不能臥依壁喘息蓋其腹之腫脹異常無容息之地其氣幾不能吸入故作喘也其脈六部細數心中發熱小便不利知其病久陰虛不能化陽致有此證俾命人力剖凍地取鮮茅根每日用鮮茅根六兩剉碎和水三大碗以小鍋煎一沸卽移置爐旁仍近爐眼徐徐溫之待半點鐘再煎一沸猶如前置爐旁須

史茅根皆沈水底可得清湯兩大碗爲一日之量徐徐當茶溫飲之再用生車前子數兩自炒至微熟三指取一撮細細嚼咽之夜間睡醒時亦如此嚼服一晝夜約盡七八錢如此二日小便已利其腹仍膨脹板硬俾用大蒜白二斤切作絲和醋炒至將熟乘熱裹以布置臙上熨之若涼則仍置鍋中加醋少許炒熱再熨自晚間熨至臨睡時止一夜小便十餘次翌晨按其腹如常人矣蓋茅根如此煎法取其新鮮涼潤之性大能滋陰清熱久煎則無此效陰滋熱清小便自利車前如此服法取其如車輪之轉輸不已力自加增試觀火車初行時甚遲迨至行行不已汽機之力加增無多而其速率可加增數倍自能悟其理也若遇證之輕者但用徐服車前子法亦可消腫曾用之屢次奏功矣

按此證雖因病久陰虛究非原來陰虛若其人平素陰虛以致小便不利積成水腫者宜每用熟地黃兩半與茅根同煎服若恐兩沸不能將地黃煎透可先將地黃煮十餘沸再加茅根同煮至車前子仍宜少少嚼服一日可服四五錢

至於因涼成水臙者其脈必細微遲弱或心中覺涼或大便泄瀉宜用花椒目六錢炒熟搗爛煎湯送服生硫黃細末五分若服後不覺溫煖可品驗加多以服後移時微覺溫煖

爲度蓋利小便之藥多涼二藥乃性溫能利小便者也若脾胃虛損不能運化水飲者宜治以健脾降胃之品而以利小便之藥佐之

總之水臟之證未有小便通利而成者是以治此證者當以利小便爲要務今特錄素所治愈小便不利之案兩則以備治水證者之參觀

鄰村劉叟年六旬先小便帶血數日忽小便不通以手揉擠小腹流血水少許數次揉擠疼痛不堪求爲診治其脈沈而有力時當仲夏身覆厚被猶覺寒涼知其實熱鬱於下焦溺管因熱而腫脹也爲疏方滑石生杭芍各一兩知母黃柏各八錢煎服一劑小便通利又加木通海金沙各二錢服兩劑全愈

又奉天省公署護兵石玉和忽然小便不通入西醫院治之西醫治以引溺管小便通出有頃小便復存蓄若干西醫又納一橡皮管使久在其中有溺卽通出乃初雖稍利繼則小便仍不能出西醫辭不治遂來院求爲診治其脈弦遲細弱自言下焦疼甚且涼甚知其小便因涼而凝也爲疏方用黨參椒目懷牛膝各五錢烏附之廣條桂當歸各三錢乾薑小茴香沒藥威靈仙甘草各二錢連服三劑小便利而腹疼亦愈遂停藥俾日用生硫

黃錢許分兩次服下以善其後方中之義黨參靈仙並用可治氣虛小便不利椒目與桂附乾薑並用可治因寒小便不利又佐以當歸牛膝茴香沒藥甘草諸藥或潤而滑之或引而下之或辛香以透竅或溫通以開瘀或和中以止疼衆藥相濟爲功所以奏效甚速也此與前案均係小便不通而病因之涼熱判若天淵治之者能勿因證疏方哉

又有因胞系了戾致小便不通者其證偶因嘔吐欬逆或側臥欠伸仍可通少許俗名爲轉胞病孕婦與產後及自高墜下者間有此病拙擬有升麻黃芪湯

方載三期二卷係生衛氏五錢當歸四錢升麻三錢柴胡二錢

曾用之治愈數人此升提胞系而使之轉正也

又華元化有通小便秘方愚知之而未嘗試用後閱杭報見時賢蕭介青言用其方加升麻一錢曾治愈其令妹二日一夜小便不通及陶姓男子一日夜小便不通皆投之卽效方係人參蓮子心車前子玉不留行各三錢甘草一錢肉桂三分白果十二枚按方中自果若以治欬嗽可連皮搗爛用之取其皮能斂肺也若以利小便宜去皮搗爛用之取其滑而能降也

至於氣臟多係脾有瘀滯所致蓋脾爲後天之主居中央以運四旁其中原多回血管以

流通氣化若有瘀滯以阻其氣化腹中卽生脹滿久則積爲氣臟內經所謂諸濕腫滿皆

屬脾也拙擬有鷄脰湯

方在三卷二期二卷係生鷄內金白朮生杭芍各四錢柴胡陳皮各錢半

曾用之屢次奏效方中之意用鷄內金以

開脾之瘀白朮以助脾之運柴胡陳皮以升降脾氣白芍以利小便防有蓄水生薑以通竅絡兼和營衛也統論藥性原在不涼不熱之間然此證有偏涼者則桂附乾薑可以酌加有偏熱者則芩連梔子可以酌加若其脈證皆實服藥數劑不見愈者可用所煎藥湯送服黑丑頭次所軋細末錢半服後大便通行病卽稍愈然須服原方數日方用一次連用恐傷氣分此水臟氣臟治法之大略也

第三期二卷載有治水臟氣臟諸方案宜參觀

論血臟治法

水臟氣臟之外又有所謂血臟者其證較水臟氣臟尤爲難治然其證甚稀少醫者或臨證數十年不一遇卽或遇之亦止認爲水臟氣臟而不知爲血臟是以方書鮮有論此證者誠以此證之腫脹形狀與水臟氣臟幾無以辨所可辨者其周身之回血管紫紋外現耳

血臟之由多因努力過甚激動氣血或因暴怒動氣血隨氣升以致血不歸經而又未卽

吐出瀉出遂留於臟腑阻塞經絡周身之氣化因之不通三焦之水飲因之不行所以血
臟之證初起多兼水與氣也迨至瘀血漸積漸滿周身之血管皆爲瘀血充塞其回血管
膚淺易見遂呈紫色且由呈紫色之處而細紋旁達初則兩三處淺至徧身皆是紫紋若
於回血管紫色初見時其身體猶可支持者宜先用金匱下瘀血湯加野臺參數錢下之
其腹中之瘀血下後可再用藥消其血管中之瘀血而輔以利水理氣之品程功一月庶
可奏效若至徧身回血管多現紫色病候至此其身體必羸弱已甚卽投以下瘀血湯恐
瘀血下後轉不能支持可用拙擬化瘀通經散方在後論女子癥瘕治法篇中再酌加三七末服之或用利
水理氣之藥煎湯送服久之亦可奏效若腹中瘀血已下而周身之紫紋未消者可用丹
參三七末各一錢再用山杏四錢煎湯沖紅糖水送服日兩次久自能消

金匱下瘀血湯大黃三兩當爲今之九錢桃仁三十個麤蟲二十枚去足熬也右三味末之煉蜜和
爲四丸以酒一升約四兩強煮一丸以八合頓服之新血下如豚肝按此方必先爲丸而後
作湯服者是不但服藥汁實兼服藥渣也蓋如此服法能使藥之力緩而且大其腹中瘀
久之血可一服盡下有用此方者必按此服法方效又杏仁之皮有毒桃仁之皮無毒其

皮色紅活血之力尤大此方桃仁似宜帶皮生用然果用帶皮生桃仁時須審辨其確爲桃仁勿令其以帶皮之杏仁誤充至於虜虫藥房中尤多差誤第二卷中有虜蟲辨細閱之自能辨虜蟲之真僞

附錄常德友人張石長來函云邇年捧讀大著手未釋卷受益於吾師者良多近治一腫病

其人由燕利來常意專到廣德西醫院就診西醫作水腫治之兩旬無效繼來生處求診遵吾師診斷法見其回血管現紫色且現有紫色雞爪紋知係血癥即用吾師治血癥之法治之二十五日全愈全市愕然廣德西醫院聞之亦甚訝異

又漢皋醫士蕭介青曾來函相問用愚之方爲其友人田壽先治愈瘀血腹脹病復來函告知其來函載後第八卷中可參觀

論吐血衄血之原因及治法

內經厥論篇謂陽明厥逆衄血此陽明指胃腑而言也蓋胃腑以熟腐水穀傳送飲食爲職其中氣化原以息息下行爲順乃有時不下行而上逆胃中之血亦恆隨之上逆其上逆之極可將胃壁之膜排擠破裂而成嘔血之證或循陽明之經絡上行而成衄血之

證是以內經謂陽明厥逆衄血也由此知無論其證之或虛或實或涼或熱治之者皆當以降胃之品為主而降胃之最有力者莫赭石若也故愚治吐衄之證方中皆重用赭石再細審其胃氣不降之所以然而各以相當之藥品輔之茲爰將所用之方詳列於後

(平胃寒降湯) 治吐衄證脈象洪滑重按甚實者此因熱而胃氣不降也

生赭石一兩

軋細

瓜蒌仁

一兩

生杭芍

八錢

嫩竹茹細末

三錢

牛蒡子

三錢

甘草

半錢

此拙著二期吐衄門中寒降湯而略有加減也服後血仍不止者可加生地黃一兩三七細末二錢分兩次用頭煎二煎之湯送服

吐衄之證忌重用涼藥及藥炭強止其血因吐衄之時血不歸經遽止以涼藥及藥炭則經絡瘀塞血止之後轉成血痺虛勞之證是以方中加生地黃一兩即加三七之善止血兼善化瘀血者以輔之也

(健胃溫降湯) 治吐衄證脈象虛濡遲弱飲食停滯胃口不能下行此因涼而胃氣不降也

生赭石八錢

軋細

生懷山藥六錢

白朮四錢

乾薑三錢

清半夏三錢
溫水淘淨藥味

生杭芍二錢

厚朴半錢

此方亦載三期吐衄門中原名溫降湯茲則於其分量略有加減也方中猶用芍藥者防肝中所寄之相火不受乾薑之溫熱也

吐衄之證因涼者極少愚臨證四十餘年僅遇兩童子一因涼致胃氣不降吐血一因涼致胃氣不降衄血皆用溫降湯治愈其詳案皆載原方之後可參觀

(瀉肝降胃湯) 治吐衄證左脈弦長有力或肋下脹滿作疼或頻作呃逆此肝胆之氣火上衝胃腑致胃氣不降而吐衄也

生赭石八錢 搗細 生杭芍一兩 生石決六錢 搗細 瓜蒌仁四錢 炒搗 甘草四錢 龍胆草二錢 淨青黛二錢

此方因在病之原因在胆火肝氣上衝故重用芍藥石決明及龍胆青黛諸藥以涼之鎮之至甘草多用至四錢者取其能緩肝之急兼以防諸寒涼之藥傷脾胃也

(鎮衝降胃湯) 治吐衄證右脈弦長有力時覺有氣起在下焦上衝胃腑飲食停滯不下或頻作呃逆此衝氣上衝以致胃不降而吐衄也

生赭石一兩 搗細 生懷山藥一兩 生龍骨八錢 搗細 生牡蠣八錢 搗細 生杭芍三錢 廣三七細末 二錢分兩次用 煎二之湯送服

甘草二錢

方中龍骨牡蠣不但取其能斂衝且又能鎮肝因衝氣上衝之由恒與肝氣有關係也

(滋陰清降湯) 治吐衄證失血過多陰分虧損不能潛陽而作熱不能納氣而作喘甚

或衝氣因虛上干為呃逆眩暈欬嗽心血因不能內榮為怔忡驚悸不寐脈象浮數重按

無力者

生赭石八錢 生懷山藥兩一 生地黄八錢 生龍骨六錢 生牡蠣六錢 生杭芍四錢

廣三七細末二錢分兩次用頭煎二煎之湯送服 甘草二錢

此方即三期吐衄門中清降湯加龍骨牡蠣地黄三七也原方所主之病原與此方無異

而加此數味較治此病尤有把握此因臨證既多屢次用之皆驗故於原方有所增加也

(保元清降湯治) 吐衄證血脫氣亦隨脫言語若不接續動則作喘脈象浮弦重按無

力者

生赭石一兩 野臺參五錢 生地黄一兩 生懷山藥八錢 淨黃肉八錢 生龍骨六錢 生杭藥四錢

廣三七細末三錢分兩次用頭煎二煎之湯送服 此方曾載於三期吐衄門而茲則略有加減也

保元寒降湯治吐衄證血脫氣亦隨脫喘促欬逆心中煩熱其脈上盛下虛者

生豬石一兩 野臺參五錢 生地黃一兩 知母八錢 淨黃肉八錢 生龍骨六錢 生牡蠣六錢

生杭芍四錢 廣三七細末二搗分兩次甲頭煎二煎藥湯送服

此方亦載於三期吐衄門中而茲則略有變更也至於三期所載此二方之原方非不可用宜彼宜此之間細爲斟酌可也

右所列諸方用之與病因相當大抵皆能奏效然病機之呈露多端病因卽隨之各異臨證既久所治愈吐衄之驗案間有不用右列諸方者今試舉數案以明之

奉天警務處長王運波君夫人患吐血證來院診治其脈微數按之不實其吐血之先必連聲欬嗽劇時卽繼之以吐血因思此證若先治愈其欬嗽其吐血當自愈遂用川貝八錢煎取清湯四盅調入生懷山藥細末一兩煮作粥分數次服之一日連進二劑欬嗽頓止以後日進一劑嗽愈吐血亦愈隔旬日夜中夢被人凌虐過甚遂於夢中哭醒病驟反覆因知其肝氣必遏鬱也治以調肝養肝兼鎮肝之藥數劑無效且夜中若作夢惱怒其日吐血必劇精思再四恍悟平肝之藥以桂爲最要單用之則失於熱降胃之藥以大黃爲最要單用之則失於寒若二藥並用則寒熱相濟性歸和平降胃平肝兼顧無遺必能

奏效遂用大黃肉桂細末各一錢和勻更用生赭石細末八錢煎湯送服從此吐血遂愈惡夢亦不復作矣

繼又有濟南金姓少年寓居奉天其人身體強壯驟得吐血證其脈左右皆有力遂變通右用之方用生赭石細末六錢與大黃肉桂細末各一錢和勻開水送服其病立愈後因用此方屢次見效遂將此方登於三期衷中參西錄名之爲祕紅丹至身形不甚壯實者仍如前方服爲妥

又治滄州城東路莊子馬氏婦欬血三年不愈卽延醫治愈旋又反覆後愚診視其夜間多汗遂先用生龍骨生牡蠣淨黃肉各一兩以止其汗連服兩劑汗止而欬血亦愈自此永不反覆繼有表弟張印權出外新歸言患吐血證初則旬日或浹辰吐血數口寢至每日必吐屢治無效其脈近和平微有乳象亦治以此方三劑全愈後將此方傳於同邑醫友趙景山張康亭皆以之治愈欬血吐血之久不愈者後又將其方煎湯送服三七細末二錢則奏效尤捷因名其方爲補絡補管湯登於三七吐衄門中蓋欬血者多因肺中絡破吐血者多因胃中血管破其破裂之處若久不愈欬血吐血之證亦必不愈龍骨牡蠣

黃肉皆善斂補其破裂之處三七又善化瘀生新使其破裂之處速愈是以愈後不再反覆也若服藥後血仍不止者可加生赭石細末五六錢同煎服

又治舊滄州北關趙姓年過四旬患吐血證從前治愈屢次反覆已歷三年有一年重於一年之勢其脈濡而遲氣息虛常覺呼氣不能上達且少腹間時覺有氣下墜此胸中宗

氣亦名大氣下陷也內經謂宗氣積於胸中以貫心脉而行呼吸是宗氣不但能統攝氣分並

能主宰血分因其下陷則血分失其統攝所以妄行也遂投以拙擬升陷湯方在三期四卷係生箭六錢知母四

錢桔梗柴胡各錢半升麻一錢加生龍骨生牡蠣各六錢服兩劑後氣息即順少腹亦不下墜遂將升麻減去

加生懷山藥一兩又服數劑其吐血證自此除根按吐衄證最忌黃芪升柴桔梗諸藥

恐其能助氣上升血亦隨之上升也因確知病係宗氣下陷是以敢放胆用之然必佐以龍骨牡蠣以固血之本源始無血隨氣升之虞也

吐衄之證因宗氣下陷者極少愚臨證四十餘年謹遇趙姓一人再四斟酌投以升陷湯加龍骨牡蠣治愈然此方實不可輕試也近津沽有南門外張姓年過三旬患吐血證醫者方中有柴胡二錢服後遂大吐不止倉猝迎愚診視其脈弦長有力心中發熱知條

胃氣因熱不降也所攜藥囊中有生赭石細末約兩餘俾急用水送服強半候約十二分鐘覺心中和平又送服其餘其吐頓止繼用平胃寒降湯調之全愈是知同一吐血證也有時用柴胡而愈有時用柴胡幾至誤人性命審證時豈可不細心哉

至於婦女倒經之證每至行經之期其血不下行而上逆作吐衄者宜治以四物湯去川芎加懷牛膝生赭石細末先期連服數劑可愈然其證亦間有因氣陷者臨證時又宜細察曾治一室女吐血及一少婦衄血皆係倒行經證其脈皆微弱無力氣短不足以息少腹時有氣下墜皆治以他止血之藥不效後再三斟酌皆投以升陷湯先期連服數日全愈總之吐衄之證大抵皆因熱而氣逆其因涼氣逆者極少卽兼衝氣肝氣衝逆亦皆挾熱若至因氣下陷致吐衄者不過千中之一二耳

又天津北寧路材料科委員趙一清年近三旬病吐血經醫治愈而飲食之間若稍食硬物或所食過飽病卽反覆診其六脈和平重按似有不足知其脾胃消化力弱其胃中出血之處所生肌肉猶未復原是以被食物撐擠因傷其處而復出血也斯當健其脾胃補其傷處吐血之病庶可除根爲疏方用生山藥赤石脂各八錢煨龍骨煨牡蠣淨黃肉各

五錢白朮生明沒藥各三錢天花粉甘草各二錢按此方加減服之旬餘病遂除根 按此方中重用石脂者因治吐衄病凡其大便不實者可用之以代赭石降胃蓋赭石能降胃而兼能通大便赤石脂亦能降胃而轉能固大便且其性善保護腸胃之膜而有生肌之效使胃膜因出血而傷者可速愈也此物原是陶土宜與茶壺卽用此燒成津沽藥房恆將石脂研細水和捏作小餅煤火煨之是將陶土變爲陶瓦矣尙可以入藥乎是以愚在天津每用石脂必開明生赤石脂夫石脂亦分生熟如此開方實足貽笑於大雅也或問吐血衄血二證方書多分治吐血顯然出於胃爲胃氣上逆無疑今遵內經陽明厥逆衄嘔血一語二證皆統同論之所用之方無少差別內經之言果信而有徵乎答曰愚生平研究醫學必有確實徵驗然後筆之於書卽對於內經亦未敢輕信猶憶少年時在外祖家有表兄劉慶甫年弱冠時患衄血證始則數日一衄繼則每日必衄百藥不效適其比鄰有少年病癆瘵者常與同坐閒話一日正在衄血之際忽聞哭聲知癆瘵者已死陡然驚懼寒戰其衄頓止從此不再反覆夫恐則氣下本經原有明文其理實爲人所共知因驚懼氣下而衄止其衄血之時因氣逆可知矣蓋吐血與衄血病狀不同而其病因

則同也治之者何事過爲區別乎

或問方書治吐衄之方甚多今詳論吐衄治法方皆自擬豈治吐衄成方皆無可取乎答曰非也金匱治吐衄有瀉心湯其方以大黃爲主直入陽明以降胃氣佐以黃芩以清肺金之熱俾其清肅之氣下行以助陽明之降力黃連以清心火之熱俾其亢陽默化潛伏以保少陰之真液是瀉之適所以補之也凡因熱氣逆吐衄者至極危險之時用之皆可立止血止以後然後細審其病因徐謂調補未晚也然因方中重用大黃吐衄者皆不敢輕服則良方竟見埋沒矣不知大黃與黃連並用但能降胃不能通腸雖吐衄至身形極虛服後斷無泄瀉下脫之弊乃素遇吐衄證曾闕此方兩次病家皆不敢服遂不得已另擬平胃寒降湯代之此所以委曲以行其救人之術也

又金匱有柏葉湯方爲治因寒氣逆以致吐血者之良方也故其方中用乾薑艾葉以煖胃用馬通汁以降胃然又慮薑艾之辛熱宜於脾胃不宜於肝胆恐服藥之後肝胆所寄之相火妄動故又用柏葉之善於鎮肝且善於涼肝者柏樹之杪而西北得金水之氣故善鎮肝涼肝以輔之此所謂有節制之師先自立於不敗之地而後能克敵致勝也至後世薛立齋謂因寒吐血者宜治

以理中湯加當歸但知煖胃不知降胃並不知鎮肝涼肝其方遠遜於柏葉湯矣然此時富貴之家喜服西藥恆譏中藥爲不潔若雜以馬通汁將益嫌其不潔矣是以愚另擬健胃溫湯湯以代之也

近時醫者治吐衄喜用濟生犀角地黃湯然其方原治傷寒胃火熱盛以致吐血衄血之方無外感而吐衄者用之未免失於寒涼其血若因寒涼而驟止轉成血痺虛勞之病至愚治寒溫吐衄者亦偶用其方然必以其方煎湯送服三七細末二錢始不至血瘀爲恙若其脈左右皆洪實者又宜加羚羊角二錢以瀉肝胆之熱則血始能止惟二角近時其價甚昂僞者頗多且其價又日貴一日實非普濟羣生之方也

至葛可久之十灰散經陳修園爲之疏解治吐衄者亦多用之夫以藥炭止血原爲吐衄者所甚忌猶幸其雜有大黃炭方下註炭存性即是炭其降閉瘀之力猶存爲差強人意耳其方遇吐衄之輕者或亦能奏效而愚於有方實未嘗一用也至於治吐衄便方有用其吐衄之血煨作炭服者有用髮髮即刺髮之髮煨作炭服者此二種炭皆有化瘀生新之力而善止血勝於諸藥之炭但能止血而不能化瘀血以生新血者遠矣

又方書有謂血脫者當先益其氣宜治以獨參然血脫須有分別若其血自二便下脫其脈且微弱無力者獨參湯原可用若血因吐衄而脫者縱脈象微弱亦不宜用夫人身之陰陽原相維繫卽人身之氣血相維繫也吐血衄者因陰血虧損維繫無力原有孤陽浮越之虞而復用獨參湯以助其浮越不但其氣易上奔驗語言謂氣欲脫者但服人參轉令氣高不返血亦將隨之上奔而復吐衄矣是拙擬治吐衄方中凡用參者必重用楮石輔之使其力下達也

尋常服非之物亦有善止血者鮮藕汁鮮萊菔汁是也曾見有吐衄不止者用鮮藕自然汁一大鍾溫飲之勿令熱或鮮萊菔自然汁一大鍾溫飲之或二汁併飲之皆可奏效

有堂兄贊宸年五旬得吐血證延醫治不效脈象滑動按之不實時愚年少不敢輕於疏方遂用鮮藕鮮白茅根各四兩切碎煎湯兩大碗徐徐當茶飲之數日全愈自言未飲此湯時心若虛懸無着既飲之後若以手按心還其本位何其神妙如是哉隔數日又有鄰村劉姓少年患吐血證其脈象有力心中發熱遂用前方又加鮮小薊根四兩如前煮湯飲之亦愈因名前方爲二鮮飲後方爲三鮮飲皆登於三期吐衄門中

按小薊名刺薊俗名刺爾菜一名青青菜嫩時可以作羹其葉長微有絨毛葉邊多刺莖

高尺許開花紫而微藍狀若小絨球津沽藥房皆以之爲大薊實屬差誤至大薊鹽邑藥房中所鬻者在本地名曲曲菜狀若蒲公英而葉微縐嫩時可生啖味微苦莖高於小薊數倍開黃花亦如蒲公英津沽藥房轉以此爲小薊卽以形象較之亦可知其差誤曾採其鮮者用之治吐衄亦有效然不如小薊之效驗異常耳後遊漢皋見有狀類小薊而其莖葉花皆大於小薊一倍疑此係真大薊未暇採用後門生高如璧在丹徒亦曾見此採其鮮者以治吐衄極效向愚述之亦擬是真大薊則葉如蒲公英而微縐者非大薊矣然此實猶在懸揣未定之中今登諸報端深望醫界博物君子能辨別大薊之真僞者詳爲指示也又按凡大小薊須皆用鮮者若取其自然汁代開水飲之更佳至藥房中之乾者用之實無甚效驗

近在津沽治吐衄又恆有中西藥並用之時因各大工廠中皆有專醫若外醫開方煎服湯藥不便恆予以生豬石細末一兩均分作三包又用醋酸鉛十分瓦之二其式爲（○）
•（二）分加於三包之中爲一日之量每服一包開水送下若脈象有力心中發熱者又恆於每包之中加芒硝六七分以瀉心經之熱連服兩三日大抵皆能治愈

至於欬血之證右所錄醫案中或連帶論及實非專爲欬血發也因欬血原出於肺其詳細治法皆載於前第三卷肺病門中茲不贅

究之病血臟者其身體猶稍壯實如法服藥原可治愈若至身體羸弱者卽能將其瘀治淨而轉有危險此又不可不知臨證時務將此事言明若病家懇求再爲治之未晚也
近接常德友人張右長來函云邇年捧讀大著手未釋卷受益於吾師者良多近治一腫病其人由慈利來常意專到廣德西醫院就診西醫作水腫治之兩旬無效繼來生處求診遵吾師診斷法見其回血管現紫色鷄爪紋知係血臟卽用吾治血臟之法治之二十五日全愈全市愕然廣德西醫院聞之示甚訝異又漢皋蕭介青由函問用愚方爲其友治愈血癥證曾來函告知其來函載於後第八卷中可參觀

論治吐血衄血不可但用涼藥及藥炭強止其血

嘗思治吐血衄血者止其吐衄非難止其吐血而不使轉生他病是爲難耳蓋凡吐衄之證無論其爲虛爲實爲涼此證間有涼者爲熱約皆胃氣上逆內經謂陽明厥逆衄血或胃氣上逆更兼衝氣上衝氣以致血不歸經由吐衄而出也治之者或以爲血熱妄行而投以極涼之品或以爲

黑能勝紅而投以藥炒之炭如此治法原不難隨手奏效使血立止迨血止之後初則有似發悶繼則飲食減少繼則發熱勞嗽此無他當其胃氣上逆衝氣上衝之時排擠其血離經妄行其上焦中焦血管盡爲血液充塞而驟以涼藥及藥炭止之則血管充塞之血強半凝結其中而不能流通此所以血止之後始則發悶減食繼則發熱勞嗽也此時若遇明醫理者知其爲血痺虛勞而急投以金匱血痺虛勞門之大黃廔虫丸或陳大夫所傳仲景之百勞丸以消除瘀血爲主而以補助氣血之藥輔之可救十中之六七然治此等證而能如此用藥者生平實不多見也至見其發悶而投以理氣之藥見其食少而投以健胃之藥見其發勞嗽而投以滋陰補肺之藥如此治法百中實難愈一矣而溯厥由來何莫非但知用涼藥及用藥炭者階之厲也然涼藥亦非不可用也試觀仲景瀉心湯爲治吐血衄血之主方用黃連黃芩以清熱而必倍用大黃原方芩連各一兩 大黃二兩以降胃破血則上焦中焦血管之血不受排擠不患凝結是以芩連雖涼可用也至於藥炭亦有可用者如葛可久之十灰散其中亦有大黃且又燒之存性不至過燒爲灰止血之中仍寓降胃破血之意此其差強人意耳愚臨證四十餘年瀉心湯固常用之而於十灰散實未嘗一用

也然嘗仿十灰散之意獨用血餘燬之存性將別下短髮洗淨鍋炒至融化晾冷軋細過羅用之本經髮鬣即靠頭皮之髮用之以治吐衄既善止血又能化瘀血生新血勝於十灰散遠矣

至金匱之方原宜遵用亦不妨遵古方之義而爲之變通如瀉心湯方若畏大黃之力稍猛可去大黃加三七以化瘀血赭石以降胃鎮衝曾擬方用黃芩黃連各三錢赭石六錢煎湯送服三七細末二錢若不用黃連而用瓜蒌仁六錢代之更佳蓋黃連有澀性終不若蒌仁能開盪胸膈清熱降胃卽以引血下行也至若欲用大黃麝虫丸而畏水蛭乾漆之性甚烈可仿其意用生懷山藥二兩山查一兩煎湯四茶杯調以蔗糖令其適口爲一日之量每飲一杯送服生鷄內金細末一錢既補其虛又化其瘀且可以之當茶久服自見功效

或問濟生犀角地黃湯今之治吐衄者奉爲不祧之良方其方原純係涼藥將毋亦不可用乎答曰犀角地黃湯原治傷寒溫病熱入陽明之府其胃氣因熱上逆血亦隨之上逆不得不重用涼藥以清胃府之熱此治外感中吐衄之方非治內傷吐衄之方也然犀角之性原能降胃地黃之性亦能逐痺

本經謂逐血痺然必生地黃作丸藥服之能有漸效煎湯服則力減若製爲熱地黃則逐痺之力全無

若吐衄之證胃

府有實熱者亦不妨暫用迨血止之後又宜急服活血化痰之藥數劑以善其後至愚用此方則仿陶節庵加當歸紅花之意將藥煎湯送服三七細末二錢究之涼藥非不可用然不可但用涼藥而不知所以駕馭之耳右所論吐血衄治法不過其約略耳至於欬血治法又與此不同三期表中參西錄第二卷論吐血衄血欬血治法甚詳宜參觀

論吐血衄血證間有因寒者

內經厥論篇謂陽明厥逆衄血所謂陽明者指胃腑而言也所謂厥逆者指胃腑之氣上行而言也蓋胃以消化飲食傳送下行爲職是以胃氣以息息下行爲順設或上行則爲厥逆胃氣厥逆可至衄血嘔血因血隨胃氣上行也然胃氣厥逆因熱者固多因寒者亦間有之歲在壬寅曾訓蒙於邑之北境劉仁村愚之外祖家也有學生劉玉良者年十三歲一日之間衄血四次診其脈甚和平詢其心中不覺涼熱因思吐衄之證熱者居多且以童子少陽之體時又當夏令遂略用清涼止血之品衄益甚脈象亦現微弱知其胃氣因寒不降轉迫血上逆而爲衄也投以拙擬溫降湯方見前論吐血衄血治法中一劑卽愈隔數日又有他校學生年十四歲吐血數日不愈其吐之時多由於欬嗽診其脈甚

遲濡右關尤甚疑其脾胃虛寒不能運化飲食詢之果然蓋吐血之證多由於胃氣不降飲食不能運化胃氣卽不能下降欬嗽之證多由於痰飲入肺飲食遲於運化又必多生痰因痰飲而生欬嗽因欬嗽而氣之不降者更轉而上逆此吐血之所由來也亦投以溫降湯一劑血止接服數劑飲食運化欬嗽亦愈

近在瀋陽醫學研究會論及此事會友李進修謂從前小東關有老醫徐敬亭者曾用理中湯治愈歷久不愈之吐血證是吐血誠有因寒者之明徵也然徐君但用理中湯以煖胃補胃而不知用赭石半夏佐之以降胃氣是處方猶未盡善也特是藥房製藥多不如法雖清半夏中亦有礬以治吐衄及嘔吐必須將礬味用微溫之水淘淨淘時必於方中原定之分量外多加數錢以補其淘去礬味所減之分量及藥力

又薛立齋原有血因寒而吐者治用理中湯加當歸之說特其因寒致吐血之理未嘗說明是以後世間有駁其說者由斯知著醫書者宜將病之原因仔細發透俾讀其書者易於會悟不至生疑爲善

證在疑是之間卽名醫亦未必審證無差至疏方投之仍無甚閃失者實賴方中用意周

審佐伍得宜也如此因寒吐衄之證若果審證不差右所列三方服之皆可奏效若或審證有誤服拙擬之溫降湯方雖不能愈吐衄猶或不至加劇若服彼三方卽難免於危險矣愚非自矜製方之善因此事於行醫之道甚有關係則疏方之始不得不審思却慮也

不惟吐衄之證有因寒者卽便血之證亦有因寒者特其證皆不多見耳鄰村高邊務高某年四十餘小便下血久不愈其脈微細而遲身體虛弱惡寒飲食減少知其脾胃虛寒中氣下陷黃坤載所謂血之亡於便溺者太陰不升也爲疏方乾薑於朮各四錢生山藥熟地黃各六錢烏附子炙甘草各三錢煎服一劑血卽見少連服十餘劑全愈此方中不用肉桂者恐其動血分也

論衝氣上衝之病因病狀病脈及治法

衝氣上衝之病甚多而醫者識其病者甚少卽或能識此病亦多不能洞悉其病因而施以相當之治法也衝者奇經八脈之一其脈在胞室之兩旁與任脈相連爲腎臟之輔劑氣化相通是以腎虛之人衝氣多不能收斂而有上衝之弊況衝脈之上系原陽明胃

府因衝氣上衝胃府之氣亦失其息息下行之常

胃氣以息息下行爲常

或亦轉而上逆阻塞飲食不

能下行多化痰涎因而腹中膨悶噦氣呃逆連連不止甚則兩肋疼痛頭目眩暈其脈則弦硬而長乃肝脈之現象也蓋衝氣上衝之證固由於腎臟之虛亦多由於肝氣恣橫素性多怒之人其肝氣之暴發更助衝胃之氣上逆故脈之現象如此也治此證者宜以斂衝鎮衝爲主而以降胃平肝之藥佐之其脈象數而覺熱者宜再輔以滋陰退熱之品愚生平治愈此證已不勝紀近在滄州連治愈數人爰將治愈之案詳列於左以備參觀

一滄州中學學生安瑰奇年十八九胸脅滿悶飲食減少時作噦逆腹中漉漉有聲蓋氣衝痰涎作響也大便乾燥脈象弦長有力爲疏方用生龍骨生牡蠣代赭石各八錢生山藥生芡實各六錢半夏生杭芍各四錢芒硝蘇子各二錢厚朴甘草各錢半一劑後脈卽柔和按方略有加減數劑全愈 陳修園謂龍骨牡蠣爲治痰之神品然泛用之多不見效惟以治此證之痰則效驗非常因此等痰涎原因衝氣上衝而生龍骨牡蠣能鎮斂衝氣自能導引痰涎下行也蓋修園原謂其能導引逆上之火泛濫之水下歸其宅故能治痰夫火逆上水泛濫其中原有衝氣上衝也

又天津南馬廠所住陸軍營長趙松如因有衝氣上衝病來滄求爲診治自言患此病已三年百方調治毫無效驗其病脈情狀大略與前案同惟無痰聲漉漉而尺脈稍弱遂於前方去芒硝加柏子仁枸杞子各五錢連服數劑全愈又治滄州南關一叟年七十四歲性浮躁因常常忿怒致衝氣上衝劇時覺有氣自上下衝杜塞咽喉有危在頃刻之勢其脈左右皆弦硬異常爲其年高遂於前第二方中加野臺參三錢一劑見輕又服一劑衝氣遂不上衝又服數劑以善其後爲治此證多用第二方加減因名爲降胃鎮衝湯

論火不歸原治法

方書謂下焦之火生於命門名爲陰分之火又謂之龍雷之火實膚淺之論也下焦之火爲先天之元陽生於氣海之元氣蓋就其能撐持全身論則爲元氣就其能溫煖全身論則爲元陽此氣海之元陽爲人生命之本源無論陰分陽分之火皆於此肇基氣海之形如倒懸雞冠花純係脂膜護繞搏結而成其脂膜旁出一條與脊骨自下數第七節相連夾其七節兩旁各有一穴內經謂七節之旁中有小心也而氣海之元陽由此透入脊中因元陽爲生命之本故於元陽透脊之處謂之命門由斯觀之命門之實用不過爲氣海

司管籥之職下焦之火仍當屬於氣海之元陽論下焦之火上竄不歸原亦氣海元陽之浮越也然其病渾名火不歸原其病因原有數端治法各有所宜爰詳細臚列於左以質諸醫界同人

有氣海元氣虛損不能固攝下焦氣化致元陽因之浮越者其脈尺弱寸強浮大無根其爲病或頭目眩暈或面紅耳熱或心熱怔忡或氣粗息賁宜治以淨萸肉生山藥各一兩人參玄參代赭石生龍骨生牡蠣各五錢心中發熱者酌加生地黃天冬各數錢補而斂之鎮而安之元陽自歸其宅也方中用赭石者因人參雖饒有溫補之性而力多上行與赭石並用則力專下注且赭石重墜之性又善佐龍骨牡蠣以潛陽也

有下焦真陰虛損元陽無所繫戀而浮越者其脈象多弦數或重按無力其證時作灼熱或口苦舌乾或喘嗽連連宜用生山藥熟地黃各一兩玄參生龍骨生牡蠣生龜板甘枸杞各五錢生杭芍三錢生鷄內金甘草各錢半此所謂壯水之源以制陽光也

若其下焦陰分既虛而陽分亦微有不足者其上焦常熱下焦間有覺涼之時宜治以金匱崔氏八味丸以生地易熟地原方熟地黃即是藥房中生地更宜將茯苓澤瀉分量減三分之二將丸

劑一料分作湯藥八劑服之

有氣海元陽大虛其下焦又積有沈寒銅冷逼迫元陽如火之將滅而其後轉上竄者其脈弦遲細弱或兩寸浮分似有力其為證心中煩躁不安上焦時作灼熱而其下焦轉覺涼甚或常作泄瀉宜用烏附子人參生山藥各五錢淨黃肉胡桃肉各四錢積石生杭芍懷牛膝各三錢雲苓片甘草各錢半泄瀉者宜去積石此方書所謂引火歸原之法也方中用芍藥者非以解上焦之熱以其與參附並用大能收斂元陽下歸其宅然引火歸原之法非可概用於火不歸原之證必遇此等證與脈然後可用引火歸原之法又必將藥味至微溫然後服之方與上焦之燥熱無碍

有因衝氣上衝兼胃氣上逆致氣海元陽隨之浮越者其脈多弦長有力右部尤甚李士材脈訣歌括所謂直上直下也其證覺胸中滿悶煩熱時作呢逆多吐痰涎劇者覺痰火

與上衝之氣杜塞咽喉幾不能息宜治以拙擬降胃鎮衝湯在前論衝氣上衝治法中俾衝胃之氣下降

而諸病自愈矣

有因用心過度心中生熱牽動少陽相火即心經之火上越且外越者其脈寸關皆有力量

兼滑象或脈搏略數其爲病心中煩躁不安多生疑惑或多忿怒或覺熱起脅下散於周身治用生懷山藥細末六七錢煮作粥晨間送服芒硝三錢晚間送服西藥臭剝兩瓦蓋芒硝鹹寒爲心經對宮之藥善解心經之熱以開心下熱痰此證心下多有熱痰臭剝性亦鹹寒能解心經之熱又善制相火妄動至送以山藥粥者因鹹寒之藥與脾胃不宜且能耗人津液而山藥則善於養脾胃滋津液用之送服硝剝取其相濟以成功猶金匱之硝石礬石散送以大麥粥也

有因心肺脾胃之陽甚虛致寒飲停於中焦且溢於膈上逼迫心肺脾胃之陽上越兼外越者其脈多弦遲細弱六部皆然又間有浮大而軟按之豁然者其現證或目眩耳聾或周身發熱或覺短氣或欬喘或心中發熱思食鮮果而食後轉覺心中脹滿病加劇者宜用拙擬理飲湯方見本卷首篇中服數劑後心中不覺熱轉覺涼者去芍藥或覺氣不足者加生薑芪三錢

按此證如此治法卽方書所謂用溫燥健補脾胃之藥可以制伏相火不知其所伏者非相火實係溫燥之藥能掃除寒飲而心肺脾胃之陽自安其宅也

右所列火不歸原之證其病因雖不同而皆係內傷至外感之證亦有火不歸原者傷寒溫病中之戴陽證是也其證之現狀面赤氣粗煩躁不安脈象雖大按之無力又多寸盛尺虛此乃下焦虛寒孤陽上越之危候頗類寒溫中陰極似陽證然陰極似陽乃內外異致戴陽證乃上下異致也宜用傷寒論通脈四逆湯加蔥加入參治之

原方原謂面赤者加蔥面赤即戴陽證

特是戴陽之證不一使果若少陰脈之沈細或其脈非沈細而按之指下豁然毫無根柢且至數不數者方可用通脈四逆湯方若其脈沈細而數或浮大而數者其方卽斷不可用曾治表兄王瑞亭年四十餘身形素虛傷寒四五日間延爲診視其脈關前洪滑兩尺無力爲開拙擬仙露湯

方載三期六卷係生石膏三兩
玄參一兩連翹三錢粳米五錢

因其尺弱囑其將藥徐徐飲下一次止溫飲

一大口防其寒涼侵下焦也病家忽愚所囑竟頓飲之遂致滑瀉數次多帶冷沫上焦益覺煩躁鼻如煙薰面如火炙其關前脈大於從前一倍數至七至知其已成戴陽之證急用野臺參一兩煎湯八分茶鍾兌童便半鍾

須用五錢以上童子便

將藥碗置涼水盆中候冷頓飲之又急用知母玄參生地各一兩煎湯一大碗候用自服參後屢診其脈過半點鐘脈象漸漸收斂脈搏似又加數遂急用候服之藥熱極熱徐徐飲下一次止飲藥一口閱兩點鐘

盡釋周身微汗而愈。按此證上焦原有燥熱因初次涼藥頓服透過病所直達下焦其
上焦燥熱仍留迨下焦滑瀉元陽上浮益助上焦之熱現種種熱象脈數七至此時不但
裏附分毫不敢用卽單用人參上焦之燥熱亦必格拒不受故以童便之性下趨者佐之
又復將藥候至極涼頓服下有如兵家掩旗息鼓衷甲銜枚暗度敵境一般迨遲之有頓
脈象收斂至數加數是下焦得參溫補之力而元陽收回其上焦因參反激之力而燥熱
益增也故又急用大涼大潤之藥乘熱徐徐飲之以清上焦之燥熱而不使其寒涼之性
復侵下焦此於萬難用藥之際仍欲用藥息息膈合實亦費盡躊躇矣右所列火不歸原
之治法共七則已略舉其大凡矣

虛勞溫病皆忌橘紅說

半夏橘紅皆爲利痰之藥然宜於濕寒之痰不宜於燥熱之痰至陰虛生熱有痰外感溫
熱有痰尤所當忌究之伍藥得宜半夏或猶可用是以傷寒論竹葉石膏湯金匱麥門冬
湯皆用之至橘紅則無論伍以何藥皆不宜用試略舉數案於左以明之

本邑于姓傭勞熱喘數月病益加劇不能起床脈搏近七至心中熱而且乾喘嗽

連連勢極危險所服之方積三十餘紙曾經六七醫生之手而方中皆有橘紅其餘若玄參沙參枸杞天冬貝母牛蒡生熟地黃諸藥大致皆對證而其中心若是之熱而乾者顯係橘紅之弊也愚投以生懷山藥一兩玄參沙參枸杞龍眼肉熟地黃各五錢川貝甘草各二錢生鷄內金錢半煎服一劑卽不覺乾卽其方略爲加減又服十餘劑全愈

又治奉天商業學校校長李葆平得風溫發熱頭疼欬嗽延醫服藥一劑頭疼益劇熱嗽亦不少減其脈浮洪而長知其陽明經府皆熱也視所服方有薄荷連翹諸藥以解表知母玄參諸藥以清裏而難以橘紅三錢諸藥之功盡爲橘紅所掩矣爲卽原方去橘紅加生石膏一兩一劑而愈

又治滄州義盛鐵工廠範沙匠孫連瑞肺臟受風欬吐痰醫者投以散風利痰之劑中有毛橘紅二錢服後卽大口吐血欬嗽益甚其脈浮而微數右部寸關皆有力投以傷寒論麻杏甘石湯方中生石膏用一兩麻黃用一錢煎湯送服早三七細末二錢一劑血止又去三七加丹參三錢再服一劑痰嗽亦愈方中加丹參者恐其經絡中留有瘀血釀成異日虛勞之證故加丹參以化之

統觀以上三案，橘紅爲虛勞溫病之禁藥，不彰彰可考。而醫者習慣用之，既不能研究其性於平素，至用之病勢增進，仍不知爲誤。用橘紅所致，不將夢夢終身。哉！喻南昌曰：彼病未除，我心先瘁。是誠仁人之言。凡我醫界同人，尙其不惜腦力心血，以精研藥性於居恆，更審機察，變於臨證，救人之命，卽以造己之福，豈不美哉！

論治疔宜重用大黃

瘡瘍以疔毒爲最緊要，因其毒發於臟腑，非僅在於經絡。其脈多見沈緊，緊者毒也。緊在沈部，其毒在內可知也。至其重者，發於鳩尾穴處，名爲半日疔。言半日之間，卽有關於人性命也。若係此種疔毒，當於未發現之前，其人或心中怔忡，或鳩尾處隱隱作疼，或其處若發炎熱，似有漫腫形迹。其脈象見沈緊者，卽宜預防。鳩尾穴處生疔而投以大劑解毒清血之品，其大便實者，用大黃雜於解毒藥中，下之。其疔卽可暗消於無形。此等疔毒，若待其發出始爲療治，恆有不及治者矣。

至若他處生疔，原不必如此預防。而用他藥治之不效者，亦宜重用大黃降下其毒。憶愚少時見同里患疔者二人，一起於腦後，二日死；一起於手三里穴，三日死。彼時愚已爲人

疏方治病而聲名未孚於鄉里病家以爲年少無閱歷不相延也後愚堂姪女於口角

疔疼痛異常心中忙亂投以清熱解毒藥不效脈象沈緊大便三日未行恍悟寒溫之證

若脈象沈洪者可用藥下之以其熱在裏也今脈象沈緊夫緊爲有毒非若傷寒之緊脈爲寒也緊而且

沈其毒在裏可知律以寒溫脈之沈洪者可下其熱則疔毒脈之沈緊者當亦可下其毒

也况其大便三日未行乎遂爲疏方大黃天花粉各一兩皂刺四錢穿山甲乳香沒藥皆

去各三錢薄荷葉一錢全蜈蚣三大條煎服一劑大便通下疼減心安遂去大黃又服一

劑全愈按用大黃通其大便不必其大便多日未行凡脈象沈緊其大便不滑瀉者皆可

用若身體弱者大黃可以斟酌少用愚用此方救人多矣因用之屢建奇效遂名之爲大

黃掃毒湯

友人朱鉢文傳一治疔方大黃甘草各五錢生牡蠣六錢瓜蒌仁四十粒搗碎疔在上者

川芎三錢作引在兩臂者桂枝尖三錢作引在下者懷牛膝三錢作引煎服立愈身壯實

者大黃可斟酌多用此亦重用大黃是以奏效甚捷也

又第一卷答陳董塵書篇中有刺疔法宜參觀

論治癩

癩之爲證方書罕載愚初亦以爲猶若疥癬不必注意也自戊午來奉天診病於立達醫院遇癩證之劇者若干有患證數年費藥資甚鉅不能治愈者經愚手皆服藥數劑全愈後有錦州縣署傳達處戎寶亭患此證在其本地服藥無效來奉求爲診治服藥六劑卽愈隔三年其證陡然反覆先起自面上狀若頑癬搔破則流黃水其未破之處皮膚片片脫落奇癢離敖歌哭萬狀在其本處服藥十餘日分毫無效復來奉求爲診治其脈象洪實自言心中煩躁異常夜間尤甚膚愈癢而心愈躁徹夜不眠若再不愈實難支持遂爲疏方用蛇退四條蟬退殭蠶全蝎甘草各二錢黃連防風各三錢天花粉六錢大楓子十二粒連皮搗碎爲其脈洪心躁又爲加生石膏細末兩半煎湯兩茶鍾分兩次溫飲下連服三劑面上流黃水處皆結痂其有舊結之痂皆脫落癢癢煩躁皆愈強半脈之洪實亦減半遂去石膏加龍胆草三錢服一劑從前周身之似有似無者其癩亦皆發出作癢癢仍按原方連服數劑全愈愈後病人心甚感激夫先賢伯牛之疾自古先儒傳說謂是癩病素嘗疑之今乃知癩之爲病誠與性命有關也至方中之藥諸藥皆可因證加減或用

或不用而蛇退則在所必需以其既善解毒以毒攻毒又善去風且有以皮達皮之妙也若畏大楓子有毒不欲服者減去此味亦可

駁方書貴陽抑陰論

嘗思一陰一陽互爲之根天地之氣化也人稟天地之氣化以生卽人身各具一小天地其氣化何獨不然是以人之全身陰陽互相維繫上焦之陽藏於心血中焦之陽涵於胃液下焦之陽存於腎水凡心血胃液腎水皆陰也充類言之凡全身津液脂膏脈腺存在之處卽元陽留蓄之處陽無陰則飛越陰無陽則凝滯陽盛於陰則熱陰盛於陽則冷由斯知陰陽偏盛則人病陰陽平均則人安陰陽相維則人生陰陽相離則人死彼爲貴陽抑陰之論者竟謂陽一分未盡則人不死陰一分未盡則人不仙斯何異夢中說夢也然此則論未病之時陰陽關於人身之緊要原無軒輊也若論已病又恆陽常有餘陰常不足朱丹溪言有此論醫者當調其陰陽使之歸於和平或滋陰以化陽或瀉陽以保陰其宜如此

治者又恆居十之八九藉曰不藥試卽諸病徵之

病有內傷外感之殊而外感實居三分之一今先以外感言之傷寒溫病疫病皆感也

而傷寒中於陰經宜用熱藥者百中無二三也溫病則純乎溫熱已無他議疫病雖間有寒疫亦百中之一二也他如或瘧或疹或痧證或霍亂亦皆熱者居多而暑暍之病更無論矣

試再以內傷言之內傷之病虛勞者居其半而勞字從火其人大抵皆陰虛陽盛究之亦非真陽盛乃陰獨虛致陽偏盛耳他如或吐衄或淋痢或肺病喉病眼疾或黃疸或水病腫脹二便不利或嗽或喘或各種瘡毒以上諸證已爲內傷之大凡而陽盛陰虛者實爲十之八九也世之業醫者能無於臨證之際以急急保其真陰爲先務乎卽其病真屬陽虛當用補陽之藥者亦宜少佐以滋陰之品蓋上焦陰分不虛而後可受參芪下焦陰分不虛而後可受桂附也

此稿甫成適有客至閱一過而問曰醫家貴陽抑陰之說誠爲差謬原可直斥其非至陰一分未盡不仙之說亦並斥之而仙家有號紫陽號純陽者又作何解乎答曰所謂仙者乃凝鍊其神明使之終不磨滅也內經謂兩精相搏謂之神道經謂鍊精化氣鍊氣化神所謂精者果陰也陽也蓋仙家修成內丹神明洞徹如日麗中天光景長新而自號爲紫

陽純陽者欲取法乎懸象也然日爲太陽在地爲火火之燃燒必賴養氣火非養氣不着火之上炎具有輕氣爐心有輕氣輕養相合卽爲水素火中既含有真水火原非純陽也且日於卦爲離離之象外陽而內陰是以日之體外明而內暗其暗處猶火之有燃燒料也更徵之日月相望月若正對日之暗處其光明卽立減由斯知日中含有真陰日亦非純陽也况天干中之甲乙皆爲東方之生氣甲爲陽而乙爲陰人之所知也乃仙家內丹修成之後不曰太甲金丹而曰太乙金丹者因道書不爲女子說法多爲男子說法若爲女子說法自當名爲太甲金丹陰資於陽也爲多爲男子說法則必需乎太乙金丹陽資於陰也究之仍不外陰陽互根之理也蓋自太極朕兆以來兩儀攸分而少陰少陽卽互函於太陽太陰之中太陽中有少陰太陰中有少陽陰陽互根卽陰陽互生天地此理生人物此理醫學仙學亦莫不本乎此理彼謂陰一分未盡則人不仙者亦知仙家所謂太乙金丹者作何解乎愚向曾論學醫者當兼用靜坐之功以悟哲學是以今論醫學而兼及仙學仙學亦哲學也

治虛勞證宜慎防汗脫說

人身之汗猶天地之有雨也天地陰陽和而後雨人身亦陰陽和而後汗然雨不可過濶

雨則田禾淹沒亦汗不可過過汗則身體虛弱是以微汗之解肌者可以賴營衛去灼熱散外感通經絡消腫脹利小便排泄惡濁外出汗之爲用亦廣矣若大汗淋漓又或因之亡陽因之亡陰甚成陰陽俱亡脫其元氣種種危機更伏於汗之中矣而在陰虛勞熱者爲尤甚虛勞之證有易出汗者其人外衛氣虛一經發熱汗卽隨熱外泄治之者宜於滋補藥中加生龍骨生牡蠣山萸肉以斂其汗有分毫不出汗者其人肌膚乾澀津液枯短陰分虛甚不能應陽分而化汗其灼熱之時肌膚之乾澀益甚亦宜少加龍骨牡蠣萸肉諸藥防其出汗何者蓋因其汗蓄久不出服藥之後陰分滋長能與陽分治決其人恆突然汗出若其爲解肌之微汗病或因之減輕若爲淋漓之大汗病必因之加重甚或至於不治是以治此等證者皆宜防其出汗其服藥至脈有起色時尤宜謹防可預購淨萸肉二兩生龍骨生牡蠣各一兩備用其人將汗時必先有煩躁之意或周身兼覺發熱卽速將所備之藥煎湯兩盅先溫服一盅服後汗猶不止者再溫服一盅卽出汗亦必不至虛脫也至其人或因泄瀉日久致虛者若用藥將其大便補住後其臟腑之氣化不復下溜卽有轉而上升之機此時亦宜預防其出汗而購藥以備之或更於所服藥中兼用斂汗

之品

答翁義芳問呃逆氣鬱治法

詳觀一百十一號

紹興醫學
學星期報

所登之案其呃逆終不愈者以其虛而兼鬱也然觀其飽時

加重飢時見輕知病因之由於鬱者多由於虛者少若能令其分毫不鬱其呃當止鬱開
呃止氣化流通雖有所虛自能漸漸復原特是理虛中之鬱最爲難事必所用之藥分毫
不傷氣化俾其鬱開得一分其氣化自能復原一分始克有效拙著衷中參西錄三期第
七卷載有衛生防疫寶丹

方詳本期第六卷
論霍亂治法後

原係治霍亂急證之方無論其證因涼因熱皆

屢試屢驗後值瀋陽趙海珊營長之兄峻峰得溫病甚劇昇至院中求爲診治數日就愈
忽作呃逆晝夜不止服藥無效因思衛生防疫寶丹最善行氣理鬱俾一次服五十粒呃
逆頓止又數日有奉天督署衛隊旅陳姓軍人患呃逆證旬日不止眠食俱廢旅中醫官
屢次用藥無效辭令回家靜養因來院中求爲治療其精神疲憊幾不能支亦治以衛生
防疫寶丹俾服八十粒亦一次卽愈由斯知衛生防疫寶丹治呃逆確有把握無論其爲
虛爲鬱用之皆可奏效也蓋方中冰片薄荷冰爲透竅通氣之妙藥而細辛善降逆氣

芷善達鬱氣硃砂能鎮衝氣之衝逆甘草能緩肝氣之忿激藥非爲哤逆專方而無一味非治哤逆必需之品是以投之皆效也若其人下元虛甚者可濃煎生山藥汁送服其挾熱者白芍麥冬煎湯送服其挾寒者乾薑厚朴煎湯送服愚用之數十次未有不隨手奏效者若倉猝不暇作丸藥者可爲末服之

論治癩瘋

癩瘋最爲難治之證因其根蒂最深

論者謂此病得於先天未降生之時

故不易治耳愚平素對於此證有單

用磨刀水治愈者有單用熊胆治愈者有單用蘆薈治愈者有用礞硃丸加赭石治愈者有日用西藥臭素加里抱水格魯拉爾諸藥強制其腦筋使不暴發而徐以健脾利痰清火鎮驚之藥治愈者然如此治法效者固多不效者亦恆有之仍覺對於此證未有把握後治奉天小西邊門外王氏婦年近三旬得癩瘋證醫治年餘不愈寢至每日必發且病勢較重其證甫發時作狂笑繼則肢體抽掣昏不知人脈象滑實關前尤甚知其痰火充盛上併於心神不守舍故作狂笑痰火上併不已迫激腦筋失其所司故肢體抽掣失其知覺也先投以拙擬盪痰湯

方在三期三卷係生赭石細末二兩大黃一兩朴硝六錢清半夏鬱金各三錢

間日一劑三劑後病勢稍輕遂

改用丸藥硫化鉛生赭石芒硝各二兩硃砂青黛白礬各一兩黃丹五錢共爲細末復用生懷山藥四兩爲細末焙熟調和諸藥中煉蜜爲丸二錢重當空心時開水送服一丸日兩次服至百丸全愈

又治奉天女師範劉姓學生素患癩瘋曾用羚羊角加清火理痰鎮肝之藥治愈隔二年證又反覆再投以原方不效亦與以此丸服盡六十九丸全愈

又治一瀋陽縣鄉間童子年七八歲夜間睡時騷擾不安似有抽掣之狀此亦癩瘋也亦治以此丸服至四十九丸全愈

此丸不但治癩瘋又善治神經之病奉天陸軍軍官趙嘏齋年五十許數年頭迷心亂精神恍惚不由自主屢次醫治不愈亦治以此丸惟方中白礬改爲礪砂仍用一兩亦服至百丸全愈因此丸屢用皆效遂名此丸爲愈癩丸而以礪砂易白礬者名爲息神丸

附製硫化鉛法 用真黑鉛硫黃細末各一斤先將鉛入鐵鍋中鎔化卽將硫黃末四五兩撒在鉛上黃卽發燄急用鐵錘拌炒所鎔之鉛卽結成砂子其有未盡結者又須將硫黃末接續撒其上勿令火熄仍不住拌鎔化之鉛盡結成砂子爲度待晾冷所結砂子色

若鉛灰入藥鉢細研爲粉去其研之成餅所餘之粉用芒硝半斤分三次沖水將其粉糞過三次然後入藥

論癩狂失心之原因及治法

人之元神在腦識神在心無病之人識神與元神息息想通是以能燭照庶務鑑別是非而毫無錯謬乃有時元神識神相通之路有所隔闕其人之神明卽失其所用恒至顛倒是非狂妄背戾而汨沒其原來之知覺此何故也蓋腦中之元神體也心中識神用也人欲用其神明則自腦達心不用其神明則仍由心歸腦若其心腦之間有所隔闕則欲用其神明而其神明不能由腦達心是以神明頓失其所司而究其隔闕者果爲何物則無非癩延凝滯而矣

蓋人之神明屬陽而性熱凡其人心中有不釋然或憂思或忿怒或用心過度其神明常存於心中必致其心中生熱灼耗水飲而爲膠痰其甚者或成頑痰此痰隨心血上行最易凝滯於心腦相通之路其凝滯之甚者元神與識神卽被其隔闕而不相通矣是以愚治此證其脈甚洪實者恒投以大劑承氣湯而重用赭石輔之大黃可用至一兩

生赭石可用至二兩名之爲盪痰湯其證極重者又恒用所煎湯藥送服甘遂細末一錢名之爲盪痰加甘遂湯其方皆載於三期第三卷茲不復詳論惟近在天津治河東李公樓劉姓女子得失心病然有輕時每逢大便乾燥時則加劇遂俾用生赭石細末每服三錢日兩次連服月餘大便之乾燥除而病亦遂愈矣誠以赭石重墜之性能引其隔闕元神識神之痰延下行也

又愚在籍時曾治一室女得失心病甚劇不知服藥其家人又不欲強灌之遂俾用以朴硝當鹽置於其所日用飲食中月餘其病亦愈蓋朴硝味鹹性寒原爲心經對宮之藥故大能清心經之熱而其開通消化之力又善清頑痰膠痰是以服之亦立見功效也因其方簡便易用遂載於三期書中後醫界同人亦用此方有效致書相告者數處焉由斯觀之若遇癲狂失心之劇者又不妨兩方並作一方用

特是右所論者皆癲狂失心之實證也有其上盛下虛其下焦之真陰真陽不相維繫又加肝風內動爲引陡然痰火上奔致迷亂其本性者其治法詳於三期二卷中且附載有治愈之案可參觀也

論革脈之形狀及治法

革脈最爲病脈中之險脈而人多忽之以其不知革脈之眞象卽知之亦多不知治法也其形狀如按鼓革外雖硬而中空卽弦脈之大而有力者因其脈與弦脈相近是以其脈雖大而不洪無起伏故不洪雖有力而不滑中壅故不滑卽此以揣摩此脈其眞象可得矣其主病爲陰陽離絕上下不相維繫脈至如此病將變革此又革脈之所以命名有危在頃刻之勢丁卯在津治愈革脈之證數次惟有一媪八旬有六治之未愈此乃年歲所關也今特將其脈之最險者詳錄一則於左以爲治斯證者之嚆矢

外孫王竹孫年五十身體素羸弱於仲夏得溫病心中熱而煩躁忽起忽臥無一息之停其脈大而且硬微兼洪象其舌苔薄而微黑其黑處若斑點知其內傷與外感並重也其大便四日未行腹中脹滿按之且有硬處其家人言腹中滿硬係宿病已逾半載爲有此病所以身形益羸弱因思宿病宜從緩治當以清其溫熱爲急務爲疏方用白虎加人參湯方中石膏用生者兩半人參用野臺參五錢又以生山藥八錢代方中粳米煎湯兩盅分三次溫飲下一劑外感之熱已退強半煩躁略減仍然起臥不安而可睡片時脈之洪

象已無而大硬如故其大便猶未通下腹中脹益甚遂用生赭石細末生懷山藥各一兩野臺參六錢知母玄參各五錢生鷄內金錢半煎湯服後大便通下遲兩點鐘腹中作響覺瘀積已開連下三次皆係陳積其證陡變脈之大與硬較前幾加兩倍周身脈管皆大動幾有破裂之勢其心中之煩躁精神之騷擾起臥之頻頻不安實有不可言語形容者其家人環視懼甚愚毅然許爲治愈遂急開淨莢肉生龍骨各兩半熟地黃生山藥各一兩野臺參白朮各六錢炙甘草三錢煎湯一大碗分兩次溫飲下其狀況稍安脈亦見斂當日按方又進一劑可以安臥須臾其脈漸若瘀積未下時其腹亦見軟惟心中時或發熱繼將原方去白朮加生地黃八錢日服一劑三劑後脈象已近平和而大便數日未行且自覺陳積未淨遂將莢肉龍骨各減五錢加生赭石六錢當歸三錢又下瘀積若干其脈又見大遂去赭石當歸連服十餘劑全愈

答人問鐵汁與四物湯補血之比較

鐵汁所以能補血者因人血中有鐵鑣鐵汁入腹與腹中養氣化合卽成鐵鑣以補血中鐵鑣之缺乏然人血中之鐵鑣僅居千分之一卽常飲鐵汁不過將血中之鐵鑣補足若

再於其原有之定分補之加多臟腑間轉生重墜之病此愚得諸目覩實驗者也至於血輪爲血中之重要分子明水爲血中之最大分子皆非鐵汁所能補益而四物湯實能補益之且地黃中原含有鐵質故曬之其色純黑由斯知四物湯不但能補血中血輪明水並能補血中鐵鏈也鐵汁補血之功用安能及四物湯哉

答人問四物湯能補血中血球及明水之理

當歸色紅似血其汁稠粘有似血液且微有血腥之氣本經謂煮汁飲之尤良是爲取與血相類之汁液以補血分之不足也芎藭能引腹中輕氣上達與吸入之養氣化合而生水水氣涵濡則血脈自得其養且其氣香能升清味辛能降濁故上至頭目下至血海調暢血氣俾無凝滯雖非生血之主藥亦生血之輔佐品也地黃性涼多液色黑又含有鐵質既能大滋真陰尤善引浮越之相火下行相火類電氣故鐵能引之下行以清上焦燥熱則心君常得陽精之奉內經謂陰精所奉其人壽生血之功必益溥也芍藥華於春夏之交其味酸而兼苦其酸也能斂肝火其苦也能瀉心熱實能調養木火之臟使不至相助熾盛且其汁漿稠黏亦係滋陰之品滋陰卽能養血也要之歸芎溫而地芍涼涼溫相調性始和平地芍專養血分歸芎兼

理氣分氣血雙理而人始無病內經謂中焦取氣受汁變化而爲赤是爲血故凡物之汁漿濃厚性味和平者皆可由胃達於小腸乳糜管中而多化乳糜汁此汁上升於心卽可變化而爲血球明水矣况四物湯諸藥更善於養血調血者乎

論女子癥瘕治法

女子癥瘕多因產後惡露未淨凝結於衝任之中而流走之新血又日凝滯其上以附益之遂漸積而爲癥瘕矣癥者有實可徵在一處不移瘕者猶可移動按之或有或無若有所假託由斯而論癥固甚於瘕矣此證若在數月以裏其身體猶強壯所結之癥瘕猶未甚堅可用金匱下瘀血湯下之然必如金匱所載服法先製爲丸再煎爲湯連渣服之方效

若其病已逾年或至數年癥瘕積將滿腹硬如鐵石月信閉塞飲食減少寢成癆瘵病勢至此再投以下瘀血湯必不能任受卽能任受亦不能將瘀血通下惟治以拙擬理衝湯方載三期第八卷補破之藥並用其身形弱者服之更可轉弱爲強卽十餘年久積之癥瘕硬如鐵石久久服之亦可徐盡消本方後附載有治愈之案若干可參觀也近在津門用其方

因證加減治愈癥瘕數人爰錄一案於左以爲治斯病之粗規

天津特別一區三義莊張氏婦年近四旬自言五年之前因產後惡露未淨積爲硬塊其大如橘積久漸大初在臍下今則過臍已三四寸矣其後積而漸大者按之猶軟其初積之塊則硬如鐵石且覺其處甚涼初猶不疼自今年來漸覺疼痛從前服藥若干分毫無效轉致飲食減少身體軟弱不知還可治否言之似甚懼者愚曰此勿憂可保必愈因問其月信猶通否言從前猶按月通行今雖些許通行已不按月且其來浸少今已兩月未見矣診其脈澀而無力兩尺尤弱爰爲疏方生黃芪四錢黨參白朮當歸生山藥三稜莪朮生鷄內各三錢桃仁紅花生水蛭各二錢麩虫五個小茴香錢半煎湯一大鍾溫服將藥連服四劑腹已不疼病處已不覺涼飲食加多脈亦略起色遂卽原方去小茴香又服五劑病雖未消而周遭已漸軟惟上焦覺微熱因於方中加玄參三錢樗鷄八枚又連服十餘劑其癥瘕全消

然癥瘕不必盡屬瘀血也大抵瘀血結爲癥瘕者其人必碍生育月信恆閉若其人不碍生育月信亦屢見者其癥瘕多係冷積其身形壯實者可用炒熱牽牛頭次所軋之末三

錢下之所下之積恆爲半透明白色狀若綠豆粉所熬之糊若其身形稍弱者亦可用黃芪人參諸補氣之藥煎湯送服牽牛末若畏服此峻攻之藥者亦可徐服丸藥化之方用胡椒白礬各二兩再用炒熟麥麵和之爲丸桐子大每服錢半日兩次服至月餘其癥癥自消

若其處覺涼者多服溫煖宣通之藥其積亦可下曾治滄州賈官屯張氏婦上焦滿悶煩躁不能飲食下焦板硬月信逾兩月未見脈象左右皆弦細仲師謂雙弦者寒偏弦者飲脈象如此其爲上有寒飲下有寒積無疑其煩躁乃假象寒飲傷心肺之陽上浮也爲疏方用乾薑五錢於白朮四錢烏附子三錢雲苓片炙甘草各二錢陳皮厚朴各錢半爲其煩躁加生白芍三錢以爲反佐一劑滿悶煩躁皆見愈又服一劑能進飲食且覺腹中涼甚遂去芍藥將附子改用五錢後又將乾薑減半附子加至八錢服逾十劑大便日行數次多係白色冷積湯藥仍日進一劑如此五日冷積瀉盡大便自止再診其脈見有滑象尺部按之如珠知係受孕俾停藥勿服至期生子無恙夫附子原有損胎之說此證服附子若此之多而胎竟安然誠所謂有故無損亦無損者也

又無論血瘀冷積日服真鹿角膠四五錢分兩次熬化服之日久亦可徐消蓋鹿角膠原能入衝任以通血脈又能入督脈以助元陽是以無論瘀血冷積皆能徐爲消化也

近又擬一消癥瘕兼通經閉方用炒白朮天冬生鷄內金等分爲細末以治癥瘕堅結及月事不通每服三錢開水送下日再服若用山查片三錢煎湯沖化紅蔗糖三錢以之送藥更佳因用之屢有效驗爰名爲化瘀通經散

鷄內金原饒有化瘀之力能化癥瘕當卽善消癥瘕然向未嘗單用之以奏效也因所擬理衝湯中原有生鷄內金三錢方後註云若虛弱者宜去三稜莪朮將鷄內金改用四錢此書初梓於奉天奉天稅捐局長齊自芸先生博學通醫用此方按注中如此加減治癒癥瘕垂危之證因商之省長海泉劉公延愚至奉爲建立達醫院由此知鷄內金之消癥瘕誠不讓三稜莪朮矣夫能消癥瘕卽能通月信此原一定之理然未經臨證實驗不敢但憑理想確定也後來津滄河東車站旁楊氏女因患瘰癧過服寒涼開散之藥傷其脾胃以致食後脹滿不能消化重用溫補脾胃之劑加生鷄內金二錢以運化藥力後服數劑來更方言病甚見愈惟初服此藥之夜經卽通下隔前經期未旬日耳因其病已見愈聞

此言未嘗注意更方中仍有生鷄內金二錢又服數劑來求更方言病已全愈惟一月之內行經三次後二次在服藥之後所來甚少仍乞再爲調治愚恍悟此誠因用鷄內金之故由此可確知鷄內金通經之力因憶在奉時曾治大東關宋氏女胃有瘀積作疼方中重用生鷄內金服數劑後二便下血而愈此固見鷄內金消瘀之力實並見鷄內金通經之力也總前後數案參觀鷄內金消瘀通經之力洵兼擅其長矣此方中伍以白朮者恐脾胃虛弱不任鷄內金之開通也更輔以天冬者恐陰虛有熱不受白朮之溫燥也然鷄內金必須生用方有效驗若炒熟用之則無效矣因其含有稀鹽酸是以善於化物炒之則其稀鹽酸卽飛去所以無效也

論帶證治法

女子帶證來自衝任或胞室而名爲帶者責在帶脈不能約束也方書辨其帶下之色分爲五帶而究之赤白二帶可分括之赤者多熱白者多涼而辨其涼熱又不可盡在赤白也宜細詢其自覺或涼或熱參以脈之或遲或數有力無力則涼熱可辨矣治法宜用收澀之品而以化瘀通滯之藥佐之曾擬有清帶湯

方載三期第八卷係生山藥一兩生龍骨生牡蠣各六錢海螵蛸去甲四錢茜草二錢

證偏熱者

加生杭芍生地黃熱甚者加苦參黃柏或兼用防腐之藥若金銀花旱三七鴉胆子仁皆可酌用證偏涼者加白朮鹿角膠涼甚者加乾薑桂附小茴香

又擬有清帶丸方用龍骨牡蠣皆煨透等分爲細末和以西藥骨泔波拔爾撒謨亦名哥爲拜巴加

丸黃豆粒大每服十九丸日兩次滄州西關陳氏婦過門久不育白帶證甚劇爲製此丸服之即愈未逾年即生子矣

近閱杭州醫報載有俗傳治白帶便方用綠豆芽連頭根三斤洗淨加水兩大碗煎透去渣加生薑汁三兩黃蔗糖四兩慢火收膏每晨開水冲服約十二日服一料服全兩料必愈按此方用之數次頗有效驗

論血崩治法

女子血崩因腎臟氣化不固而衝任滑脫也會擬有固衝湯

方載三期八卷係白朮一兩生薑黃連黃肉龍骨牡蠣各六錢生梳芍海螵蛸去甲

各四錢黃草棕邊炭各二錢煎滾服石于雜末一錢

脈象熱者加大生地一兩涼者加烏附子二錢大怒之後因肝氣衝

激血崩者加柴胡二錢若服兩劑不愈去棕邊炭加真阿膠五錢另熬同服服藥覺熱者亦宜酌加生地有用此方嫌螵蛸茜草有消瘀之力而減去之者服藥數劑無效求愚爲

之診治俾服原方一劑而愈醫者與病家皆甚詫異愚曰海螵蛸即烏鰂骨茜草即蘆薈
詩經作
茹蘆內經四烏鰂骨一蘆薈丸以雀卵鮑魚湯送下原治傷肝之病時時前後血固衝湯
中用此實遵內經之旨也

按此方肝氣衝者宜加柴胡即非肝氣衝者亦可加柴胡小兒蔭潮在京曾治廣西黃姓
婦人患血崩甚劇投以固衝湯未效遂加柴胡二錢助黃芪以升提氣化服之即愈因斯
知病非由於肝氣衝者亦宜加柴胡於方中也

傅青主女科有治老婦血崩方生黃芪當歸身酒洗各一兩桑葉十四片三七細末二錢藥湯
送服
煎服二劑血止四劑不再發按此方治少年婦女此病亦效然多宜酌加生地黃若有熱
者必加至兩餘方能奏效

又諸城友人王肖舫傳一治血崩秘方用青萊蕪生搗取汁加白糖數匙微火熬溫陸續
飲至三大盅必愈按此方肖舫曾治有極重驗案登於紹興醫報

又西藥中有麥角原霉麥上所生之小角其性最善收攝血管能治一旦失血之證而對
於下血者用之尤效角之最大者長近寸許以一枚和乳糖無乳糖可代
以白蔗糖研細可作兩次服

愚常用之與止血之藥並服恆有捷效西人又製有麥角流膏盛以玻璃小管每管一瓦用以注射臂上靜脈管一切下血之證用之皆效惟血止後宜急服三七細末數次每次二錢方無他虞不然恆有因血止脈痺而變爲勞瘵證者此又不可不知也

論治女子血崩有兩種特效藥

兩種血崩特效藥

一種爲宿根之草一根恆生數莖高不盈尺葉似地膚微寬厚則加倍其色綠而微帶蒼色孟夏開小白花結實如杜梨色如其葉老而微黃多生於宅畔路旁板硬之地俗呼爲犍牛蛋又名臭科子然實未有臭味初不知其可入藥也戊辰孟夏愚有事回籍有縣治南關王氏婦患血崩服藥不效有人教用此草連根實剉碎煮湯飲之其病頓愈後愚回津言及此方門生李毅伯謂此方余素知之若加黑豆一小握用水酒各半煎湯則更效矣

一種爲當年種生之草科高尺餘葉圓而有尖色深綠季夏開小白花五出黃蕊結實大如五味狀若小茄嫩則綠熟則紅老則紫黑中含甜漿可食俗名野茄子有山之處呼爲

山茄子奉省醫者多採此草陰乾備用若遇血崩時將其梗葉實共切碎煎湯服之立愈在津曾與友人張相臣言及此草相臣謂此卽本草綱目之龍葵一名天茄子一名老鴉睛草者是也而愚查綱目龍葵言治吐血不止未嘗言治血崩然治吐血之藥恆兼能治下血若三七茜草諸藥是明徵也以徧地皆有之草而能治如此重病洵堪珍哉

論婦人不妊治法

婦人不妊之原因甚多至其人經脈調和素無他病而竟多年不妊者大抵由於血海中元陽不足失其溫度其人或畏坐涼處或畏食涼物或天氣未寒而背先惡冷或脈遲因而尺部不起皆其外徵也葉天士治此等證恆重用紫石英此誠由熟讀本經得來嘗考本經謂紫石英甘溫無毒主心腹呃逆邪氣補不足女子風寒在子宮絕孕十年無子蓋因紫石英性溫質重且又色紫似血故能直入衝任以溫煖血分俾婦人易於受妊以治血海虛寒不妊者誠爲對證良藥也特是此藥近世用者極少是以藥房恆不備此藥卽備之亦恆陳蠹數十年且因其非常用習見之品卽偶用之亦莫辨其真僞是以愚治此證恆本本經之義而變通之以硫黃代石英其功效更捷蓋硫黃石英皆爲鑛質其沈重

下達之力同而較其熱力則硫黃實優於石英且爲人所習見未有真假惟揀其純黃無雜色者卽無雜質亦卽分毫無毒凡婦人因血海虛寒不妊者食前每服二三分品驗漸漸加多以服後移時覺微溫爲每次所服之定量計平素用硫黃之經過有一次服之五六分而始覺溫者有一次服至錢餘而始覺溫者迨服至元陽充足身體強壯自然受妊且生子又必長命此愚屢經試驗而確知其然者也然硫黃須用生者製之則無效三期第八卷載有服生硫黃法可參觀

又衝任中有瘀血亦可以妨礙受妊當用金匱下瘀血湯下之或單用水蛭爲細末少少服之瘀血亦可徐消然水蛭必須生用若炙用之無效曾治一婦人不妊其人強壯無病惟臍下有積一塊疑是瘀血俾買水蛭一兩自用麻油炙透爲末每服五分日兩次服盡無效後改用生者一兩軋細仍如從前服法未盡劑而積盡消逾年卽生男矣若其人身形稍弱者可用黨參數錢煎湯送服水蛭末若服黨參發熱者可與天冬同煎湯送服蓋本經水蛭原主婦人無子註疏家謂瘀血去則易妊且其性化瘀血而不傷新血誠爲理血妙藥若有疑其性猛烈者參觀三期第八卷理衝湯後跋語自能渙然冰釋而無疑慮矣

論治婦人流產

流產爲婦人恆有之病而方書所載保胎之方未有用之必效者誠以保胎所用之藥當注重於胎以變化胎之性情氣質使之善吸其母之氣化以自養自無流產之虞若但補助妊婦使其氣血壯旺固攝以爲母強自能蔭子此又非熟籌完全也是以愚臨證考驗以來見有屢次流產者其人恆身體強壯分毫無病而身體軟弱者恐生育多則身體愈弱欲其流產而偏不流產於以知或流產或不流產不盡關於妊婦身體之強弱實兼視所受之胎善吸取其母之氣化否也由斯而論愚於千百味藥中得一最善治流產之藥其爲兔絲子乎何以言之凡植物之生皆恃有根獨兔絲子初生亦有根及其蔓纏禾稼之上被風搖動其根即斷而其根斷之後益蕃延盛茂於禾稼之上致禾稼爲之黃落此誠善取所託者之氣化以自養者也藉此物之性質以變化胎之性質能使所結之胎善於吸取母氣此所以爲治流產之最良藥也

愚擬有壽胎丸

戴三期
第八卷

重用兔絲子爲主藥而以續斷寄生阿膠諸藥輔之

伍以諸藥皆有精義
詳於本方下註解

凡受妊之婦於兩月之後徐服一料必無流產之弊此乃於最易流產者屢次用之皆效

故敢確信其然也至陳修園謂宜用大補大溫之劑使子宮常得煖氣則胎自日長而有成彼蓋因其夫人服白朮黃芩連墜胎五次後服四物湯加鹿角膠補骨脂續斷而胎安遂疑涼藥能墜胎篤信熱藥能安胎不知黃芩之所以能墜胎者非以其涼也本經謂黃芩下血閉豈有善下血閉之藥而能保胎者乎蓋漢唐以前名醫用藥皆謹遵本經所以可爲經方用其方者鮮有流弊迨至宋元以還諸家恆師心自智其用藥或至顯背本經是以譬如丹溪猶粗忽如此竟用黃芩爲保胎之藥俾用其方者不惟無益而反有所損此所以爲近代之名醫也所可異者修園固篤信本經者也何於用白朮黃芩之墜胎不知黃芩之能開血閉而但謂其性涼不利於胎乎究之胎得其養全在溫度適宜過涼之藥固不可以保胎卽藥過於熱亦非所以保胎也惟修園生平用藥喜熱惡涼是以立論稍有所偏耳

論難產治法

向治難產曾擬有大順湯 方載三期八卷係黨參當歸各一兩生赭石細末二兩 用之多次皆能隨手奏效因病家不知製方之義恆有欲用之而畏赭石過多者夫赭石之原質爲鐵養化合其性原甚和平矧又

重用人參當歸以駕馭之雖用至二兩亦何危險之有哉丙寅在津有英界胡氏婦臨產
二日未下自備有利產藥服之無效治以此方加蘇子懷牛膝各四錢服後半點鐘卽產
下又丁卯在津治河東車站旁陳氏婦臨產三日未下亦治以此方加蘇子四錢懷牛膝
六錢亦服藥後半點鐘卽產矣

且此方不獨愚用之有效他醫士用之亦皆有效天門友人崔蘭亭來函謂庚午仲冬曾
治濟邑張截港劉德猷之媳臨盆四日不產甚至胎氣上冲神昏不語嘔吐不止諸藥皆
不能受危險萬分殮服均備以爲無法可治待時而已乃因有人介紹來院求方遂爲開
大順湯原方加冬葵之二錢炒爆作引服後而嘔吐止氣息順精神已明了遲半日胎猶
未下俾按原方再服一劑胎雖下而已死產母則安然無恙又其年臘月上旬同業羅俊
華之夫人臨盆三日不下醫藥不效全家驚惶迎爲診治亦投以大順湯服後未半點鐘
其胎卽下母子安然由斯知衷中參西錄真可爲救命之書也

答鮑槎法問女子陰挺治法

陰挺之證大抵因肝氣鬱而下陷蓋肝主筋肝脈絡陰器肝又爲腎行氣陰挺自陰中挺

出狀類筋之所結其病因肝氣鬱而下陷無疑也愚向遇此證用方書中成方不效因擬得升肝舒鬱湯方方在二期八卷係生筋芪五錢知母四錢當歸乳香沒藥各三錢川芎柴胡各錢半服數劑卽全消以後屢次用之皆效醫界中有採用此方者亦莫不效邑中友人邵俊卿寄居津門原非業醫而好觀方書於拙著衷中參西錄尤喜閱之其友家眷屬有患此證者屢延醫治不效因求治於俊卿俊卿治以此方亦數劑卽愈後與愚覲面述之以爲奇異蓋此方雖皆爲尋常藥餌而製方之意實甚周匝方中黃芪與川芎柴胡並用補肝卽以舒肝而肝氣之陷者可升當歸與乳香沒藥並用養肝卽以調肝而肝氣之鬱者可化又恐黃芪性熱與肝中所寄之相火不宜故又加知母之涼潤滋陰者與黃芪相濟以解其熱也此方不惟治陰挺有特效凡肝氣鬱而兼虛者用之皆可奏效也

論室女乾病治法

內經謂女子二七天癸至所謂二七者十四歲也然必足年足月十四歲是則室女月信之通當在年十五矣若是年至十五月信不通卽當預爲之防宜用整條生懷山藥軋細過羅每用一兩或八錢煮作茶湯調以蔗糖令適口以之送服生鷄內金細末五分許當

點心用之日兩次久則月信自然通下此因山藥善養血鷄內金普通血也若至因月信不通飲食減少漸覺灼熱者亦可治以此方鷄內金末宜多用至一錢服茶湯後再嚼服天冬二三錢

至於病又加重身體虛弱勞嗽宜用拙擬資生通脈湯方在三期八卷係生山藥一兩龍眼肉六錢淨黃肉甘枸杞各四錢炒白朮玄參生杭芍各三錢生鷄內金桃仁甘草各二錢紅花錢半灼熱甚者加生地黃一兩嗽不止者加川貝三錢生英粟殼二錢此方之後載有數案且用此方各有加減若服資生通脈湯病雖見愈月信仍不至者可參觀所附案中加減諸方

右所論諸方之外愚猶有新擬之方凡服資生通脈湯病見愈而月信不見者可用生懷山藥四兩煮濃汁送服生鷄內金細末三錢所餘山藥之渣仍可水煮數次當茶飲之久之月信必至蓋鷄內金生用爲通月信最要之藥而多用又恐稍損氣分故又多用山藥至四兩以培養氣分也

論小兒癩病治法

小兒爲少陽之體於時爲春春氣固上升者也於五行爲木木性喜上達者也是以或灼熱作有驚駭其身中之元陽恆挾氣血上衝以擾其腦部致其腦筋妄行失其所司而瘳證作矣瘳者其頸項硬直也面或角弓反張或肢體抽掣亦皆蓋其中矣此證治標之藥中莫如蜈蚣宜用的以其節節有腦也西藥中莫如臭素加里一名臭刺及抱水格魯拉兒一名蘇美冰以其能麻醉腦筋也用治標之藥以救其急卽審其病因兼用治本之藥以清其源則標本並治愈後自不反覆也

癸亥季春愚在奉天立達醫院旬日之間遇幼童溫而兼瘳者四人愚皆以白虎湯治其溫以蜈蚣治其瘳其瘳之劇者全蜈蚣用至三條加白虎湯中同煎服之分數次飲下皆隨手奏效

其詳案皆在藥物講義蜈蚣解後案中又皆少伍以他藥然其緊要處全在白虎湯蜈蚣並用

又乙丑季夏愚在籍有南門裏張姓幼子患暑溫兼瘳其瘳發時氣息皆閉日數次灼熱又甚劇精神異常昏憤延醫數人皆謬爲不治小兒陰潮投以大劑白虎湯加全蜈蚣三條俾分三次飲下亦一劑而愈又丙寅季春愚因應友人延請自滄來津有河東俞姓童子病溫兼出疹周身壯熱渴嗜飲水疹出三日似瘳非瘳觀其神情恍惚不安脈象有力搖搖而動似將發瘳爲開白虎湯加羚羊

錢半

另煎免服此預防其
發運所以未用蜈蚣

藥未及煎已抽搐大作急煎藥服下頓愈

至瘰之因驚駭得者當以清心鎮肝安魂定魄之藥與蜈蚣並用若硃砂鐵鏈水生龍骨生牡蠣諸藥是也有熱者加羚羊角青黛有痰者加節菖蒲胆南星有風者加全蝎殭蠶氣閉塞及牙關緊者先以藥吹鼻得嚏後灌以湯藥

至於西藥臭素加里及抱水格魯拉兒其麻醉腦筋之力原善鎮驚使暫不發可容徐用中藥以除病之根蒂壬戌季秋有奉天北陵旁艾姓孺子患瘰證一日數發其發時瘰攣甚劇知覺全無來院求爲診治脈象數而有力左部尤甚右部兼有浮滑之象知其肝有積熱胃有痰飲又兼受外感之熱以激動之則痰火相併上衝擾其腦部而發瘰也與以臭素加里三瓦作三次服爲一日之量又爲疏方用生石膏二兩生杭芍八錢連翹三錢薄荷葉錢半煎湯兩鍾分三次飲下每服臭素加里一次卽繼服湯藥一次一日夜間病未反覆翌晨再診脈已平和又與以西藥一瓦將湯藥煎渣再服病遂全愈蓋臭素加里及抱水格魯拉兒皆鹽基之藥平和無毒故可與中藥並用也

答胡天宗問小兒暑天本瀉及由瀉變痢由瘧轉痢之治法

小兒少陽之體不堪暑熱恆喜食涼飲冷以解暑飲食失宜遂多泄瀉瀉多亡陰益至燥渴多飲而陰分虛損者其小溲恆不利所飲之水遂盡歸大腸因之泄瀉愈甚此小兒暑天水瀉所以難治也而所擬之方若能與證脗合則治之亦非難事方用生懷山藥一兩滑石八錢生杭芍六錢甘草二錢煎湯一大鍾分三次溫飲下一劑病減再劑全愈矣方中之意山藥滋真陰兼固其氣滑石瀉暑熱兼利其水甘草能和胃兼能緩大便芍藥能調肝又善利小便利肝胃調和其泄瀉尤易愈也此方卽拙著衷中參西錄溫病門滋陰清燥湯原治寒溫之證深入陽明之府上焦燥熱下焦滑瀉而小兒暑天水瀉其上焦亦必燥熱是以宜之至於由瀉變痢由瘧轉痢者治以此方亦能隨手奏效何者暑天熱痢最宜用天水散方中滑石甘草同用固河間之天水散也又可治以芍藥甘草湯方中白芍甘草同用卽仲景之芍藥甘草湯也且由瀉變痢由瘧轉痢者其真陰必然虧損氣化必不固攝而又重用生山藥爲之滋真陰固氣化是以無論由泄變痢由瘧轉痢者皆宜若服此藥間有不效者可加白頭翁三錢因白頭翁原爲治熱痢之要藥也

論脾風治法

脾風之證亦小兒發瘥之證卽方書所謂慢驚風也因慢驚二字欠解近世方書有改稱慢脾風者有但稱脾風者二名較之似但稱脾風較妥因其證之起點由於脾胃虛寒也蓋小兒雖爲少陽之體而少陽實爲穉陽有若草木之萌芽嬌嫩畏寒是以小兒或飲食起居多失於涼或因有病過服涼藥或久瘧久痢卽不服涼藥亦可因虛生涼寢成脾風之證其始也因脾胃陽虛寒飲凝滯於賁門之間阻塞飲食不能下行卽下行亦不能消化是以上吐而下瀉久之則真陰虛損可作灼熱其寒飲充盛迫其身中之陽氣外浮亦可作灼熱寢至肝虛風動累及腦氣筋遂至發瘥手足抽掣此證莊在田福幼編論之最詳其所擬之逐寒蕩驚湯及加味理中地黃湯二方亦最善愚用其方教人多矣而因證制宜又恆有所變通方能隨手奏效試略錄數則於左

其第一方之逐寒蕩驚湯原爲不受飲食者衝開胸膈之寒痰而設是以將藥搗碎煎數沸其藥力卽煎出此防其久煎無力不能衝開寒飲也愚治一六歲幼童患脾風飲食下咽移時卽吐出投以逐寒蕩驚湯不效因思此方當以胡椒爲主藥在藥房中爲罕用之品或陳而減力俾於食料舖中另買此味且加倍用二錢與諸藥同煎服一劑卽將寒痰

衝開可以受食繼服加味理中地黃湯數劑全愈

又治一五歲幼童先治以逐寒蕩驚湯可進飲食矣而滑瀉殊甚繼投以加味理中地黃湯一日連進兩劑泄瀉不止連所服之藥亦皆瀉出遂改用紅高麗參大者一支軋爲細末又用生懷山藥細末六錢煑作粥送服參末一錢強如此日服三次其瀉遂止翌日仍用此方恐作脹滿又於所服粥中調入西藥百布聖六分如此服至三日病全愈又治一未周歲小孩食乳卽吐屢次服藥亦吐出顛門下陷睡時露睛將成脾風俾其於每吃乳時用生硫黃細末一捻置兒口中乳汁遂下其吐漸稀旬日全愈莊在田之福幼編業醫者大約皆熟閱其書而參以愚所經歷者數則以治幼科脾風之證大抵皆能治愈也

治幼年溫熱證宜預防其出痧疹

幼年溫熱諸證多與痧疹並至然溫熱之病初得卽知至痧疹初得其毒恒內伏而外無現象或遲至多日始出又或不能自出必俟服托表之藥而後能出若思患預防宜於治溫熱之時少用清表痧疹之藥不然恐其毒盤結於內不能發洩其溫熱之病亦不能愈也愚臨證數十年治愈溫熱兼痧疹者不勝計莫不於治溫熱藥中時時少加以清表痧

疹之品以防痧疹之毒內蘊而不能透出故恆有溫熱之病經他醫治療旬日不愈勢極危險後經愚爲診治遂發出痧疹而愈者今略登數案於左以爲徵實

奉天小南關馬氏幼女年六七歲得溫病屢經醫治旬餘病勢益進亦遂委之於命不復治療適其族家有幼子得險證經愚治愈因轉念其女病猶可治懇勤相求其脈象數而有力肌膚熱而乾澀臥床上展轉不安其心中似甚煩躁擬爲病久陰虧不堪外感之灼熱或其痧疹之毒伏藏於內久未透出是以其病之現狀如是也問其大便數日一行遂爲疏方生石膏細末二兩潞黨參四錢玄參天冬知母生懷山藥各五錢連翹甘草各二錢蟬退一錢煎湯兩鍾分數次溫飲下連服二劑大熱已退大便通下其精神仍似騷擾不安再診其脈較前無力而浮擬其病已還表其餘熱當可汗解遂用西藥阿斯必林二分強和白蔗糖沖水服下周身微汗透出白痧若干而愈乃知其從前展轉騷擾不安者因其白痧未發出也爲每劑中皆有透表之品故其病易還表而其痧疹之毒後亦易隨發汗之藥透出也

又奉天大南關燒鍋胡同劉世忱之幼女年五歲周身發熱上焦燥渴下焦滑瀉遷延日

久精神昏潰危至極點脈象數而無力重診卽無爲疏方用生懷山藥一兩滑石八錢連

翹生杭芍甘草各三錢蟬退羚羊角此一味另煎當水飲之煎至數次尙有力各一錢半煎湯一鍾半分三次溫服

下周身發出白痧上焦煩渴下焦滑瀉皆愈按此方卽三期第五卷滋陰宣解湯加羚羊

角也凡幼年得溫熱病卽滑瀉者尤須防其痧疹之毒內伏不能外出滑瀉則身弱恒無力托痧疹之毒外出此

方既能清熱止瀉又能表毒外出所以一藥而愈也

奉天糧秣廠科員王嘯岑之子年二十八歲周身發熱出白痧甚密經醫調治失宜遷延

至旬日病益加劇醫者又欲用大青龍湯減去石膏嘯岑疑其性熱不敢用延愚爲之診

治其周身發熱却非大熱脈數五至似有力而非洪實舌苔乾黑言語不真其心中似怔

忡又似煩躁自覺難受莫支其家人謂其未病之時實勞心過度後遂得此病參之脈象

病情知其真陰內虧外感之實熱又相鑠耗故其舌乾如斯心中之怔忡煩躁又如斯也

問其大便數日未行似欲便而不能下通遂疏方用生石膏細末三兩潞黨參五錢生山

藥五錢知母天花粉各八錢連翹甘草各二錢生地黃一兩半蟬退一錢俾煎湯三鍾分

三次溫飲下又囑其服藥之後再用豬胆汁少調以醋用灌腸器注射之以通其大便病

家果皆如所囑翌日視之大便已通下其灼熱怔忡煩躁皆愈強半舌苔未退而乾黑稍瘥又將原方減石膏之半生地黃改用一兩連服三劑忽又徧身出疹大便又通下其灼熱怔忡煩躁始全愈恐其疹出回急復爲開清毒托表之藥俾服數劑以善其後按此證既出痧矣原不料其後復出疹而每劑藥中皆有透表之品者實恐其蘊有痧毒未盡發出也而疹毒之終能發出實卽得力於此然非臨時細細體察擬方時處處周密又何能得此意外之功效哉按此證非幼科亦溫而兼疹故連類及之且俾人知溫而兼疹之證非獨幼科有之卽壯年亦間有之也

論治瘋犬傷方

瘋犬傷證甚爲危險古方用斑蝥雖能治愈然百日之內忌見水忌聞鑼聲忌食諸豆忌行糞麻之地及手摩糞麻又須切忌房事百日犯以上所忌其證仍反覆如此保養甚不易也歛縣友人胡天宗深憫患此證者不易挽救曾登紹興醫報徵求良方繼有江東束子嘉氏登報相告謂曾用金匱下瘀血湯治愈二人又繼有江西黃國材氏登報相告謂係異人傳授一方用大蜈蚣一條大黃一兩甘草一兩煎湯服甚驗如服後病者稍安靜

未幾又發再依此方續服病必愈乃可止後附有治驗之案二則皆瘋已發動服此藥始愈者按此方誠爲至善良方天宗謂俗傳冬令蛇藏土洞口啣或泥或草迨至春日出蟄口吐所啣之物犬嗅之卽成瘋犬此理可信蓋犬性善嗅有殊異之氣味輒喜嗅之是以獨中其毒而瘋後嗅人是蛇之毒遞傳於人也方中用蜈蚣一條則蛇毒可解矣又此證東氏謂曾用金匱下瘀血湯治愈兩人由斯知此證必有瘀血下之則可愈方中用大黃一兩其瘀血當可盡下又加甘草一兩旣善解毒又能緩大黃之峻攻此所以爲良方也然此方善矣而未知愈後亦多禁忌否若仍然有禁忌是善猶未盡善也而愚在奉天時得其地相傳之方凡用其方者服後卽脫然無累百無禁忌真良方也其方用片灰即檜藥之煎成片者係硫黃火翰木炭製成三錢鮮枸杞根三兩煎湯送下必自小便下惡濁之物若干而愈愈後惟禁房事旬日然藥不可早服必被傷後或五六日或七八日覺內風萌動騷擾不安然後服之方效此乃屢試屢效之方萬無閃失也枸杞根卽藥中之地骨皮然地骨但用根上之皮茲則連皮中之木用之

又吳縣友人陸晉笙於丁卯中秋相遇於津門論及此證晉笙言凡瘋狗脊骨中皆有毒

虫若將其脊骨中脂膜刮下炮作炭服之可自二便中下惡濁之物卽愈有族孫患此證
論以此方果愈然所慮者喫人之瘋犬未必能獲之也

又無錫友人周小農曾登山西醫學雜誌論治瘋犬咬傷之方謂歲己丑象邑多瘋犬遭
其害者治多無效適有耕牛亦遭此患而斃剖其腹有血塊大如斗色黧紫攪之蠕蠕然
動一方驚傳異事有張君者曉醫理聞之悟曰仲景云瘀熱在裏其人發狂又云其人如
狂者血證諦也下血狂乃愈今犯此證者大抵如狂如癲得非瘀血爲之乎不然牛腹中
何以有此怪物耶吾今得其要矣於斯用仲景下瘀血湯治之不論證輕重毒之發與未
發莫不應手而愈轉以告人百不失一其所用之方將古時分量折爲今時分量而略有
變通方用大黃三錢桃仁七粒地鱉虫去足炒七個共爲細末加蜂蜜三錢用酒一茶碗
煎至七分連渣服之如不能飲酒者水酒各半煎服亦可服後二便當下惡濁之物日進
一劑迨二便如常又宜再服兩劑總要大小便無纖毫惡濁爲度服此藥者但忌房事數
日其餘則一概不忌若治小兒藥劑減半妊婦亦可放胆服之切莫忘較按服此方果如
右所云云誠爲佳方而張君竟於牛腹中血塊悟出其功德固無量也惜傳此事者但詳

其姓未詳其名耳

東人有預防狂犬傷病注射藥裝以玻璃小管重一瓦名狂犬注射液遇有狂犬傷者於傷處皮下注射一管可無他患須忌房事旬餘他無所忌亦佳方也

香蓀附記 同邑友人張俊軒據周筱峯君云其戚某得一治瘋犬咬傷祕法其方係用白雄鷄一隻取其嘴及腿之下截連爪及其胆腕皮翅尖翎尾上翎加銀硃三錢鱧鬚三寸用綿紙三四張裹之縞麻紮緊用香油四兩浸透以火然之餘油亦澆其上燒爲炭研末黃酒送服通身得汗卽愈愈後除忌房事旬日外餘無所忌屢試屢驗真仙方也

解觸電氣

將平地掘二尺深長寬可臥一人用水潑濕將人置其中手足皆綁上鐵條凡鐵器之長者皆可用鐵條之兩端一靠手足之心一埋地中所受之電氣卽可由四根鐵條引入地中其人雖至無氣但視其全體無破處卽可救活或身有破處而頭面無傷亦可救活此係奉天相傳之方似甚有理愚曾將此方登於紹興醫報一百十二期至一百十九期有古欽某郵報

原署名廣
告即此六字

言年前在歙鄰村湖田有一賣魚乾者將午觸電死於路其弟爲之卽時拯回置家門外泥土上因窶貧不能殮多方告貸夜半殮具始備行將殮矣其人忽醒共相驚異後知所觸電氣久之爲泥引出是以復活今參閱張君解觸電之方信爲確有效驗之若有觸電而死者不可卽時入殮須照張君所登之方救之最好去衣今仰臥泥窟中兼用綁鐵條之法當可能救活也

閱此報告之文因憶愚在籍時有鄰村星馬村于姓壯年赴城趕集三人同行途中逢雨于姓行在前後行者見前有電光下徹且有聲如小爆竹雷聲遠聽則大近聽則甚小于姓勿仆於地視之無氣其二人一爲看守一往家送信及家中來人于姓已復活此亦因久臥濕泥中而雷氣盡解也後愚與晤面詢之言仆時初不自覺及醒後則周身骨節作疼數日方愈由斯觀之觸電氣者但久臥濕泥中卽可救愈若更用手足綁鐵條之法救愈當更速也雖云頭面破者難救然亦當以此法救之不可輕棄人命也

附錄外傷甚重救急方

（神授普濟五行妙化丹）

治外傷甚重其人呼息已停或因驚嚇而猝然悶覺甚至氣

息已斷急用此丹一厘點大眼角男左女右再用三分以開水吞服其不知服者開水冲藥灌之須臾即可甦醒並治一切暴病霍亂痧證小兒癩痢火眼牙疳紅白痢疾等證皆效爰錄其方於左

火 硝八兩 皂 礬二兩 明雄黃一兩 辰 砂三錢 真梅片二錢 共爲極細末瓶貯勿令泄氣

此方爲天門縣友人崔蘭亭所傳崔君爲湖北潛江紅十字分會張港義務醫院院長恆以此方救人爰錄其來函於左

戊辰冬本鎮有吳姓幼童年六歲由牛馬廠經過一牛以角抵入幼童口中破至耳邊血流不止幼童已死此童無祖無父其祖母及其母聞之皆嚇死急迎爲挽救卽取食鹽炒熱熨丹田用妙化點大眼角幼童卽活再用妙化丹點其祖母及其母大眼角須臾亦活再用灰礬養將幼童內外洗淨外以膠布貼之加綁扎內食牛乳三日後視之已生肌矣又每日用炭礬養冲水洗之兩旬全愈愈後並無疤痕

又民國六年四月中旬潛邑張港一婦人二十餘歲因割麥爭界言語不周被人舉冠

踣仆地而死經數醫生有用吹鼻者有用鵝換氣者有用烏梅擦牙者百方千方種種無效惹事者全家監押於法廳其家所請律師謝龍文君求爲往視其身冷如冰牙關緊閉一日有餘矣而其胸猶微溫急用妙化丹點其大眼角用食鹽二斤炒熱作兩包熨其丹田輪流更換得煖氣以助生氣二炷香之久牙關已開遂用紅糖沖開水服之卽活用妙化丹點大眼角男左女右因大眼角名睛明穴此處竅通則百竅皆通起死回生之術實自熟讀內經中來也

又乙丑季夏上旬曾治劉衣福年過四旬因分家起爭被其弟用刀傷臍下其腸流出盈盞忽然上氣喘急大汗如雨經數醫診治皆無把握因迎生速往診觀其形狀危險有將脫之勢遂急用生黃芪淨黃肉生山藥各一兩固其氣以防其脫煎湯服後喘定汗止檢視其腸已破流有糞出遂先用灰磺養沖水將糞血洗淨所破之腸又急用桑根白皮作線爲之縫好再略上磺典將其腸漫漫納進再用洋白縫將肚皮縫好又用沙布浸灰磺養水中候溫覆其上用白士林少調磺典作藥棉覆其上用綳帶紮住一日一換內服用衷中參西錄內托生肌散變爲湯劑一日煎渣再服三星期全愈

按此證未嘗用妙化丹因其傷重而且險竟能救愈洵堪爲治此重傷者之表準故連類及之且所用內托生肌散爲愚治瘡破後生肌之方凡瘡破後潰爛不速生肌者用之最效其方載三期八卷係生黃芪四兩天花粉三兩粉甘草二兩丹參乳香沒藥各兩半共爲細末每服三錢開水送下日服三次若欲將散劑變爲湯劑宜先將天花粉改爲四兩一劑分作八劑一日之間煎渣再服其生肌之力較服散藥尤效又愚答友人陸晉笙書前在中有臍下生瘡破後出尿之方較此方少丹參用之亦甚效驗能消愈至險之瘡證可參觀

醫學士表中參西錄第五期第八卷

此卷前半爲致醫界同人之書或論醫學或論養生或論學醫之法或論醫學教授之法後半爲醫界同人來函皆係用表中參西錄中諸方或卽原方略有加減以治愈諸病而來函相告或登諸各處醫學誌報相告者

致陸晉笙書

晉笙先生道鑒解溪諸著作炳照寰區弟捧讀之際恆殷景慕獨惜方域遙隔未得面聆金玉耳近閱紹興醫報登有慎重性命之論洋洋數千言歷指西醫之弊直如溫太真燃犀光徹牛渚而論中徵求同志歷序醫界之溝通中西者弟名僭列其中夫弟庸才原非能溝通中西也然讀先生之論未嘗不撫掌稱快也蓋西人雖講實驗然能驗人身之血不能驗人身之氣故西人有治貧血之藥無治貧氣之藥夫人之身中氣血並重而氣尤爲生命之根本較血更爲緊要西人因無治貧氣之藥是以一遇氣分虛陷之證卽束手無策此固西醫之大缺陷也且不獨治內傷有然也外科原爲西人之所長至瘡瘍非重用補氣之藥不愈者西人亦恆對之束手奉天高等師範學校書記張紀三因瘟病服

藥錯誤少腹腫疼後破孔五個小便時五孔中皆出尿西人謂須得割剖縫補大施手術然用手術時須先自立情願書是不敢保其必無閃失也因此未敢遽治遲延數日腎囊亦腫而潰爛舉丸透露遂昇來院中求爲診治因曉之曰此瘡潰爛深而旁達無由敷藥而下焦爲元氣所存又不可輕施割剖然亦無須割剖也惟多服補助氣血之藥而少佐以化癥解毒之品俾氣血壯旺自能自内生肌排膿外出至所破之孔皆愈小便自歸正路矣爲疏方生箭芪天花粉各一兩金銀花乳香沒藥甘草各三錢煎湯連服二十餘劑潰爛之孔皆自内生肌排膿外出結痂全愈此證始終未嘗敷藥而生肌若斯之速者全賴黃芪補氣之力也西人爲無治貧氣之藥是以對此等證而不得不爲之割剖縫補以輕試其行險之手術也又西人對於癩狂癲癇神昏等證皆謂係腦髓神經病然用藥或麻醉其神經或調補其神經鮮克有愈者奉天林布都道尹之喆嗣鳳巢患癩狂證居大連東人醫院調治年餘東人治以西法日飲以纈草_{即中藥之甘松}丁幾謂係爲調養精神之妙品然終分毫無效後來奉至院中求治知係頑痰過盛充塞其心腦相通之路因以隔閱其神明也投以大承氣湯加生赭石細末兩半同煎湯送服甘遂細末錢半降下痰涎若干

後間三日服一次服至四次全愈又小兒陰潮自京都來信言治一陸軍書記官王竹孫年四十餘每至晚八點鐘卽不省人事四肢微有抽掣甚畏燈光軍中醫官治以鎮安神經藥罔效後陰潮治以鐵鏽生地各六錢煎湯送服人參小塊三錢約服二十劑病遂脫然蓋此證乃胸中大氣即宗氣虛損不能上達腦部以斡旋其神經保合其神明所以昏不知人而復作抽掣也病發於晚間者因其時身中之氣化下降大氣之虛者益虛也其畏燈光者因其肝血虛而生熱其中所寄之相火乘時上擾腦部腦中苦煩熱故畏見燈光也是以用人參以補大氣之虛鐵鏽生地以鎮肝生血涼血未嘗用藥理其腦部而腦部自理也合之以上數則皆係探本窮源之治法西人亦知焉否乎夫弟所著之書原以衷中參西爲名非無取於西法也特深異今之崇尚西法者直以其法無所不善無所不備然以弟視之西醫尙在幼稚時代耳

復宗弟相臣書

深承厚意贈以冉雪峰溫病鼠疫問顧解決一書細閱之見其論溫病及鼠疫皆精確其論溫病也詳論其脈之變化及謂喉證痘疹皆屬於溫誠爲具有特識其論鼠疫也謂其

毒發源於腎其究歸於肺燥而有陽燥陰燥之殊實毫絲不爽至引證內經又頗見費叢苦心爲世說法蓋觀寒熱篇一歲二歲之文原爲瘰癧致發寒熱者言而其毒發於腎水名鼠瘻卽疫毒發於腎水名鼠疫其理原相通也愚在奉曾治中國銀行施蘭孫浙江人患鼠疫肢冷脈沈遲舌乾亮如鏡精神時明時憤恆作讖語知其熱鬱在中兼腎中真陰不能上達投以衷中參西錄白虎加人參以山藥代粳米湯又以玄參代知母玄參不但補腎其中心白而且空其味甘勝於苦又爲清肺肺之要藥一劑手不涼而脈起再劑而愈及觀冉君所論鼠疫肢冷脈沈遲則熱進厥回脈浮數則熱退與弟所治者若合符節冉君誠近世醫界之翹楚也楚國有才其信然乎

復傳鶴皋書

鶴皋先生雅鑒弟居恆嘗謂衛生之道在培養精神使精神壯旺以保合全身自不爲外邪所襲此乃衛生之要着也及閱本報杭州三三醫報十五期讀先生之論衛生誠爲先得我心至論西人之衛生謂皆求諸外非能保養人身之本髓尤爲不磨之論至謂石膏可以消暑每當熱時日煎服生石膏兩餘以消除暑熱識見更高人數等矣以視夫病遇陽明大熱

而猶不敢放胆重用生石膏者其識見之高下豈可同日語哉至弟對於佛老之道原屬門外漢然心焉好之偶有所見而登於誌報者非以傳道也實欲藉以訪友也及觀先生書中云云知於佛老之道研究極深時因功候未到故心不免有出入耳金剛經云無所住而生其心當日佛家六祖卽因此一語而悟道則此語之妙可知蓋無所住之心卽腦中虛靈之元神也所謂無所住而復生其心者謂此虛靈之元神時隨目光下照雖若天道下濟光明無心成化而仍覺與下焦元氣有欣欣相戀之情其心自不他走且不落頑空卽抱朴子所謂意雙則和和則增壽也弟之見解如此質諸先生以爲然否

復賓仙園書

敬復者因令友腎虛不能作強有碍求嗣代爲問方此誠不易治療之證也按此證向因勞心勞力過度且夏日汗出如洗當此之際元氣已傷其腳腫者乃氣分因虛不能宣通且下陷也醫者不知投以滋泥補腎之品氣分愈不宣通矣夫男子之生殖器名之爲勢純係氣化之貫注以充舉之茲因氣分不能宣通所以氣化不能貫注而更服當歸蘆會丸龍胆瀉肝湯以傷其陽分致陽虛自汗日久不已元氣益因之傷損所以其陽不但痿

而且縮矣蓋前之陽痿偶因氣化不能貫注此猶易治後之陽縮誠因元氣虧損其元陽之根柢已傷所以分毫不能用事夫元陽之根既在元氣若欲元陽壯旺者自當以培補元氣爲主特是人之元氣稟於先天觀第一卷元氣論自明非若後天之氣可以藥餌補助也惟內鍊家有補助元氣之法靜坐之功是也愚幸粗識門徑試爲詳細陳之其法每當靜坐之時閉目存神默運腦中自然之知覺隨目光下注丹田丹經所謂凝神入氣穴也佛經所謂北斗裏看明星也此法要處在勿忘勿助蓋忘之則一曝十寒工夫間斷助之則着於迹象已落後天故善用此功者但用腦中之元神不用心中之識神元神者無思無慮自然虛靈靈而曰虛仍屬先天識神者有思有慮靈而不虛靈既不虛則已落後天矣元氣本爲先天之氣惟常照以先天之性光則元氣自然生長陽事自然興舉矣所尤當知者若靜坐時心神易走宜暫持以後天工夫用心腎交感之法使心降腎升意念欣欣如嬰兒媾女之相戀移時其心不外馳可再用功如前此乃文火武火相濟而爲用者也究之此中消息宜善自體認非可盡以言語傳也

至其心跳耳鳴便濁諸證治以日用服食之品亦即可愈宜用生懷山藥軋作粉每用一

兩或七八錢凉水調和煑成茶湯飢時當點心用之欲其適口可加白蔗糖久之諸病自愈

復胡劍華書

劍華仁兄雅鑑著靈子術者係東人爲著此書精思十晝夜未嘗進食因悟得此術不但能使周身跳動卽一切器皿手撫之皆能令其跳動究之吾中華之哲學彼固分毫無心得故於衛生之道亦毫無補益雖周身跳動時亦形愈快然適足耗擾精神是以其人未及中壽而亡欲明衛生之理當明以術延命之法而以術延命法中有清修雙修之殊伍冲虛之天仙正理仙佛合宗柳華陽之金仙證論慧命經清修法也魏伯陽之參同契張紫陽之悟真篇雙修法也至衛生妙之尤妙者則又以呂純陽之妙丹法爲最純陽書中有更有妙丹法云云此乃本陰陽互根之理以行陰陽栽接之術只此夫婦居室之常卽均在化甲之年勤而修之亦可同登仙籙此佛經所謂軀殼禪也所謂色卽是空空卽是色也丹經所謂知其雄守其雌也所謂無欲以觀其妙有欲以觀其竅也然其道仍須得名師傳授不然雖聰明過顏閔徒索諸篇章無益也

至貴友之咯血六年病勢已危原屬不治之證初所用瀉心湯雖係治吐血之良方而用於此證實難取效後所用之山藥赭石花蕊石龍骨牡蠣諸藥亦極穩妥其如病證之不可挽回何事後追維自疑用藥之未能盡善此乃仁人君子之用心究之用藥何嘗有誤哉因思凡欬而吐血者其治法當先注意止其欬嗽弟凡遇欬嗽而吐血者若其脈象虛數恆用生懷山藥細末煑作粥送服川貝母細末一日之間山藥約服至二兩川貝末約服至六七錢川貝不苦不難多服若服之覺悶者可服西藥含糖百布聖錢許如無此藥可服鷄內金細末錢許若覺熱者可嚼服天門冬二三錢其欬嗽往往能愈欬血之證恆隨之同愈其有欬血仍不愈者可再用三七細末與赭石忌用醋淨宜用生者軋細細末等分和勻開水送服二錢其有熱者用生地數錢煎湯送服輒能奏效因其欬嗽既愈欬血亦不難治矣然此仍論尋常欬血也若兄之友其欬血六年虛弱已極又不可以此概論也

復王肖舫問內經註疏何家最善書

昨蒙寄書虛懷下問內經以何家註疏爲最善弟於內經註疏諸家所見無多自陳修園於註內經家獨推張隱菴考張氏之註原鳩合其一時同人共成之似較他家註疏爲優

然其中謬誤穿鑿之處亦復不少蓋內經一書雖傳自闕天闕地之聖神實互相授受至春秋之末始筆之於書其迭次授受之際約皆有所附會與經文以俱傳是以內經之文有非聖神不能言者有近於戰國策士誇張之語殊鮮實際者而註之者必皆一一視爲聖神語錄逐句細爲詮解此謬誤穿鑿之所由來也是以愚生平讀內經雖挨篇徧讀實非徧記亦不留意註疏而每讀至精華之處直覺其言包羅萬有不但爲醫學鼻祖一切後世種種學問實皆寓於內經之中至偶有會心之處恒若迴出註疏之外者有如弟生平慕哲學而泛覽羣書莫得宗旨後讀內經至四氣調神篇有曰使志若伏若匿若有私意若己有得乃恍悟養生之道更觸類旁通並知佛經所謂應無所住而生其心者亦此義道書所謂意雙則和和則增壽者亦此義也又嘗觀西人論地爲球形人處於地之上下實無分於上下其語甚奇及讀內經五運行六論帝問地之爲下否乎岐伯曰地爲人之下太虛之中也帝曰馮_音乎岐伯曰大氣舉之也數語乃知人在地上者固以地爲下卽人在地下者亦以地爲下故岐伯謂地爲人之下也繼又釋之爲太虛之中原大氣之所包舉實無所爲上下也西人之講地學者早包括於內經數語中也兄果有志研究內

經正不妨尋章摘句擇其至精至純之處藉以淪我性靈益我神智此所謂會心處不在多也况內經精純之處其光華流露如日月經天朗朗照人令人心目俱爽無事費心索解自能豁然貫通又何須乎諸家之註疏哉

復相臣哲嗣毅武書

毅武老世講青及來函已收到矣志學情殷懇懇欲奉愚爲師夫愚之醫學豈足爲人師哉然良驥呈材志在千里而識途之效或有時少資於老馬愚今年過化甲矣少承家訓自幼學卽留心醫藥至弱冠卽爲人疏方浮沈醫界者四十餘年猶幸精神不衰記憶如舊診病餘暇卽研究醫學而心力能到之處亦時啓新悟今特卽管窺所見及者爲世講粗陳習醫門徑其大綱約有三則

一在明藥性神農本經爲講藥性之祖勝於後世本草遠矣然亦間有不可靠之時或藥性古今有變更或地道生殖有優劣或因古人書皆口授次第相傳至筆之於書時其中不無差誤故欲審定藥性須一一自家親嘗或臨證時檢對證之藥但以一味投之以觀其效力拙著衷中參西錄中恆單用生石膏數兩退寒溫大熱單用山萸肉數兩治氣虛

汗脫單用生山藥數兩治陰虛灼熱曾單用萸仁數兩治外感結胸曾單用赭石數兩治嘔吐兼結證上下不通若此者非行險也皆幾經嘗試確知其藥之能力性質而後敢放胆用之百用不至一失也至於猛烈有毒之藥雖不敢輕施於人亦必自少少嘗試漸漸加多以確定其藥性何如乃知書之所謂猛烈者未必皆猛烈所謂有毒者未必皆有毒故衷中參西錄中所用生硫黃生水蛭諸藥而皆另有發明也

一在調藥方古人之方恆大寒大熱並用如傷寒論梔子乾薑湯梔子乾薑並用附子瀉心湯附子黃連並用生薑瀉心湯甘草瀉心湯皆乾薑黃連並用又如金匱風引湯小青龍加石膏湯皆乾薑石膏並用至腎氣丸本方原乾地黃即藥房生地與桂附同用取其涼熱相濟水火均調以奏功也後世改用熟地因其性偏於熱又恆去桂附爲六味丸性雖和平而一派滯泥較之八味之原方迥不如矣由斯知古方大寒大熱並用原各具精義衷中參西錄中拙擬之方百餘多係步趨先民規矩而少參新解可細閱也

一在審病機一證之隨時更變始終原不一致貴以吾人之精神息息與病機相赴如衷中參西錄第六卷載治一少年傷寒已過旬日陽明熱實大便燥結原是承氣湯證因脈

數恐降後不解投以白虎湯一日連進二劑冀其大便因涼潤自通也至晚九點鐘火似見退而精神恍惚大便仍未通下再診其脈變爲弦象夫弦主火衰亦主氣虛知此證清解已過而大便仍不通者因氣分虛弱不能運行白虎湯涼潤之力也遂俾單用野臺參五錢煎湯服之須臾大便卽通病亦遂愈又載治一年過七旬之媪得傷寒七八日間其脈洪長有力表裏俱熱煩渴異常大便自病後未行因其年高且煩渴太甚不敢遽用降藥投以白虎加人參湯二劑大便隨通一日降下三次病稍見愈而脈仍洪長細審病因當有結糞未下遂單用大黃三錢煮數沸服之下結糞四五枚病從此遂愈又載治一少年患傷寒經醫治愈因飲食過度反覆三四日間求爲診視其脈洪長有力投以大劑白虎湯治愈脈淨身涼毫無他證隔兩日復來相迎言病人反覆甚劇有危在頃刻之虞因思此證治愈甚的何遽如此反覆及至見其痰涎壅盛連欬吐不竭精神恍惚言語錯亂身體顫動殮服已備診其脈象和平微嫌胃氣不能暢行脈中因恍悟曰前因飲食過度而復此必又因飲食過少而復也其家人果謂有鑑前失所與飲食誠甚少愚曰此次無須用藥飽食卽可愈矣時已屆晚八點鐘至明飲食二次每次仍擗節與之病若失統

觀以上三案若少涉粗心不能細審病機卽可誤人性命是以愚每臨一險證恆心力盡
瘁古人云良工心苦愚於醫道原非良工然對於病機疑似之間莫不慘澹經營固四十
年如一日也此不足爲外人道可爲世講粗陳之耳

復冉雪峰問創建醫學堂規則書

雪峰仁兄雅鑑爲創建醫校懇懇馳書下問足見提倡醫學之深心也特是弟才庸識淺
何敢言千慮一得而重違兄命敢略陳芻蕘之言以備採擇漢趙充國云百聞不如一見
此論用兵也而用藥等於用兵故學醫者亦耳聞不如目覩醫學校當與醫院並立合爲
一事以醫院中大夫充醫學校中教員衆學生平日聞於師者及見師之臨證處方與所
言者若合符節所治之病又皆能隨手奏效則學生對於經見之證異日經手自療自然
確有把握也所可慮者教員講衍無善本講義可遵不得不仍取內經難經傷寒金匱諸
書爲講義然如此以教學生取徑太遠非闡十年之功於此等書不能卒業卽使能卒業
矣果能得心皆應手乎是以弟在醫院中教導學生不敢徒慕高遠惟授以拙著衷中參
西錄俾其自閱於難領略處亦間爲講解其中一百六十餘方需以三年之久大抵學生

能歷親弟用諸方以治愈諸證是以三年期滿皆能行道救人此非謂內經難經諸書可廢也因古籍緊要之處已粗搜羅於拙著之中而便於領會也我兄醫界國手負時重望當廣搜羣籍擷其精參以西學擇其粹獨出見解發古人所未發補中西所未備撰爲醫學新講義以教導生徒誠千古之慧業也濟世之仁術也豈不美哉兄其勉旃弟日望之矣

復劉希憲書

捧讀瑤章對於拙著溢分譽揚不禁感愧交集至推爲知道尤不敢任受今之同善社非不佳而弟未入者誠以自古設壇講道對大說法止信清修工夫此性學也至有能於性學甚了悟者而後祕密傳以命學此在釋家爲祕宗在道家爲教外別傳試觀釋家五祖傳六祖時因其偈語悟徹性功然後夜半放舟湖中授以命功其慎密竟至如此今卽入同善社其祕密者能驟聞乎蓋但修性功可使靈魂長存而不能化身若性命雙修此身可化爲玲瓏體步日月而無影久之此身化爲清氣可步雲凌空古所謂白日飛昇者此也究其道之入手不外大易一陰一陽互爲之根二語蓋陰以陽爲根則陰可長存陽以

陰爲根則陽可長存此天地之所以永久不敝也人果能學天地互根長存之理則亦可長存矣由此知獨修一身者固非房術採鍊損人利己者更非矣

宗弟相臣來函 名樹筠直隸青縣張家營人

自庚申年在鄂督署得覽衷中參西錄第一期大著欽羨無似歷試諸方莫不應手奏效如鼓桴之相應真活人之金丹濟世之慈航也今聞我兄又撰醫論凡同人本大著諸方及或有加減治愈之病證皆可附載篇末藉資參考弟謹將數年來仿照衷中參西錄治愈之案擇錄數則寄呈如有可採並乞附載醫論之後實爲榮幸之至

定縣吳錫三偕眷寓漢皋其妻病服藥罔效時弟服武昌督署務診其脈浮而無力胸次鬱結如有物杜塞飲食至胃間恆覺燒熱不下仿第二卷首方參赭鎮氣湯之義用野臺參六錢赭石細末二兩將二藥煎服胸次卽覺開通服至二劑飲食下行無碍因其大便猶燥再用當歸肉蓯蓉各四錢俾煎服病若失

蘆台北潤李子芳年四十二歲壬戌五月間因勞碌暑熱大便下血且腹疼醫者多用西洋參野於朮地榆炭柏葉炭溫瀝之品投之愈服愈危小站王紹圃余友也代寄函詢方

並將病源暨前方開示余閱畢遂爲郵去痢疾門中所載菩提丹四服每服六十粒日服一次未幾接覆函謂服畢血止腹疼亦愈極讚藥之神妙近年用此丹治赤痢及二便下血愈者甚多神妙之譽非溢美也

胞妹路姑年四十餘歲體素瘦弱久患脾胃濕寒胃脘時覺疼痛飲食減少常作泄瀉完穀不化因照泄瀉門中益脾餅原方爲製一料服之卽愈爲善後計又服一料永久祓除病根

姪女秀姑已于歸數載因患瘰癧證成癆瘵喘嗽不休或自汗或心中怔忡來函索方余揣此係陰分虧損已極所致俾先用虛勞門一味薯蕷飲每日用生懷山藥四兩煑汁兩大碗當茶頻頻溫飲之不數劑喘定汗止欬嗽亦見輕繼又兼服泄瀉門中薯蕷粥作點心用之漸漸全愈其祖翁亦業醫問此妙方出何醫書答以二方皆出自友人新著衷中參西錄因索書觀之大爲歎服余亦因知此二方之妙後恒用之以治虛勞救人甚夥

河間裘幻因年二十八歲聰敏善書寓天津法租界患欬吐血且咯吐甚多氣分太虛喘息迫促上焦煩熱其脈大而無力右部尤甚蓋血脫而氣亦將脫也急用吐衄門保元

寒降湯加青竹茹麥門冬各三錢一劑血止至第二劑將臺參五錢易爲西洋參一錢服之而愈方病相投效如影響洵不誤也

河間劉君仲章久仕鄂年五十餘歲漏瘡甚劇屢治不痊後兼泄瀉不止蓋腸滑不固故醫藥無靈診其脈甚小弱漸已成癆囑其用泄瀉門薯蕷鷄子黃粥一劑瀉止三服精神煥發十數日後身體復原此後凡遇虛瀉久不愈者用之屢收特效

湖北督署韓承啓慶軒寅友也其夫人年六旬素多肝鬱寢至胸中大氣下陷其氣短不足以息因而努力呼吸有似乎喘喉乾作渴心中滿悶怔忡其脈甚沈微知其胸中大氣下陷過甚肺中呼吸幾有將停之勢非投以第四卷首方升陷湯以升補其大氣不可爲鑄出原方遵註大氣陷之甚者將升麻加倍服一劑後吐出黏涎數碗胸中頓覺舒暢又於方中加半夏陳皮連服三劑病遂霍然蓋此證因大氣下陷其胸肺胃脘無大氣以斡旋之約皆積有痰涎迨服藥後大氣來復故能運轉痰涎外出此金匱水氣門所謂大氣一轉其氣水氣即痰涎乃散也從此知衷中參西錄實爲醫學家不可不備之要書也後大氣下陷證數見不鮮莫不用升陷湯加減治愈

鄂督玉子春將軍之如夫人年十九歲因瘍子過痛肝氣不暢經水行時多而且久或不時漏下前服逍遙歸脾等藥皆無效診其脈左關尺及右尺皆浮弦一息五至強口乾不思食腰疼無力乃血虧而有熱也遂將女科調經門安衝湯去芩朮加麥冬霍石斛香附米俾服之二劑血止六劑後食量增加口乾腰疼皆愈繼將湯劑製作丸藥徐徐服之月事亦從此調矣

湖北醫兵張某患歷節風證西醫名僂麻質斯服其藥年餘無效步履艱難天未涼卽着鹿皮褲診其脈浮數有力知爲經絡虛而有熱之象遂用痿廢門加味黃芪五物湯遵註熱者加知母又加生薏米鮮桑枝牛膝木通服一劑覺輕減三劑離杖五劑全愈近年用此方治痛風歷節證愈者甚多若無熱者卽用書中原方亦甚效驗

津寓獻縣劉姓之嬰孩抽綿風不已夜半詢方知病危急適存有滄州敝號春和堂按小兒風證門所製定風丹與以少許服之立止永未再犯後屢用此方皆效真保赤之良方也凡藥局中皆宜照衷中參西錄所載原方預製此丹以備不時之需

相臣詰嗣毅武來函 名燕傑

前閱紹興醫報有我師賜示習醫門徑三則捧讀之下頓開茅塞尊著衷中參西錄第二期受業反覆細閱方案之後所加精微詮解莫不口誦心維偶有會悟輒能得心應手臨證之際卽獲效果是知衷中參西錄一書奧妙無窮特患不能精心探索以領取也今敢卽管窺所得可實見諸臨證者詳錄數則以質夫子至審病用藥之處有未盡合者仍乞賜教

族嫂年三十餘歲身體甚弱於季春忽患頭疼右邊疼尤劇以致上下眼瞼皆疼口中時溢涎沫唾吐滿地經血兩月未見舌苔黏膩左脈弦硬而浮右脈沈滑知係氣血兩虛內有蘊熱挾肝胆之火上衝頭目且有熱痰杜塞中焦也爲疏方用尊著藥性解赭石下所載治安東何道尹猶女之方加減生赭石細末六錢淨山萸肉五錢野臺參生杭芍生龜板當歸身各三錢一劑左邊疼頓減而右邊之疼如故遂用前方加丹皮二錢赭石改用八錢服後不但頭疼悉愈且口內涎沫亦無惟月經仍未見又改用赭石至一兩加川芎二錢服下翌日月事亦通夫赭石向在藥物中爲罕用之品而此方用之以治顛疼以治痰涎杜塞以治月事不見皆能隨手奏效實赭石之力居多然非吾師對於赭石盡力提

俱極口讚揚燕傑何能用之而左宜右有哉

又津埠三條石宋氏婦年將四旬身體羸弱前二年卽欬嗽吐痰因不以爲事未嘗調治今春證寢加劇屢次服藥無效診其脈左部弦細右部微弱數近六至欬嗽吐痰白色氣腥臭喘促自汗午後發熱夜間尤甚胸膈滿悶飲食減少大便秘結知其已成癆瘵而兼肺病也從前所服藥十餘紙但以止咳藥治其肺病而不知子虛補母之義所以無效爲疏方用衷中參西錄首方資生湯加減生山藥八錢玄參大生地淨萸肉各六錢生牡蠣生杭芍生赭石各四錢於朮生鷄內金甘草各二錢煎服二劑汗止喘輕發熱欬嗽稍愈遂將前方去牡蠣加萋仁地骨皮各三錢山藥改用一兩赭石改用六錢連服十劑諸病皆愈爲善後計俾用衷中參西錄泄瀉門薯蕷粥方用生山藥細末八錢煮粥調白糖服之早晚各一次後月餘與介紹人晤面言此時宋氏婦飲食甚多身體較前健壯多矣然此病本不易治故服他醫之藥數十劑寸效不見乃病者喘逆迫促竟能重用赭石以鎮安其氣何用藥之奇而奏效之捷也燕傑答曰余得名師傳受耳介紹人似未遽信因爲詳細述之乃大歎服

又族兄秦年三十餘素強壯無病壬戌中秋因在田間掘壑勞苦過甚自覺氣力不支
在壑中吃煙休息少緩須臾又復力作至晚歸家時途中步行覺兩腿痠木不仁及至夜
間兩腿抽疼甚劇適生在里其弟扣門求爲往治診其脈遲滯而細號呼不已氣逆不順
身冷小溲不利遂用衷中參西錄活絡效靈丹方加白芍三錢桂枝尖二錢生薑三片一
劑腿疼大減小便卽利身冷亦退再劑霍然全愈

又天津西門外王媪年五十七歲右膝蓋部發炎紅熱腫疼食減不眠其嗣如珍延爲診
視至其家聞病者呼號不止口稱救命其右脈洪數有力心悸頭眩舌苔白而膩大便三
日未行小便赤熱按此足徵濕熱下注予以活絡效靈丹加生石膏六錢知母懷牛膝生
薏米各四錢甘草稍一錢囑服一劑次日自能來寓其疼減腫消夜已成寐尙云右臂癢
疼又卽原方加青連翹金銀花油松節各二錢服之全愈

又族姪婦年二十餘素性謹言情志抑鬱因氣分不舒致四肢癱攣顫動呼吸短促胸中
脹悶約一晝夜先延針科醫治云是鷄爪風爲刺顫門及十指尖稍愈旋即復作如故其
脈左部弦細右部似有似無一分鐘數至百至其兩肩擡動氣逆作喘詢知其素不健壯

廉於飲食蓋肝屬木而主筋肝鬱不舒則筋攣肝鬱恆侮其所勝故脾土受傷而食少遂爲開衷中參西錄培脾舒肝湯爲有逆氣上干又加生赭石細末五錢囑服二劑癡攣卽愈氣息亦平遂去赭石照原方又服數劑以善其後

又族姊適徐姓年三十餘有妊流產已旬日矣忽然下血甚多頭暈腹脹脈小無力知爲衝脈滑脫之徵予以衷中參西錄固衝湯加柴胡錢半歸身二錢服藥三劑卽止俾繼服坤順至寶丹以善其後

又族孀母年四十餘歲身體素弱因境遇不順又多抑鬱癸亥十月下旬忽患頭疼甚劇已三日矣族叔來舍俾生往診及至聞呻吟不已臥床不起言已針過百會及太陽兩處均未見效其左脈微細如絲按之卽無右脈亦無力自言氣息不接胸悶不暢不思飲食自覺精神恍惚似難支持知其胸中之大氣下陷也其頭疼者因大氣陷後有他經之逆氣乘虛上干也遵用衷中參西錄升陷湯原方升提其下陷之大氣連服數劑全愈

又天津裕姓堂藥局同事曹希賢年二十五歲自春日患吐血證時發時愈不以介意至仲冬忽吐血較前劇欬音啞面帶貧血胸中煩熱食少倦怠屢治罔效來寓求診左脈

細弱右脈則弦而有力知其病久生熱其胃氣因熱上逆血卽隨之上升也爲開衷中參西錄寒降湯方爲其欬音啞加川貝三錢連服二劑病大輕減又服二劑不但吐血已止而欬音啞諸病皆愈

又族嫂年三十五歲初患風寒欬因懶於服藥不以爲事後漸至病重始延醫診治所服之藥皆溫散燥烈之品不知風寒久而化熱故越治越劇幾至不起後生於臘底回里族兄邀爲診視脈象虛而無力身瘦如柴欬微喘飲食減少大便泄瀉或兼白滯午後身熱顫紅確係癆瘵已成授以衷中參西錄第一卷首方資生湯加炒薏仁茯苓片生龍骨生牡蠣各三錢茵陳炙甘草各錢半服二劑身熱顫紅皆退欬嗽泄瀉亦見愈後仍按此方加減又服六劑諸病皆痊囑其每日用生懷山藥細末煮粥調以白糖服之以善其後

孫香蓀來函 名蕊榜直隸鹽山趙毛陶人

受業深痛家人遭遇疾病多爲藥誤於斯立志研究醫學上自農軒下至近代著述諸家莫不詳閱深思而卒未有心得後讀我師衷中參西錄如飲上池之水覺心目俱爽對於

醫理隔闕之處莫不豁然貫澈而臨證亦遂覺確有把握噫我師著述之功效於醫界中可謂獨有千古矣今將遵用師方所治大證驗案擇尤列左敬祈教正藉供研究

(一)用衛生防疫寶丹治霍亂驗案

民國十三年六月友人杜印三君之令堂得霍亂證上吐下瀉轉筋腹疼六脈閉塞生診視後爲開衛生防疫寶丹方共研作粉每次服一錢服第一次吐瀉稍止服第二次病卽痊愈

斯年初冬陳列所第一科科長鄧子輔君之兒媳得霍亂證時已夜半請爲診視吐瀉轉筋六脈皆無心中迷亂時作譫語治以衛生防疫寶丹初服仍吐服至二次脈卽徐出而愈

民國十四年六月英界友人劉香南君之令正得霍亂證香南冒雨至陳列所請爲診視因日前其長子得熱瀉病經津埠名醫數人治皆不效生爲治之立愈故其心中甚相信也適天津縣地方物產展覽會是日開幕實不能往細詢病狀爲開衛生防疫寶丹方服之卽愈

民國十六年五月陳列所第三科科長趙信臣君之令堂得霍亂證先延針醫放血不愈請爲診視其手足逆冷脈乍有乍無頭出冷汗吐瀉轉筋俾服衛生防疫寶丹八十粒藥力未行卽吐出繼服一百二十粒吐瀉卽止翌日病大見愈胸中覺悶仍欲作嘔診其脈細數又因年高爲疏急救回陽湯方重用赭石硃砂一劑而愈

按霍亂一證古今中外無必效之方惟我師所擬之衛生防疫寶丹如金針暗渡無論病固之或涼或熱病勢之如何危險投以此丹莫不立愈效如桴鼓之應真千古未有之奇方普渡衆生之慈航也

(二)用升陷湯治大氣下陷驗案

民國十五年冬河東友人翟桐生之令堂乳部生瘡疼痛難忍同事王德三君約往診視翟君言昨日請醫診治服藥一劑亦不覺如何惟言誓不再服彼醫方藥生診視時其脈左關弦硬右寸獨微弱口不能言氣息甚微病勢已危險萬分生斷爲年高因病瘡大氣下陷爲開升陷湯以升舉其氣又加連翹丹參諸藥以理其瘡一劑能言病人喜甚非按原方再服一劑不可後生又診數次卽方略爲加減數服全愈後遇此證數次亦皆用升

陷湯加減治愈

按大氣下陷之理古今方書皆未發明是以遇此證而誤治者比比皆是獨我師本生平大慧力以錢爲大慈悲擬得升陷湯諸方能使大氣之陷於九淵者可升至九天雖病至垂危之候服之皆立能回生卽擬之九還神丹曷以過焉凡醫界同人志在活人者可不於此諸方加之意乎

(二)用安衝湯治愈下血證驗案

民國十三年七月友人張竹蓀君之令堂因籌辦取兒媳事勞心過度小便下血不止其血之來漚漚有聲請爲診視舉止不定氣息微弱右脈弦細左脈弦硬爲開安衝湯服後稍愈翌日晨起忽然昏迷其家人甚恐又請診視其脈尙和平知其昏迷係黃芪升補之力稍過遂仍用原方加赭石八錢一劑而愈

家族孀有下血證醫治十餘年時愈時發終未除根民國十五年六月病又作請爲診視治以傅青主女科治老婦血崩方遵師訓加生地黃一兩一服卽愈七月病又反覆治以安衝湯方以其心中覺涼加乾薑二錢一劑病又愈

斯年初秋佃戶李姓之女年十七歲下血不止面唇皆白六脈細數治以安衝湯重用山黃肉三劑而愈

(四)用生石膏治溫病驗案

民國十三年八月財政廳友人張竹孫之女公子發熱甚劇來詢方爲開生石膏一兩半煎湯飲之其熱仍不稍退又來詢方答以多煎石膏水飲之必能見愈竹孫購石膏數兩煮湯若干渴則飲之數日而愈

斯年初冬因兵革不靖請假旋里適生佃戶郭姓之女得傷寒證三四日間陽明熱勢甚劇面赤氣粗六脈洪數時作譫語爲開寒解湯因胸中覺悶加瓜蒌仁一兩一劑病愈
民國十四年春同所僉品三君傭傭之子來津學木工因身體單薄又兼天熱得溫病請爲診視脈浮數而滑舌苔白厚時時昏睡爲開清解湯生石膏用一兩爲其脈數又加玄參五錢一劑病愈

民國十六年孟春同事趙明仲君江蘇人得溫病請爲診視滿面及口內皆腫舌苔灰膩而厚兩寸脈大於尺部一倍爲開白虎加人參湯生石膏用二兩以其舌苔灰膩以生杭

苟代知母又加雲苓滑石各五錢其令親實業廳秘書張惠臣君適在座見生石膏二兩之昨舌趙君因知生治病多效服之不疑連服二劑病始痊愈以後張君有病亦請爲診治焉

斯年仲夏舍親傅立鐘得暑熱病請爲診視而紅氣粗兩寸脈弦硬而浮兩尺細數身體石而愈同時之患此證者勢多危險惟生投以此方皆能遂手奏效誠良方之可以活人也

斯年仲夏舍親傅立鐘得暑熱病請爲診視而紅氣粗兩寸脈弦硬而浮兩尺細數身體顫動爲開白虎加入參湯生石膏用二兩因其陰分虧損爲加大生地五錢玄參五錢又因脈浮加青連翹三錢一劑偏身涼汗而愈

按後世本草謂石膏煨不傷胃此誠謬說乃一倡百和流毒無窮直使患寒溫者皆入危險之境此醫學中一大障礙也我師爲悲憫所迫大聲急呼喚醒醫界謂石膏生用直同金丹煨用卽同鳩毒謂煨石膏可代沸水點豆腐是以不可用廣登報章舉世醫界奉爲規臬而流俗醫者不明化學猶堅執舊說盡惑病家誤人性命是誠孽由自作矣

馬秀三來函 奉天義縣南關人

去歲^丑舍姪洪陞患膈食延醫診治年餘無效及病至垂危諸醫束手無策有舊戚贈一良方言係衷中參西錄所載之方名參耨培氣湯服之立見功效連服十劑其病全愈後購全書讀之見書中所載共計一百六十餘方皆係先生自擬方後詮解精妙驗案屢載無一非挽回人命之金丹也

蕭介青來函 漢口太和橋屏藩里人

三年前在黃陂曾代友人田壽先作脈案一則呈請夫子賜方治其腹脹病蒙賜一方藥祇三味當歸丹參代赭石無異金丹服後瘀血由大便而下者數升旋即病愈由此田君習醫請精畫肖像者照衷中參西錄所載尊容放大懸於中堂早晚朝拜青每日陪參因同席研究醫學數年不敢以瑣屑上呈者知夫子診務紛繁著述懃懃恐瀆清聽耳七八年來讀夫子衷中參西錄及分載各醫報之鴻論遵法施治全活無算真是無方不效其所最效者用十全育真湯治愈同學朱鳳巖之夫人虛勞病此病曾經漢臬著名西醫江徐二君診治年餘化費千元不但無效而且備後事矣青見其所患與十全育真湯主治之病相同

爲書原方服之四劑病若失羣驚爲神因將衷中參西錄徧示衆人卽迷信西醫者視之無不服夫子立方之善醫學之精矣又用陽濟醫誌所載夫子論肺病治法按期用藥治愈余香亭周丁氏二人此皆西醫辭而不治之證也夫子費盡心血著書傳方全活生命已不勝計善人得厚報青拭目而待焉所有懇者夫子前撰之西藥注射法用以止血清血治痢疾霍亂等證載於秦縣鐸聲醫報有益醫林非淺不幸此報青所存者不知何以忽失今欲照法學習依據無從此時秦縣醫報已停止出版無處購買不得已仍敬求夫子將注射之法及注射所需之藥料並注射後以何中藥善後撰一篇登諸各處醫學誌報以公諸醫界俾學者皆有所取法不惟青一人感激莫名凡我醫界中人應莫不爭先快靚欣喜異常也夫子以啓迪後進爲懷諒能俯允所請歟

周禹錫來函 名榮珪四川涇南人

久承師訓獲益良多景慕之誠莫可名狀今特將仿用衷中參西錄中諸方論治愈險證教則膽清恭呈函丈其有病雖治愈而所用之方未盡脗合者仍乞夫子多賜指教是所切盼

楊姓女年十九歲出嫁二載月事猶未見身體羸瘦飲食減少乾欬無痰五心煩熱診其脈細數有力仿用衷中參西錄資生湯方用生山藥一兩於朮二錢牛蒡子三錢玄參五錢生地黃四錢生鷄內金一錢連服五劑熱退欬減食慾增加遂於原方中去生地倍於朮又服三劑汎潮忽至共服二十劑全愈

程姓男孩年五歲乳哺不足脫肛近四載醫不能治其面白神疲身體孱弱大腸墜出二寸許用手塞入旋又墜出其脈濡弱無力呼吸促短狀若不能接續知其胸中大氣下陷下焦之氣化因之不能固攝也仿用衷中參西錄升陷湯方用生箭芪四錢知母二錢桔梗柴胡升麻各一錢潞參淨黃肉各三錢煎湯一盅分兩次溫飲下連服二劑肛卽收縮乃減去升麻再服三劑全愈

熊姓叟年近七旬精神矍鑠平素喜服熱藥桂附參茸諸品未嘗一日去口十餘年間安泰無病自以爲服熱藥之功而不知其因稟賦敦厚也客秋患白痢醫者見其平素多服溫補疑其體弱受寒治以附子理中湯不效旋又利下清穀腹中痛滿直認爲寒瀉無疑仍投以大劑附子理中湯雜以消道之藥服後病益劇繼增發厥醫者斷爲高年氣血兩

虧病在不治其壅魏君倩生往診以決吉凶其脈沈伏幾不見莫辨虛實舌上無津惟目光閃灼有神言語急促似喘所下臭極惡直斷爲熱邪內伏陽極似陰之候擬用生石膏四兩生山藥鮮石斛各一兩白頭翁天花粉各五錢爲方病家覩方駭甚生曉之曰尊翁資稟甚厚宜享高年其平素過服熱藥而能受者亦稟賦過厚之故然附子有大毒含麻醉性如阿片然久服雖未見害而藥癮已成其毒性與血化合真陰已暗耗甚多矣今病若此顯係腸胃之陰液中含有稀鹽酸能化食已竭而失其濡潤消化之力故下利清穀以其臭惡似熱釀成故確斷其爲熱無疑且四肢發厥熟傷筋也熱深者厥亦深因內有伏熱故厥而手足搐搦也目爲五臟之精華今日光閃灼陽有餘也言語急迫火逆上衝也若不急急瀉熱救陰恐有頃刻亡陰之勢病家聞之似有會悟始敢將藥煎服後諸病未退轉加煩躁知藥劑猶輕不能勝病也遂仍用前方將生石膏倍作八兩煎湯數杯徐徐服下一日夜連進二劑厥止手足已溫下痢亦疏再倍加生山藥爲二兩又服二劑其痢已愈強半乃將石膏減爲二兩去白頭翁加白芍五錢甘草三錢又服三劑病始霍然按醫界多忌用生石膏謂煨之始不傷胃獨夫子則謂石膏生用其性涼而能散以治外感實熱直

同金丹若煨之則性專收斂能將外感之痰火斂住直同鳩毒此誠開天闢地之名論也
惟篤信師訓故敢放胆重用生石膏以挽回此垂絕之人命也

曾姓媪年過六旬春間患溫病醫者見其年老體弱於桂麻羌獨發表藥中雜以歸芎養
血等藥服後神識漸昏舌苔燥黑身熱而厥其家人惶急日更十餘醫咸云莫救延生往
視時氣息奄奄僅存一線其脈細數欲絕動而中止心憺憺然大動舌卷乾黑煩燥不寧
汗出如油證本不救躊躇再四強爲擬復脈法以救其逆方用生龜板生龍骨生牡蠣生
地黃各一兩生杭芍六錢生棗仁五錢大麥冬粉甘草各八錢花旗人參四錢濃煎汁一
大盅俾分兩次服初服一次煩躁益甚病家恐極生曉之曰此勿恐藥輕不勝病也再服
一次卽安矣遲片時將餘一半服下沈沈睡去約三點鐘始醒醒後神識漸清再診其脈
猶無起色俾將藥渣煎服明晨往診脈息稍和仍有結象據云昨夜思食已進藕粉羹半
盞生俾其再服時可改用山藥粥至所服之藥仍用前方一劑病勢大減三劑後已起床
矣繼用益胃養陰之藥調理數日全愈生因熟讀衷中參西錄見書中之方龜板龍骨牡
蠣芍藥諸藥皆生用取其涼潤滋陰本性純全生效而用之如此重病竟能隨手奏效誠

得力於師訓者多也

張讓軒來函 直隸唐山老莊之人

自去秋得讀貴著朝夕研究深歎先生於軒岐妙法獨具機杼而仲景之心傳昭然若揭融貫中西抉精闡微涵蓋羣倫莫名崇仰鄙人得之茅塞頓開奉之如至寶茲有大證三人用先生法而起者備陳於左

張灼芳年二十八歲小學教員於去歲冬月初得膏淋繼之血淋所便者或血條或血塊後則繼以鮮血溺頻莖疼屢經醫者調治病轉加劇其氣色青黑六脈堅數肝脈尤甚與以淋濁門理血湯俾連服三劑血止脈稍平他證仍舊繼按淋濁門諸方加減治之十餘劑全愈灼芳謝曰予得此證食少不寐肌肉消瘦一月有餘屢治不效病勢日增不意先生用藥如此神妙竟能挽回垂危之命愚謂之曰此非我之能乃著衷中參西錄張壽翁之大德也如此證言之非先生之妙方未有能治愈者

又堂弟价儒年二十九歲因去秋土匪橫起焚莊搶掠晝夜戒嚴价儒在城經理商務焦勞尤甚寢食不安今正遂得極虛之證兩顛汎紅氣短聲微精神頹憊醫者用玄參生地

丹皮等以滋其陰乃誤以氣短爲鬱又加枳殼以開之其氣益弱胸益滿遂迎愚往治診畢謂之曰此病以內外之證觀之陰陽俱虛之候也且脈象沈細而濇名曰虛中兼濇平且有鬱故也胸脅雖有阻滯非有實物乃腎不納肺不降也氣短聲微可徵也何堪再用開破之藥以重虛之乎遂遵虛勞門諸方補其肝腎化其凝滯數劑向愈又養之百日而始恢復原狀

又价儒之內以其夫病勢沈重深恐難起憂慮成疾心內動悸痞塞短氣醫者以爲痰鬱用二陳湯加減清之病益加劇因鑒其父爲藥所誤

其父爲遵郡名儒因下痢十餘日醫用大黃四錢降之覆杯而卒

遂停藥不

敢服此際愚正在城中爲价儒調治餘病俟愚來家求診見其滿面油光兩手尺寸之脈皆極沈惟關脈堅而有力愚曰此乃胸中大氣下陷何醫者不明如是而用清痰之二陳也今兩關脈之堅弦乃彼用藥推盪之力診際大氣一陷遂全身一戰冷汗滿額心卽連次跳動十餘次遂用大氣下陷門中之升陷湯再仿逍遙散炙甘草湯之意提其下陷之氣散其中宮之滯並以交其心腎一劑而三部平大氣固嗣因尺中太微而理氣藥及升柴等藥皆不敢用遂按大氣下陷門之意及虛勞門之法精心消息調治而愈今食量增

加氣日壯矣此三人病愈甚喜屢請愚函謝先生著書活人之德故將三人之病詳細報告於左右也

席文介來函 湖北當陽縣人

壽甫夫子德鑒敬啓者介自幼小身體羸弱氣力極不充足民紀己未秋畢業於湖北省立荆南中學校庚申夏卽在家設立國民學校因學童年幼不會聽講每上堂必大聲講演務使能懂方休如是三年已覺勞苦迨至今春忝列爲敝縣模範高小學國文教員兼高二年級主任早起遲眠疲憊異常每上堂授課恆覺氣短舌蹇講解困難有時話到舌邊不能說出因之不敢對人談話每看書不到兩行卽頭目眩暈必倒床小睡如此狀況頗感苦痛暑期歸家讀夫子衷中參西錄至升陷湯始知其病爲胸中大氣下陷遂用原方連服七劑卽覺神清氣爽逢人談話亦不畏難現到校中仍服此湯不能含去噫微夫子則介之病不能治獨恨路程遙遠不能親來受教謹草此燕語藉作感謝云爾

章叔和來函 名洪均安徽績溪長安人

言之不能適諸實用者雖揚厲鋪張動人聽聞終難取信而遠傳也學之不能有益世界

者雖文章錦繡風靡一時亦難久存而罔替也故惟經濟之學賴以治平戡亂醫藥之學賴以却疾衛生其學不同而愛國救民之心則同所以古豪傑之士不得大用於世者類皆從事醫藥藉以伸其平生之願力此范文正之矢志不爲良相必爲良醫也均不幸生而體弱多病初曾攻習儒業屢與儕輩角逐文場繼以幾爲藥誤憤而銳志學醫惟良師難逢欲然以未得真傳爲憾因廣購書籍朝夕鑽研更訂閱醫藥各報冀擴新知且得以諗識時賢之學問心折於先生者已數年矣吾道長城巍然在望獨恨未能早讀先生之書僅於諸報端少覩先生之零墨札記碎錦瓣香盡屬佳珍循環涵詠新義疊出一再觀摩不覺五體之投地也去歲仲冬旬日之間遵先生大氣詮赭石解二著之論治方法治愈兩大危險之證敢附崖略以昭確效云

一距均家二里之朱家村有馮順昌者務農而家小康其母章氏年正八秩體豐善飯一日忽覺左手麻痺漸至不能持碗越朝方食麵餅倏然僵厥坐向下墮肢冷額汗氣息僅屬人皆以爲猝中也聚商救治自午至晡遂見危殆來請均爲籌挽救簡方以老人素不服藥且口噤鼻塞恐藥汁亦難下咽耳均意謂年老久厥詎能回陽姑囑以紅靈丹少許

吹鼻中倘得嚏氣能宣通再議用藥乃藥甫吹入而嚏作似漸甦醒然呼吸甚微如一線游絲恐風吹斷先按口鼻溫度甚低音在喉中猶言誓不服藥診其脈則沈微察其瞳亦渙散遂確定爲大氣下陷但值老年勢難遽投重峻之劑爰照升陷湯方而小其劑用生箭芪一錢五分知母八分淨萸肉一錢柴胡四分升麻三分煎服須臾卽漸有轉機續進兩劑逐次平復繼俾服潞黨參每日二錢加五味子五粒廣陳皮少許頻飲代茶今春見之較未病前更倍康強矣

又距均家五里之魚鱗溪有洪瑞璋者年五十餘家素貧苦曾吸鴉片戒未多年由欬而成喘疾勉強操勞每屆冬令則加劇然病發時亦往往不服藥而自愈茲次發喘初由外感兼發熱頭痛醫者投以二活防葛大劑表散遂汗出二日不止喘逆上衝不能平臥胸痞腹脹大便旬餘未行語不接氣時或癩癧種種見證已瀕極險診其脈微細不起形狀頹敗殊甚詳細勘視誠將有陰陽脫離之虞適日前閱赭石解記其主治揣之頗合但恐其性太重鎮而正氣將隨以下陷也再四躊躇因配以真潞黨參生懷山藥野茯神淨萸肉廣橘紅京半夏龍骨牡蠣蘇子芡子等皆屬按證而擬竟與衷中參西錄中之參赭鎮

氣湯大致相同一劑病愈大半劑兩卽扶杖起行三劑則康復如恆矣前月遇之自言冬不知寒至春亦未反覆似有返老還童之嘉概感頌均德不輟口蓋其有生以來從未服過功力大著之藥今連投數劑復與病機脗合宜乎效倍尋常不亞瓊漿玉液也綜此兩證皆瀕極危地步乃因先生之方法遂得着手回生忝獲嘉譽先生殊大有造於均寸衷銘感固當永矢弗諼矣嗣此仰慕先生之情愈切思見先生之書倍殷幸近承無錫周小農先生郵來大著衷中參西錄三期及藥物學講義至寶乍得夙願喜償盥薇敬誦茅塞頓開且欣悉尙有醫論醫案二編亦卽陸續出版改良醫藥樹之先聲嘉惠學者示以門徑前途之造就正未可量也若夫以成績言之則經先生親手所治療暨用書中之方治療者人數當以萬億計此書誠先生傳道之準繩所以却疾以保命衛生以延齡識藥而加格致附案而存爲法程者靡不盡繫於茲也竊嘗細繹大旨議論則扼要而簡明製方則妥切而必效遠紹軒岐長沙之統緒旁探西歐東亞之菁華經數十年之躬親試驗成數十萬言之美善模型誠屬醫林之木鐸不啻苦海之慈航也爰不揣燕陋抒誠紀實冒昧呈質深冀先生之不我遐棄進而有以益之非願藉以告諸同道凡抱有愛國救民

之熱忱者盍爽然省悟共取師資於斯編行見國學昌明人壽增進可翹足而俟也

盧月潭來函 名保圻山東德州人

上月中旬四弟專差送來衷中參西錄三期全部急展讀有我夫子尊像猶如覩面受教景慕異常不覺以首投地再拜致敬姪數年遵斯書治愈各大證不勝紀茲略陳數則其有用藥未脗合處尤乞賜教

族姪孫雲倬患腸結證纏綿兩月有餘城內外及德州附近各名醫無人不請更醫數十人服藥百餘劑不但無效轉大增劇伊亦以爲無人能治無藥可醫氣息奄奄殮服已備後接夫子信曾爲去信服衷中參西錄中結遂攻結湯卽携衷中參西錄往視幸伊心神未昏將緒遂攻結湯方查

出示之伊素知醫臥觀一小時卽猛起一手拍胸言我病卽愈幸不當死立急派人取藥服後片刻腹中大響一陣自覺其結已開隨卽大瀉兩三盆停約兩句鐘又瀉數次其病竟愈隨卽食山藥粉稀粥兩茶杯繼用補益濡潤之藥數劑以善其後伊之全家至今永感不忘

崇台五家兄患偏枯延醫十餘人調治兩年餘終未見效後又添眩暈終日自覺不舒後

姪查照衷中參西錄各方加減用臺參黃芪淨黃肉各一兩龍骨牡蠣各六錢玄參五錢
秦芩虎骨膠鹿角膠二膠膠
化兌服各三錢共九味爲方日日常服雖未大愈而頗見輕減至今

一離此藥卽覺不舒去年八月因數日未服藥忽然眩暈心神忙亂大汗淋漓大有將脫
之勢猶幸家中存有斯藥兩劑趕緊隨煎隨服頭煎服完心神大定汗亦卽止一夜安睡
明日照常蓋家兄之證陰陽俱虛故一離此藥卽危險如是也然治病貴乎除根擬得暇
自到院中面述詳細敬求夫子特賜良方家兄之病當有全愈之日也

又五家嫂及內子兩人係因家務心力煎勞自覺無日不病者五家嫂怔忡異常每犯此
病必數日不能起床須人重按其心終日面目虛浮無病不有而內子則不但怔忡寒熱
往來少腹重墜自汗盜汗亦無定時而目手足及右腿無日不腫而兩人丸藥日不離口
不但無效更漸加劇後姪查衷中參西錄大氣下陷一切方案確知兩人皆係大氣下陷
無疑服升陷湯數劑並加滋補之味而各病若失現今均健壯如常矣

又介受族嫂因逃荒驚恐又兼受暑致患痢兩月餘服藥無效益加沈重姪爲開烏梅六
個山查兩半煎湯送服益元散四錢去皮鴨蛋子四十粒煎藥渣時亦如此送服二劑病

若失後介受兒見姪云我弟如此妙方果從何處得來真不亞仙丹矣姪卽答云此有名師傳授非弟之能也因詳述得力之由介受兒亦殊歎服略將家族中所治愈者數則錄出以敬質諸夫子其餘所治諸案容異日進謁時覲面述之

董壽山來函 名仁清滄縣董程家人

壽甫夫子函丈睽違塵教轉瞬一載景仰之忱時形夢寐蒙惠賜衷中參西錄三期版診治之暇卽捧讀不釋於手但學陋識淺難悟玄妙惟遇有與書中證脈顯然者遵法施治無不應手奏效衷中參西錄一書真可爲濟世之慈航也謹將所治緊要之案詳列於左病雖治愈而用藥有未盡合仍乞賜教

邑趙家莊趙紹文患溫病醫者投以桂枝湯覺熱渴氣促又與柴胡湯熱尤甚且增喘嗽頻吐痰涎不得臥者六七日醫者謂病甚重不能爲矣舉家聞之惶恐無措伊弟紹義延爲診治既至見病人喘促肩息頭汗自出表裏皆熱舌苔深灰縮不能言急診其脈浮數有力重按甚空因思此證陽明熱極陰分將竭實爲誤服桂枝柴胡之壞證急投以白虎加入參以山藥代粳米湯更以玄參代知母連服兩劑渴愈喘止脈不浮數仍然有力舌

仲能言而痰嗽不甚見輕繼投以從龍湯去蘇子加人參四錢天冬八錢服七劑全愈
又紹文之族弟婦年三十二偶得外感醫者與以麻黃湯出大汗二次竟身軟無力胸滿
氣短寒熱如瘧間日一發非大汗一身熱不能解解後汗仍不止有本莊醫者投以截瘧
七寶飲寒熱更甚診其脈浮大無力沈部緊濇謂病家曰此非瘧疾脈浮大無力者大汗
亡陽也沈部緊濇者血塞凝滯也病人云曩以產後受寒致少腹作疼已二年矣答曰亡
陽急證宜先回其陽瘀血證從緩從末治之可也爲開生黃芪八錢野臺參五錢知母附
子於朮各三錢肉桂甘草各二錢服二劑而寒熱不發汗止思食逾三日又爲開理衝湯
知母減半加附子二錢生水蛭三錢進七八劑瘀血行而愈今生一女矣
又一趙姓婦年二十餘產後八九日忽得溫病因誤用熱藥發汗致熱渴喘促舌苔乾黑
循衣摸床呼索涼水病家不敢與脈弦數有力一息七至急投以白虎加人參以山藥代
粳米湯爲係產後更以玄參代知母方中生石膏重用至四兩又加生地白芍各數錢煎
湯一大碗分四次溫飲下盡劑而愈當時有知醫者在座疑而問曰產後忌用寒涼何以
如此放胆重用生石膏且知母玄參皆係寒涼之品何以必用玄參易知母答曰此理俱

在裏中參西錄遂於行篋中出書示知醫者細觀移時始喟然歎服

又馬家莊外祖家表妹字於孫慶屯張姓因產後病溫服補藥二十餘劑致大熱大渴大汗屢索凉水醫者禁勿與飲急欲投井及生視之舌黑唇焦目睛直視譫語發狂診其脈細數有力問其小便赤澇大便紫黑粘滯不甚通利蓋以產後血虛又得溫病兼爲補藥所誤以致外邪無由而出內熱如焚陰血轉瞬告罄急投以白虎加人參湯仍用山藥玄參代粳米知母服後一夜安穩黎明旋又反覆熱渴又如從前細思產後血室空虛邪熱乘虛而入故大便紫黑宜調以桃仁承氣湯以下其瘀血邪熱當隨之俱下因小便赤澇膀胱蓄熱又加滑石四錢甘草錢半乃開藥房者係其本族謂此藥斷不可服病家疑甚復延前醫相質前醫謂此病余連治三次投以溫補藥轉劇昨服白虎加人參湯既稍見輕想服承氣湯亦無妨也病家聞之始敢煎服因方中大黃重用六錢俾煎湯一盅半分三次溫飲下逾三點鐘降下大便如膠漆者二次鮮紅色者一次小便亦清利脈淨身涼而愈

又外祖家親濤表弟由過力而得溫病五六日竟熱渴飲冷譫語不識人脈洪數有力左

寸尤甚夫溫病之脈右盛於左者其常也今則脈象如此當係熱邪傳心亂其神明是以昏憤殊甚急用犀角三錢羚羊角二錢生石膏二兩甘草錢半煎湯一大碗分三次溫服每次送服硃砂細末四分盡劑而愈

又王御史莊趙希賢之子年十九歲偶得溫病醫者下之太早大便轉不通者十八日熱渴喘滿舌苔乾黑牙齦出血目盲譫語腹脹如鼓臍突出二寸屢治不效忽大便自利完穀不化隨食隨卽瀉出診其脈盡伏身冷厥逆氣息將無乍臨茫然不知所措細詢從前病狀及所服之藥始悟爲陽極似陰熱深厥亦深也然須用藥將其滑瀉止住不復熱邪旁流而後能治其熱厥遂急用野臺參三錢大熟地生山藥滑石各六錢服後瀉止脈出洪長滑數右部尤甚繼擬以大劑白虎加人參湯生石膏重用至八兩竟身熱厥回一夜甚安至明晨病又如故試按其腹中有堅塊重按眉縈似疼且其腹脹臍突若此知其內有燥糞甚多遂改用大黃一兩芒硝六錢赭石萸仁各八錢煎湯一大盅分兩次溫飲下下燥糞二十七枚而愈

又朱程家林朱姓婦產後旬餘甚平順適伊弟來覲午後食糞包一大碗伊弟去後竟猝

然昏倒四肢抽搐不省人事延爲診視六脈皆伏當係產後五內空虛驟而飽食填息胸中大氣不能宣通諸氣亦因之閉塞故現此證取藥不及急用點天突穴及捏結喉法又用針刺十宣及少商穴須臾欬吐稠痰若干氣順腹響微汗而愈

閻兆元來函 名國慶奉天桓仁縣女子師範學長

前歲有門人因事至瀋歸以先生所著之衷中參西錄相贈慶每於課餘之際捧讀不置所謂實獲我心者也繼有鄰居求爲治病辭之不獲因採用書中各方無不立奏膚功而尤以治大氣下陷及痢證爲最有效客歲家慈得大氣下陷證慶以向未行醫未敢率爾用藥遂聘本縣名流再三診治終無效驗遲至今歲正月初二日氣息奄奄迫不及待遂急用第四卷之升陷湯遵方後所註更番增減按證投藥數月沈疴數日全愈此皆先生所賜也獨恨雲山遙隔未得追隨杖履以親承教益耳

楊鴻恩來函 奉天鐵嶺人曾在奉天醫院從習醫學

自離函丈每懷教誨時時無忘生刻下所醫之病俱用衷中參西錄方法莫不立竿見影大起沈疴本村張氏婦得瘟病繼而小產猶不以爲意越四五日其病大發徧請醫生均

謂瘟病小產又兼邪熱太甚無方可治有人告以生自奉天新歸其夫遂造門求爲診治生至其家見病人目不識人神氣恍惚渴嗜飲水大便滑瀉脈數近八至且微細無力舌苔邊黃中黑縮不能伸舉家泣問此病尙可救否答曰此病按常法原在不治之例然余受名師傳授竭吾能力或可挽回爲其燥熱又兼滑瀉先投以衷中參西錄滋陰清燥湯一劑瀉止熱稍見愈繼投以大劑白虎加人參以山藥代粳米湯爲其產後以立參代知母爲其舌縮脈數陰分大虧又加枸杞生地煎湯一大碗謂入生鷄子黃三枚分數次徐徐溫飲下精神清爽舌能伸出連服三劑全愈衆人皆曰神醫生曰此皆遵余師之訓也若拘俗說產後不敢用石膏庸有幸乎特是用石膏必須仿白虎加人參湯之義而以參佐之耳余師所著衷中參西錄中論之詳矣

又治本城李茶館婦人膨脹證先經他醫用蒼朮檳榔厚朴枳實香附紫薏之類辛燥開破初服覺輕七八劑後病轉增劇煩渴泄瀉又更他醫投以紫朴琥珀丸煩渴益甚一日夜泄瀉十五六次再診時醫者辭不治又延醫數人皆諉爲不治後乃一息奄奄昇至床上兩次待時而已其姻家有知生者強生往視其脈如水上浮麻不分至數按之卽無惟

兩尺猶似有根言語不真彷彿可辯自言心中大渴少飲水卽疼不可忍蓋不食者已三日矣先投以滋陰清燥湯爲脈象虛甚且氣息有將脫之意又加野臺參淨黃肉一劑諸病皆愈可以進食遂俾用衷中參西錄一味薯蕷粥送服生鷄內金細末及西藥百布聖取其既可作藥又可作飯也又卽前方加減日服一劑旬日全愈

萬澤東來函 名沛霖奉天法庫縣人

壽甫夫子惠鑒久違尊範時深孺慕自讀尊著衷中參西錄後聊慰癡思蓋日讀吾師之書卽不啻受教於尊前也門生遵用書中各方恆多奇效而其奇之尤奇直令門生感佩無已時者更在一味薯蕷飲一方也今敬爲吾師詳細述之家慈患痰喘欬嗽病三十年於茲矣百方不效且年愈高病愈進門生日夜憂思以爲不能救堂上之厄不孝孰甚焉然亦無可如何也乃於今春宿病既發又添發灼咽乾頭汗出食不下等證生雖習醫此時惟戰兢不敢處方遂請一宿醫診視云是痰盛有火孰知是肺氣與脾陰腎陰將虛竭也與人參清肺湯加生地丹皮等味服二劑非特未效遂發灼如火更添泄瀉有不可終日之勢於是不敢延醫自選用衷中參西錄資生湯方服一劑亦無顯效轉思此時方中

於朮牛蒡鷄內金等味有未合也因改用一味薯蕷飲用生懷山藥四兩加玄參三錢服一劑見效二劑大見效三劑卽病愈強半矣後乃改用薯蕷粥用生懷山藥一兩爲細末煮作粥少調以白糖每日兩次當點心服之又間進開胃之藥旬餘而安似此足見山藥之偉功迥異於尋常藥品也夫衷中參西錄中既有薯蕷飲又復有薯蕷粥方後各載有單用之治愈險證若干以尋常服食之物而深知其有殊異之功能非吾師之卓識何以及此哉

又十年春族弟婦產後虛羸少食遷延月餘漸至發灼自汗消瘦乏氣乾嘔頭暈等證此方書所謂痔勞也經醫四人治不效並添顛紅作瀉適生自安東歸爲之診視六脈虛數檢閱所服之方有遵金鑑三合飲者有守用養榮湯者要皆平淡無奇然病勢至此誠難入手幸脈雖虛數未至無神顛紅猶不搏聚若搏聚則陽陰離矣不搏聚是其陰陽猶未離似尙可治此蓋素卽陰虛又經產後亡血氣亦隨之陰不中守陽不外固故汗出氣乏其陰陽不相維繫陰愈虧而陽愈浮故發燒欬嗽頭暈其顛紅者因其部位應腎腎中真陽上浮故發現於此而紅且熱也其消瘦作瀉者以二陽不納無以充肌肉更不特腎陰虛而脾陰胃液均虛中權失

司下陷不固所必然者此是病之原委歟再四思維非衷中參西錄資生湯不可遂處方用生懷山藥二兩於朮三錢玄參四錢鷄內金牛莠子各二錢此係資生湯原方稍加重外加淨荳肉龍骨牡蠣各五錢止汗並以止瀉五劑後汗與瀉均止飲食稍進惟乾欬與發熱僅去十之二三又照原方加粉甘草天冬生地等味連服七劑再照方減荳肉加黨參二錢服四劑後飲食大進並能起坐矣惟經尙未行更按資生湯原方加當歸四錢服數劑後又復少有加減一月經脈亦通

又本年六月生在輯安外岔溝緝私局充文牘有本街邱雲閣之女年十五天癸已至因受驚而經閉兩閱月發現心熱心跳膨脹等證經醫治療未效更添翻胃吐食便燥自汗等證又經兩月更醫十數病益劇適友人介紹爲之診視脈浮數而濡尺弱於寸面色枯槁肢體消瘦不能起床蓋兩月間食入卽吐或俟半日許亦必吐出不受水穀之養並灼熱耗陰無怪其支離若是也思之再四此必因受驚氣亂而血亦亂遂至遏其生機且在童年血分未充卽不能應月而潮久之不下行必上逆氣機亦卽上逆况衝爲血海屬陽明陽明有升無降衝血卽隨之上逆瘀而不行以至作灼作脹其心跳者爲上衝之

氣血所擾也其出汗吐食者爲上衝之氣血所迫也其津液因汗吐過多而消耗所以大便乾燥也勢非降逆滋陰鎮心解瘀之藥並用不可查衷中參西錄第二卷參耨鎮氣湯及參耨培氣湯二方實爲治斯證之津梁爰卽二方加減耨石兩半當歸淨萸肉龍骨牡蠣各五錢白芍肉蓯蓉黨參天冬生鷄內金各二錢磨取鐵鏽之水煎服一劑病似覺甚病家譁然以爲藥不對證欲另延醫惟介紹人主持甚力勉又邀生再診此中諠變生固未之知也旣診脈如故決無病進之象後聞有如此情形生亦莫解因反覆思之恍悟此必胃虛已極兼胃氣上逆過甚遽投以如此重劑其胃虛不能運化氣逆更多衝激想有一番瞑眩故病似加重也於斯將原方減半煎湯一盅又分兩次溫服下並送服柿霜三錢其第一次服仍吐藥一半二次卽不吐服完此劑後略進薄粥亦未吐病家始歡然相信又連服三劑汗與吐均止心跳膨脹亦大見輕惟灼熱猶不甚減遂去淨萸肉龍骨牡蠣加生地玄參各四錢服五劑後灼熱亦愈強半如此加減服之一月後遂能起床矣適緝私局長調換生將旋里囑其仍守服原方至諸病全愈後可停藥勿服月事至期亦當自至也

賓仙園來函 名啓榮廣西柳州人

壽甫道長雅鑑向閱醫報屢覩名論卓卓爲醫界獨闢新境大放光明先生誠醫學之師表也去歲仲秋得覩大著衷中參西錄醫手捧讀如獲異珍因試其方遇心腹疼痛者數人投以活絡效靈丹皆隨手奏效

又治一婦人十七歲自二七出嫁未見行經先因腹脅作疼求爲診治投以活絡效靈丹立愈繼欲調其月事投以理衝湯三劑月經亦通三日未止猶恐瘀血未化改用王清任少腹逐瘀湯亦三劑其人從此月事調順身體強壯矣

又治一婦人年四十三歲素因家務勞心又兼傷心遂患吐血後吐血雖愈而喘嗽殊甚夜不能臥諸醫率用枇杷葉欵冬花杏仁紫苑貝母等藥治之其後右邊面顴淡紅腫起嗽喘仍不少愈後僕爲診治先投以王清任少腹逐瘀湯加蘇子沈香二劑繼服書中參麥湯八劑喘嗽皆愈

又治一男子年四十六歲心中發熱作喘醫治三年無效僕爲診視先投以書中首方資生湯遵註加生地黃六錢一劑見輕數劑病愈強半繼用參麥湯數劑病愈十之八九然

病已數年身體羸弱非倉猝所能復原望先生賜惠爲擬一善後之方既可治病又可衛生有病無病皆可常服則幸甚矣僕年齒已加長腦力記憶已非少年恨未於十年之前得讀先生書耳今蠢子嘉祥嘉聖皆學醫數年自覩先生醫書後已命於尊照前行弟子禮矣深望不棄俾得側身私淑之列異日或有問難賜以片牘以當提示栽培之恩固當永矢弗諉也

田聘卿來函 名毓珍奉天開原人

乙未春訪友赴省在作新印書局購得貴著衷中參西錄携歸因忙碌未暇細閱繼有汪漢章之內人患血痢十分危險惡候俱見醫皆束手後珍診視躊躇之間忽憶衷中參西錄中有治痢之方名變理湯遂照原方俾煎服其證頓覺清減又服一劑病若失後照此方治痢莫不隨手奏效活人甚多由此知此書誠堪寶貴深加研究恍若夜行得燈撥雲見日洵振古未有之奇編也珍內子常患腹疼疼劇時則嘔吐屢次服藥不能除根近遵書中既濟湯方加楮石吳茱萸生薑服後卽不疼不吐後又減去楮石吳茱萸連服三劑至今數月未嘗反覆計迄今遵用書中之方將至一年凡治愈喘證嘔證心腹疼痛歷節

風證約近百人而來日方長以後遵用先生之書又不知能拯救幾何人也

張右長 湖南常德縣神武巷人

本年^丑敝省久旱數月不雨赤地千里秋收失望哀鴻遍野嗷嗷待哺時下瘴氣爲災霍亂流行城鄉人民染此證而死於頃刻者隨處有之生將吾師衷中參西錄中急救回生丹衛生防疫寶丹急救回陽湯三方詳細錄出呈請縣長印刷佈告遍貼城鄉並勸殷實紳商出欸備藥救活之人不勝數又將三方詳登本埠報章傳達各縣災區無不欽佩吾師三方之效驗神奇統核此次活人約以千計多係三方所救也宜袁霖普君稱爲錫類推仁功德無量也惟城區人民病勢最重者生主張先送往美立廣德醫院注射鹽酸挽回生命於俄頃注射後昇歸再用中藥調治甚爲得法其病因久旱不雨燥氣伏於人身乘秋涼汗少發現唇焦口渴舌苔灰黑而有芒刺餘皆爲霍亂恆有之現象生用連翹心金銀花晚蠶沙玄參生芍藥麥門冬石菖蒲明雄精益元散諸藥臨證擇宜投之頗覺有效其燥熱之甚者亦間用生石膏未知當否希訓示

蔡維望來函 江蘇崇明縣協平鄉西新鎮人

前蒙賜教恍然會悟繼得先生大著益能心領神會回憶畢業中學時勞心過度致患吐血雖家祖世醫終難療治徧求名醫診治亦時止時吐及肄業大學時吐血更甚醫者多勸輟學靜養方可望痊乃爲性命計遂強抑壯志輟學家居服藥靜養病仍如舊計無所施自取數世所藏醫書徧閱之又汗牛充棟渺茫無涯况玉石混雜瑜瑕莫辨徒增望洋之歎也幸今秋自周小農處購得衷中參西錄三期閱至吐衄門補絡補管湯知爲治僕病的方抄出以呈家祖父命將藥劑減半煎服頗見效驗遂放胆照原方兼取寒降湯之義加赭石六錢連服三劑全愈從前半月之間必然反覆今已月餘安然無恙自覺身體漸強精神倍加不禁欣喜若狂而言曰苦海浮沈六度春秋自顧殘軀靈丹莫救孰意得此妙方沈疴頓消從此前途餘生皆先生之所賜也惜關山遠隔難報洪恩惟深印腦海神明常照而已僕今奉尊著若圭臬日夜披讀始知我崇風氣畏石膏如猛虎而燬用縱用生者不過二三錢乳沒龍牡等藥燬用亦不過錢卽用之對證亦何能愈病今季秋敝處張氏之女得瘟病甚劇服藥無效醫言不治病家以爲無望僕適在家叔經理之同儕公廨內與爲比鄰其母乞求強僕往視見其神昏如睡高呼不覺脈甚洪實用先生所擬

之石膏粳米湯方載三期五卷生石膏用三兩粳米用五錢見者莫不驚訝誅笑且有一老醫揚言於人曰蔡某年僅二十看書不過年餘竟大胆若此石膏重用三兩縱煨透用之亦不可况生者乎此藥下咽人卽死矣有人聞此言急來相告僕曰此方若用煨石膏無須三兩卽一兩亦斷送人命而有餘若用生者卽再多數兩亦無礙况僅三兩乎遂急催病家購藥親自監視煎取清湯一大碗徐徐溫灌下病人霍然頓醒其家人驚喜異常直以爲死後重生矣聞其事者互相傳告以爲異事且有來相質問者因曉之曰神農本經原謂石膏微寒非多用不能奏功且其性涼而能散故以清外感實熱直勝金丹煨之則涼散之性變爲收斂可代鹵水點豆腐若外感有實熱者服之能使人痰火凝滯固結不散外感之熱永無消路其人不死何待蓋人皆誤信後世本草謂石膏大寒且言煨不傷胃遂異其大寒而煨用之不知自後世本草有此數語遂誤盡天下蒼生矣余向者亦未能知近因閱現時名醫著作乃能豁然貫通因取衷中參西錄例言中所論石膏示之其人細觀一過喟然悅服繼而熱瘧流行經僕重用生石膏治愈者不勝計浸至求治者無虛日均照先生之方治之莫不隨手奏效未知何以能立諸多妙方以概治諸病真令人欣佩無

也然學無止境願先生以後益廣爲著作徧行醫界喚醒夢夢斯固僕之馨香默祝也

李品三來函 名金恆直隸滄縣城東孫家莊子人

弟長男媳年二十四歲於本年丙寅正月間患寒熱往來自因素畏服藥故隱忍不肯言迨兵革稍靜弟赴滄時尙未知也至四月初家人來迓弟言兒媳病劇回家視之雖未臥床不起而瘦弱實難堪矣診其脈弦而浮數細詢病情言每逢午後先寒後熱時而微欬無痰日夜作瀉十餘次黎明則頭汗出胸間綿綿作疼食一下咽卽脹滿難堪而諸虛百損之狀顯然盡露籌思良久爲立逍遙散方服兩劑無效因復至滄取藥適逢張相臣先生自津來滄遂將兒媳之病細述本末因相臣先生爲當世之名醫故虛心以相質也相臣先生曰以弟之意將用何方以治之答曰余擬將衷中參西錄中資生湯十全育真湯二方匯通用之可乎相臣先生曰得之矣此良方也服之必效弟遂師二方之義用生懷山藥八錢生白朮淨黃肉生鷄內金生龍骨生牡蠣鮮石斛各三錢丹參四錢連服四劑諸證皆大輕減又於原方中加三稜莪朮十全育真湯中用此一藥者因虛勞之謂之血痺也各一錢粉丹皮骨皮各二錢又

連服八劑諸病悉退飲食增加今已完全成功矣此病治愈之後恒喜不成寢玩索籌思始悟衷中參西錄有曰至哉坤元萬物資生此言天地間之萬物莫不藉土德而生長而人之臟腑氣血亦莫不藉脾土而生長也由此知我兄不徒精醫學而尤深易理闡前人之未發啓後人之蒙昧衷中參西錄一書誠於醫界大有裨益醫界同人果皆於此書精心研究醫學何患不振興哉

李曰綸來函 名恩綽直隸鹽山花寨人

壽甫仁兄道鑒弟讀書之暇喜觀方書以爲有關於衛生者甚大也無如上古之書簡奧難明自漢季以後之書又互相駁辯令人無所適從是以十餘年間所閱之書近百種而對於臨證終覺毫無把握至戊午春得讀大著衷中參西錄直如暗室得燈撥雲見日胸中疑團豁然盡釋從此臨證雖未能洞見垣一方人而已覺確有把握矣今特將本衷中參西錄中方論治愈之證數則詳陳於左以明生平之所得力其有疵瑕之處尤乞不吝指教

天津鍋店街東口義合勝皮店學徒奎祿得溫病先服他醫清解之藥數劑無效弟診其

脈象沈浮皆有有力表裏壯熱無汗投以書中寒解湯原方徧身得汗而愈由斯類考
重用生石膏知母以清熱少加連翹蟬退以引熱透表外出製方之妙遠勝於銀翹散藥
劑飲諸方矣且由此知石膏生用誠爲妙藥從治愈此證之後凡遇寒溫實熱諸證莫不
遵書中方論重用生石膏治之其熱實脈虛者亦莫不遵書中方論用白虎加人參湯或
用白虎加人參以生山藥代粳米湯皆能隨手奏效以之救人多矣推本溯源實皆我兄
德惠所及也

天津趙穉堂君夫人年四十餘歲行經過期不止諸治不效延弟診視見兩部之脈皆微
細無力爲開固衝湯原方予之服數劑卽全收功因思如此年歲血分又如此受傷諒從
此斷生育矣不意年餘又產一子安然無恙蓋因固衝湯止血兼有補血之功也又天津
張華亭君夫人年二十四歲因小產後血不止者綿延月餘屢經醫治無效診其脈象微
細而數爲開固衝湯方因其脈數加生地一兩服藥後病雖見輕而不見大功反覆思索
莫得其故細詢其藥價過賤忽憶人言此地藥房所鬻黃芪有真有假今此方無顯著
之功效或其黃芪過劣也改用口黃芪連服兩劑全愈由斯知藥物必須地道真正方效

也。

天津南關下頭王媪得病月餘，困頓已極，治於弟，診其脈六部皆弦硬有力，更粗大異。常詢其病，則胸膈滯悶，食已卽吐，月餘以來未得一飯不吐，且每日大便兩三次，所便少許，有如鷄矢，自云心中之難受，莫可言喻，不如卽早與世長辭。脫此苦惱，細思胸膈滿悶，頗似實證者，然而脈象弦硬粗大，無一點柔和之象，遂憶衷中參西錄鎖鑰湯下註云：治胸膈滿悶，其脈大而弦按之有力，此脾胃真氣外泄，衝脈逆氣上干之證，慎勿以實證治之。云云。卽抄鎖鑰湯原方予之，服一劑吐卽見減，大便次數亦見減，脈遂有柔和之象。四五劑卽諸病全愈。以後遇此等脈象，卽按此湯加減治之，無不效。如桴鼓然，非我兄精研脈理，諄諄爲醫界說法，弟何由能辨此脈也。

活絡效靈丹治氣血凝滯諸疼，按方加減大抵皆效。弟用之屢效，然間有不效之時，非方之不效，實因審證未細，所用之方未能與證脗合也。去歲仲冬，吾邑西崔莊劉耀南兄係弟之同學，病左脅掀疼，諸治無效，詢方於弟，授以活絡效靈丹方服之不應，因延爲診，視脈象他部皆微弱，惟左關沈而有力，治以金鈴瀉肝湯加當歸數錢，服一劑翌日驟下着。

干綠色黏滯之物遂鬱然而愈蓋此湯原註明治脅下揪疼由此知兒所擬方各有主證方病相投莫不神效也

至諸方之中效而且奇者用鮮梨片蘸生石膏細末以止寒溫證之嘔吐是也丁卯中秋曾治天津西廣開傅姓少年患溫證胃熱氣逆無論飲食藥物下咽卽吐出殭醫治療皆因此束手弟忽憶衷中參西錄溫病門載治毛姓媪醫案曾用此方以止嘔吐卽以清胃府之大熱遂仿而用之食梨一顆蘸生石膏細末七錢餘其吐頓止可以進食然心中猶覺熱再投以白虎加人參湯一劑全愈以茲小小便方能挽回人命於頃刻卽名之爲奪命金丹亦不爲過也

楊學忱來函 名繡章天津北營門外曹家胡同五號住址

繡章素習西醫於中醫之書雖常披閱實無心得自在天津陸軍軍醫處充差見夫子川自製衛生防疫寶丹治愈若干緊急危險之證乃訝中醫藥中竟有如此靈妙出人意料之外者丁卯季夏小兒佐朝年甫兩歲因飲食不慎偶染泄瀉已服胃腸緩和藥三次未效忽憶夫子所贈衛生防疫寶丹尚在囊中先用寸粒研細俾服下瀉遂減少隔四時又

服十粒卽全愈後十餘日姪女年三歲亦患泄瀉與以十五粒服之一次卽愈夫衛生防疫寶丹原爲治霍亂良藥而以治諸暴病皆效以治小孩暑日泄瀉亦莫不效因歎衛生防疫寶丹之妙用幾於無病不宜也

刁繼冲來函 江蘇崇明縣人

素讀大著字字金玉中醫之賴以不取締者先生之力居多也繼冲近治一伏溫病壯熱燥渴脈來洪實兼數大解十日未行欲透其邪則津液已衰恐有汗脫之虞欲通其便購並無承氣確徵細思此證乃陽明熱久真陰鑠耗遵先生重用生石膏之訓卽用生石膏三兩合增液湯加鮮金釵石斛香青蒿各三錢病家疑忌見者皆以爲藥性過於寒涼余憤然曰擇醫宜慎任醫宜專卽不信余藥請余何爲病家不得已購藥一劑俾煎湯兩盅作兩次服下而熱勢益熾病家疑藥不對證余曰此非藥不對證乃藥輕不勝病耳遂俾將兩劑並作一劑煎湯一大碗徐徐溫飲下移時汗出便通病若失衆人競推余重用生石膏之功然不讀先生書何能如此放胆哉故詳書以報知先生而先生提倡重用生石膏之功德真無量哉使醫界中人皆以先生之心爲心救人愈多矣

高視樵來函 名崇勛煙台同善社

夫子之書博大精深包含弘富固也然一種仁慈慨惻之情浩無極而語語本諸實驗不設疑陣不尙空談果能心小胆大遵用方論莫不左右逢源遂使讀斯書者苟無先入之見橫亘於胸皆能心悅誠服臨風謨拜也助於醫學本無深切之研究去秋於友人處得見大著如獲拱璧立卽函購並盡力宣傳以爲斯書多流通一部卽可多救無數之人命是以會中同人爲先生忠純信徙者已不乏人皆能遵信書中方論屢愈大證其尤者則爲海關秦君甲先此君年力方壯勇於任事實具心小胆大之天然資格當夏秋之交虎疫猖狂被聘爲煙台防疫醫院救濟醫生每遇霍亂之輕者皆以衛生防疫寶丹取效凡嘔吐瀉已極氣息瀕危之候均放胆用急救回陽湯挽救有照原方加至半倍者又多有並非霍亂經粗野針師用寬扁之針放血至數碗以致奄奄欲脫者率以數兩黃肉生山藥救其急而以大劑既濟湯善其後其有證本溫病誤針放血欲脫服既濟湯後脈象轉實大熱大渴輒用大劑白虎加人參以山藥代粳米湯石膏有用至三兩者率能得燥糞而愈且衛生防疫寶丹方傳諸四鄉救人無算據藥房云紳商富家配製此藥施舍者竟

至一百六十餘料每料以百服計當治愈輕重之證萬人以上我夫子製此方之功德爲何如哉至於勳因心鈍公忙臨證之機會轉少然丙子大病半年凡經危急三次分別以石膏黃肉山藥大劑轉危爲安以有今日此洵爲舉家感德永世不忘者再則以曲直湯治愈肝虛腿疼兩月不能履地者一人以清降湯加三七治愈吐血甚重者一人以重用赭石及既濟湯加三七治愈大口吐血瀕危者一人以玉液湯再每日用生山藥四兩煮水當茶治愈數年糖尿證一人以升陷湯加減治愈大氣下陷者三人以建瓴湯治愈腦血者四人以燮理湯加七治愈血痢二人以理衝湯治愈小女數年癥瘕至於衝氣上衝胃氣不降以降胃鎮衝湯加減治愈者指不勝屈是以同善社中同人若王惠安曲殿卿徐航塵林書丹秦甲先曲祖誼諸君皆極信仰夫子平常談及皆以張老師相稱據見傾倒之至也

劉惠民來函 山東沂水城西鄉胡家莊協濟中西藥房

今歲仲夏沂水第一學區胡家莊初級小學教員楊希古先生之次女公子淑孺年七歲患疳疾兼大便下血身形羸弱不思飲食甚爲危險前所服中西治疳積之藥若干均無

癩來寓求治後學檢視腹部其回血管現露色青微紫腹脹且疼兩顛發赤潮熱有汗目睛白處有赤絲口乾不渴六脈沈數肌膚甲錯毛髮焦枯審證辨脈知係瘀血爲恙也籌躇再四忽憶及向閱衷中參西錄見先生論田三七之特殊功能歷數諸多奇效不但善於止血且更善化瘀血遂俾田三七研爲精粉每服七分朝夕空心時各服一次服至五日而大便下血愈又服數日疴疾亦愈一味田三七治愈中西諸醫不能治之大病藥性之妙用真令人不可思議矣然非先生提倡之又孰知三七之功能如斯哉

趙利庭來函 唐山啓新洋灰公司收發課

自觀尊著後治得驗案二則敢敬報告小女一年有餘於季夏忽大便兩三次帶有粘滯至夜發熱且閉目昏睡翌晨手足驚惕肉瞶後學斷其肝風已動因憶尊著第五期二卷中先生論羚羊角最善清肝胆之火且歷數其奇異之功效真令人不可思議爲急購羚羊角尖一錢上午九點煎服至十一點周身得微汗灼熱卽退爲其藥甚珍貴又將其渣煎服三次驚惕亦愈繼服三期五卷滋陰清燥湯一劑瀉痢均愈又二小兒年十二歲右邊牙疼連右腮亦腫疼因讀先生自述治愈牙疼之經過知腮腫係外感受風牙疼係胃

火熾盛遂先用西藥阿斯必林一瓦服後微見汗繼用生石膏二兩薄荷葉錢半連服三劑全愈內子見兩次用衷中參西錄方治愈兒女之病遂含洎言曰衷中參西錄之方用之對證無異金丹若早有此書三小兒不至夭折言之若甚痛惜舉家爲慘然因從前三小兒之病與小女相似而竟未能治愈也僕今言此欲人知先生之書若早置一編以備查閱洵堪爲舉家護命之寶符甚勿若僕有晚置此書之悔也

吳宏鼎來函 安徽當陽護駕墩鎮

孟夏二十三日赤日晴天鑠人臟腑有太平圩陶國榮者因業商斯日出外買糧午後忽於路中患吐血迨抵家尙嘔不止凌晨來院求治診其脈象洪滑重按甚實知其爲熱所迫而胃氣不降也因夫子嘗推金匱寫心湯爲治吐衄良方遂俾用其方煎湯送服黑山梔細末二錢服後病稍愈而血仍不止診其脈仍然有力遂爲開夫子所擬寒降湯加廣三七細末三錢俾將寒降湯煎一大鍾分兩次將三七細末送服果一劑而愈由此知夫子對於醫藥新舊智識可謂左右逢源凡我同道研究古聖經方者豈可不參觀時賢驗友哉

王錫光來函 江蘇平臺

自觀名著衷中參西錄以來臨證之時奉爲規臬皆應手奏效今試略述之

(一)大樊莊顧子安患肢體痿廢時當溽暑徧延中西醫診治無效錫光用衷中參西錄加味黃芪五物湯治之連服數劑全愈

(二)鴻賓旅館主婦產後乳上生癰腫疼殊甚延西醫治不效繼延錫光診治其膿已成用針刺之出膿甚多第二日已眠食俱安矣至第三日忽神昏不食且頭疼其母曰此昨日受風寒以致如此診其脈微細若無身無寒熱心跳少腹微疼知非外感當係胸中大氣下陷投以衷中參西錄升陷湯兩劑全愈

(三)小兒悅生今年秋夏之交陡起大熱失音神呆閉目不食家慈見而駭甚錫光因胸有成竹定見遂曰此無憂卽用書中石膏阿斯必林湯照原方服法服後卽神清熱退第二日午際又熱遂放胆再用原方因其痰多而欬爲加清半夏牛蒡子服之全愈

(四)龍姓婦人產後腹疼兼下痢用通變白頭翁湯合活絡效靈丹治之腹疼與下痢皆愈以上各節設不讀尊著之書何以能如此神效哉

仲曉秋來函 柳河孤山子郵政局局長

曉秋素羸爲防身計故喜閱醫庚午季秋偶覺心中發涼服熱藥數劑無效遷延旬月陡覺涼氣上衝腦際頓失知覺移時始甦日三四發屢次延醫診治不愈乃病不犯時心猶清白遂細閱衷中參西錄忽見夫子治坐則左邊下墜睡時不敢向左側之醫安斷爲肝虛且謂黃芪與肝木有同氣相求之妙用遂重用生黃芪治愈乃恍悟曉秋睡時亦不能左側知病源實爲肝虛其若斯之涼者肝中所寄之相火衰也爰用生箭芪二兩廣條桂五錢因小便秘有不利又加椒目五錢煎服一劑病大見愈遂卽原方連服數劑全愈於以嘆夫子斷病之確審藥之精此中當有神助宜醫界推第一人也

高麗安鳳軒來函 高麗慶南統營郡光道面竹林里一二六七番地

謹啓者今偶得先生所著衷中參西錄及藥物學講義拜覽一過知實爲醫學上至貴至寶之救命書也漢醫自五千年流來多憑虛論理恆少實用而西人實驗雖精又未能深究性理所以世界醫學終未至昌明地位天憐生命假國手以著斯書醫學從此昌明非偶然也使人人早知斯書之出現生命何以慮乎閱之又閱欣心自湧口莫能言中心敬

謝先生之救此蒼生也四期序中言有醫論醫案猶未付梓若再圖版時可將尊著共合爲一編紙質善勒目錄詳明每篇之首皆有題綱以表內容如此精印不拘內外廣迅流傳以救生命修成佛身萬首仰慕極致美勳矣鄙人亦甚願在東方爲先生傳此書也

山西平陸縣尹彭子益致山西醫學會理事長書論衷中參西錄之內容

奉天立達醫院張壽甫所著衷中參西錄其中皆本人多年實驗之方較之醫校中各家講義錄古人成書案而不斷無裨實際者實高出萬萬卽如近今晉省發生溫病本可用石膏而往往服之致泄瀉者此非石膏之過用石膏不當之過所謂不當者既用石膏又用破氣耗津寒中敗脾之藥隨之不解其非也張君之用石膏則皆用顧元氣養津液之藥以輔之所以自言屢次實驗情形苦口婆心獨負責任知事所見醫書實以衷中參西錄爲第一可法之書其他內傷各方亦皆與山西之空氣及地點相宜擬求理事長於專校學生傳習學生每人給一部必可救許多枉死之人此書奉天立達醫院發售如經費無餘請令各縣解送學生飯費內多解送一元五角卽將此善舉做好且學生都必佩服此書個個熟習此書則同道一可立而待也

盛澤王鏡泉登紹興報論衷中參西錄爲醫家必讀之書

古今書籍極博矣此不獨各書爲然也卽醫書亦何獨不然本經內經傷寒金匱篋乎尚矣唐之千金外臺搜羅引富足備稽考至金元間劉張李朱四子出雖不無偏倚處然著書立說亦卓然成家他如吳又可戴麟郊之研究瘟疫李瀕湖趙恕軒之研究本草喻嘉言之研究肺燥魏柳洲之研究肝病聶久吾葉香巖之研究痘科王洪緒徐洄溪之研究外科吳鞠通之研究溫病王潛齋之研究霍亂其中名言精理一經開卷獲益靡窮蓋業軒岐者果能精熟以上各書則已不勝用矣乃自歐風東漸譯本之書紛至沓來若解剖學生理學病理學微菌學衛生學種種諸說引人入勝而新學說與舊學說交訐遂有冰炭不相容之勢在守舊派每訾新學爲呆滯在維新派輒詆舊學爲空虛此固當世醫學一大障礙也求其能融貫中西匯通新舊以求醫學之盡善盡美而無偏私之見存於其中者則余於張君壽甫之衷中參西錄見之斯書共八卷自擬新方百六十有奇將以其方爲理想而設乎則未嘗不施諸實驗而來也將以其方爲實驗而成乎則未嘗不根據理想而致也蓋理想以實驗徵之而自確實驗以理想索之而愈明是真能知氣化又知

形質取中西學說合一爐而鎔治之故用其方者能確審脈證不差莫不藥到病除也

虬湖盧逸軒登如皋醫報論第四期書藥物學講義之內容

名醫著作多言治驗方案及藥性發明以其爲生平得力之處不忍泯沒無聞也然歷觀古人驗方藥性往往不言其所以然則雖技通神明心參造化後世閱之震其名者訝爲奇異疑其術者視若謫語烏足開示後學法程序惟壽甫張氏衷中參西錄藥物學一書歷舉諸藥功能所驗特效各案詳晰標示未附西藥四十餘種以補中藥之不逮使後學得有指歸發古人之未發說理精博妙論絕倫誠足爲軒岐以後之功臣近代醫壇之執牛耳者也夫醫之道首重理論次重實驗不尙理論不足以參古人奧義不講實驗不足以見臨證措施斯書每說一藥必先反覆於性味形質效能炮製用量末附驗案病之表裏虛實寒熱確鑿鑿見地分明豈彼剿幾句陰陽竊幾句氣運遂率爾操觚著書立說空言襲取所可此儼者哉吾願今之醫界著作者當如張君之語語尙理論講實驗勿空空侈談五運六氣也月朔同文顏小屢氏以道院纂職赴如皋囑於醫報社購獲斯書反覆環誦廿餘日如飲芝露興味無窮因記之時乙丑小陽春月虬湖盧逸軒書於仙芝堂

中華民國二十一年仲冬上旬出版

定價大洋兩圓三角郵買者不加郵號費一次買五者外贈一部

著 者

鹽山張錫純壽甫孫銘盛
銘勳錄真

參 校 者


鹽山孫蕊榜香蓀
永定黃潤光雨巖

印 刷 處

天津東馬路六吉里
天津華新印刷局
電話五局三三八號

發 行 處

天津東門裏中西匯通醫社



內 務 部 註 冊 立 案 給 版 權 照

附錄

衷中參西錄前三期合編價兩圓三角郵買者不加郵號費一次買五部者外贈一部
衷中參西錄增廣第四期價一圓六角郵買者不加郵號費一次買五部者外贈一部
衷中參西錄第六期價一圓六角郵買者不加郵號費一次買五部者外贈一部
買全書者廉價七元一次買六部者外贈一部



